



UNIVERSITÄTS-
BIBLIOTHEK
PADERBORN

Universitätsbibliothek Paderborn

Corona Avrea S^vpere Mithram Romani Pontificis

Raynaud, Théophile

Romae, 1647

Onomasticon Pontificium, centurias aliquo illustrium Romani Pontificis
nominum, ex Concilijs & Patribus serie alphabetica comprehendens.

urn:nbn:de:hbz:466:1-10481



D I G E S T I O ALPHABETICA

Selectorum Romani Pontificis Titu-
lorum , apud Concilia
& Patres .

Additis glossis , sicubi visæ sunt necessariæ .

A

ARON Dignitate . S. Bernard. II. de Con-
fid. cap. 8.

AHuc pertinent variæ inter Aaronom &
Romanum Pontificem analogiæ , non mo-
dò quoad nomen Pontificis Maximi , &
Summi Sacerdotis , sed etiam quoad attributa & dotes .
Vterque enim fuit caput religionis ; vterque Iudex infalli-
bilis de fide , & religione , ac bonis moribus . Videsis Beca-
num cap. 7. Analogiæ q. 11. Et cap. 11. Alias præterea ple-
rasque , inter Aaronom , & Romanum Pontificem pecu-
liares analogias , considerat Roffensis ad artic. 25. Lutheri
a pag. 279. vt missa faciam , quæ de Aaronis & quorumvis
Chri-

Christianorum Episcoporum consensione differit Philip-
pus Abbas lib. de dignit. cleric. q.2.

Abel primatu. S.Bernard. II. de Cons. cap.2.

Primus, qui gratum Deo Sacerdotem egisse, & fide plu-
rimam hostiam obtulisse legatur, est Abel, Genes. 4. vt be-
nè notauit Agobardus lib. de priuilegio, & iure Sacerdotij
initio. Nam tametsi Adamum priùs sanctè Sacrificasse
non videtur dubitandum, tamen id non est Scripto ex-
pressum, sicut de Abele. Quia igitur Rom. Pontifex est pri-
mus Sacerdotum, inde ducta videtur denominatio *Abelis*,
qua eum S.Bernardus affecit; (vt ait) ob primatum.

Abraham Patriarchatu. S.Bernard. II. de Consid. cap.8.

Sacerdotij Christiani paternitas, bellè in Abrahamo elu-
cet, ex Ruperto lib. 6. in Genes. cap. 32. & idem in Pontifi-
ce cernitur. Fuit Abraham omnium Patriarcharum velu-
ti latumia, vt est apud Isaiam. Et è Petra Romanæ sedis,
excisi sunt omnes Hierarchæ, vt dicetur subnotat. 2. veri-
tate 11. Abraham à S. Antonio Epistola noua 16. dicitur
Pater Patrum, quo item titulo honestatur passim Papa.
Abrahæ nomen est, *Pater gentium*. Et eo ipso nomine, do-
natur Pontifex. Constat enim S. Franciscum, cum prædi-
xisset Vgolinum Cardinalem fore Summum Pontificem,
bac litterarum ad illum datarum inscriptione vsum; *Futu-
ro Patri gentium, & venerabili in Christo Antifiti totius mun-
di: id est futuro Romanæ Ecclesie, Episcopo*. Idque euentu est
confirmatum, cum mortuo Honorio tertio, Vgolinus Car-
dinalis Ostiensis, electus est in Summum Pontificem, & di-
ctus Gregorius IX. vt est in S. Francisci opusculis, prophe-
tia 12. Abraham item dictus est *Pater fidei nostræ*; qui titu-
lus æquè cadit in Pontificem. Nec minùs aptè cadunt in
Pontificem illæ aliæ notationes nominis *Abram* & *Abra-
ham* assignatae à Philone lib. de Gigantibus *in fine*, vbi do-
cet *Abram* significare *patrem sublimem*, *Abraham* verò si-
gnificare *patrem electum soni*, siue *patrem vocis docentem*
rectè & sanctè loqui. Videsis alias analogias quas ex cre-

K dito

dito Hieronymo Epistola de circuncisione inserta tom. 9.
adducit Turria.lib.2. contra Magdeb.cap.6.& 14. Et San-
derus lib.4.de Clave Dauid cap.5. & pleniū etiam Adam
Archidiaconus Babylonis serm. de fide cap. 1. apud Bzo-
uium anno 1330.

*Adamas fidei, cuius solidam mens agressionibus, atque confli-
ctibus aliena à fide opinionis, non est vulnerabilis. Sexta Sy-
nodus in Propheticō ad Constantīnum Imperatorem.*

Alluditur ad duritiam indomabilem adamantis, de qua
in hunc modum Plinius lib. 37. cap. 4. tractans adamanti-
s dotes ex obseruationibus scriptorum Naturalis histo-
riæ. [Adamantes Indicus & Arabicus , incudibus depre-
henduntur, ita respuentes ictum , vt ferrum vtrinque dis-
sultet , incudesque etiam ipsæ dissiliant . Quippe duritia
inenarrabilis est, simulque ignium victrix natura , & nun-
quam incalescens. Vnde & nomen *indomita vis* Græca in-
terpretatione accepit.] Inferius vocat inuictam vim, dua-
rum violentissimæ naturæ rerum , ferri ignisque contem-
ptricem. Inde indomabilia quæquæ & inuicta , adamanti-
na denominata . Sic apud Horatium figit adamantinos
summis verticibus dira necessitas , clavos. Idem Martem
tunica testum adamantina memorat . Nexus adamanti-
ni & vincula adamantina pro indissolubilibus usurpantur,
cum apud Homerum Martis ac Veneris per Vulcanum
alligationem ex fabula desribentem , tum apud Plutar-
chum in Dione cum de vinculis quibus senior Dionysius
firmissimè relicturum se astrictam monarchiam gloriatus
erat. Non multum remota denominandi causa , Orige-
nem ab ingenio laboribus infraacto & indomabili , dictum
ferunt adamantium , quod agnomen retulit quoque ex
eadem studendi infatigabilitate Dydimus Grammaticus.
Denique rationes , quæ frangi siue expugnari nequeant.
apud Platonem in Gorgia adamantina dicuntur: & quibus
animus tenax propositi, & duritiei inuictæ , apud Hesio-
dum dicuntur duro animo , creato ex solido adamante;

AAA.

ΑΝΑΓΓΕΛΙΟΝ ΕΧΕΙ ΚΡΑΤΕΡΟΦΟΡΑ ΘΥΜΟΝ. Hinc Pontifex Romanus,
 quia undequaque infractus in bono , ac præsertim circa
 Catholicam fidem , dictus adamantinus , vt infra rursus di-
 tam . V. Caput fidei; dictus est etiam adamas . Exempla in-
 domitæ aduersus omnes sæculi & Tartari vires Pontifi-
 cum constantiæ , proferam infra .

Aditus primus spiritualis ædificationis . Theophanes Ce-
ramæus Serm. de SS. Apostolis .

*Theopha-
nes*

Repræsentandus est locus integer, vt sit huic titulo vice
 Glossæ subijcientis notionem germanam huius attributi .
 [Ego (inquit) dico tibi , quia tu es Petrus , & super hanc pe-
 tram ædificabo Ecclesiam meam . Tu qui Petrus es , & petra
 fies verbi , & Ecclesiæ firmatum fundamentum ac spiritua-
 lis ædificationis primus aditus . Super hanc enim firmita-
 tem tuam , fundamentum Ecclesiæ stabit . Tali namque
 petra ac rupe collocata , reliqua dogmata firmè ac tutò
 ædificabuntur .] Haec tenus Theophanes . Itaque sensus
 est , S. Petrum fuisse in ædificio Ecclesiæ lapidem funda-
 mentarium , cui tota deinceps moles innitatur . Et quod
 de S. Petro verum fuit per tempus quo rexerit Ecclesiam ,
 verum æquè est de eius successoribus pro tempore quo ad
 clauum sedent .

Almitas paterna . S. Ignatius Constantinop. Epist. ad Ni-
colaum I.

S. Ignatius Col.

Abstractum pro concreto , ad reuerentiam maiorem , vt
 in plerisque alijs titulis videbimus . V. G. Sanctitatis , bea-
 titudinis , apostolatus , alijsque huiusmodi . Almitas ergo pa-
 terna , dicitur pro almo patre ; quod idem sonare , atque pu-
 rissimum , siue clarissimum , ait Seruius ad Eclog. 3. Festus al-
 lum pro sancto accipi docet , vt & S. Hieron. Isaiae 7. con-
 sonatque Martialis lib. 4.

Cæsar's alma dies . luceque Sacratior illa , &c.

Hæ omnes almi Patris notiones , optimè cadunt in
 Pontificem . Nec minùs item in eum quadrat ea notio ,
 qua *almus* correspondet *alumno* ; idemque est , quod nutri-
 tius .

K 2

tius. Verè enim vberibus geminorum Testamentorum, (vt loquitur Guerricus) Pontifex infantes Dei lactat, & enutrīt lacte puræ doctrinæ. Apud S. Maximum Epist. ad Petrum illustrem, inter alios titulos honorificos negandos Pyrrho iam deiecto numeratur, qui in propositum titulum recidit *Almificus*. Notat item eiusdem tituli Splendorem, quod in p̄fatione Concilij primi Moguntini, Carolus Magnus, à Patribus, vocatus est, *Almifica Reuerentia*.

Amicus sponsi. S.Bernard. Epist. 161. & 18. & 191.

Alludit ad illud Ioan. 3. *Qui habet sponsam, sponsus est: amicus autem sponsi, qui stat & audit eum, gaudet propter vocem sponsi*: Vbi Ioannes Christum cum sponso Ecclesiæ, se verò cum Paronympho componit. Ipse quippe est, qui ibi amicus Sponsi antonomasticè appellatur. Veteres *auspicem* vocabant; sicuti mulierem, quæ ex parte sponsæ præerat nuptijs, vocabant *pronubam*. Videndus Gothofredus ad tit. Cod. de sponsalibus *initio*, & quos ibi adducit. Amicum ergo sponsi se vocat Baptista, siue paronymphum, quia vniuersum Baptistæ munus, perquam affine fuit muneri paronymphi, qui conuiuio nuptiali pro sponso præerat; nec mensæ accumbebat, vt Vulgares amici atque sodales, sed agebat conuiuij Rectorem, siue Mōdiperatorem & Architriclinum, vt notauit Rupertus Ioan. II. ad illud, *Haurite nunc*: & denique sponsum deducebat ad nuptiam, ad Domum scōceri, cum nupta erat Virgo: Nam vidua ad virum deducebatur per Nymphagogum, vt notat Scaliger lib. 3. Poëtices cap. 101. Quæ omnia præstitit suo modo S. Baptista, qui vt Insignis Christi sponsi præcipuusque amicus, nuptiali conuiuio, quod à Christi aduentu celebrari coeptum est, præfuit quoad vixit: & circa sponsam Christi, Ecclesiam, vt sponsum admitteret, ei que excipiendo aptaretur, sollicitè, fategit. Idem in nuptiali illo apparatu, & super conuiuium audiuit sponsi vocem, siue colloquentis suauissimè cum sponsa, siue concinnantis carmina, & melica voce inter conuiuandum omnes exhibet.

exhilarantis, pro illius æui more de quo Cantic. 8. *amici auscultant, fac me audire vocem tuam;* Et Hieremiæ 33. *vox gaudis & vox lætitiae, vox sponsi & sponsæ:* nempè concorrentem Christum sponsum, eique succinentem sponsam Ecclesiam, audiens Ioannes, (quod contigit cum Christi prædicationem obaudire aliquos, & conuerti vidit) stetit & gaudio gauisus est, propter vocem sponsi, gratam & acceptam conuiuis.

Iuuit ista præmittere ad elucidationem loci Ioannis, quo respexit S. Bernardus, vocans Romanum Pontificem *amicum sponsi:* quo nomine Baptista ipse se insigniuit Ioan. III. Affine quippè est ei muneri Ioannis, munus Pontificis, Nuptiale enim conuiuum quandiu voluentur sæcula, hic celebratur, in fine autem sæculi, nuptiæ agni consequentur. Vide Maldonatum Matthæi 22. & Riberam in cap. 19. Apocal. vers. 7. Ex Patribus Origenem tract. 20. in Matth. Hilarium Canon. 22. Chrysostomum homil. 69. & scitè id persequentem Arnulphum Lexouensem serm. in Synodo *sub medium.* Huic ergo conuiuo nuptiali, amicus sponsi singularis, Rector conuiuij præpositus est, Christi Vicarius: ut & sponsi honori ac conuiuarum delicijs prospiciat, & sponsum ac sponsam ad Sanctos & æternos hymenæos ritè celebrandos deducat. Quod aliter dixit, is à quo hunc titulum Pontificis hausimus S. Bernardus 4. de considerat, cap. 7. Vocans Pontificem, *Amicum sponsi, sponsæ paronymphum.* Videtur S. Bernardus, *paronymphum* sumpsisse pro Nymphagogo, qui se illicet sponsam viduam deducebat ad maritum. Nam qui simpliciter & propriè *paronymphus* dicebatur, idem erat cum Nymphaute seu Patroclo; tot enim nominibus donabant, eum qui ex parte sponsi nuptijs præerat; & sponsum denique deducebat in sacerdotum ad Virginem sponsam. Bellè autem cum Nymphagogo componi potest, animarum ad Christum Mystagogus primarius Romanus Pontifex, quandoquidem Ecclesia ita virgo est, ut simul sit vidua, iuxta illud *Viduam eius benedicens bez nediz.*

nedicam, in quam rem alibi ex D. Augustino in Psalm. 131.
tractando titulum Christi sponsi.

Antistes, citra cuius autoritatem, nullo modo fieri potest,
ut res Ecclesiasticae dirigantur ad normam. S. Stephanus Iu-
nior, ut est in eius actis, reprobans Concilium Iconomachorum,
eo quod illud ratum non habuisset Romanus
Pontifex.

VI. synod. *Antistes Pontificalissimus Apostolice summitatis. Sexta Sy-*
nodus Actio. 18. in Prophonetico ad Imperatorem. Græ-
ce est. Αποστολικὸς ἀρχοντόλεος διδαχὴ τηνάτων πρεσβέως.

Antistes summa sedis. Petrus Damiani lib. 1. Epist. 7.

Antistes Ecclesiae. Damasc. Orat. de Transfig.

Antistes totius mundi. S. Franciscus Prophetia 12.

Antistes venerabilis, Apostolicae sedis. S. August. Epist. 157.

Apex Pontificatus. Iustinianus Nouella 131.

Id est summus inter Pontifices. Est enim apex, summi-
tas quælibet, metaphora ducta à summo pileo flaminum;
sic dictorum Sacerdotum, à gestatione flaminis; pileoli in-
quam, cuius summitas lanceum cornu erat; Vnde *Lanige-
ri apices*, Virgilio 8. *Æneidos*. Vide s̄is Paschalium lib. 4.
de cor. cap. 21. Qui ergo summus est inter Pontifices, me-
ritò audit *apex Pontificatus*. Idemque apud Ennodium in
Apolog. *Apex Apostolicus*, & dignitatis *apex*, dicitur. Ali-
cubi quidem *apex Pontificatus*, vel absolutè *apex*, de quo-
uis Episcopo dicitur, vt videre est apud Sidonium lib. 4.
Epist. 24. & 25. ad quem vtrumque locum Sauaro, & Iu-
retus ad Epist. 21. Auctarij Symmachi: sed cum ea deno-
minatio alijs quam Romano Pontifici tribuitur, habetur
ratio inferiorum ordinum sacræ hierarchiæ, in compara-
tione ad quos, Episcopatus est apex. Quia de causa simili-
ter, Episcopus quilibet vocatur aliquando *summus sacer-
dos*, vt infra dicetur. Antonomasti è tamen, *apex*, id est
apicum sacrorum apex, est Romanus Pontifex. Frustra ve-
rò monerem, longè alio sensu *apices sacros* dici de literis
Imperatoris aut Regis. *Sacras* absolutè vocat D. Augusti-
nus,

nus, & alij quos laudatus Sidonij Scholiaſtes adducit, ad Epift. 5. lib. 1. & Iuretus ad lib. 5. Symmachi Epift. 31. Plene de his apicibus Pancirolus lib. 1. Thesauri variar. Lection. cap. 77. V. apices.

Apex diuinus. Basili. Ephes. actio. 11. Concilij Chalcedon. initio.

Pertinet hic Pontificis titulus, ad eius summam in Ecclesia potestatem, iure diuino, non humano inductam. Videſis Epilegom. 2. veritate 4. Sanctus Leo IX. Epift. 1: hanc ob causam vocat Romanum Pontificatum apicem cœlestis dignitatis. Nisi si in utroque illo adiuncto, allusum volumus ad nomenclationem Imperatorum, quorum & diuina & cœlestis summaſ celebrabat, vt notauit Iuretus ad Symmachum lib. 5. Epift. 66. & lib. 10. Epift. 37.

Apex Episcopatus, ad quem referendum est, non ſolum de omnibus, quaꝝ poſſunt aliquando recipere dubitationem, vel quamcunque incurrire quæſitionem, verū de cœteris aequa maioriſbus negotijs Ecclesiasticis exequendis. Nicol. 1. Epiftola 32. Ex Epiftola Episcoporum Galliæ, quam collaudat; Subſcribit Rabanus Carm. ad Paschalem Papam, ſic canens præter cœtera.

Pontificalis apex, & primus in orbe, ſacerdos,

Petri ſuſſor. Pauli digniſſimus haeres.

Apex ſublimiſſimus Apoſtolatus. Laetantius Epiftola ad Nicol. 1.

Apex supremus Eccleſiarum Dei. Theodorus Studita Epiftola ad Imperatorem Michaëlem.

Apoſtolatus principatus, cui libet Epifcopatui praeferendus. S. Auguft. lib. 1. de Baptiſ. contra Donat. cap. 1.

Id eſt potiens Apoſtoli Petri potestate, & eius in praefatura vniuersæ Eccleſiae ſuſſor. Videſis p̄nnotationem primam & tertiam, & Epilegomenon 2. veritate 3.

Apoſtolicus. Iuo Epift. 95. Jonas Aurelian. lib. 3. de Imagin. in fine.

Non p̄cise ob excellentiam Apoſtoli Petri, ſuſſor eius

Leo IX

1049

Nicol. 1.

858.

Theodol. Studita

Auguft.

elius dicitur *Apostolicus*, vt philosophatur Rupertus i. de offic. cap. 27. (sic enim Antiochenus quoque esset tam benè *Apostolicus*,) sed quia *Romanus* ei successit soli *solus*, cum pari potestate, vt dictum est prænotatione 3. Et hoc est, quod voluit *Ionas Aurelian.* lib. 3. de Imag. frē in fine, vbi refellit insanam notionem à Claudio Taurinensi *Iconoclasta*, huic titulo subiectam; dixerat enim hæreticus mordens Paschalem Papam, *Apostolicus* dicitur, quasi *Apostoli custos*, vnde inferebat, Paschalem perperam denominari *Apostolicum*, qui *Apostoli custos* non esset. Eam notionem *Apostolici*, sic refellit *Ionas*. [*Paschalis* vitam, mor- su oblocutionis cerneris impetere, cum addis, *Apostolicus* autem dicitur, quasi *Apostoli custos*, cum non *Apostolo* tan- quam pædagogus, vel certè æditius adhibetur, sed tan- quam Vicarius *Apostolo* substituitur: vnde & sequens tua interpretatio quanquam vitiosè posita iuxta structuram verborum, proxima tamen inuenitur iuxta veritatis intel- ligentiam: cum dicere debueris, *Apostoli fungens officio*, ac- cusatiuum casum pro ablativo vitiosè posuisti, *Apostolicus* namque dicitur *Apostoli* similis. Vnde & *affectum Angelicum* dicimus quasi *Angelorum* similem; *urbicum ius*, simile eorum, qui *Vribus* continentur.] Hæc igitur simi- litudo cum *Apostolo* antonomasticè dicto, siue cum Prin- cipe *Apostolorum*, hoc est *Beato Petro*, recedit in illam pa- ritatem potestatis supremæ *Petro* concessæ, qua munus summi Pontificis constituitur; Ideoque *Apostolicus* cum de Romano Pontifice dicitur, idem sonat quod *S. Petri* successorem.

Sunt quidem, vel fuerunt, pluribus seculis, alij quidam Episcopi aliarum sedium, quas *Apostoli* fundarant aut re- xerant, quæ sèpè aliquando eam ob causam vocantur *Apostolice*: vt à *Tertulliano* lib. de præscript. Et ab Augu- stino Epist. 162. coque nomine *Sacrum* quaternionem Se- dium *Apostolicarum* celebrat *Ignatius Monachus* in San- ti Tarasij laudatione. Et in actis *S. Theodori Siceotæ Ser-*
gius

*Ionas
Aurelian.*

XI. 921

RT. 1

MS. 11

858

MS. 11

MS. 11

gius Constantinopol. per ijt sede Apostolica dignus esse, hoc est Byzantina, quam volunt à S. Andrea constitutam: tamen propriè & absolutè, ea tantùm sedes dicitur *Apostolica*, & eius Præsul *Apostolicus*, qui successit Apostolo aliqui, cum pari potestate Vniuersalissima & ordinaria, quam unus habet Rom. Pontif. & idcirco in Concilijs sola B. Petri Ecclesia, hoc est Romana, vocatur absolutè & absque addito *Apostolica*; quod de nulla alia sede, vel Ecclesia legitur in ijsdem Concilijs, vt diligenter persequitur Matthæus Cariophyllus lib. contra Nilum Thessalonicensem de potestate Papæ cap. 20. Nec nisi cum restrictione ex adiunctis satis perspicua Episcopatus Hierosolymitanus in Actis S. Anastasij denominatur absolutè verbo tenus, *sedes Apostolica*, cum de Modesto Episcopo.

Alias etiam quilibet Episcopi dicuntur tenere Apostolicam sedem, quatenus Episcopi, aliquatenus dicuntur succedere Apostolis. Qua ratione S. Bernardus III. de consid. cap. 4. ait, alias Ecclesias præter Romanam, esse *Apostolicas*, & Sidonius lib. 6. Epist. 1. gratulatur S. Lupo Tricassino, nouem quinquennia decursa in sede Apostolica, idest in Episcopatus; Et de Almaldo ex Abbe S. Benigni Diuonensis, Lugdunensi Episcopo, scribitur in monumentis illius domus.

*Fætus Apostolici consors & compar honoris,
Duxit Apostolicam factis & nomine vitam.*

Constantius p̄-esb. in Præfat. ad vitam S. Germani vocat S. Patientem, *Dominum Beatisimum Apostolicum*. Qui tamen dicitur absolutè *Apostolicus*, est solus Romanus Pontifex. Vnde S. Leo IX. fess. 3. Concilij Rhemensis, excommunicauit Episcopum Compostellanum; qui se denominabat *Apostolicum* ex prærogatiua S. Iacobi. Apud Petrum item Chrysologum serm. 107. quidam Episcopus Petrus nomine (quem suspicor esse ipsum Chrysologum, in cuius honorem ea concio sit habita ab alio, ideoque eius sermonibus sit inserta) videtur denominari absolutè *Apostolicus*.

L

Sed

Sed non ita est. Quod enim ibi dicitur, contigisse illi Episcopo, *Apostolici vocabulum*, & summi priuilegium sacerdotis: Apostolicus ibi & summus Sacerdos, vocatur Princeps Apostolorum, cuius nomine per Christi priuilegium assignato, hoc est nomine Petri, decorabatur ille Episcopus. Hunc esse genuinum sensum illorum verborum, monstrant ista continenter subiecta[contigit ei Apostolici Vocabulum, & summi priuilegium Sacerdotis. Neque enim absque diuino iudicio fuisse credendum est, quod prima illa viuendi rudis Infantia, tanti nominis adepta est dignitatem. Quem tunc fuisse, nisi Deum ipsum putamus, cum nescij parentes de futuris meritis iudicarent? Petrum enim vocari, in alijs appellatio nominis est, in hoc prærogativa Virtutis.] Videri etiam poterit repugnare huic titulo tanquam peculiari Romanis Pontificibus, quod S. Stephanus Rex Hungariæ, ut in eius vita recitat Chartuitius, crucem ut apud nos Metropolitanis assolet, præferri sibi curabat, Apposito hoc lemmate, *Ego sum Apostolicus*. Verùm hic Regis sanctissimi titulus, non pertinet ad rem præsentem. Nam idcirkò tantùm est denominatus *Apostolicus*, quia sub habitu militari & paludamento ac purpura, gessit opera Apostolorum, tantum populum adducens ad Christum. Quo ferè modo, in Gr̄corum hocologio 21. Maij Constantinus Imperator, denominatur *Inter Reges Apostolus Christi*. Et in Concilio 3. Toletano Recharedus Rex Catholicissimus, dicitur, [meritus Apostolicum meritum, qui Apostolicum impleuit officium.] Eius enim studio & opera, Gens Gothica, abiurato Arianismo amplexata erat fidem Catholicam. Vratislao Bohemiæ Duci, concessus eadem ex causa est usus mithræ Episcopalis, ut scribit Baronius anno 1068. Nimirūm Rex bonus, est Episcopus extra Ecclesiam, ut dixit Eusebius lib. 4. de vita Constant. cap. 24. & quia bonus & eo nomine dignus Episcopus, partes exequitur Apostoli, Rex bonus, sicut dicitur Episcopus, ita potest quoque denominari eodem sensu, *Apostolicus*; non

au-

autem in eo sensu, quo monstrauimus esse peculiare, atque præcipuum Romani Pontificis.

Præter rationem assignatam, cur successor S. Petri dicitur *Apostolicus* absolute, illa quoque assignari potest, quod & S. Petrus & eius successores, vi munera Pontificij in Romana Ecclesia, sint capita Apostolorum cœterorum; ita ut quamdiu aliqui eorum fuere superstites, directioni S. Petri & successorum eius subiacuerint. Qua ratione S. Germanus in Theoria rerum Ecclesiasticarum, reddens rationem duplicitis coronæ, quæ in capitibus sacerdotum visitur, attensione scilicet comæ, siue capillorum in orbem, & rasta summi capitis, ait, Deum prouidisse, ut duplex illa pilorum sectio, supremo Hierarchæ ab hostibus ad infamiam illata, cederet ei in gloriam, sufficta eidem, duplice gloriofa corona: altera ex duodecim lapidibus pretiosis SS. Apostolorum, qui illum velut caput suum cingunt: altera vero ex Petra fidei, super aurum & quasuis gemmas fulgesciente. [Vertex enim exornatus corona duodecim pilorum, Apostoli sunt: Petra vero sanctissimus Apostolus est, primus Hierarcharum Christi.]

Apostolicus uniuersalis Ecclesie, & Episcopus omnium Ecclesiæ. Synod. Chalced. Actio.6.

Apostolorum decimus tertius. Princeps Babylonie ad Innoc. 4. anno 1246.

Apostolus Christi. Arnulphus Lexouiensis Epist. 19.

Apostolus, in Apostolico throno constitutus a Deo, sui inspectator, & prædicator orthodoxus veritatis. Scriptor exilij Sancti Martini Papæ in Collectaneis Anafasij.

Apostolus & Pontifex confessionis nostræ dicitur Christus Heb. 3. Itaque duo illa *Apostolus & Pontifex* nexa sunt. Quanquam autem Romano Pontifici, titulus Apostoli tanquam principaliter missi, tribui potest, tamen hic videtur *Apostolus*, positus antono[n]asticè, pro Petro; quo nomine donantur plerunque successores, ob parem potestatem, ut dictum est prænot. i. Pontifex ergo est alter Pe-

L 2 trus,

trus , constitutus in throno Apostolico , cui primus . San-
ctus Petrus insedit , non ab homine , sed à Deo constitu-
tus , vt esset inspector sui . An ipsiusmet Pontificis ? Ve-
rū id quidem , ne præ tam sublimi potestate dediscat se-
se , & efferatur : vt idcirkò S.Bernardus id quoque monue-
rit Eugenium lib.2. de Consid. cap.5. & 9. Item est Ponti-
fex *Inspector sui ipsius* , quia ita est aliorum omnium Epi-
scoporum Episcopus , vt careat ipse inspectore humano ,
cui Innocentiam debeat . Dicuntur ista non incommodè .
Reuera tamen videtur potius esse sensus ; Pontificem esse
à Deo constitutum , vt esset inspector sui , idest ipsiusmet
Dei ; atque adeò non debet respicere vultum potentis , siue
agatur causa fidei , siue sanctorum morum . Fecit id gene-
rosè S. Iulius I. pro S. Athanasio . Martinus I. contra Im-
peratorem Constantem Monothelitam . S. Innocentius I.
contra Arcadium & Eudoxiam in causa S. Chrysostomi .
Innocentius II. idcirkò celebratus à S.Bernardo Epist. 150:
& ab Arnulpho Epist. 19. Liberius verò , tametsi semper
perstigit Catholicus , tamen quia in causa Sancti Athana-
sij respexit personam hominum , nec habuit faciem valen-
tiorem faciebus eorum , malè audiuit . Dolebat Aleonora
Regina Anglorum , suo tempore , masculam fortitudinem
Romanorum Pontificum fuisse eneuatam , vt legere est
apud Blesensem Epist. 146. *sub finem* . Vide infra V. Deus
Pharaonis .

Coeterum , alia huius loci in quo versamur , lectio , om-
nes sensus propositos euertit . Sic enim habet . [In Apo-
stolico throno , Dominus eum constituit inspectorem loco
suo , Apostolum & Prædicatorem Orthodoxum veritatis .]
Ita refert hunc locum ex Epist. 16. inter S. Martini Episo-
tas Ioannes Seueranus in opere de templis Romanis cum
de S.Ioanne Lateranensi , pag. mihi 601. Qua lectione sup-
posita , titulus propositus , vacat difficultate .

- *Arbiter ligandorum soluendorumque* . S.Leo serm.2.de sua
assumptione .

Arbi-

Arbiter omnium. Anastasius in præfatione ad vitam
S.Ioannis Eleemos.

Archiepiscopus cunctarum Ecclesiarum. Synod. Chalced.
Actio. 4.

Archiepiscopus uniuersalis. Concil. Chalced. Actio. 3. Ana-
stasia & Pompeius ad Hormisdam.

Sumitur hic *Archiepiscopus*, iuxta vocis corticem; hoc est
pro Præsule cui Episcopi subiaceant, non autem in vulgata
nunc notione; pro præsule scilicet, qui subsit primati, seu
Patriarchæ, varias sub se Metropoles, sive Provincias, &
Archiepiscopatus continent. Sed sicut Patriarcha habens
sub se plures Metropolitanos, attento vocis cortice dici
potest eorum Archiepiscopus, ita & Romanus Pontifex
respectu Patriarcharum & omnium Præsulum, dici potest
Archiepiscopus.

Archimandrita probatissimus. Alcuinus Epist. 72. quæ est
ad Leonem Papam.

Quid sibi hoc titulo voluerit Alcuinus, docebunt verba
quibus Leonem affatur. [Ecce (inquit) tu sanctissime Pa-
ter Pontifex à Deo Electus, Vicarius Apostolorum, Hæres
Patrum, Princeps Ecclesiæ, vnius immaculatæ columbæ
nutritor; in te fides resplendet, deuotio fulget, charitas
abundat. Congrega nos filios Sanctæ Dei Ecclesiæ, pater-
næ miserationis affectu tuis sanctissimis orationibus, & dul-
cissimis sacrarum literarum exhortationibus, intra firmis-
sum Ecclesiasticæ soliditatis ouile, ne aliquis ex nobis
errabundus, lupina rapacitate foris inueniatur deuoran-
dus. Nam splendentia coelestis militiæ agmina, Natiuita-
tis Domini Nostri Iesu Christi gaudia primò pastoribus, qui
supra suos deuotè vigilarunt greges, nunciare venerunt.
Ecce tuis sanctissimis vigilijs, ad pastoralem sollicitudini-
mem, probatissime Archimandrita, Angelicas à supernis
sedibus visitationes altare non dubitamus, quorum auxi-
lio quæcunque diuinam poposceris pietatem, impetrare
te posse credimus. Vnde ego vltimus sacratissimi ouilis.

ver-

vernaculus, & morbida peccatis ouicula, spe præcipue
bonitatis vestræ animatus, ante sanctissimos Paternitatis
tuæ pedes animo prostratus, suppliciter deposco, quate-
nus dulcissima peccatorum meorum vincula, per Eccle-
siasticam Apostolicæ authoritatis potestatem soluere di-
gneris, & paternæ pietatis precibus, cursum vitæ meæ qui
restat, ad perpetuæ portas Cœnitatis dirigere studeas.] Ex
his liquet, id quod etiam Accursius ad l. ultimam Cod. de
summa Trinit. admonuit, derisus ab Alciato lib. 1. præter-
miss. quem alij ferè sequuntur; defensus tamen à Ferrando
Adduensi lib. 2. Explicationum iuris, ad Constitut. de Mo-
nachis, §. si quis autem, Archimandritam idem esse apud
Alcuinum, quod præfectum & curatorem Oulilis. Tametsi
enim Alciatus negat mandram significare pecus, quæri-
turque iniuriam fieri viris sanctissimis cum dicuntur rexis-
se oves seu pecora; tamen sicut apud Iuuenalem Satyr. 3.
& Martialem lib. 5. epigr. 23. mandra, mulorum agmen
designat, vt Britanicus ac Farnabius & Raderus nota-
runt: ita alibi, *mandra* idem est quod *onile*; vnde S. Aldel-
mus lib. de Virginit. cap. 17. celebrans S. Babylam ait, [man-
dras Ecclesiæ aduersus truculentam Tyrannorum rabiem
solertia pastorali tuebatur.] Caduntque hæc in Ecclesiæ
caulam, & eius pastores ac custodes, salua vocis extensio-
ne metonymica ad continens ouile spelæum. Neque ta-
men infior, & *mandra* & Archimandritæ nomina iam
pridem ferè tantum adhiberi cum de præfectis & domibus
Religiosorum agitur. De *mandra* nomine liquet ex Actis
S. Theodosij Cœnobiarçæ, in quibus sic legitur. [Et iam
magnus quidem erat numerus discipulorum: spelunca-
autem exigua & planè minor quam ut posset eos capere.
Ipsi autem ad eum accedentes, sollicitabant ut excitaret
Monasterium, & ampliorem eis ficeret mandram ouium
spiritualium.] De nomine *Archimandritæ* Iustinianus No-
uel. 5. [Hoc perh. bent, qui dicuntur Archimandritæ, id est
præfecti Cœnobiorum.] Varia Pontificum ac Conciliorum
& Pa-

& Patrum loca , quibus nomen Archimandritæ, Monasterij Præfectum sonat, addensat Sauaro ad Sidonium lib.8. Epistola 14. Sed ex se voces illæ sunt indifferentes , vt ad Præfectos quoscunque spirituales accommodentur: quibus in honestum non est audire ouium Christi præfectoris, sicut eos non dedecet audire Pastores . Neque item ea appellatio Reges dedecuit , vt Ferrandus loco allegato fusè confirmat ex Xenophonte lib.8. Cyri pæd. Platone in Politico ac Minoë , Homero Iliad. & Et & Et Odys. & Suetonio in Tiberio , Strabone lib.17. Hesychio , Eusebio , Constantino , & Christo ipso Matth. 25. & 26.. Adde & Philonem lib. 1. de vita Mosis , ac lib. de Agricult. & initio libri de Ioseph . Itaque haud iniuria, Pontifices sicut Pastores audiunt, ita etiam dici possunt Archimandritæ.

Archipastor Ecclesiæ, quæ sub cœlis est. S. Theodorus Studita Epist.33.ad Leonem III.

Archipontifex primus. Iustinianus ad Hormisdam.

Auctor nominis & honoris Episcopalis. Innoc. I. ad Concil. Mileuit. Est Epist.93.apud August. Videsis Epilegomen.2. subn.2.verit.11.

B

1. **BASIS fidei.** Chrysostom. homil.2. in Psalm.50.

B Idem quod fundamentum , & Petra fidei Catholicae, de quibus titulis postea . Et verum quidem est, sanctos quosque , potentes esse fidei & Ecclesiæ bases , vt habetur apud Hieronymum circa illud Iobi 38. *Super quo bases illius solidatae sunt ; tamen Petrus & eius successores , sunt eo speciali modo bases fidei & Ecclesiæ, quo dicitur super eos ædificata Ecclesia .*

Basis immobilitas. Chrysostom. homil. de Petro & Elia.

Duplex Immobilitas distingui potest , in hac fidei Catholicæ basi , diuinitus prouisa , ne circumferamur omnino vento doctrinæ . Prior est immobilitas in fide ; Hæc est illa indefectibilitas fidei , pro qua Petro & suis successoribus obti-

obtinenda, Christus rogauit & exauditus est pro sua reue-
rentia. Vnde factum est, vt alijs omnibus sedibus etiam
per Apostolos quandoque stabilitis, misere ac foedè per va-
rias hæreses contaminatis, in sola sede Petri, beata Apo-
stolorum successio, defenderit susceptæ semel religionis in-
tegritatem, vt pulchrè dixit Lyrin. in commonit. cap. 9.
Consulendus de hac immobilitate Bellarminus lib. 4. de
Roman. Pontif. à cap. 3. ad 14. & Pamelius ad Epist. 55.
S. Cypriani num. 91. Tradunt hoc breuiter, sed bene, Mo-
nachis secundæ Syriæ ad Iustin. Imper. post Epist. 74. Hor-
misda.

Posterior Immobilitas sedis Petri, est indefectibilitas
eius; Ecclesia enim quandiu voluerunt sœcula, egebit Pa-
store, alioquin non esset ei sufficienter prospectum, nec es-
set quilibet de Religione decideret, & dubia fidei expedi-
ret. Itaque necesse est, Pontifices Romanos durare usque
ad mundi finem, neglectis breuibus moris inter pontificij
interdum interiectis. Et aliæ quidem pleræque Ecclesiæ,
etiam Apostolorum, dilapsæ sunt. Haec sola perstat Im-
mobilis, perstabitque firmante Christo; ita ut quamvis
cypriany aliquando Imperatores, (quod notat Sanctus Cyprianus
Epist. 52. num. 32. male ibi deflexus in alium sensum à Pa-
milio) haud molestiū tulerint insurgere Tyrannum,
quam creari Romæ Pontificem; sic enim optimè eum Cy-
priani locum accepit Albaspinæus lib. 1. obseru. 23. tamen
obstat non potuerint quo minus Ecclesia basim hanc im-
mobilem retineret, quippe nixa illa sponsione Christi, *Et*
portæ inferi non præualebunt aduersus eam. Id quod Chry-
ostomus tractans æternitatem Regni Christi super Sion-
montem Dei Sanctum, siue super Ecclesiam, egregie su-
spicit, homil. cum ageretur de suo exilio. Et insigniter quo-
que Damasc. Orat. de Transfig. Valet verò circa Roma-
nam Ecclesiam, maximè per Pontificem, multo magis,
quod à Rutilio de Roma Ethnica scriptum in hæc verba-
est lib. 1. Itiner.

Percen-

Percensere labor densis decora alta triumphis.
 Ut si quis stellas pernumerare velit.
Quæ mergi nequeunt, nisu maiore resurgunt,
 Exiliuntque imis altius alta vadis.
 Vtque nouas vires fax inclinata resumit,
 Clarior ex humili sorte, suprema petit.
 Porridge victuras Romana in sacula leges,
 Solaque fatales non vereare colos.
Quamuis sexdecies denis & mille peractis,
 Annus præterea iam tibi nonuseat.
Quæ restant nullis obnoxia tempora metis,
 Dum stabunt terræ, dum polus ætra feret.
 Illud te reparat, quodcætera regna resoluit:
 Ordo renascendi est, crescere posse malis.

En geminam faciem Romanæ Ecclesiæ, crescentis persecutionibus, & ab ipso ferro animum opesque ducentis. En cur verè sit basis immobilis, nec periclitetur de euer-
 sione per clades, & coniuratum in eius ruinam Erebum. Magis ædificatur cum cædi videtur, ait Tertullianus ad Scapulam cap. 5. Splendidè in hanc rem differit Stapleto-
 nius lib. 1. de magnitudine Romanæ Ecclesiæ cap. 6. 7. & 8. Immobilitatem huius petræ aduersus quoscunque flu-
 entus exponens.

Fortassis etiam Romanus Pontifex Basis immobilis appellatur, quia sicut omnis motus animalis, ex doctrina Philosophi, nititur basi immobili, ita omnis motus in negotijs fidei, innititur immobilitati cathedræ Petri. Quid si etiam spectata est necessitas constantiæ infrastantæ in recto & honesto Pontifici congruentissimæ? Videsis Philippum Probum in additionibus ad Ioannem Monachum in Pro-
 logum 6. Decretal. num. 59.

Beatus . Hieron. Epist. 57. August. lib. 1. contra duas Epistolas cap. 1. Iuo Carnot Epist. 65. Synodica trium Conciliorum Africæ ad S. Damasum. Iustinianus ad Hor-
 misdam. Comprouinciales Arelatensis Episcopi ad Sanct.

M Leonem

890 Leonem. Eusebius Mediolan. ad eundem.

Abstractum pro concreto, reuerentiae ergo. Cur autem Romanus Pontifex etiamnum viuens, *Beatus* audiat vel etiam *Beatissimus*, (quo pacto denominatur. S. Leo in Concilio Chalcedon. actio. 3. triplici ad eum Epistola, & Damasus in Epistola Stephani cum Africanis collegis,) Itemque *Beatitudo*, quin etiam, ut sepiuscule apud Anastasium legitur, nominatim in Adriano I. tit. *Beatitudo*; obscurum videri potest, supposita mole ærumnarum quibuscum conflictari necesse est qui ad illud dignitatis fastigium prouehitur. In quam rem multa peti possunt ex opere S. Bernardi de consid. ad Eugenium, & per pulchritudinem item.

*Joac. la-
nivene* Vbi post diu versata m impietatem ambitiosorum, Romanum Pontificatum captantium per schisma, concludit; [Sed licet omnes summi Pontificatus apicem deferant, quantum salua religione licet, fugiendum potius quam suspiciendum arbitror sapienti. Ut enim ex conscientia verum loquar; illius laboriosissima & quantum ad statum præsentissæculi pertinet, miserrima videtur esse conditio.] Confirmat hoc primò ex necessitate vel dedendi se auctoritatem, & accipiendi munera cum iustitiæ conculcatione, ut suppetat quod effundatur vel reddendi se obnoxium linguis & manibus factiosorum. Tum addit. [Si in summa potentia, minima licentia est, profectò qui legibus præest, nulli subiicitur, sed ab illicitis arctius coarctatur. Ergo & Romano Pontifici minimum, eo ipso quod plurimum, licet. Quid ponderosius est sollicitudine omnium Ecclesiæ? Apostolicum priuilegium transit ad successores, & planè pars priuilegij est, quam Apostolus ad Corinthios loquitur. *Quis*, (inquit), *Infirmatur & ego non infirmor & Quis scandalizatur & ego non vrore* *Sicutum non vultis revolutione, vel istud ventilet qui de primatu contendit;* Et ut puto, citò faciet locum. Propterea qui Romanus Pontifex est, eundem pro conditione Ecclesiæ quæ nunc est, esse ser-

Seruum seruorum necesse est. Non quidem nuncupatiuè ad gloriam, ut quidam opinantur; sed substantiuè ut potè qui seruis Dei seruit vel inuitus. Omnis enim persona Deo seruit, & dispensatrix est clementiæ vel iustitiæ suæ. Seruit Angelus, seruit homo, seruiunt boni, seruiunt mali, & ipse princeps mundi Diabolus seruit. Ergo & Romani seruiunt Deo, & Tyranni, quibus Romanorum necesse est seruire Pontificem, adeò quidem ut nisi seruant, aut exPontificem, aut exRomanum esse, necesse sit. Quis eum ergo seruum seruorum esse ambigit? Dominum Adrianum, cuius tempora felicia faciat Deus, huius rei testem inuoco, quia Romano Pontifice nemo miserabilior est; conditio eius nulla miserior; & licet nihil aliud lèdat, necesse est citissimè vel solo labore deficiat. Fatetur enim in ea sede, se tantas miserias inuenisse, ut facta collatione præsentium, tota præcedens amaritudo, iucunditas & vita felicissima fuerit. Spinosam dicit cathedram Romani Pontificis; in tantum acutissimis usquequa consertam aculeis, tantæque molis, ut robustissimos premat, terat, & comminuat humeros. Coronam & Phrygium, clara meritò videri, quoniam Ignea sunt. Se nunquam à natali solo Angliae malle exisse, aut in clauстро Beati Ruffi, perpetuò latuisse dicit, quām tantas (nisi quia diuinæ dispensationi reluctari non audet) intrasse angustias. Dum superest ipsum interroga, & crede experto. Hoc etiam mihi sæpiissimè adiecit, quod cum de gradu in gradum, à claustralí clero per omnia officia in Pontificem Romanum ascenderit; nihil unquam felicitatis, aut tranquillæ quietis vitæ priori adiecit, ut ab ascensi. Et ut verbis eius utar, (nihil enim cum præsens sum, sui gratia, vult apud se absconditum ab oculis meis) in incude (inquit) & malleo semper dilatauit me Dominus, sed nunc oneri, quod infirmitati meæ imposuit, si placet, supponat dexteram, quoniam mihi importabile est. Nonnè ergo miseria dignissimus, qui pro tanta pugnat miseria?]

M 2

Nec

Nec leuius id onus sensit Alexander I V. eo diplomate quo librum Guilemi de S. Amore proscriptis. Sic enim differit de importabili humanis viribus Pontificatus Romani sarcina . [Sine distinctione prælatus est Pontifex , vniuersis . Dominicæ quidem vineæ custos generalis & cultor, & totius ouilis Catholici, Pastorumque omnium Summus Pastor . Incumbente namque sibi generali sollicitudine super omnes , cum ex eo suæ mentis intuitum per cuncta diffundere teneatur, stupet nimis ipius animus, & sub tam grauis & difficilis curæ pondere contremiscit, quod posse sufferre ut conuenit, Ius naturæ occidua vix confidit. Ad eum namque negotia vndique confluunt, perueniunt lites , dubia deferuntur & destinantur implicita & perplexa ; nec vñquam horam influens torrens cessat, nec huius altipelagi, validæ & infestæ procellæ quiescunt, sed his , quæ tunc imminent expeditis , mox aliæ subsequuntur . Nec tot implexarum quæstionum nodi , decisione Apostolica solvi possunt , quin & aliæ irretitæ & nodosæ superueniant , deliberatione matura, & consulta definitione soluendæ. Imò ex quo de Instantibus difficultibus & obscuris , dubietatis caliginem verbo suæ declarationis amouerit ; statim noua & recentia turbulenta ingruunt, Apostolico dilucidanda oraculo , & ambiguis ac incertis mentibus claræ dissertationis lumine serenanda . Propterea inest Romano Antistiti sollicitudo sine otio, labor sine quiete , occupatio sine vacatione , exercitium sine tranquillo, ingens & sedula meditatio , & Vigilia sine somno ; nec ad modicum etiam cura quotidiana intermissionem habet ; instantia quæ nec omittitur aliquo tempore, nec aliquod ipsa tempus omittit ; Vrget continuè, quia cogitanda materia semper adest, nec successu temporis desinit, sed cum illius diurnitate perdurat, quia nec cursu temporum deficiunt negotia , sed assidue illis succedentibus renascuntur .] Satin' laboris & doloris, carumque & ærumnarum opprimentium , in vnum caput ?

Quis

Quis sub tanto pondere non fatiscat? De hoc Argumento
plenè Rodericus Zamorensis lib. 2. speculi humanæ vitæ
cap. 2.

In tanta ergo ærumnarum mole, quomodo Pontifex
dicitur *beatus & beatissimus?* Tres huius denominationis
causas profert F. Iuniperus à Drepano disput. i. ad Bullam
Vrbani VIII. q. 1. c. p. 1. à num. 6. Prima, quod Pontifex
debeat esse supra & extra hominem, nec ultra in terris, sed
in cœlis conuersans. Secunda, quod terreni simul & cœ-
lestis Imperij, iura à Christo acceperit. Tertia, quia emi-
nere omnibus, ut loco, ita cœlesti vita & zelo diuinæ glo-
riæ debet. Henricus Kalteisen in oratione de libera prædi-
catione Verbi Dei, quam habuit in Concilio Basileensi fe-
rè in *tio orationis*, & latè in Replica postea subiuncta, hunc
Pontificis titulum retulit ad excellentiam admirandam.
Pontificiæ auctoritatis, qua, ut ait, Papa propè attingit
Christum.

An sicut Imperatores Romanos, *diuos, ac diuinissimos.*
Itemque *fælices & fælicissimos*, dici, ex vsu fuit, ut prola-
tis multis testimonij ostendit Bullengerus lib. 1. de Impe-
ratore cap. 5. & 24. ac 33. Beatissimos item appellari soli-
tos Imperatores, demonstrat Pancirolus lib. 1. thesauri va-
riar. Lection. cap. 1. ex S. Ambrosio, Gratianum, Valen-
tinianum, ac Theodosium A.A. denominante, *Beatissimos;*
An inquam sicut Imperatores his olim titulis sunt insigni-
ti; Ita placuit Pontificem, *Beatissimum* appellare, cuius
maiestas humanam ac temporalem Imperatoris potesta-
tem tanto interuallo superat, quantum est capelinis inter
cœlestia, atque terrena? sanè si Aaron dicitur *Beatificatus*
in gloria, Ecclesiastici 45. quia accepto gentis sacerdotio,
decoratus est Pontificio ornatus; multo iustius Christianus
Pontifex dici potest *beatificatus & beatus*, suo Pontificatu,
quia in Aarone non est glorificatum, quod claruit in hac
parte, propter excellentem gloriam. Multò enim magis
abundat ministerium iustitiae in gloria, ut dicitur 2. Cor. 3.

Dicunt

Fr. Sym
pens.

Henric
Kalteisen
Concl. Basi-
leente

Dicuntur ista haud inuerisimiliter, vt & alia, quæ ad huius tituli Romano Pontifici delati defensionem , contra Vinculum obstrepentem, adducit Valdensis lib. 2. doctrinal. cap. 33.

Clemens I. Existimo tamen germanam causam huius Pontificiae denominationis, eam esse quam S. Clemens Epist. 1. initio, insinuat; nimirum quod Christus S. Petrum designans Pontificem, præfatus est illud, *Beatus es Simon Bariona*, statimque subdidit, *Ego dico tibi, quia tu es Petrus, &c.* Familiari autem auxeli, qui tunc *beatus* dictus est, ad honoris & reverentiæ plenitudinem , dicitur *Beatissimus*.

Coeterum olim ut nomina *Sanctitatis*, & *Sanctissimi* attributa alijs à Romano Pontifice legimus, ita & nomina *beatitudinis*, & *beatissimi*. De vocibus *Beatitudo*, & *Sanctitas* exemplum dabit S. Gregorius lib. 6. Epist. 28. Sed & Constantius reuocans S. Athanasium urgente Constante fratre, vocat eum *Beatitudo vestra*. De hoc nomine *beatitudinis*, frequentia exempla sunt in Concilio Carthag. sub Aurelio. Sed & Petrus Cluniacensis lib. 6. Epist. 32. Hugonem Rothomagensem sic affatur. [Valeat *Sancta* & tota iam cœlestis beatitudo tua.] Sanctus item Hieronymus agens cum Theophilo Alexandrino , solet adhibere titulum *beatitudinis* . Eumque etiam adhibuit S. Euthimius , agens cum Anastasio Patriarcha , vt est apud Cyrillum in S. Euthimij Actis. Necnon S. Ioannes Monachus, alloquens Archiepiscopum apud Surium 13. Maij , Marcellinus presbiter præfatione ad vitam S. Suiberti , compellat Gregorium Episcopum Traianensem, *Beatissimum Patrem S. Bernardus* Epist. 249. titulum *beatitudinis vestrae* adhibet; scribens ad Cartusianos. Itemque Petrus Cluniac. agens cum S. Bernardo Epistola apud istum 264. Necnon Nicolaus I. Epist. ad Hincmarum Rhemensem apud Iuonem par. 14. cap. 46. Et apud ipsum Nicolaum Epist. 28. quin etiam Alcuinus Epist. 12. & 18. cum Rege agens, donat eum titulo *beatitudinis vestrae*.

Bea-

Beatitudo, quæ est caput omnium sanctissimorum Sacerdotum. Iustinian. l.7. Cod. de summa Trinit.

Institutiones.

Beatitudo, cui Episcoporum iudicaria, & summorum finem Ecclesiasticorum negotiorum, in honorem beatissimi Petri, Patrum decreta omnium, cunctam reseruauere sententiam.

Tres Synodi Africanæ in Synodica ad Damasum.

*Synodi
Africanæ.*

Non est sensus, SS. Patres constiuitisse, ut ad Romanum Pontificem de graibus quibusvis negotijs referretur. Id enim Romanus Pontifex iure diuino obtinet, non ex Patrum concessione ac reseruarione. Sed Patres agnoscentes ius diuinum, quo Petrus & eius successores vi Primatus à Christo concessi ea prærogatiua potiuntur, ita faciendum exposuerunt & edixerunt.

Benedictio vniuersæ Reipublicæ Christianæ. Moyses Mar-
denus legatus Patriarchæ Antiocheni ad Iulium III.

Jul. III.

An quia ab omnibus verè Christianis, benedicitur & agnoscitur ut caput? An quia ex coniunctione cum eo unitas Ecclesiastica & omnis cœlestis benedictio profluit, quatenus ea unitate seclusa, non deriuaretur benedictio Spiritus in nos, nec remissio peccatorum? (Sanè ut hoc significaretur, claves Beato Petro sunt concessæ, ut notat S. Fulg. lib. de fide ad Petrum cap. 3.) An denique, quia in Vniuersa Christiana Republica; hoc est vnicum granum in botro, quod non est conculcatum, quia benedictio Domini est, ut Propheta dixit? Omnibus enim Apostolorum sedibus dissipatis, hæc sola perstat.

C

CACVMEN mundi. Fulg. de incar. & gratia Chri-
sticæ cap. 11.

Sic nominat Romanam Ecclesiam, cum qua ait totum Christianum orbem sentire. Ut autem Romana Ecclesia sit mundi cacumen, habet per Pontificem. V. prænotatio-
nem secundam.

Cacu-

Cacumen, ac iverx humani generis. Petrus Damiani
Opus.23. cap.1.

Caput omnium. lib.5. vitæ Patrum num.88. libelli 15.

Illud *omnium*, quorum caput in eo loco constituitur Romanus Pontifex, videtur dictum de omnibus Episcopis tantum, eo quod Romanus Pontifex sit eorum caput; Tam en verissimum etiam est, Romanum Pontificem esse caput omnium planè fidelium. Cur autem eo loco, qui notatus est ex vitiis Patrum, titulus ille restringi videatur ad Episcopos, ratio ducenda est ex adiunctis. Ibi enim narratur, duos Alexandrinos Monachos se castrasse propter Regnum cœlorum. Cum ergo eam ob causam essent à suo Antistite excommunicati, adierunt Episcopum Hierosolymitanum, & postea etiam Antiochenum; à quibus repulsi, & iteratò excommunicati, [abierunt (ait libelli Autor) ad summum Archiepiscopum Romanæ ciuitatis, & suggesserunt illi, quæ fecerant eis memorati Archiepiscopi, dicentes, venimus ad te, quia tu es caput omnium] quæ verba videntur comparare Romanum Antistitem cum alijs Antistitibus, & eum illis assignare pro Capite.

Caput diuinissimum omnium capitum. S. Theodorus Studita Epist.33.ad Leonem III.

Caput & Princeps omnium Patriarcharum. Concilium Nicenum cap.39.apud Pisanum lib.3.

Caput omnium Episcoporum. Episcopi 2. Moësia, Epistola ad Leonem Aug. in fine Concilij Chalced. Hugo Victor. lib.2.de Sacram.cap.43.

Caput Sacerdotij quod in Christo est Canonice. Ioan. Constantinop.ad Constant.Papam.

Caput, cui de singulis Provincijs referre Sacerdotes debent. Nicol.I.Epist.ad Episcopos Galliæ ex Concilio Sardicensi.

Caput omnium Christianorum. Petrus Damia, in Odilone.

Caput omnium Ecclesiarum, Romana. Beda lib. 1. vitæ S. Patricij, Paschasius legatus sedis Apostolicae in Concilio Chalcedon. Actio.1.

Lucu-

Luculenter ex hoc titulo differit Ioan. 8. Epist. 32. quæ est ad Carolum Caluum Imperatorem. [Quid autem (inquit) magis legitimum quam, ut præ omnibus & ante omnia Romanæ curam habeatis Ecclesiæ, quæ cœterarum magistra est & mater Ecclesiarum ? quæ vestro in tempore tantis ac tam immanibus succubit sine cessatione periculis ? Denique si hæc Ecclesia, quæ caput est viget, cœtera membra quamvis languida, recuperandi fiduciam non amittunt ; quæ nimis omni labore carent, si contingat solum caput forte languere, quanto potius (quod auerat omnipotens) si contingat extingui ?] Videſis in eandem sententiam Auitum Viennensem Epistola ad Faſtum & Symmachum . Non excidit ergo vrbs Romana eo ornamento quo in Ethnicismo potiebatur; ut scilicet dicetur orbis caput. [Roma (inquit autor vitæ S. Fulgentij) autorum secularium consono semper ore laudata, & caput mundi veraciter appellata .] At nunc per S. Petrum eiusque successores, multo veraciùs, certè fundatiore & sublimiore titulo.

*Ioan.
VIII.*

Caput totius corporis, cui quicquid fidelium est, ubique submittitur. Ennod. in Apolog.

Corpus ab Ennodio indicatum, est Ecclesia, cuius caput primarium Christus est . Vnde S. August. serm. 45. de verb. Dom. queritur de eo, qui reſecto corporis Ecclesiæ capite Christo, volebat Ecclesiam decollare. Christo tamen digreſſo, visible caput corporis Christi, quod est Ecclesia, aliud non est quam Romanus Pontifex . S. Leo Epistola 98. vocat *quasi quoddam caput*, quæ non sunt particulae imminutionem ſonantes, sed comparationem & Analogiam cum capite physico . Et potest etiam habuisse rationem primarij capitis Ecclesiæ, ſive Christi, præ quo Pontifex non est niſi analogicè caput . Præclarè analogiam illam capitum in Romano Pontifice, ex uno præter cœtera munere exponit Ioannes Constantinopolitanus in Epist. Apolog. ad Constantiū Romanum Pontificem, cum

*Auit.
Vienn.*

N per

per violentiam Bardanis damnasset sextam Synodum; de quo rursus cum de titulo *Medici*. Ex hoc porrò titulo & aliquot sequentibus, vides meritò Canum 6. de locis c.3. damnare impudentissimi mendacij Bucerum, ausum negare, titulum, *Capitis Ecclesiae*, esse vñquam ab vlo delatum S. Petro, eiusuè successoribus.

Caput Ecclesiae. Concil. Chalced. Epist. ad S. Leonem.

Pereruditè & paucis hunc Pontificis vulgatissimum titulum exponit Gabriel lect. 23. in Cano. à littera I. ad literam O. Non repugnat S. Gregorius lib. 14. regist. Epist. 38. cum ait, præter coetera contundens Ioannem Constantiopolitanum, falsò & arroganter assumentem titulum vanum. [Petrus Apostolus primum membrum Sanctæ & universalis Ecclesiae est. Paulus, Andreas, Ioannes, quid aliud quam singularium sunt plebium capitæ? & tamen sub uno capite, omnia membra sunt Ecclesiae; Atque ut omnia breui cingulo locutionis astringam, Sancti ante legem., sub lege, sancti sub gratia, omnes hi perficientes corpus Domini, in membris sunt Ecclesiae constituti.] Hunc locum aduersus titulum *Capitis Ecclesiae* S. Petro & successoribus assignatum, intorquet Caluinus 4. institut. cap. 7. §. 21. sed est inanis planè obiectio. Nam S. Petrus, ita est primum corporis Ecclesiae membrum, ut simul sit caput. Neque enim ratio capitis, excludit rationem membra. Est tamen Petrus tale membrum & tale caput toto mystico corpori prospiciens; ut quod singulare est corpori huic mystico, inferiora habeant ipsa quoque suum caput particulare, subiunctum & subordinatum capiti illi visibili generali, quod vñà cum omnibus & inferioribus capitibus & membris immediatè ijsdem subiectis, comparatur ad Christum caput nunc inuisibile, ut membrum recipiens duntaxat influxum, non conferens, atque adeò non ut caput.

Caput Christianæ Religionis. Petrus Damiani Opusc. 4. ex edicto Constantini.

Caput

Caput Ecclesiae, adamantis naturam firmitate superans.

Chrysostom. homil. 55. in Matth.

Hoc dicit propter insuperabilem portis inferi, firmitatem huius Petrae, quam nulli vñquam inflexere errores, vt profitentur Monachi secundæ Syriæ in precibus ad Iustum Augustum, pro exoranda eius intercessione apud Hormisdam Papam. Luculenter quoque de omni errore à sede Petri, remotissimo ad suum usque tempus, Agatho Papa in VI. Synodo Epistola ad Imperatores. Quod autem B. Hildegardis Epistola ad Anastasium Papam scripsit, aduersus omnes Diaboli partiarios, etiam extra res fidei, infracti debent esse Romani Pontifices. Est de hac re insignis locus Cypriani Epistola ordine 55. ad Cornelium Papam. Ex hoc insuperabilium Pontificum numero fuit S. Damasus, qui idcirco in VI. Synodo Constantinopol. dictus est fidei adamatis. Item ex eo numero fuit S. Martinus I. qui propterea in Epistola Anonymi ad Occidentales de eius exemplo, vocatur *spiritualis pater adamantinus, sacerdotumque Princeps*; pag. 33. Collectan. Anastasi. Valet circa Pontifices, quod de S. Augustino dixit Facundus lib. 9. in ipso fine. [Augustinus vir adamantinus, in quo omnes aduersariorum dentes franguntur.] Addi potest adamantis ab igne non laesio, sed splendor maior, vt notauit S. Ambrosius lib. de Elia cap. 7. similiter enim tentata per ignem impugnationum hostilium fides & constantia piorum Pontificum, purior ac splendidior exiuit. V. supra V. Adamas.

Caput fidei. S. Gregorius II. Registri Epist. 42.

Caput totius fidei. Philippus legatus Coelestini Papæ in Concilio Ephesino tom. 2. cap. 15.

Mens Philippi, ex eius integro loco perspicitur. Ait ergo. *[Gratias agimus Sanctæ Venerandæque Synodo, quod literis sancti Beati Papæ nostri, vobis recitatis, sanctos cantus, sanctis vestris vocibus Sancto capitì vestro, Sanctis etiam vestris exclamationibus exhibueritis. Non enim ignorat vestra beatitudo, totius fidei, vel etiam Apostolo-*

S. Panay.

VI. Synod.

Martin. l.

160.

S. Gregor. II

720

Concil.

Ephesini

425.

rum caput , esse B. Apostolum Petrum .] Sensus ergo est , dignè ac meritò Episcopos in Synodo congregatos , post letam Coelestini Papæ Epistolam , omnes simul acclamassemus , Nouo Paulo , Cœlestino ; custodi fidei Cœlestino , Cœlestino cum Synodo concordi Cœlestino Vniuersa Synodus gratias agit . Vnus Cœlestinus , una fides Synodi , una fides orbis terrarum .] Hoc gratias ritè agens Philippus , ait verè ac benè dictum à Synodo , quæ non ignoraret , Cœlestinum esse caput ipsius Synodi , & in eo consedentium Episcoporum , ipsos verò esse membra . Id verò probat Philippus , quia S. Petrus caput est totius fidei , vel etiam Apostolorum , hoc est omnium fidelium , non modò ad plebem spectantium , sed etiam eorum qui plebes regunt . Non ait Petrum *fuisse caput* , sed *esse* : quia non agit de singulari persona Sancti Simonis Petri , sed de eius successore tunc sedente , qui fictione iuris , ac ob omnimodam potestatis æquivalentiam dicitur ab eo , S. Petrus . Sicut alij Episcopi , conferuntur ab eodem , Apostolis : eo quod sicut S. Petrus dum viueret , præerat alijs Apostolis , eosque sibi habebat subordinatos , etiamsi sumerentur prout congregati , ut manifestum fuit in Concilio Hierosol . cui S. Petrus præfuit , ita Episcopi pro tempore regentes Ecclesiæ particulares quomodounque spectati , subsunt Romano Pontifici successori S. Petri . Locus est ipsius solis radijs scriptus , pro Pontifice Conciliij Oecumenici capite , & locato supra quosvis Episcopos quomodounque spectatores , ac etiamsi congregatos . Porrò quod fidem , cuius caput nominatus hic est Cœlestinus , intelligendam dixi vniuersitatem fidelium profitentium fidem Christi , metonymia est non admodum violenta vel infrequens . Sic enim militia nomen , sœpè usurpatur pro ijs , qui militiam profitentur . Dicuntur etiam cedere arma togæ , id est togatis armati .

Caput omnium professionum. Gabriel Archiepiscopus Nello in calce Synodi Orientalium .

Caput Orbis. Vincentius Lyrin . Commonit . cap . 42 .

Caput

Caput sanctitatis. S. Maximus serm. 5. de Nat. Apostol.

Hoc dicitur, quia Ecclesia & Sancta est, & veluti caput Sanctitatis, quae est quasi anima membrorum viuorum, de Spiritu sancto & increata eius sanctitate viuentium in Christo; Atque ita Pontifex, totius corporis in quo solo humana sanctitas reperitur, caput visibile, est caput sanctitatis.

Caput à quo membra, quid credendum, quid opinandum, quid tenendum sit, quærere debent. *S. Cyrillus in Thesauro.*

Allegatur hīc locus à S. Thoma Opusc. 1. & 19. Incidit que in Grēcum Codicem integrum Turrianus sèquo Lindanus 4. Panopl. cap. 87. Græca verba repræsentat, vt dicam in Epilegom. subnot. 3.

Caput Apostolicum. Theodorus Studita Epistola ad *Pa-* *T5. studiū* *schalem Papam.*

Sensus est, Pontificem esse Caput Ecclesiæ, succedens Apostolo Petro, cum pari potestate, & nunc inter mortales potiens Apostolica authoritate. Nisi malimus locutionem esse & Græcis & Latinis admodùm familiarem, qua Sinecdochicè *caput* pro toto homine ponitur, vt cum dicitur *Charum caput, lepidum caput, &c.* Qua ratione *caput Apostolicum*, idem erit quod *vir Apostolicus*, prout alij appellarent Pontificem Romanum, adducendi suo loco inferiùs. Et quamquam vtraque tituli propositi notio, videtur denique eodem recidere, tamen prior expressiùs ac distinctiùs præfert potestatem Romani Pontificis, qui toti Ecclesiæ *caput* sit, authoritate vertici Apostolorum communicati, & ad successores transfusa. Et vi huius tituli sic accepti Pontifices qui vixerunt tempore quo aliqui Apostoli superstites erant, dici quoque poterant, eorum capita; sicut verè S. Petrus *caput* Apostolorum fuit, quandiu adiuxit. Et sicut id solius S. Petri proprium fuit, ita & successorum eius Romanorum Pontificium. Difficultatem duntat nonnullam ingerere videtur locus Hesychij presbiteri Hierosolymitani Oratione de S. Iacobo Episcopo Hierosolymi.

lymitano apud Photium Cod. 275. qui S. Iacobum vocat *Caput Apostolorum, & in capitibus verticem.* Consonatque quod Clemens lib. 6. dispositionum referente Eusebio 2. histor. cap. 1. vocat S. Iacobum *Episcopum Apostolorum.* Verum ista nihil officiunt Iuribus Sancti Petri & successorum. Nam locus Eusebij manifesta adulteratione sordet; Cum Codices non deprauati, vt Græcus Vatcanus; & Coloniensis, non habeant S. Iacobum fuisse *Episcopum Apostolorum, sed Episcopum Hierosolymorum;* quo eodem modo eum locum refert Nicephorus lib. 2. histor. cap. 3. Locus autem Hesychij, supposito quod à Photio Romanæ sedis hoste capitalissimo fideliter sit exscriptus, præterquam quod est, Encomiastæ in ipsa Hierosolymitana Ecclesia, de primo Episcopo Hierosolymitano Elogium, non adeò seuerè ad metiendum ad veritatem, aliud reuera non fert, quam decus S. Iacobi, ex eo quod in Concilio Apostolico plurimum ei sit delatum ab omnibus Apostolis. Ipsoque Petro, cum eius sententiæ qua Petri iudicium firmavit, de modo scribendi ad Neophytos ex Gentibus, acquieuerunt; non quod S. Iacobus ibi egerit caput Concilij, ac etiam S. Petro maior fuerit, vt erroneè scripsit Abulensis in cap. 17. Math. q. 13. ad 1. Sed quod ob notam viri sanctitatem, quæ ei etiam apud vulgus Iudæorum nomen Obilæ, id est *Præsidij & protectionis populi,* peperit, vt scribit Iobius Monachus apud eundem Photium Cod. 222. & ob proprium eius loci Episcopatum, eo honore dignus sit habitus. Adscribendus est locus Hesychij, vt appareat enodationem propositam esse legitimam. [Quomodo (inquit) prædicabo seruum Christi & fratrem, nouæ Hierusalem summum ducem, Sacerdotem Principem, Apostolorum caput, in capitibus verticem, in lampadibus supersplendentem, & inter Astra maximè illustrem? Petrus prædicat, Iacobus decernit, & paucæ voces magnitudinem quæstionis comprehenduntur, Ego iudico non inquietari eos, qui ex gentibus conuertuntur. Ego iudico eum, cuius iudicium abrogare non

non licet, neque deprauare decreta; in me enim omnium iudex viuorum & mortuorum loquitur meo organo, sed artifex supra est. Ego linguam præbeo, sed vocis opifex vocem suppeditat.]

Cardo summus totius mundi. Petrus Damiani opusc. 30. cap. i.

Cardo & caput omnium Ecclesiarum. Anacletus Epist. 3.

Cur Ecclesiam Romanam sic denominarit Anacletus, ex eius verbis intelligi potest, ait enim. [Si quæ causæ difficiliores inter vos ortæ fuerint, ad huius S. Sedis apicem, eas quasi ad caput referre, ut Apostolico terminentur iudicio, quia sic Dominum velle, ab eoque ita constitutum esse, antedictis testimonijs declaratur. Hæc verò Apostolica sedes cardo & caput (ut prædictum est) omnium Ecclesiarum à Domino & non ab alio est constituta. Et sicut cardine ostium regitur; sic huius S. Sedis authoritate omnes Ecclesiæ Domino disponente reguntur.] Huc pertinent, quæ de notatione Cardinalium virtutum, idest regentium coeteras, dicta sunt, lib. 1. de virtut. num. 229. S. Leo IX. Epist. 1. quæ est ad Michaëlem & Leonem c. 32. egregiè exponit cur Ecclesia Romana honestetur titulo de quo agimus. [Romanæ (inquit) Ecclesiæ fides, per Petrum, super petram ædificata, nec haec tenus defecit, nec deficit in secula. Christo eius Domino, rogante pro ea, ceu testatur sub ipsa passione sua; *Ego regavi pro te Petre, ut non deficiat fides tua,* & tu aliquando conuersus, *confirmas fratres tuos.* Quo dicto demonstravit, fidem fratrum, vario deferatu periclitandam; sed inconcussa & indeficiente fide Petri, velut firmæ anchoræ subsidio figendam, & in fundamento uniuersalis Ecclesiæ confirmandam. Quod nemo negat, nisi qui euidenter ipsa veritatis verba impugnat: quia sicut cardine totum regitur ostium, ita à Petro & successoribus eius, totius Ecclesiæ disponitur emolumentum. Et sicut cardo immobilis permanens dicit & reducit ostium; sic Petrus & eius successores, liberum de omni Ecclesia.

No
Leo IX.

clesia habent iudicium , cum nemo debeat eorum dimouere statum , quia summa sedes à nemine iudicatur ; vnde Clerici eius Cardinales dicuntur ; Cardini vtique illi quo cœtera mouentur , viciniūs adhærentes .]

S. Emmeranus Censor qui Deo authore , Petri successit in honorem , Apostolicus vir , & Sanctissimus tenens primatum in sacris ordinibus .

S. Emmeranus Episcopus & Martyr , vt habent eius Acta .

Christus Dominii . Petrus Blesens Epist . 144.

Christus unctione . S. Bernard . 2. de Consid . cap . 8.

Sacerdotes omnes , ob sacram vunctionem , appellantur Christi , à Psalte verbis illis , *nolite tangere Christos meos* ; Tam en vunctione Christianorum Sacerdotum & Episcoporum , est longè fragrantior ; vnde & ipsi (præsertim Episcopi) nomen Christorum meritò præferre possunt , & verò præferunt apud S. Ambrosium ser . 83 . & apud Ruricium lib . 2 . Epist . 3 . Hæc cum ita se habeant quoad Sacerdotes & Episcopos quoscunque , Romanus Pontifex omnium Sacerdotum caput , meritò Christus absolute & antonomasticè audire potest . Et accedit vicinia ad Christum antonomasticè dictum . Salua enim distantia immensa ; quantum tamen , hominibus indulsum est , Papa Christum propè attingit auctoritate ; quod à se dictum , ab Hussita verò demorsum , tuetur & latè confirmat Henricus Kalteisen in Replica pro oratione de libera prædicat . Verbi Dei in Concilio Basil.

§. Consequenter replicans .

Cingulus comprehendens uniuersos Christianos . Patriarcha quidam Orientalis , in professione fidei , Latinè facta ab Andrea Masio .

Ciuitas à Deo electa ad salutis refugium . Theodorus Studita Epistola ad Paschalem Papam .

Non dicuntur ista de vrbe Roma , (quamquam res eodem recideret) sed de ipsomet Pontifice , quem sic affatur S. Theodorus . [Vos igitur verè illimis fons ac sincerus , iam inde à principio fidei veræ , vos ab omni hæreticorum procolla longè positi , securus totius Ecclesiæ portus : vos à Deo

ele-

electa ciuitas ad salutis refugium.] Alludit ad ciuitates refugij Deo auctore constitutas , in quibus qui per vim & furem opprimendus esset, securus degeret . Similiter enim quicunque, vel Episcopi, vel Clerici, vel fideles, alibi iniuste opprimuntur , ad Pontificem tanquam ad munitissimam Ciuitatem adeuntes , refugium inueniunt . Experti hoc sunt ab omni ævo Christiano, innumeri . Sic Basilides in Hispania deiectus ab Episcopatu, Romam ad S. Stephano Papam adjicit, à quo sedi suæ restitutus est, ut S. Cyprianus Epist. 68. testatur ; qui tametsi dolet impositum eff. S. Stephano à Basilide , tamen tutum ac legitimum fuisse in Stephano perfugium , non diffitetur . SS. Athanasius & Petrus Alexandrinus, teste S. Hieronymo Epist. 16. eodem configuerunt . De Theodoreto quām suppliciter & fidenter per litteras ad S. Leonis tutelam configuerit, docent eius litteræ , quæ extant . Idemque de S. Chrysostomo produnt litteræ ad Innocentium I. De S. Ignatio Constantinopolitano malignitate Photij oppresso, perfugium nacto apud Nicolaum I. res est vulgatissima . Alia exempla addensat Pamelius ad Epist. 68. S. Cypriani num. 17.

Ciuitas Regis Magni, ciuitas Dei nostri . Psalm. 47.

Ibi ad litteram agi de ciuitate Romana ob sedem Pontificiam, monstrat Lucas Tudensis lib. 2. contra Albig. cap. 12. adducendus infra V. *Dignitas inexplicabilis.*

Ciuitas sedis Petri, quæ pastoralis honoris facta caput mundo, quidquid non possidet armis, Religione tenet. Prosper Carm. de ingratis; & 2. de vocat. gent. cap. 16. & similia S. Leo serm. 1. de Nat. Apostolo.

Ciuitas per quam Deus dedit, ut cœteris, mens una sacrorum foret. Prudent. hymnus de S. Laurent.

Frequenter id celebrant Patres , quod vna hæc Cathedra , sit constituta , vt hæreseon & schismatum tolleretur occasio . Disertè . S. Cyprianus lib. de unitate Ecclesiæ . S. Hieronymus lib. 1. contra Iouinia . cap. 14. Creditus Ambros. 1. Cor. 12. Itaque verius in Romanam Ciuitatem ca-

O dit,

dit, quod de Alexandrina dictum est ab Eunapio in Aëdifico, quod scilicet [ob illic locatum Serapidis fanum, esset alter quidam orbis terrarum, ad quem vnde cunque omnes confluenter, & in quo omnes sociarentur.] Valet etiam multò magis de Roma Christiana ratione Pontificis, quod de Roma profana, ratione Imperatoris, dictum est à Symmacho lib.4. Epist.28. [In commune imperij caput vndique gentium conuenitrum quod Clementissimum Principem in hac parte degentem varia omnium desideria, vel necessitates s' quuntur.] Hoc suo æuo factum, Seneca in consol.ad Albin.cap.6. & Ammianus lib.16. profitentur. De eodem ergo affluxu & concursu vnde cunque gentium ad Romanam Christianam, propter potentiores (vt ait) principalitatem, idest propter Principem Spiritualem, Imperatore potiorem ibi sedentem, locuples testis est. S.Irenæus lib. 3. contra hæres. cap.3. vbi plenè Feüardentius.

Clauicularius osty, quod Christus est. Iuo serm.de Cathedra S.Petri.

Clauicularius regni. Petrus Damiani serm.26.

Clauiger athæreus, portam, qui pandit ad æthram. Aldelmus Epistola ad Gernuthium.

Clauiger cœli. Cyrillus Hierosolym.catech.6.& 17. Anastasius Biblioth.in præfatione ad vitam S.Ioannis Eleemos. Nicolaus I.ad Consulta Bulg.cap.5.

Clauiger beatus vitæ æternæ, cui Deus terreni simul & cœlestis imperij iura commisit. Petrus Damiani opusc. 4. sub initium.

Titulus *Clauigeri cœlorum, & consimiles iam prolati, fundantur in illis Christi verbis ad Petrum directis.* Tibi dabo claves regni cœlorum. Ea quippe verba ad S.Petrum dirigi, nemo non videt, & supra monstratum est prænot.3. Optime vero consilium Christi notauit S.Eulogius lib.2.de Pœnitentia contra Nouatianos, dicens. [Ideo nec Ioanni, nec alteri cuiquam discipulo dixit Saluator, Tibi dabo claves Regni

gni cœlorum, sed soli Petro, qui Deum negaturus erat, & peccatum lachrymis & poenitentia expiaturus, ut suo ipsius exemplo, erga peccatores humanior esset. Alij enim non tentati, forsan seuerius cum peccatoribus egissent.] S. Optatus lib. 7. præclarè id retulit ad agnitionem legitimæ potestatis etiam in peccatore. Plures adducti in commonitorio ut sit moderatio quod dicitur, astipulantur Sancto Eulogio, quoad causam concessionis clauium Petro soli & non cœteris factæ. Et alios quoque in eam rem proferam sub finem Epilegomenorum. Allatratuit autem S. Eulogium Photius Cod. 280. pro odio quo semper in Romanos Pontifices flagravit. Ait enim, omnibus æquè Apostolis datas esse claves regni cœlorum, non Petro tantum. Quinetiam eandem potestatem omnibus deinceps sacerdotibus esse collatam. Omnes enim sacerdotes ligant & soluunt & ex vi collationis clauium ipsis quoque factæ in persona S. Petri, ut Photius philosophatur. Sed erroneè more suo. Nam tametsi omnibus Apostolis, ac etiam sacerdotibus ad ligandum & soluendum assumendis ab Ecclesia, competitnt aliqua ex parte claves regni cœlorum, non tamen cum ea prærogativa vniuersalitatis ordinariæ ac independentiæ, cum qua claves collatae sunt S. Petro: qui proinde merito solus & iure præcipuo, dicitur *clauicularius regni*, & *clauiger cœli*, ac *vitæ eternæ*. Moschi ut est apud Sigismundum Herbestenum in commentarijs Moscouit. pagina mibi 15. Principem suum vocant *clauigerum Dei* quasi Dei familiarem & ad eius arcana admissum. Idem sensus possit facile Pontifici accommodari.

Columen Ecclesiæ, fundamentum fidei. Chrysost. homil. 2. *Trifft.*
in Psalm. 50.

Columna & stabilimen Christianæ Religionis. Chrysost. *Pt*
homil. 3. in Acta.

Columna Ecclesiæ, fidei basis. Chrysost. hom. 2. in Psalm. 50.

Columna ac munitum Ecclesiæ. Idem homil. de Petro
& Elia.

O 2

Colum-

Columna incorrupta Ecclesiarum. Basilius Imperator in Encyclica post 8. Synodum.

Columna & vertex antiquissimus Theologorum. S. Dyonis. cap. 3. hier. Eccles.

Theologos ibi vocat S. Dyonisius, præstantes quosque, &c in rebus diuinis maximè illuminatos Doctores, quorum columnam, appellat S. Petrum, quia omnis Doctrina reuelata, firmitatem & stabilitatem obtinet à S. Petri sede. *Antiquissimus*, verò eorundem Theologorum vertex appellatur, quia est omnium summus, & primus.

Consiliarius necessarius Christianorum. Chrysost. in encomio SS Petri & Pauli.

Non potuit breuiùs & pleniùs exponi necessitas omnibus Christianis iniecta, recurrendi ad Romanum Pontificem in quæstionibus de religione, dubijsque de fide ac moribus, ut agnouerunt passim veteres. Optimè S. Irenæus lib. 3. cap. 3. & Anastasius S. Maximi discipulus; ipseque S. Maximus, adducti à Gennadio cap. 5. pro Concilio Florent. sect. 8. præmisératque ex S. Cypriano & ex Iustiniani Epistola ad Epiphanium Patriarcham, insignia in hanc sententiam testimonia, quæ hic adscribenda fuissent, nisi obstareret prolixitas. Pulcherrimum præterea in eandem rem testimonium Theodori Studitæ, ex eius Epistola ad Michaëlem Imperatorem, profert idem Gennadius sect. 17. Addensat alia testimonia Pamelius ad Epistolam 55. S. Cypriani num. 90. Vnum luculentum Andronici Græc. Imperatoris, qui floruit anno 1271. ex eius Epistola ad Ioannem 21. iuuat adducere, descriptum ex antiquo illius Epistolæ exemplari in Bibliotheca Vaticana afferuato, & Latinè simul ac Græcè exhibitum ab Eugubino lib. 2. de donatione Constantini pag. 284. [Hæc Sacro-sancta Roma-
na Ecclesia, supremum, absolutumque principatum po-
testatemque super vniuersam Ecclesiam Catholicam ha-
bet: quam quidem potestatem, in seipsa verè & humiliter
agnoscit esse, atque accepisse cum plena authoritate ab
ipso]

ipso Domino in Beato Petro Apostolorum principe ac vertice, cuius Romanus Pontifex est successor: & quemadmodum præter alias Ecclesias habet potestatem de fide iudicandi: sic & si quæ de fide subortæ fuerint quæstiones, huius iudicio dissoluendæ sunt. Ad hanc vnuſquisque vexatus prouocare potest, & in omnibus causis, quæ ad examen Ecclesiasticum spectant, ad huius Iudicium potest quisque recurrere, & huic omnes Ecclesiæ sunt subiectæ.] Hæc præter cætera Andronicus. Quod si *Consiliarij*, vox sumeretur pro eo, qui *Monitoris & Correctoris* munere fungitur, vt sit apud S. Chrysostomum homil. de ferendis moderatè reprehensionib, ne sic quidem hic titulus à Romano Pontifice esset alienus. Nam Pontificis est, monere, arguere, increpare quoscunque fideles aberrantes.

Sed quod maximè est expendendum, hic Consiliarius dicitur *necessarius*. Id quippè est summo Pontifici peculiare. Verum quidem est, titulum *Consiliarij* ad omnes Antistites pertinere, eosque ex proprio munere esse Consiliarios non Reges, vt per pulchriè explicat S. Basilius in cap. 1. Eliaæ ad illud, & *Consiliarios tuos sicut ab initio*. Ut ergo detur, non esse incongruum alios in causa fidei adire Antistites, & illis auscultare cum consilium præbuerint, tamen Pontifex Romanus est Consiliarius necessarius fidelium, vt habet titulus propositus. Similiter SS. Patres, à Leontio Byzantino lib. 1. contra Nestor. & Eutych. in proœmio allegationis SS. Patrum, nominantur, *Admirabiles Spiritus sancti Consiliarij*, quia per eos & in eis quasi consulimus Spiritum sanctum; quo sensu olim Prophetæ dicti sunt, *Consultores*, vt notat Iacqbus Bolduc lib. 1. de Ecclesia ante legem cap. 5. sed quamvis Vnanimis de aliquo dogmate Sacro Patrum consensus, præbeat indicium traditionis, ob quam res sit fide credenda, tamen nemo Patrum seorsim sumptus, est necessarius Christianorum Consiliarius, sicut Christi Vicarius. Denique S. Ioannes Euangelista à Zeno de Veronensi serm. de Fide, Spe, & Charitate, denominatur.

tur *specialis arcanorum Domini consultor*. Sed hoc propriè non sonat *Consiliarium*, qui potius diceretur *consultus*; sed sonat eum qui consultat, & arcana Dei exquirit ac combibit, quod fecit S. Ioannes vrgente Petro in coena vltima: & dici etiam potest idem præstisſe, cum applicitus vitali mammæ, cœlestem sapientiam suxit. Pulchrè id habet S. Gregorius in libro Sacramentorum in Præfatione ad festum S. Ioannis Euangelistæ his præter cœtera de eo Apoſtolo. [In coenæ mysticæ sacrosancto conuiuio, super ipsum vitæ fontem æternum, scilicet pectus recubuit Saluatoris, de quo perenniter manantia cœlestis hauriens fluenta doctrinæ, tam profundis ac mysticis Reuelationibus est imbutus, ut omnem transgrediens creaturam, excelsa mente conspiceret, & Euangelica voce proferret, quod in principio erat verbum, & verbum erat apud Deum, & Deus erat verbum.] Nec minùs concinnè Gregorius Nyſenus homil. i. in Cant. [Verbi amauit vbera, qui supra pectus Domini in coena recubuit, & veluti quandam spongiam cor suum apposuit fonti vitæ, & ex ineffabili quadam traditione repletus Christi mysterijs, nobis quoque exhibet mammillam à verbo impletam, nosque implet bonis, quæ ei à fonte sunt indita, magna voce prædicans, quod semper est verbum.] Hæc omnia ferunt S. Ioannem consulto Deo euasisse insignem filium Tonitruj, siue eximium Prædicatorem diuinorum mysteriorum, quæ fuerant abscondita à sæculo. Aliud verò est, quod enunciatur de Christi via: io, eo titulo *Consiliarij necessarij Christianorum*; qui scilicet in dubijs circa fidem ac Religionem, adeundus ex necessitate sit, ut per eum ambigua explicentur, & nodi omnes expediantur.

Nec tantum à fidelibus consulendus est hic Consiliarius, sed ipse quoque ex munere omnibus vltrò consulit. Iuxta illud Petri Cluniacensis ad Innocentium II. lib. 4. Epift. 3. [Spiritus consilij qui spirat ubi vult, qui per vos Ecclesiæ suæ per totum orbem diffusæ assiduè consulit, &c.]

Ipsæ

Ipse è contrario, neminem ex necessitate consulit quoad doctrinam fidei. Nam etsi cum aliquid magni momenti statuendum est, tenetur adhibere viros prudentes & peritos in consilium; tamen si non adhibeat, & ipse solus aliquid ad fidei doctrinam pertinens proponat, animo obligandi fideles ad sic credendum, eius resolutio tenet. Vnde coeteri respectu eins non sunt Consiliarij necessarij quoad praedicta. Quod addo, quia de rebus temporalibus, & negotijs saeculi alia est ratio. Et de his rebus accipiendum est, quod Ioannes VIII. Epist. 87. scripsit ad Ludouicum Balbum Caroli Calui filium. [Te quoque Charissime fili, auctoritate Sancti Spiritus Dei nostri, ad vicem genitoris vestri Domini Caroli perpetui Imperatoris Augusti, à secretis constituo meum Consiliarium; qui ut dici afolet, pars animæ meæ fuit. Et quæque agenda sunt, coge, adunaque consilium, quia in fonte tui cordis primum intingendus Calamus, deinde manus nostra formabit characteris apices.]

Coryphaeus sacrī sodalitij. Isidor. Peluf. lib. 1. Epist. 142.
& Epist. 58.

Coryphæum idem esse quod caput, intelligitur ex illis verbis Pausaniæ in Corinth. [Supra theatrum, templum, est Iouis, quem Capitolinum Romana voce, Græca lingua Coryphæum rectè appellaris.]

Crepidō & Petra Catholice Ecclesiæ. Concil. Chalcedon.
Actio. I.

Crepidō immobilis, Petra infragilis, magnus Apostolus.
S. Chrysostomus homil. 9. de pœnit.

Crepidō confessionis fidei. August. serm. 104. de temp.

Curator Vicarius ouium Christi. Sanctus Fulgentius nouo serm. 57.

Locus est perelegans, quo S. Fulgentius sic inducit Christum cum Sancto Petro agentem in procinctu conferendi ei Pontificatum. [Et tu ouis eras, & es. Præficio te ouili Pastorem; dimitto te ouibus meis vicarium Curatorem.

Pasca

Pasce oves m̄eas . Ante pascua plantat , & sic oves Pet̄o commendat . Plantauit Pascua in ligno viuenti , in cruce non marcescenti . Plantauit vulnerata germina , ap̄eruit pro fonte sanguinem , im̄ò verò fontem crucem . Ecce habes campum pratorum ; passionem vulnerum ac cicatricum , & pro meorum agnorum sollicitudine pusillorum , deduc eos ad pascua , ad passionem meam . Doce carpere germina , credere vulnera mea . Doce carpere fragrantissimas Rosas ; cicatrices in sole Iustitiae patefactas . Ibi oves m̄eæ diuersa professione clarescant , ut hac sollicita pascua , à me redempta non violetur , Ecclesia . Commendat secundò & tertìo , ad cœlos sedens in proprio throno . Interpellemus eum , nec Petrus tacet , legatus , Pastor , Vicarius .]

Currus & auriga , spiritualis Israēlis . Anastas. præfatione in vitam S.Ioannis Eleemos.

Custos aulæ ethereæ . Arator lib. in Acta. ferè in fine .

Custos totius ouilis Sanctæ Ecclesiæ . Petrus Dam. serm. 30.

Custos vineæ à Salvatore ipso deputatus . Concil. Chalced. in fine , & Actio. 3. in Relatione Synodica ad S. Leonem .

Allusio est ad illud , *Posuerunt me custodem in vineis . Quod de Christo principaliter dictum , accommodari proportione potest ad Ecclesiæ excubitorem , Romanum Pontificem , eo præsertim modo quem de Christo expressit S. Cyprianus in calce libri de montibus Sina & Sion , quem iuuat adducere . [Nos sumus vitis vera , quæ est vinea Dominica , & Christus custos vineæ suæ , dicente Salomone , posuerunt me custodem in vinea . Inuenimus verò in conuersione huius mundi , in similitudinem spiritalem figuraliter esse vineam , habentem Dominum & possessorem suum . Tempore verò maturo , propè dies vindemiarum positum in vineam Custodem puerum in alto ligno media vinea confixo ; & in eo ligno faciunt speculum quadratum , de arundinibus quassatis , & per singula latera quadraturæ speculi , faciunt cauernas ternas , quæ faciunt cauernas duodecim : per quam quadraturam cauernarum , custos puer om-*

omnem vineam perspiciens custodiat, caⁿtans, ne viator ingrediens, vineam Dominicam sibi assignatam vexet, vel fures vuam vineæ conculcent. Quod si importunus fur egens, in vineam voluerit introire, & vuam demere, illic puer sollicitus de vinea sua, deintus de specula, dat vocem maledicens & comminans, ne, in vineam viator fur audiat accedere, dicens, *rectum ambula*. Fur autem timens vocem pueri sibi comminantis, refugit de vinea, speculam videt, & timens post viam suam vadit. Hæc conuersatio secularis; similiter gratia spiritalis. Ita est enim & in populo Deifico, sicut in vinea terrena.]

Custos vitæ & fidei Christianæ. S. Ansel. lib. de Incarnat. Verbi cap. I.

Custos fidei. Petrus Chrysol. serm. 107. Concil. Ephes. tom. 2. cap. 15.

Quid sit Romanum Pontificem esse *custodem fidei*, optimè his verbis expressit S. Martinus I. Epist. 11. quæ est ad Ecclesiam Hierosolymitanam & Antiochenam. [Scire vos volo fratres, de rebus præsentibus, idest de furibus, qui de temporibus nostris insurrexerunt contra orthodoxam fidem; nempè Theodoro qui fuit Episcopus Pharam, & Cyro qui Alexandriæ, & Sergio qui Constantinopolis, & eius successoribus Pyrrho & Paulo; quod hì per propriam hæresim valdè moliti sunt perfodere, & thesauros siue dogmata Ecclesiæ expilare. Nos verò, id est huius Apostolicæ sedis Pontifices, ad custodiam domus perwigiles, iuxta præceptum Domini, non permisimus eos hanc effodere, vel fidei surripere thesaurum; sed ipsos catenis impia eorum & adulterinæ doctrinæ constringentes, accurata demonstratione & examinatione eorum, quæ ab ipsis contra integritatem Christianæ fidei scripta sunt, tum ipsis, tum ea quæ impiè docuerunt, igne canonicae sententiæ veluti mala zizania exurentes, Synodaliter condemnauimus, vbique omnibus eorum hæresim publicantes.]

*Custos & Præfus cœlestium claustrorum . S.Gregorius in
Sacramentario , Præfat.de Cathedra S.Petri .*

Cœlestia claustra nihil aliud sunt , quām Ecclesia reti-
nens fidem puram & fermentatam , ac Virginem (vt sic
dicam) Inuiolatam & integrum. Munus autem primarium
Pontificis Romanani est , satagere vt depositum paternum ,
hoc est fides à SS. Apostolis in prædiues depositorum Ec-
clesiæ Romanæ illata (vt S.Irenæus loquitur lib. 3. contra
hæres. cap.4.) & Præfulum eiusdem Ecclesiæ studio & cu-
ræ commissa , seruetur libera ab omni errore . Munus hoc
suum expleuisse plenè ac diligenter Romanos Pontifices ,
monstrare licet verbis Gennadij cap.5.pro Concil.Floren-
tino se & 16. qui sic loquitur . [Romæ , fidei claves Christus
apud Petrum Apostolum depositum , vt Ecclesiam totam
pasceret , atque gubernaret . Nec apud illum tantum , sed
etiam apud eius successores , ipsi dicens , & tu aliquando con-
uersus , confirma fratres tuos : quæ quidem non soli Petro
contigerunt , sed & eius successoribus . Nam Silvester ma-
gnus , Papa Romanus , post baptismum Constantini , Ar-
rij hæresim aboleuit , & in eadem vrbe Liberius ac Iulius
Athanasium confirmarunt , & Alexandriam remiserunt ,
cum ab Arjanis persecutionem pateretur ; Damasus Papa ,
Eunomij hæresim , & Macedonij Constantinopolitani Pa-
triarchæ , funditus sustulit . Diuus Cœlestinus , in ppij Nesto-
rij Constantinopolitani Patriarchæ hæresim , per Cyrillum
Theoponum deleuit . Leo Sanctissimus , sacrilegam Euty-
chis & Dioscori hæresim damnauit , Martinus & Agathon
Monothelitarum scelestam hæresim , verbo & operibus su-
stulerunt . Gregorius Dialogus , Impietatem eorum , qui
imagines oppugnabant , anathemati subiecit . Deinde post
inobedientiam & schisma , Nicolaus I. ipse met Constantinopolim
profectus est , Photij tempore , vt tolleret schisma :
quem cum non receperint , excommunicationi ab eo sup-
positi sunt . Post hunc , summi Pontifices per temporu-
m vices non desiterunt rescribere , & hortari Græcos ad Ec-
cle.

ecclæ conuersionem.] Hæc ad suos Græcos, verè ac fide-
ter Gennadius, additque de coeterorum deinceps Romanorū
Pontificum studijs, in conseruanda & instauranda
apud Græcos fide Catholica; quibus se studijs claustrorum
Ecclesiæ ac fidei, veros custodes à Christo constitutos com-
probarunt.

*Custos animarum nostrarum, totius Ecclesiæ adhuc in ter-
ris peregrinantis; hoc est unicae Columbae inter coruos gementis
Præsul.* Petrus Cluniac. lib. 4. Epist. 18.

Custos sponsæ Domini. S. Bernard Epist. 49. & 161.

Custos sedis Apostolorum Petri & Pauli. Gabriel Archie-
scopus Nesa compellans Romanum Pontificem, in cal-
ce Synodi Chaldaeorum.

D

Depositor prophanarum hæreſeon. Sergius Cyprius in
Concil. Lateranen. Sub Martino I. consult. 1. Syno-
dus Alexandrina ad Felicem.

Quod Prosper serm. de ingratis de Pelagiana hæreſi scri-
bit, Primū à sede Petri fuisse reſectam, hoc de omnibus
propè hæreſibus dicere liceat: eaque ratione, hæreſum de-
positor audire debet Romanus Pontifex. Idipſum & cum
extēſione omnīnd illuſtri fert annotatus locus Synodi Ale-
xandrinæ, cui S. Athanasius interfuit, & Ægypti, ac The-
baidis, & Lybiæ Episcopi. Sic enim ea Synodus affatur Fe-
licem. *Tu prophanarum hæreſeon, & impeditorum, atque om-
nium infestantium depositor, & princeps, & Doctor, caputque
omnium, orthodoxæ doctrinæ, immaculate fidei existis.* Ma-
gna planè Romani Pontificis gloria, quod eius, quippè to-
tius Ecclesiæ principis, sit, omnes hæreticos, omnes sanæ
doctrine impeditores, omnes innoxiorum oppressores, fi-
dem ac innocentiam tegendo & communiendo, coērcere.

Deputatus excubij Ecclesiarum. Iuo serm. de Cathedra
S. Petri.

Deus in terris. Bald. cap. de sent. rescind. adductus & approbatus à Felino cap. *Ego N.* de consec. & à Decio in c. i. de constitut. nec non à Glossa in proem. Clement. & ab alijs apud Philippum Probum in additionibus ad Ioannem Monachum in Prologo sexti Decretal. num. 54. & à Troilo Maluetio lib. de Canonis SS. dub. 2. num. 12.

Ringitur ad hunc Pontificis titulum, Franciscus Hotomanus, Sectarius lib. contra Bullam Sixti V. cap. 4. allegans eum ex cap. *inter corporalia*, de translat. Episcop. sed est falsa allegatio pro more Sectariorum; verba Baldi ex abiunctissimo opere ciuili affingens contextui Iuris Canonici, deprompto ex rescripto Innocentij II. Vnde quamvis titulos Romani Pontificis, non nisi ex Patribus Concilij sue decerpentes hic suscepimus, tamen quia titulus de quo agitur, tanquam Innocentij iactatus est, eum hoc adduximus, ut monstraremus, nihil ei titulo subesse, quod iure reprehendi posset; immo optimum sensum continere, quantumcunque tragicè exclamat Leguleius, non iam Christianus, sed Hotomanicus. Nemo enim Catholicorum vñquam cogitauit, de diuinitate arroganda Romano Pontifici, vt impiè calumniatur aduersarius, corradens in eam rem benè multa, non iam quę id conatos Pontificios probent, sed quę illum strenuè ac calumniosè ineptire conuincant. Sicut etiam nemio vñquam Catholicus cogitauit, vel in disceptationem adduxit, quod à Theologis disputari ait Erasmus 1. Timot. 1. ad illud *In Vaniloquium*, propè pudet referre, quod Erasminus non puduit Theologis affingere:) *Vtrum Papa, simplex homo sit, an quasi Deus; an participet utramque naturam cum Christo.* Et id ipsum est, quod in Epistola S. Hilarij operibus prefixa, bacchatur contra nouum (vt ait) commentum *Θεοτύπως* in his, qui nihil aliud sunt quām homines, apposito ad marginem hoc lemmate, *De potestate Romani Pontificis.* A page spurcum blateronem, & infamem effrontemque calumniatorem. Quis vñquam Theologorum, aut Catholicorum, de hoc disceptauit? Di-

cam

cam cum S.Basilio lib. de Spir.sanct.cap.17. [Ob nimiam
istorum absurditatem , videmur oratione destitui, nec ha-
bere quibus verbis illorum stultitiam reprehendamus; adeò
vt mihi videantur, etiam propter amentiam, aliquid lucri-
facere . Quemadmodùm in corpora mollia cedentiaque ,
non possis egregiam plagam impingere , eo quod obſtēre
contraque niti non queant , ita eos qui palam insaniunt ,
non possis forti validaque redargutione percellere . Super-
est igitur vt abominandam illorum impietatem silentio
prætereamus .]

Nobis certissimum est , Pontificem Romanum , ita esse
purum hominem, vt tamen in terris sit Dei Vicarius; & ea-
tenus dicitur *Deus in terris*, nempe repræsentatiuè ; & quia
diuinas veritates nobis authenticè proponit , ac infallibili-
ter deducit ex reuelatis ; habetque Dei assistantiam ne er-
rare possit, docens vt Pontifex, siue ex cathedra , quod est
aliquatenus esse Dei os respectu fidelium . Eius denique
sententia in terris, præiudicium est diuinæ sententiæ, vt di-
xit S.Hilarius, Canon. 16.in Matth. Non plus voluerunt Iu-
risperiti allegati, & Card.Paris.conf.63.num.162.volum.4.
cum dixit . [Papa est quoddam numen & quasi visibilem
quemdam Deum præferebat .] Fauetque Gregorius II.
Epist. 1.ad Leonem Isaurum, *in fine*, cum dixit S.Petrum in
omnibus regnis Occidentis , haberi vt Deum terrestrem ;
quod de S. Petro , formaliter vt Pontifice dictum , cadit
æquè in omnes successores , & eo sensu , tributum Roma-
no cuius Pontifici titulum Dei in terris, contra Vvicleffii
latratus propugnat Valdens. lib.2.doct. cap.50.num.8.

Sed vt Hotomanicos hosce crabrones fortius commo-
ueam , placet subnectere locum Clementis Romani , ex
2.Constit. cap. 26. quo vniuersè de quovis Episcopo , (ne-
dum de Episcoporum Episcopo) ita pronunciat . [Qui Epi-
scopus est, hic est minister verbi, scientiæ custos ; mediator
Dei , & vestrum in ijs , quæ ad eum colendum pertinent .
Hic est magister pietatis, ac religionis . Hic est secundum ,
Deum

Deum pater vester, qui vos per aquam & Spiritum, in ad-
optionem regenerauit. Hic princeps & dux vester, hic ve-
ster rex & præfectus. Hic post Deum, terrenus Deus, qui
honore vestro frui debet. De his enim, & similibus aiebat
Deus, *Ego dixi, Dij estis, & filij altissimi omnes: Et Dijs po-*
puli tui non detrahes. Episcopus igitur vobis præsideat, ut di-
gnitate Dei cohonestatus, qua clerum sub potestate sua te-
net, & toti populo præest.]

Deus Pharaonis. Petrus Bles. Epist. 144.

Alludit ad illud Dei ad Moysem. Exod. 8. *Ecce constitui*
te, Deum Pharaonis. Quod de Moysē dictum est, quia po-
tenter dominurus erat Pharaonem, in manu potenti &
brachio excelso. Similiter enim Romanus Pontifex dicitur
Deus Pharaonis, quia in promptu habet vlcisci omnem-
inobedientiam: quod ut præstaret in filij sui captiui causa,
vrgebat Aleonora Anglorum Regina, cuius nomine ea-
Epistola cum duabus sequentibus à Blesensi exarata est.
Hanc esse mentem Blesensis in illius tituli delatione, per-
spicuum est ex eo quod S. Bernardus lib. 4. de consid. c. 7.
adhortans Eugenium, eique proponens qualis esse debe-
ret, monet postremo, oportere ut sit Deus Pharaonis, &
quasi hoc interpretans, addit. [Intellige quæ dico; dabit
tibi Dominus Intellectum; ubi malitia potentia iuncta est,
aliquid tibi supra hominem præsumendum. Vultus tuus
super facientes mala. Timeat spiritum iræ tuæ, qui homi-
nem non veretur, gladium non formidat. Timeat oratio-
nem, qui admonitionem contempsit. Cui irasceris tu,
Deum sibi iratum, non hominem putet; Qui te non au-
dierit, auditurum Deum, & contra se palleat.] Planè se
Deum Pharaonis exhibuit primis illis Christianis sæculis
S. Fabianus Papa, Philippum Imperatorem multans, non
secus ac fidelem quempiam è plebe. Non dissimile pecto-
ris robur, contra Arcadium & Eudoxiam Augustam, pro-
didit in causa S. Chrysostomi impiè vexati, S. Innocen-
tius I. Æquè verò Deum Pharaonis se præstitit Symma-
chus,

chus, fortiter obſiſtens Anastasio Imperatori, & Nicolaus I. confundens Michaëlem item Imperatorem, ac Gregorius VII. aduersus varios magnos, qui erant in terra, vt in eius regiſtro videre eſt. Eſſe porrò id proprium Romani Pontificis, agere pro Deo confidenter, nec ullius faciem respicere, conſteſtatur Agatho Papa, Epifola priuata ad Imperatores in 6. Synodo.

Dignitas Romanæ Ciuitatis. Theod. & Valentinia. in Nouella de ordinat. Episcopor. Sic nominantes, S. Leonem. prout Pontificem.

Dignitas facta toto orbe venerabilis, dum illi quicquid fideliūm eſt, ubique ſubmittitur, dum totius corporis caput eſſe deſignatur, de qua videtur dicitur prophetam; ſi hæc humiliatur, ad cuius confugietis auxilium? & ubi relinquetis gloriam veſtram? Ennodius in Apologetico.

Agit de dignitate Romani Pontificatus. *Fastigium dignitatis & celsitudinem honoris, cum pari iunctam periculo, vocat S. Bernardus Epift. 237.* Allegatio autem Prophetæ, adhibita eſt quoque à Ioanne VIII. Epift. 21. quæ eſt ad Carolum Caluum. [Cogitate (inquit) Dei cultor ſemper Auguſte, à Prophetā (Iſaiæ 10.) præmoniti, ſi hæc humiliatur, ad cuius confugietis auxilium, vel ubi relinquetis gloriam veſtram? Perpendite, quia ſi hæc humiliatur, non ſolum gloria Imperij veſtri periclitabitur, ſed & ipſa proſecto Christianæ religionis cultura, maxima ex parte peribit.] Rationem reddit Epift. 32. quæ eſt ad eundem Carolum, *Sub finem.*

Dignitas inexplicabilis, cuius inuidia tactus Lucifer ambivit ſedem in lateribus Aquilonis. Lucas Tudensis lib. 2. contra Albigenſes cap. 12.

Elogiolum eſt dignitatis Pontificiæ, quod verbis Lucæ Tudensis explicandum eſt. Disputat ille in hanc rem paullò fusiūs, huc aptius illud Psaltis, *Mons Sian latera Aquilonis, ciuitas Regis magni, occasione illius plagæ orbis terrarum, ad quam Christus pendens in cruce obuersus eſt.*

[Chri-

[Christus (inquit) faciem versus occidentalem plagam te-
nuit, contra quam caput etiam inclinavit, quando Spiritum
emisit. Hic summus sacerdos & verè Pontifex obla-
tione sui corporis & spiritus, & respersione cruoris sacri,
consecrauit mundum, & præ cœteris partibus, occiduum
regionem: qui ligandi & soluendi, Romano Pontifici in-
occiduo hemisphœrio consistenti, præ cunctis mundi Prä-
latis contulit excellentiam, in plenitudine potestatis. Hanc
inexplicabilem dignitatem, Diabolus (vt videtur) præui-
derat, cum sedem suam in lateribus Aquilonis ponere cu-
piebat, vt Altissimo similis fieret, exercendo diræ Tyrann-
idis in hominibus principatum, qui primatum gerebat,
inter omnes ordines Angelorum. Sed multa turgidus su-
perbia cecidit, quia se contra Deum erexit, Dominium su-
perbiens usurpare, quod Creator suo dominatui reseruarat.
Audiant & tabescant, qui superbè nituntur hominibus do-
minari. Deus superbientibus Angelis non pepercit, sed eo-
rum multitudinem, atrocioribus flammis suo iudicio re-
seruauit perpetuò cruciandam. Et quomodo parcet homi-
ni in contumacia superbiae persistenti, qui est vermis & ci-
nis? Fraudatus est à suo desiderio inimicus, licet arte ma-
litiae suæ seduxerit hominem, & orbem sibi fraude nequitiae
subiugauerit vniuersum. In monte Testamenti, in lateri-
bus Aquilonis, à concepta malitia desistens minimè post
ruinam, quia in Sancta Vrbe Romana, quæ sita est in late-
ribus Aquilonis ante aduentum Christi, sacrilegis cultibus
& nequitiae legibus super orbem vniuersum exercuit prin-
cipatum. Dominus autem noster Iesus Christus, qui præ-
liaturus contra malignum Principem, Crucem ascenderat,
& sanctam sibi in lateribus Aquilonis, & occiduo climate
præelegeras vrbem, contra occidentem capite inclinato
spiritum tradidit, vt seruum de potestate dœmonum erue-
ret fugitiuum, qui suggestione Diaboli à iustitiæ recesserat
sole: & plus gelidus mente quam corpore, captus tenebris
ignorantiae, in Aquilone vel Occasu culturæ dœmonum,

se

se à facie sui absconderat Creatoris. Insecutus est Dominus inimicum immisione sui spiritus, & eo à throno sanctæ vrbis expulso atque deiecto, vniuersa arma, in quibus confidebat abstulit; & sacerdotis sui atque Imperij in ea solium confirmauit. Apertum est præterea versùs illud clima, sanctissimum latus eius, de quo exiuit sanguis & aqua. Emisit Dominus spiritum, vt seruum nostrum à peccatorum occiduo suscitaret: produxit sanguinem vt congelatum torpore Aquilonis calefaceret: dedit aquam vt ablueret soridum, qui computruerat in stercore vitiorum. Dextram contra Aquilonem tenuit, quia virtute sua infidelitatis, odij, auaritiæ, acediæ, luxuriæ, & superbiæ principem debellauit; in lateribus Aquilonis, in occidua Regione; situ tamen calenti sita est Roma, mater cunctarum Vrbium, & Regina, vt in se flagret per charitatis flammam, frigidos calefaciat sanctitatis exemplo & bona fama; rudes & ignorantibus illuminet per diuinam scientiam. Hæc est insignis Regina illa, quæ assistit à dextris filij Dei, non solum dignitate, sed etiam situ pendens in Cruce, in vestitu deaurato circundata varietate, dum splendorem excellentissimæ potestatis, diuersitate cunctarum gentium, ad salutem æternam pertinentium, varietate linguarum Romanus Antistes, summus princeps & Pontifex, fideliter & devoutissimè prædicatur. Romanum dico Pontificem, imò corde credo & ore profiteor, totius orbis animarum & corporum, illum esse post Deum principem & pastorem, quorundam sapientum fideli assertione. Hæc est ad literam, illa Ciuitas Regis magni, ciuitas Dei nostri, in qua magnitudinem suam specialiter Dominus ostendit, incomprehensibilem & laudabilem nimis; & in qua excellenter supereminet cunctis fidelibus Christiani cultus, prælatio dignitatis. Hæc mons testamenti, siue mons sanctus, rectè dicitur, quia in morte sua statuit Dominus Romano Pontifici summæ excellentiæ, dignitatis, pacis, & gloriæ testamentum, & principem fecit illum, vt sit illi semper super

Q

cun-

cunctos Ecclesiæ rectores Sacerdotij dignitas in æternum.
 Ad hanc urbem sacratissimam conseruandam, & de ido-
 lorum spurcijs emundandam, de diuersis mundi partibus
 Dominus post respersionem sui sanguinis sacratissimam,,
 qua vniuersus orbis est consecratus, innumerabiles con-
 uocauit sanctissimos Sacerdotes, vt quælibet patria habe-
 ret Romæ, quo illi, cultum deuotionis, etiam quasi natu-
 raliter exhiberet. Dedit itaque Iudæa Apostolorum Prin-
 cipem Petrum. Dedit Cilicia Doctorem gentium Paulum.
 Dedit Hispania Sanctissimum Leuitam Laurentium, quo-
 rum sanguine sanctificauit; & corporibus Vrbem deside-
 rabilem decorauit. De omnibus etiam alijs regionibus, in-
 numerabiles mundus dedit Martyres, & protulit Confesso-
 res, quorum effusione sanguinis, doctrina sacra, quiete
 corporum, alma Ciuitas consecratur. In tantum illam san-
 ctificauit Dominus, vt quicunque ad eam catholicè de-
 malis perpetratís venerit emendandus, ipsius Pontificis
 ministerio, qui est specialissimus Vicarius Dei, & loco ac
 dignitate successor Apostolorum Principis Petri, remissio-
 nem percipiat peccatorum, & etiam sanctitatis gratiam
 consequatur. Temporibus primis (vt superius prælibauit)
 Princeps malignorum spirituum ad suæ vesaniae cultum
 nefandissimum ampliandum, quæque meliora de cunctis
 gentibus, gemmarum, auri, argenti, marmorum, & cun-
 ctorum insignia spolia congregauit. Fortior autem illo
 superueniens Dei filius, sanctis Apostolis & Martyribus su-
 per distribuit vniuersa. Etenim quæcunque erant ad cul-
 tum Idolorum, omnia cedunt in honorem, & obsequium
 Sanctarum Ecclesiarum. Thesaurizabat Diabolus, & igno-
 rabat cui congregabat ea. Nimirum ipse congregauit effe-
 tu, qui multis laboribus & expensis, coegerit suos satellites
 congregare. Dominus congregans affeetu, quia ipse elicit
 de malis bona, cuis voluntati seruiunt reprobi, etiam re-
 pugnantes. Divino nutu seruebat Diabolus, ignarus, sibi
 est maius perpetuo reuolare, que Iesu Christi famulatum pa-

12-

rabantur. Deceptor est suis machinamentis deceptor, quia de illius & suorum laboribus, Dei filius sibi thronum gloriae decorauit. Inde est, quod prærogativa specialis priuilegij gaudet occiduum clima, eo quod in se cunctarum Vrbium & dignitatum contineat matrem, per quam exuberat abundantius bonis coelestium mandatorum.] Hacce-nus eo loco Tudensis. Qui quod supponit, sinistrum Christi latus fuisse compunctum, astipulatorem habet Suarem, quamquam refragatur Torniellus, anno Christi ultimo, & Angelomus, 2. Regum 6. ac Cabasilas in exposito. Liturgiae cap. 8. Quod vero insuper ait Tudensis, principatum Romanorum Pontificis ex quorumdam Doctorum sententia, in corpora & animas omnium universi orbis mortalium diffundi, tametsi falsum est, nec nisi a quibusdam Iurisperitis assertum, tamen eius pronuntiati falsitas nihil incommodat elogio proposito.

Discipulus Crucis, & successor Piscatoris. S. Hieronymus Epist. 57.

Vt quid Romanum Antistitem, *Crucis discipulum*, appellat? An quia sicut Ioannes, dilectissimus discipulus, hæsit cum Christo suffixo cruci, ibique matrem accepit a Christo in sua; ita quilibet successor S. Petri, non debet esse discipulus Christi ad mensam tantum, vt multis Christianis usu venit; sed etiam ad crucem, vt dignus sit, cui Ecclesia quæ Deiparae ex multis capitibus est proportionalis, secundum committatur? Christi discipulum ex Pontificio munere Eugenius dixit, necessariumque eius aduersus impios quosque zelum, inde preclarè intulit S. Bernard. lib. 1. de Confid. cap. 11. sed & Synodus Romana acclamauit Nicolaum I. *Discipulum Christi*, vt Anastasius in Nicolao I. prodidit.

Doctor Apostolorum. Chrysost. in Encomio SS. Petri, & Pauli.

Videtur hoc dictum de sola S. Petri persona. Per eum enim doctos fuisse Apostolos reliquos, siue substituendus

Q 2 Iudæ

Iudæ Mathias, siue admittendæ gentes ad Ecclesiam, siue
de ijsdem onere legalium non grauandis, ageretur; constat
ex Apostolica historia. Nihilominus extendi quoque po-
test is titulus ad alios Pontifices, quia fuere Doctores eo-
rum, qui munus Apostolicum prædicandi & Euangelizan-
gentibus obierunt suo tempore, ut S. Gregorius Augustini
Doruernensis, & sociorum, Zacharias Bonifacij, alij alio-
rum, qui eos sæpè interrogationibus, & quæstionibus pul-
sasse comperiuntur.

Doctor Ecclesiæ, fidei Petra, regni claves habens. Hippoli-
tus orat. de mundi consummat.

Doctor Sanctissimus. Victor Carthag.ad Theodorum Pa-
pam secret. 2. Concil. Lateran. sub S. Martino I.

Doctor supremus orbis terrarum. S. Damascenus in histor.
Barlaam cap. 11. iuxta Græcum Codicem à Hieronymo
Donato exhibitum in Apologetico de Romanæ sedis prin-
cipatu.

An hoc etiam voluit Moschorum Princeps quem Sigif-
mundus Baro Herbestenus in Commentarijs Moscouiticis
testatur, non alio quam Doctoris nomine donare Roma-
num Pontificem: sic ille pag. mibi 17. Non est omittendus
aureus locus ex Gregorij Nysseni Encomio in SS. Petrum
& Paulum, quod Gretserus ex Viennensi Bibliotheca edi-
dit. Ibi Nyssenus, post celebratam S. Petri alacritatem in
Christi obsequio, necnon docilitatem summam ad Christi
doctrinam, & constantiam in perpetuationibus pro Magistro
amantissimo; Subdit consequenter. [Propter quæ, hoc
etiam honore super omnes alios affectus est. Nam quibus
Principibus non est venerabilior, quibus Regibus non au-
gustior? Solus quem sciamus, loco Christi, & à Christo,
Pastor & DOCTOR OMNIVM GENTIVM VBIQVE
TERRARVM, constitutus est; Quam dignitatem in per-
petuum seruat.] Quomodo in perpetuum seruat? Num-
B. Petrus nunc in cœlo, vbi omnes sunt docti à Domino:
doctrinam qualem viuens omnibus gentibus subministra-
bat,

bat, pergit subministrare? Non ita. Sed in perpetuum, idest usque ad mundi & militantis Ecclesiae finem, B. Petrus dignitatem Doctoris omnium gentium seruat, in successoribus suis Christi Vicariis.

Domina mundi, uniuersitati constituta, vindex in iram, Index in misericordiam. S.Bernard.Epist.168.agens de Roma- na Ecclesia.

Dominus domus Dei, & Princeps omnis possessionis eius.
S.Bernardus Epist.237.

Allusio est ad illud Psalmis de Iosepho, *Constituit eum Dominum domum suam*, utique Pharao. Et quamquam non est Pontifex, qui hic cum Iosepho componitur, Dominus Ecclesie, sed rector duntaxat & sapiens ac fidelis oeconomus, quo ipso nomine Graeci Christum donant per comparationem ad Patrem, cum mysterium incarnationis, & fundatae per Christum Ecclesiae vocant *Oeconomiam*; tamen neque Ioseph erat reuera Dominus Aegypti, & vice Domini eam regebat, quod ipsum facit Pontifex Romanus in vniuersa Ecclesia; vice Christi. Coeteroqui enim idem Bernardus Eugenium suum, eo loco grauiter dehortatur à turgida dominatione in Cleris, qualem Reges gentium, super eas exercebant. Ea quippe dominatione Christus, & Apostolis & consequenter Apostolico Pontifici interdixit, & omnibus animarum Rectoribus esse declinandam; Princeps Apostolorum admonuit. Videndus idem S. Bernardus lib.2. de confid. cap. 6. & lib.4. cap. 7. & lib. 3. cap. 1. ubi qua in re sita sit haec Pontificis non tam Dominatio, quam praefectura & praesidentia ad prouidendum, consulendum, procurandum, seruandum, egregie exponit. Additque ibidem, huius Pontificij Principatus proprium decus esse debere, non quae illorum sunt, sed illos querere. *Dominium Itaque, & hic, & in multis sequentibus titulis, accipiendum est pro potestate Iurisdictionis, subordinatae vero Ecclesiae Domino, & Regi super Sion montem Sanctum eius, hoc est super Christianam Ecclesiam, nempè Chri-*

Christo. Aequè porrò. S.Hieron. Marci T4. ad illud, dicitur
Dominus domus, S. Petrum, *Dominum domus Dei* appellat.
 [Dominus (inquit) domus, Petrus Apostolus est, cui Dominus domum suam credidit, ut sit una fides sub uno pastore.] Potho presbiter, ipso initio libri primi de statu domus Dei, rem hanc vniuersam commode enucleauit, verbis illis. [Domus Dei, quæ in terris constituitur; Hæc nimirum Domus, Ecclesia est, columna & firmamentum veritatis, quæ in unitate indiuisa firmatur, quæ una columba, una perfecta, Deo vnicè dilecta, scriptura teste declaratur: in tota hac Domo, solus Beatus Petrus cum suis successoribus, plenitudinem potestatis accepit. Vnde quicunque in partem sollicitudinis vocati sunt, ut ea quæ in partem regenda susceperunt, prouida dispensatione gubernent; eius authoritate roborandi, eius exemplis informandisunt, qui in plenitudine potestatis, toti Ecclesia præesse dignoscitur.] Addit consequenter, quia optimæ domus Dei rectio, interuentu pacis obeunda est, summi Pontificis esse, paci domus Dei inuigilare, ejicendo ancilam & filium eius, pacem turbantes.

Dominus & Pater, totius Ecclesiae in terra peregrinantis.
 S. Anselm. lib. de Incarnat. Verbi cap. 7.

Dominus semper beatissimus, & Apostolica semper sede intima veneratione preferendus, atque Angelicis meritis coæquandus, Pater Patrum. Andreas Præualitanus, in Epiro Episcopus, ad Hormisdam.

Dominus beatissimus, & Apostolico culmine sublimatus, sanctus Pater, Patrum Papa, & summus omnium Presulum Pontificum. Stephanus Mauritanus cum Collegis ad Damasum.

Dominus sanctus, beatissimus Pater, & Apostolica sedis dignissimus Papa. Episcopi Gallicani post Epist. 49. S. Leonis.

Dominus sanctus, & Apostolici culminis, venerandus Sanctæ Romanæ, & Apostolicae Sedis, atque uniuersalis Ecclesia Papa. S. Athanasius & Episcopi Ægypti ad Marcum Papam.

Domini-

Dominus, Sanctus, beatus, prædicabilis, & Adorandus Apostolicus Pater. Theodoreetus Episcopus ad Hormisdam.

Dominus beatissimus ac fælicissimus, S. Catholice & Apostolicæ Romanæ Ecclesiæ Præful. Ioan. Diacon. in prologo ad vitam S. Gregorij.

Dominus beatissimus, sanctus Pater, Archiepiscopus, sollicitudinem omnium Ecclesiarum circumserens. Acacius Epist. ad Simplicium.

Dominus beatissimus, ineffabiliter mirabilis, & in Christi patria præferendus Papa. Possessor ad Hormisdam.

Dominus reverentissimus, & Apostolatus culmine decenter sublimatus. Clerici Rhemenses ad Nicolaum I.

Dominus omnium gentium. Concilium Nicænum i. canon. 44. è versis ex Arabico.

Reddamus locum integrum, tanquam honorificentissimum summo Pontifici. [Veneramus secundum scripturas & Canonum definitionem, sanctissimum Romanæ antiquæque Ecclesiæ Episcopum, primum esse & maximum omnium Episcoporum; ut autem ditionis suæ nationibus imperat Patriarcha, & leges incidit, & ut à principio Petrus Christi Vicarius, religioni in Ecclesijs, cœterisque rebus ad Christum pertinentibus præfectus, Princeps Christianorum, prouinciarum, & omnium gentium dominus & rex erat; ita ille cuius principatus Romæ est, Petro similis & autoritate par, Patriarcharum omnium dominatum & principatum obtinet. Huius sanctioni si quis repugnauerit, & obſistere ausus fuerit, totius Synodi decreto, Anathemati subiectiatur.] Inseruit hunc Canonem suæ collectioni fragmentorum Concilij Nicæni, Alfonſus Pisanus lib. 3. ad ductis Francisco Turriano lib. 2. de dogmat. Character. pag. 125. Augustino Steucho Eugubino lib. 2. de donatione Constan. & Alano Copo. In collectione eorundem Canonum à Francisco Turriano concinnata, hic Canon est num. 39. & paulò alter quod ad verba attinet, exprimitur, eadem tamen sententia. Sic enim ibi legitur. [Quamvis

¶

¶ Archiepiscopus inter Episcopos tanquam frater maior; qui eum habet fratrum suorum, & ei debeant obedientiam, quia praest; Est tamen Patriarcha ijs omnibus, qui sub potestate eius sunt, sicut ille qui tenet sedem Romae, caput est & princeps omnium Patriarcharum, quandoquidem ipse est primus sicut Petrus; cui data est potestas in omnes principes Christianos, & omnes populos eorum, ut qui sit Vicarius Christi Domini nostri super cunctos populos, & uniuersam Ecclesiam Christianam. Et quicunque contradixerit, à Synodo excommunicatur.] Hæc secunda Canonis expressio, videtur commodior. Nam iuxta eam verba illa, *cui data est potestas* cadunt in Pontificem, qui tum Constantino gregis nostri Zorobabele (ut Theodoreetus dixit) moderabatur Imperium iam Christianus, & in alios deinceps consecuturos Pontifices, qui multis principibus iam factis Christianis prefuturi erant tanquam Ecclesiæ Uniuersæ Rectores. In altera autem Canonis expressione videbantur ea verba cadere in S. Petrum, quo tamen Pontifice nullus erat Princeps Christianus. Coeterum (ut dixi) sententia, quod ad rem præsentem attinet, est planè eadem. Et quod *omnium gentium*, in priore expressione, in altera vero *omnium populorum*, *Dominus*, aut *potestatem habens*, dicitur Romanus Pontifex, intelligendum est de gentibus & populis Christianis, etiamsi hæresi aut schismate sordentibus. Nam de Paganis qui planè foris sunt, ac ne per baptismum quidem subiuerunt Ecclesiæ ostium, non est Pontificis iudicare, ut de se dixit Sanctus Paulus. Quidquid de his quoque, Romano Pontifici subiectis, perperam statuat Nicolaus Emericus Tract. de potestate Papæ q.7. considerat. Quod tamen Christiani sint per omnes gentes sparsi, rectè dicitur Pontifex, habere à Christo potestatem omnium gentium. Præterquam quod attento iure remoto, & spectata obligatione quam Pagani habent, subeundi ostium Ecclesiæ, dici quoque potest, Pontifex, omnium planè gentium ac populorum Dominus, id est gubernator.

bernator & Rector, in omnibus animæ salutem spectantibus.

Dominus sanctissimus, & Coangelicus, maximus summus sacerdos, & uniuersalis Papa. Octaua Synodus ad Adriatum.

Quid illud *Coangelicus*? fortassis idem est, quod Angelis meritis coæquandus, vt superius retulimus ex Andrea Episcopo Epiri. Nec abludit, muneric & dotium Antistiti consentanearum similitudo; quæ causa est cur Apocal. 1. Episcopi denominentur Angeli, vt ibidem fusè prosequuntur Recentiores interpretes, nominatim Viegas c. 2. comment. 1. sect. 1. septem ad id rationes adducens. Petrus Damiani ob proportionalem causam, Desiderium Abbatem Cassinensem, vocavit *Archangelum Monachorum*. Quo eodem Epitheto donat Hugonem Cluniacensem l. 6. Epist. 4. Verior tamen ratio, cur Antistes dicatur *Coangelicus*, esse videtur, quæ dicitur ex assistentia Angeli cooperantis Episcopo in obeundo Episcopali munere, ultra assistentiam quam aliis Angelus eidem Antistiti, prout homini priuato exhibet. Intelligitur id ex Relatione Monachorum secundæ Syriæ ad Hormisdam, (habetur post 22. Hormisdæ Epistolam,) qua sic affantur Pontificem. [Christus Deus noster, Principem, Pastorem & Doctorem, & Medicum animarum, constituit vos, & vestrum sanctum Angelum.] Consonat eidem loco, quod Iustinianus scribens ad eundem Hormisdam, (post 65. eius Epistolam) queritur Monachos Scythes, turbas ciere exoptantes, iter arripuisse ad Angelum eius. Et mox postulat, vt Angelus Hormisdæ, ab eius Apostolatu destinare dignetur eosdem Monachos, benè mulctatos ad ipsum Iustinianum. Abbas Georgius apud Moschum cap. 127. excusans se per literas Petro Hierosolymitano Patriarchæ, ait, [Absit à me mi Domine sanctissime, vt sanctum Angelum vestrum contempserim.] Apud Optatum lib. 2. contra Parmen. *Non multum à principio, è quinque dotibus Ecclesiæ ibi recensitis, prima nu-*

R me-

meratur, *Cathedra*; secunda, *Angelus*. Corruptè quidam Codices, primùm cum inchoatur disputatio de dotibus, pro *Angelus* legunt *Annulus*. Infra enim expedita prima dote cum venitur ad secundam, disertè vocatur *Angelus*, qui per *cathedram* duci dicitur. Sic enim ibi habetur. [Igitur de dotibus supra dictis, *cathedra* est prima, quam probauimus per Petrum nostram esse. Hæc dicit ad se *Angelum*. Nisi fortè eum vobis vindicantes, habetis in loculis clausum. Mittite illum si potestis: excludat septem *Angeli* qui sunt apud socios nostros in *Asia*, ad quorum Ecclesiæ scribit Apostolus Ioannes. Cum quibus Ecclesiæ nullum communionis probamini habere consortium. Vnde vos *Angelum*, qui apud vos possit fontem mouere, aut inter cœteras Ecclesiæ dotes numerari?] In hoc loco Optati, expendendum est, quod *cathedra* dicitur *Angelum* ducere ad se. Est ergo alius *Angelus*, quām is qui iam aderat Episcopo, priusquām condescenderet *cathedram*. Nec reuebra fuissest alioqui *Angelus*, numerandus inter Ecclesiæ dotes, ut faciebat Parmenianus, nec dissentit Optatus: Admittit eum *Angelum* Episcopi cooperarium, Origenes, sed non absque fermento corruptæ doctrinæ, ut Ribera in c.i. Apocal. à num. 114. animaduertit, ægrè purgans SS. Ambrosium & Hieronymum, quibus dum Origenis bona mutuantur, hæc mixtura videri potest obrepisse. Ut vt sit, admittere peculiarem *Angelum*, Antistiti, quā Antistes est, cooperantem, in Episcopali munere, relecto fermento Origenis ei doctrinæ admixto, Catholicum & sanum est, ut agnoscit Suares lib. 6. de Angelis cap. 17. num. 24. & hinc intelligitur, cur Antistes præfertim summus, videatur diuinus Coangelicus. Hinc assuſa est lux sequenti titulo.

Domnus Coangelicus. Anastasius præfatione ad vitam. S. Joan. Eleemos.

Domnus & omni veneratione dignissimus. Iuo Carnotensis Epist. 88.

Domnus & Pater. Iuo Epist. 43.

Dom.

Domnus Apostolicus. Ecclesia in formula litaneutica , & passim in Actis Sanctorum sequioris ætatis; Petrus Cellensis lib.9. Epist. 1.

Quorsum Romanus Pontifex dicatur , *Apostolicus* , iam supra tractatum est. Nunc quorsum dicatur, *Domnus*, paucis attingo .

Visa quibusdam hæc vox *Domini* sapere fastū Ecclesiastico homine indignum , etiamsi Antistite ; quod hominis ad Christi familiam pertinentis , non sit imitari reges gentium qui dominantur eorum ; vetenturque dominari in cleris . Itaque ut obseruat Iuretus ad Epistolam 28. Iuonis, passim cum de sœcul ibribus personis agitur , vox *Domini* , usurpata legitur (& fortassis mendum librarij est, quod apud S. Gregorium lib.4. Epist. 39. Indict. 13. ipse Imperator semel & iterum vocatur *Domnus*.) pro Ecclesiasticis autem , adhibetur vox *Domni* , similisque Syncope eadem ex causa inualuit apud Græcos, in vocibus Κύριος & Κύρος . Vtrumque exempla addensat Hugo Menardus ad cap. 70. Concor. Regul. S.Bened. Anian. §. 1. Nec abs re Iuretus ad eam Iuonis Epist. 28. expostulat de vocis *Domni* mutatione in vocem *Domini* , facta à Surio in editione vite Sanctorum, varijs locis, quæ ipse Iuretus signat: in tam constanti si quidem ac crebra vocis *Domni* , usurpatione apud medij æui autores, præstisstet eam vocem dimittere immutata m ; quam à barbarie, contra nonnullos delicatulos Latinitatis Cupediarios tuetur Serarius lib. 1. litaneut. cap. 13. Videndi de ea voce, eiusque comparatione ad vocem *Domini* , Molanus lib. 3. de Canon. cap. 15. Baronius Anno 146. nu. 23. Onuphrius in explicatione vocum Ecclesiastic. obscurior . V. *Domnus*. Busæus ad ser. 4. Bles. Meram tamen Syncopen, absque alio mysterio, in voce Latina, *Domnus* , & in Græca, Κύρος , agnoscit Gretserus ad Orationem S. Germani Constantinopol. de Cruce Dom. & Ritherusius ad lib. 1. Cyneget. Oppiani, agens de Græca voce Ἀρχιεπίσκοπος , quam Oppianus Contraxit in ἀρχιεπίσκοπος , vnde fluxisse videtur Italicum *Donna* .

R 2 Ductor

Dux filiorum baptismatis. Princeps Babyloniam ad Innocent. IV. Anno 1246.

Dux exercitus, circumiens acies, quæ pars benè appara-ta, quæ benè instructa, quæ indigena eius præsentia, ubique circumcursans, & primus se ostendens. S. Chrysostomus homil. 21. in Acta.

Dux peregrinantium, qui cæteris viam salutis ostendit. Ioannes Alexandrin. ad Eugenium IV.

Dux discipulorum Christi. S. Epiph. hæres. 51.

Hic titulus, duplum sensum potest facere, & utrumque insignem ad Pontificis dignitatem. Valet ergo imprimis de primarijs Christi discipulis, hoc est de alijs Apostolis. Eorum enim omnium Dux & Superior, fuit S. Petrus, quatenus Christi Vicarius. Quod quantum sit S. Petri, prout summi Pontificis decus, egregie attigit Gregorius Nyssenus, eo mutilo in SS. Petrum & Paulum encomio, quod Iacobus Gretserus ex Viennensi Bibliotheca representauit. Ibi tractans suffectionem Matthiæ in Iudæ locum, auspice Petro, duo se inde eruere ait admiratione digna. Vnum spectat diuitias bonitatis Dei, quæ pro uno Iuda perduto, duos submisit eo ministerio dignos. [Alterum, (inquit) qualis Petrus, qui Coapostolorum electionem instituit, & ad parem sibi functionem euehit; quod nulli alteri, nisi soli Christo competere scimus. Hoc enim omni honore & dignitate eminentius est, & soli Petro, ex omni mortalium numero hæc felicitas obtigit: quippè qui loco Christi ALIORVM DVX & princeps à Christo constitutus erat, eiusdemque locum erga alios tenebat. Propter quæ nullus ex alijs Apostolis, tanta admiratione dignus est, quanta Petrus. Quem enim alioqui, discipulorum omnium feruentissimum discipulum Christi nouimus, eum nunc vice & loco Christi, Apostolis præfatum conspicantes, quo tandem loco reponemus?] Inferius quoque, nominatim ipsum S. Paulum, Petro Duci, obnoxium statuit. Præfatus enim Sancti Petri ardentissimum in

Chri-

Christum amorem, eamque confessionem, quam excepit facta Petro summæ prefecturæ commissio, subdit. [Ex quo ea dignitas Petro venit, qualis nulli alteri: Et consultissimum fuerit, hanc gratiam, & honorem istum excellentissimum, cum nullo alio comparare velle. Et licet Paulus ad Christum in cœlum ascenderit, ut disceret quæ discere, & alios docere decet; attamen Petrus, eundem iam cœlo delapsus, præsentem habebat; & quæ facienda essent, & quæ non, exponentem; sibique ouium præfecturam tradentem, coram audiebat.] Tandem inferiùs obijciens sibi quod omnes Apostoli sunt æquales (vtique in Apostolatu, sicut omnes Episcopi æquales sunt ordinis potestate;) respondet. [Etsi æqualitatem statuimus, sed non dicimus, quod singuli sint caput omnium, quod meritò posuimus & asseruimus.] Nempè de solo Petro, in cuius ibi celebrazione versatur. Non plura de priore sensu quo S. Petrus quatenùs Pontifex, dux discipulorum Christi, appellatur.

Vt autem secundus sensus proponatur, statuendum est S. Petrum prout Pontificem, omnibus quoque posterioribus Christi discipulis, hoc est omnibus fidelibus, Duxem esse à Christo ipso constitutum. Quod enim Dux discipulorum nominatur, non dicitur id duntaxat de S. Petro per comparationem ad Apostolos, & alios immediatos Christi discipulos, sed per comparationem ad omnes quandoque in Christum credituros, eiusque doctrina imbuendos. Omnibus enim Dux ad salutem æternam est S. Petrus, in sua vel successorum persona. Et quamuis S. Epiphanius, agere tantùm voluisse de immediatis Christi discipulis, tamet si eorum dux debuit esse S. Petrus, multò iustius idem cogitandum est de ijs, qui fuerint à Christo elongatores, & egentiores ducatus.

Dux primorum. Eusebius 2. hist. cap. 14.

Quasi diceret dux Antistitum, qui alijs ducatum præstant. Admodum porrò conuenienter, ducatus etiam militaris (vt ea vox ferè sonat) Pontifici tribuitur. Ecclesiam enim

enim militiae armatae & copijs bellantium conferri, & id
circò dictam terribilem, vt castrorum aciem ordinatam,
in confessio est. Pulchrè id præter coeteros tradit S. Grego-
rius homil. 8. in Ezech. ad illud *quasi sonus multitudinis, ut*
sonitus castrorum, & Honorius ad illud Cant. 6. *Terribilis*
ut castrorum acies ordinata. His ergo castris vt dux præst
Romanus Pontifex, munus sanè arduum & plenum peri-
culi. Nam si S. Chrysostomus lib. 6. de Sacerd. Episcopatu-
tus cuiuscunque difficultates ex comparatione Episcopi
cum duce militari exprimendas putauit, confertis acie-
bus hostium à duce primùm perrumpendis graphicè ex-
hibit is, quanto difficilior & periculosior videri debebit,
non vnius aciei ductatio, quam præstat quilibet Episco-
pus; sed omnium simul directio & totius exercitus cura,
Pontifici demandata à summo terrestrium simul & cœle-
stium copiarum Imperatore, quod Christi nomen est apud
Eusebium? Arma huius ducis, priuilegium esse, siue po-
testatem præcipuum & singularem à Deo concessam, sic
exponit Petrus Damiani Opusc. 5. initio. [Armis priuile-
gium Romanæ Ecclesiæ non incongruè comparauerim,,
quia cum hæc vna per Cathedram Beati Petri totius Chri-
stianæ Religionis caput effecta, cunctis in orbe Terra-
rum principetur Ecclesijs, vclut dux ante aciem fidelium
cuneis fulta, ac specialis prærogatiuæ autoritate muni-
ta, Euangelico mucrone veritati resistentium ceruices ob-
truncat, & ad inuitissimè dimicandum, totam Christi
militiam, in vnius charitatis ac fidei vnanimitate conspi-
rat.]

Dux Apostolicae sedis. Constantinus & Iræne in Epistola
quæ refertur in Synodo 2. Nicæna. Actio. 1.

Id est dux, qui est in Apostolica sede. Quod aliter dixit
apud Cyprianum lib. de Aleator. Romanus quispiam Epi-
scopus. [Nobis diuina & paterna pietas, Apostolatus Du-
catum contulit, & Vicariam Dominis sedem coelesti digna-
tione ornauit: & originem authenticæ Apostolatus super
quem

quem Christus fundauit Ecclesiam, in superiore vestro portamus, accepta simul potestate soluendi.]

Dux uniuersalis Ecclesiae. Damascenus Orat. de Transfigurat.

E

Eccl^a sia caput omnium Ecclesiarum. Eugenius Carthag.
apud Victorem Vtensem.

Ecclesia caput Ecclesiarum omnium, à qua uniuersitas credentium, doctrinam exquirit, integratatem fidei depositit, criminum solutionem qui digni sunt, & gratia Dei redempti, exorant. Nicol. I. Epist. 6.

Quod ait criminum solutionem, à Romana Ecclesia, id est ab eius Pontifice exoratam, insinuat veterem usum, insignes quoque criminatos remittendi ad Romanum Pontificem pro absolutione. Hoc de Hæreticis est perspicuum ex vita S. Kyliani apud Surium 8. Iulij: notatumque vniuersè est à Baronio Anno 438. ad finem. Sanè Felix III. Epist. 7. ut notum assunit, Petrum Alexandrinum Hæreticum, non potuisse ab Acacio Constantinopol. absolui, sed à solo Romano Pontifice, & idem habet Gelasius Epistola ad Orientales.

Ecclesia caput matris Ecclesiae. Calixtus I. Epistola ad Benedictum.

Mater Ecclesia, est Ecclesia toto orbe diffusa, prolem Sanctam vbiique procreans Christo. Nam vulgo quoque ita audit: *Nostre Mere S. Eglise:* Eius Ecclesiae caput, est Romana Ecclesia per suum Episcopum. Itaque vides in hoc titulo, Ecclesiam, sub varijs considerationibus, & vnam & plures esse, iuxta illud S. Hilarij in Psalm. 14. ad illud, *Quis habitabit in tabernaculo tuo.* quod accipit de tabernaculo Ecclesiae, quale & vnum, & multiplex ab Apostolis constructum agnoscit. [Etsi in orbe Ecclesia vna sit, tamen vnaquaque vrbs, Ecclesiam suam obtinet, & vna in omnibus est, cum tamen plures sint, quia vna habetur in pluribus.]

bus.] Sanctus item Cyprianus, vnitatem Ecclesiae cum pluralitate probè coherere, scitè docet lib. de vnit. Eccles. num. 17. [Ecclesia (inquit) vna est, quæ in multitudinem latius incremento fœcunditatis extenditur; quo modo Solis multi radij, sed lumen vnum, & rami arboris multi, sed robur vnum tenaci radice fundatum; & cum de fonte uno riui plurimi defluunt; numerositas, licet diffusa videatur exundantis copiæ largitate, vnitas tamen seruatur in origine. Auelle radium solis à corpore; diuisionem lucis, vnitas non capit. Ab arbore frange ramum, fractus germinare non poterit. A fonte præcide riuum, præcisus arescet. Sic & Ecclesia, Domini luce perfusa, per orbem totum radios suos porrigit, vnum tamen lumen est, quod vbique diffluditur, nec vnitas corporis separatur. Ramos suos in vniuersam terram, copia vbertatis extendit, profluentes largiter riuos latius expandit, vnum tamen caput est, & origo vna, & vna mater, fœcunditatis successibus copiosa.] S. Optati in eam rem comparatio elegans est. [Ecclesiæ (inquit lib. 2. sub initium) constat ita sibi connexas & indiuiduas esse, vt intelligatur vna ab altera separari non posse. Etenim numerantur in nomine, sed uno intellectu, suo iunguntur in corpore, vt in manu digitæ, quos interualis singulos videmus esse distinctos. Vnde qui tenet vnum, totos teneat necesse est, cum vnuquisque à partibus separari non possit.] Denique Tertullianus lib. de præscript. cap. 20. [Tot ac tantæ Ecclesiæ, vna est illa ab Apostolis prima, ex qua omnes.] In hac ergo vna Ecclesia, in qua tam multæ sunt Ecclesiæ, vna eminet principalis, quæ cuiusvis matris Ecclesiæ vbiliter designandæ, caput est. v. g. Ecclesia Mediolanensis, mater est fidelium qui sunt Mediolani. Lugdunensis, mater est eorum qui sunt Lugduni, & sic consequenter de omnibus. Sed omnium illarum particularium, intra vnam generalem & Catholicam Ecclesiam conclusarum Ecclesiarum, caput est Romana, per sedentem in ea Pontificem.

Eccle-

Ecclesia Apostolica, nunquam à via veritatis in qualibet sua parte deflexa, adnitente præsidio B. Petri Apostoli, cuius auctoritatem, ut potè Apostolorum omnium Principis, semper omnis Catholica Christi Ecclesia, & uniuersales Synodi fideliter amplectentes, in cunctis secutæ sunt. Agatho Papa in 6. Sy-

nodo Epistola priuata ad Imperatores.

Hanc Ecclesiæ Romanæ prærogatiuam, quod nullisquam sit fuscata tenebris errorum, egregiè aperit idem Agatho in suggestione Synodica ad Imperatores in eadem 6. Synodo. Et optimè Rupertus lib. 2. de offic. cap. 22. ac Berno Augiensis lib. de rebus ad Missam spectantibus cap. 2. adducendi in Epilegom. subnot. 2. verit. 7.

Ecclesia nullis Synodiciis constitutis prælata cœteris, sed Euangelica voce Domini & Salvatoris nostri, primatum obtinens. Gelas. in decreto de libris.

Videsis Epilegomena subnotat. 2. verit. 4.

Ecclesia principalis, unde unitas Ecclesiæ exorta est. S. Cyprianus Epist. 55.

Videsis Epilegomena subnotat. 2. verit. 11.

Ecclesia sanctificata, & illuminata, & quæ præsidet in loco Romanæ regionis, Deo digna, decentissima, beatificanda, laudanda, digna qua quis potiatur, castissima, & eximia charitatis, Christi & Patris nomine fruens, Spirituque plena, S. Ignatius Epistola ad Romanos.

Pro illis verbis *digna qua quis potiatur*, Græcè *ἀξιούσιος*, legi poterat *fide digna*, ut fert Græca vox, *ἀξιούσιος*, quæ in alijs Codicibus habetur. Quāquam *ἀξιούσιος* in eo S. Ignatij loco, iuxta Bosium lib. 18. de signis cap. 3. idem sonat, quod *digna super quam ædificetur*, consentaneè ad illud, quod supra retulimus, de aditu spiritualis ædificationis in Romana Ecclesia quærendo. Omnia hæc Epitheta, quadrant appositissimè in Ecclesiam Romanam ratione Pontificis. Nam ipsa est, quæ per eum absolute præsidet uniuerso orbi Christiano, quæ est digna cui fides præbeatur tanquam infallibili in causa fidei & morum; quæ est funda-

S men-

mentum firmum veræ & sinceræ fidei. Et Græca quidem Ecclesia, priùs credidit quàm Romana; tamen illicò nuntauit in fide, imò prolapsionem confessim est passa in varias hæreses, quarum ipse S. Ignatius cum detestatione sæpè meminit. Romana autem adeò semper puritatis fuit amans, vt S. Cyprianus constanter negarit, perfidiam ad eam accessum habere potuisse; Epist. 55. num. 91. vbi Pamelius multa in eam sententiam ex antiquitate corrogat. Et videtur S. Ignatius, suo illo Romanæ Ecclesiæ encomio, spectasse ad hunc Romanæ Ecclesiæ in fide summum nitorem, præmaculis Ecclesiæ Græcanicæ in qua ipse degebat. Nam iam ab initio, incredibile est quàm sorduerint Græci, vt ex S. Epiphanio liquet. Pulchrè verò Lucas Tudensis lib. 2. contra Albig. cap. 12. *in fine*, notauit id fuisse adumbratum Ioan. 20. Præfatus enim partem orbis Occidentalem, quæ vltima exceptit prædicationem, factam esse dignitate primam, subdit. [Hoc videtur innui in illa trepidatione Ioannis Apostoli, quando audita resurrectione Domini, currebant duo simul; & ille discipulus (scilicet Ioannes) præcucurrit citius Petro, & venit prior ad monumentum, non tamen introiuit. Subsecurus est Petrus, statim introiuit. Post Petrum autem, Ioannes qui prior venerat, introiuit, & vidit, & credidit. Primus venit, vltimus introiuit, vltimus vidit, & vltimus credidit. Quia licet Orientalis Ecclesia vel Græcorum, ad fidem Christi venerit prima, tamen statim, exorbitauit secuta PseudoApostolos, seductione hæreticæ prauitatis, vbi verò Ecclesia Romana vocatione Apostolica venit ad Christum, fidem Catholica-
cam inter persecutiones Gentilium sæuissimas, tenuit in-
concußam, & meruit obtainere acerbissima pugna, quam
sibi Dominus gratia contulerat dignitatem. Docuit Petrus
Romam, Ioannes verò cursum in Græcia consummauit.
Certa fide Roma corpus tenet Petri, & deuotissimè vene-
ratur, Græcia verò dubitat de Ioanne. Renuit ad præsens
Græcia, Deo & Romano Pontifici Vicario eius, debitam-
obea.

obedientiam exhibere , atque diuersis erroribus miserabiliter implicatur. Tandem largiente Domino,in spiritu humilitatis ad vnitatem Ecclesiæ Catholicae reuersura .]

Ecclesia Magistra & Preses reliquarum , contra quam rivulus pandere , proiectæ est audacie . Synodus Romana sub Nicolao I. contra Photium colloquio 1.

Ecclesia statu fœlix , cui totam doctrinam Apostoli cum sanguine suo profuderunt. Tertullianus lib.de præscript.cap.36.

Ecclesia super petram fundata , & portis inferi , hoc est insidijs Hæreticorum , exprædictione Christi nunquam succubitura , ex qua tanquam ex conuexis cœlorum sermo veræ confessionis , & Christi amantium animas illustrauit , & Orthodoxam fidem , quæ refrixerat refocillauit . Constantinus Pogonatus ad Leonem Papam .

Ecclesia quæ ab olim hac usque , omnibus præest , ut potè senior cunctarum , quæ sub Sole sunt Ecclesiarum , ac nullis propter Pontificatus prouectionem scriptis , aut Synodicarum editionibus chartarum subiecta , sicut etiam in his omnes ex aequo ei secundum ius sacerdotale subiecti consistunt . S. Maximus ad Abbatem Thalassium ex Responso Apocrisiariorum Romanorum , quod approbat .

En Papam supra quæcunque Concilia. Quomodo vero Romana Ecclesia , Senior est cunctarum orbis Ecclesiarum ? An non enim Antiochiae primùm cognominati sunt discipuli , Christiani ? Hierosolyma quoque mater Christiani nominis , & omnium orbis Ecclesiarum , à Damasco orat de Assumpt. appellata est , ob exortam ibi professionem huius fidei . Ratio videtur habita dignitatis & potestatis , ut Senior , dicatur , quæ præest , & in omnes habet potestatem . Verbum Senioris , pro Domino , Gall. Seigneur , frequens est in Capitularibus . V. Pithœum in Glossario . V. Seniores .

Eminentia . Petrus Bles. Epist. 68. Sarisb. Epist. 30.

Petri Blesensis locus , est perbreuis , sed pulcher [sicut (inquit) eminentiam Apostolicæ sedis , Magistratam omnium Ecclesiarum profitemur , sic ab ipsa , consilia in ambiguis ,

in angustijs solatia, responsa in iudicijs expectamus.] Et inferius. [Hæc ad aures Eminentiae Vestrae, Reuerende Pater, communi deploratione deferimus.] Itaque titulus quem nuperrimè ad Cardinales & paucos sublimes Antistites restrictum vidimus, olim non modò in seculi potestates, vt apud Gregorium VII. lib. 8. Epist. 10. in Oriocium Iudicem Caralitanum; sed etiam in summum Pontificem cadebat, ac etiam in Episcopos longè inferiores. Ut enim taceam Elipandum Toletanum, cui Etherius ac Beatus opusuum inscripsere, vocantes *Eminentissimum*, & Guilhelnum Archiepiscopum Remensem quem Blesensis Epist. 122. donat nomine *Eminentiae*, Gregorius Nazianzenus, alloquens Episcopos in fine Orationis de Episcopis. [Vos (inquit) qui thronos coronatos consequimini, & ob fluxas eminentias elati estis, Iustitiam illam extremam & ineuitabilem intuemini; omnino nihil vsquam esse, quod illam effugere possit considerantes.] Itaque indiscriminatim, Episcopos, titulo honestat *Eminentiae*, sed fluxæ & quæ tumorem creare nequaquam debeat. Prefert eam Eminentiam sublimis Sedes Episcopi, de qua in Epilegomenis subnot. 3. Quanto verò differentius præ omnibus Antistitibus, nomen Episcopi, hæreditavit Romanus Pontifex, tanto iustius in eum cadit *Eminentiae* ac *Eminentissimi* titulus, quo eum Blesensis ac Sarisberiensis donarunt.

Episcopus. Sæpè apud S. Leonem in Titulo Epistolarum, & cap. *Saluator*, ac cap. *Ex multis* 1. q. 3. vt notauit Rebuffus explicans formam signature simplicis, in praxi benefie.

Nomen *Episcopi*, in Ecclesiam inductum est ab Ethnicismo. Nam apud Tullium lib. 7. Epist. ad Atticum, *Episcopus* dicitur, qui toti alicui oræ datus est excubitor, ad quem delectus & negotij summa referatur. Quamquam non modò prefecti Provinciarum, sed quotquot varijs muneribus inuigilabant, vt rectè obirentur, leguntur dicti *Episcopi*. Sic enim, qui hospitiorum militarium designatoribus præerant, & vt omnia rectè ac conuenienter ab eis perficerentur,

tur;

tur, aduigilabant, dicti habentur *Episcopi*, ut apud Cassiodorum videre est lib. 4. Sic etiam, qui panis rebusque venalibus ad victum quotidianum spectantibus praeerant, dicti sunt *Episcopi*, ut Brissonius notauit, ac Viues ad 1. Ciuit. cap. 1. Quos Lacædemonij *Armostas*, eos Athenienses dicere soliti *Episcopos*, qui considerarent quæ singulis opus erant in ciuitatibus subditis ad quas mittebantur, ait Scholiastes Aristophanis in *Auibus*. Apud eosdem, ex Postello 1. de Magistrat. Athen. cap. 18. qui ex Ephesis excesserant, per biennium circuire cogebantur, regionem, non ut magistratus, sed ut locorum periti essent, indeque dicebantur *πιστοκοτοι*. Apud Indos ex Ariano lib. 8. Episcoporum erat, videre quid in quaque regione fieret, ut cognita, ad Reges, vel Magistratus referrent.

Nobis Christianis, autore S. Paulo, qui docet Spiritum sanctum super gregem Christi posuisse Episcopos, donantur *Episcopi* nomine, qui Ecclesiam superinspiciunt, ut loquitur Sidonius lib. 6. Epist. 1. & lib. 9. Epist. 3. qui inquam regunt Ecclesiam: ita ut Episcopatus simul & *Episcopus*, ut recte differit D. Augustinus lib. 19. Ciuit. cap. item 19. [nomen sit operis, non honoris. Græcum est enim atque inde ductum vocabulum, quod ille qui præficitur, eis quibus præficitur, superintendit, curam eorum, scilicet gerens; in quippe super ἀποκτόνος verò *Intentio*. Est ergo *πιστοκοτητης*, sive limus, Latinè *superintendere* possumus dicere, ut intellegat non se esse Episcopum qui præesse dilexerit, non prodesse.] Audiant illi non *πιστοκοτοι*, sed *πιστοκοτοι*, *tenebriones*, ut est in actis S. Stephani Iunioris, quales notantur in calce Actorum S. Bauonis 1. Octob. Impetuntur etiam ex Diui Augustini redargutione, nonnulli quos S. Athanasius sub finem Epistolæ ad solitariam vitam agentes, negat dicendos *πιστοκοτοι*, sed vult dici *Kataσκόποις*. Sed ad rem.

Quandoquidem *Episcopus*, ut rursus ait D. Augustinus in Psalm. 126. est *Superintendor*, meritò inter omnes verè *Episcopos Rei Christianæ superintendentes*, qui vniuersis

su-

superintendit , dicitur absolute *Episcopus* , non semel apud S. Leonem & alios Pontifices , in ordinarijs diplomatum superscriptionibus . Quæ nominis *Episcopi* adhibitio , nota est illimitati *Episcopatus* , & vniuersalissimæ iurisdictionis spiritualis . Sicut eadem ob causam , Psaltes ut notauit S. Chrysostomus in Psalm. 44. initio , de Deo absque illimitatione regnante dixit : *Dominus regnauit , & dico ego opera mea Regi*, idest Deo, soli Domino: contra quām accidit Regibus mundi huius, qui non denominantur Reges, absque addito restringente eorum potestatem . Idem ergo est de eo , qui absolute dicitur *Episcopus* . Et est sanè tota Ecclesia vnu *Episcopatus* , & vna Ecclesia , ut à S. Cypriano dictum est I. de vnit. Eccles. num. 17. concinitque Symmachus Papa, cum ait Epist. 1. [Ad Trinitatis instar, cuius vna est atque indiuidua potestas , vnum esse perdiuersos , aut etiam vniuersos Antistites Sacerdotium .]

Episcopus Apostolicæ sedis . Marcianus ad S. Leonem :

Episcopus beatissimus & Apostolicus . Legati Romani in Concilio Chalcedon.

Episcopus Catholicæ Ecclesiæ . S. Cyprianus Epist. 46. & S. Leo Epist. 97. & 66. ac sæpè Pontifices in adscriptionibus grauis momenti .

Episcopus Ecclesiæ vniuersalis . Sixtus I. Epist. 2. Victor. I. Epist. 1. Pontianus Epist. 2. Stephanus I. Epist. 2. S. Leo Epist. 54. 57. 62. 69. 75. 97. Pompeius, & Anastasia ad Hornisdam .

Alio sensu *Episcopi* particulares interdum dicuntur curare & commissam habere vniuersalem Ecclesiam, quatenus scilicet cum Ecclesia sit vna , qui vnam eius partem iuuat, omnes quadantenus iuuare censetur . Sic accipiens est , ita locutus S. Eleutherius Epistola ad *Episcopos Galliæ* , & S. Clemens 6. Constitut. cap. 14. & S. Ignatius cum *Episcopum Philadelphiensem* , vocat *Communis Ecclesiæ Episcopum* , ac Sidonius agens cum Lupo Tricassino, de quo mox sequenti titulo. Videsis pluribus hæc illustrantem

tem Baronium Anno Christi 187. qui profecit ex Turriano, plenè & de more pereruditè, ista versante, lib. 2. contra Magdeburg. cap. 9.

Episcopus Episcorum. Acta S. Tiburtij, Tertull. de pudic. initio. Arnobius in Psalm. 138. Geruasius Remensis Epistola ad Paschalem Papam.

Tertullianum per ludibrium sic appellasse Pontificem, atque adeò nihil inde solidè colligi, affirmat Cuiacius ad cap. vlt. de foro compet. & Sadeel reiectus à Turriano lib. 1. de Eccles. & Pastore c. 18. nec non Iunius castigatus à Gretsero in notis contra animaduerisiones ipsius Iunij in Tertullianum. Fateor Tertullianum mordaciter ea verba in Pontificem intorsisse; tamen ex vsu tunc recepto locutum dico. Sicut si quis succensens Episcopo, diceret; pudendum esse, quod is qui audit, Reuerendissimus Praeful, hoc aut illud probrosum designaret; non esset sensus, Episcopum per ludibrium ac iocum, vocari Praefulem Reuerendissimum: sed sensus esset, abhorrire à dignitate hominis talem titulm verè præferentis, sic se gessisse. Ut vt sit, Acta S. Tiburtij aucto Tertulliani conscripta, non per iocum, sed seriò appellant Pontificem Romanum, *Episcopum Episcorum*, tanquam caput omnium Episcorum.

Verùm est S. Clementem Epist. 1. in fronte Epistolæ, donare S. Iacobum titulo *Episcopi Episcorum*: cuius æmulatorē S. Lupum, S. Sidonius Apollinaris lib. 6. Epist. 1. ita affatur. [Benedictus Spiritus sanctus, & Pater Dei omnipotens, quod tu Pater Patrum, & Episcopus Episcorum, & alter sacerduli tui Iacobus, de quadam specula charitatis, nec de inferiore Ierusalem, tota Ecclesiæ Dei nostri membra super inspicis, dignus qui omnes consoleris Infirmos, quique meritò consularis ab omnibus.] Et mox, vocat eum. [Primum omnium, toto qua patet orbe, Pontificum, qui in Apostolica sede nouem iam decurrerit quinquennia.] Et tamen S. Lupus, Tricassinus erat Episcopus, non Romanus Pontifex. Aliud tamen, est, quod per pro-

prie-

prietary & vi muneris, citra omnem auxesim de aliquo dicitur, (Qua ratione solus Romanus Pontifex est Episcoporum omnium Episcopus:) aliud quod dicitur de quopiam, ad designandam eius super aliquos sibi subiectos Episcopos autoritatem. Qua ratione in fine Actorum Sancti Danielis Stylitae, Ephæmius Constantinopolitanus, vocatur Antistes, siue *Episcopus Episcoporum*. Et ita interpretatur Clementem S. Iacobo tribuentem titulum amplissimum de quo agimus, in Epistola allegata, Turrianus lib. 2. contra Magdeburg. cap. 13. Vel certè dicendum est eam denominationem inferiori cuiquam Episcopo aliquando deferri, ad insinuandam insignem in obeundo Episcopali munere excellentiam, ita ut præstantissimus Episcoporum & omnium Præsulum velut exemplar, & idea, haberi possit, qui est germanus sensus quo S. Iacobus, & S. Lupus, dicti sunt Episcoporum Episcopi, salua illius tituli prærogativa soli Romano Pontifici, vi muneris, ac quamcunque vitam viuat.

Nec refragatur S. Cyprianus, cum initio Concilij Africani cui præerat, negat, quemquam debere se Episcopum Episcoporum dicere; Recte enim S. Hieronymus dialogo contra Lucifer. & D. August. lib. 2. de baptism. contra Donatistas cap. 2. obseruarunt, haec à S. Cypriano dicta esse, comparando inter se collegas suos in Concilio Carthaginensi congregatos, quos animare volebat ad liberè serendam sententiam. Id ita esse, per spicium erit repræsentatio loco integro. [Supereft (inquit) ut de hac ipsa re, singuli quod sentiamus, proferamus; neminem iudicantes, aut à iure communionis aliquem, si diuersum senserit, amouentes. Neque enim quisquam nostrum, Episcopum se Episcoporum constituit, aut tyrannico terrore, ad obsequendi necessitatem collegas suos adigit, quando habeat omnis Episcopus, pro licentia libertatis & potestatis sua, arbitrium proprium, tanquam iudicari ab alio non possit, quam nec ipse potest alterum iudicare; sed expectamus

vni-

vn iuersi Iudicium Domini nostri Iesu Christi , qui vnum & solus habet potestatem, & præponendi nos in Ecclesiæ suæ gubernatione, & de actu nostro iudicandi.] Tantum abest, ut ista primatum Romani Pōtificis impetant, toties à Sancto Cypriano assertum, (quod Pamelius ad Sancti Cypriani Epist. 71. num. 17. obseruauit) vt reuera nulla ratione ad eum pertineant. Et idcirco Hincmarus sub finem Opusculi de diuortio , adducto hoc S.Cypriani loco , post illa verba , quando habeat omnis Episcopus : interserit de suo ista : Salvo per omnia priuilegio Sanctæ & Apostolice , prime in toto orbe terrarum , Romanæ Sedi , & ipsius Pontificis , Domini Nicolai Papæ. Potiatur ergo Romanus Pontifex titulo Episcopi Episcoporum, quem profanissimè Arriani apud Luciferum Calarit. I. quod moriendum sit pro Dei filio, Constantio Imperatori acclamantes detulerunt .

Episcopus orbis. Petrus Blesensis Epist. 145. S. Bernard.
Epist. 239.

Episcopus Patriarcharum. Cassiodorus Epist. 15. lib. 9.

Episcopus Sedi Apostolice, sanctus, & cum adoratione votatus. Concilium Ephes. de Cœlestino I.

Episcopus unice summus, & singulariter generalis. Petrus Blesens. Epist. 27. in fine.

Quod vnicè Summum Episcopum, vocat Romanum Pontificem , pertinet ad supremam in Ecclesia Monarchiam eiusdem Pontificis . Idem verò dicitur eandem ob causam singulariter generalis , quia est vnicus cui pro munere incumbat in omnes quaquaversum vniuersæ Ecclesiæ necessitates , animum intendere .

Episcopus vniuersalis. In tribus Epistolis , quæ habentur in Concil. Chalcedon. Actio. 3. S. Leo sic denominatur .

Visus est S. Gregorius superbiam Ioannis Ieiunatoris , Episcopi Constantinopolitani contundens (quem anterius quoque hac in parte represserat Pelagius Papa , teste eodem S. Gregorio lib. 4. Epist. 36. indict. 13.) visus inquam est S. Gregorius, refugere titulum Vniuersalis Episcopi . Imò

T. ait,

ait, hoc esse nomen profanum, sacrilegum, Antichristi prænuntium, quo nemo prædecessorum suorum uti voluerit, tametsi delato sibi in Concilio Chalcedonensi. Ita S. Pontifex lib. 4. Registri Epist. 32. cui Caluinus lib. 4. Instit. cap. 7. §. 3. impudenter impingit mentionem, negans tale quicquam legi in Actis Concilij Chalcedonensis. Sed mentita est iniquitas sibi. Nam Actione illa 3. S. Leo frequenter, denominatur *Archiepiscopus vniuersalis*, quod est deferre Pontifici Romano titulum *vniuersalis Episcopi*, ut S. Gregorius in Concilio Chalcedonensi factum verè asseruit. Noluit autem S. Gregorius, noluerunt item alii Pontifices, eum titulum, passim inducere in usum, (tametsi una quæpiam eius notio optimè in ipsos cadebat) ut subduceretur occasiolas, ijs qui fortassis inde colligerent, nullum esse præterea in Ecclesia Episcopum; sed alios omnes, qui Episcopi dicuntur, non esse reuera, nisi Vicarios Romani Pontificis, quod falsum est, & coniunctum cum euersione Hierarchia Ecclesiastica à Christo institutæ; quæ fuit ut plures sint Episcopi, & Pastores suorum gregum, tametsi cum subordinatione ad Romanum Pontificem. Sicut etiam Episcopi, qui subsunt Metropolitanu, non sunt eius Vicarij, sed sunt verè Episcopi, tametsi cum subordinatione debita Metropolitano. Hac maximè ratione, titulum *vniuersalis Episcopi* à Constantinopolitano Antistite usurpatum, solet impetrare S. Gregorius: ut lib. illo 4. Epist. 32. & 34. & 36. Et lib. 7. Epist. 69. Si quidem adeò insaniuisse Ioannem illum Ieiunatorem, ut se hoc sensu vocaret *vniuersalem*, existimat Sanderus lib. 7. visibil. Monar. num. 447. ac Franciscus Agricola lib. de primatu Petri cap. 16. Et tamen suam ad sedem Apostolicam subiectionem agnouisse, testatur S. Gregorius lib. 7. Epist. 64. unde cohærenter non potuit se vocare *Episcopum vniuersalem*, nisi in sensu quem à S. Gregorio impletum diximus, & in quo talen titulum, sibi ipsi vendicare noluit S. Gregorius; Quamuis si nota subiecta ei titulo non excluderet particulares Episcopos, solamque genera-

lem

lem & vniuersalem totius Ecclesiæ & omnium inferiorum Antistitutum curam Romano Pontifici incumbentem, ferret; verè ac legitimè, titulus *vniuersalis Episcopi*, quadraret Romano Pontifici, aequè ac titulus, *Episcopi Ecclesiæ vniuersalis*, quem complures SS. Pontifices, adhibuisse supra vidimus; obstrepente nemine.

Siue autem titulus, *Vniuersalis*, aut *Oecumenici Episcopi*, sumatur priore illo modo, quo ne in Romanum quidem Pontificem quadrare diximus, & sumptum re ipsa est à Ioanne Constantinopolitano censet Sanderus supra, atque Lindanus 4. Panopl. cap. 93. siue sumatur secundo modo, quo admisimus talem titulum Romano Pontifici competere, rectè & merito S. Gregorius, titulum *vniuersalis Episcopi*, per comparationem ad Ioannem Constantinopolitanum Episcopum, dixit esse profanum titulum, atque sacrilegum: in quod consentire, idem sit, quod fidem perdere, sceleratum, superbum & characterem bestiæ, ac prænuncium Antichristi, quia hæc ut S. Birgitta ex diuina Reuelatione scriptum reliquit lib. 7. cap. 19. fuit radix prima, in uehendæ in Ecclesiam Constantinopolitanam, abominationis, desolationis, sub qua iacet oppressa & euersa, à duobus propè sacerulis, DE O iustè vlciscente proteruiam & fastum Græcorum, vt qui se abiecto legitimo Pastore constituto à Christo, vniuersales Patriarchas dicere voluerunt, gemant sub immani iugo truculenti tyranni, & omnes eorum exemplo, dictant subiici capiti diuinitus constituto. Nec id Græcis fuisse peculiare, sed alijs item nationibus iam olim Christianis contigisse, credit Thomas Bosius lib. 1. de statu Italiæ cap. 1. cui præiuerat Ioannes Roffensis ad Artic. 25. Lutheri sub finem. De hoc titulo Romani Pontificis pleniùs alij, nominatim Baron. Anno 505. à num. 36. Turria. lib. 4. contra Magdeburg. cap. 1. & ad lib. 6. Constitut. Clemen. cap. 14. & lib. 1. prioris defens. contra Sadeelem cap. 18. Remundus Russus contra Molinæum, Iustinianus, 1. Petri 5. versu 1. à num. 9. & Azorius tom. 2. lib. 4. cap. 4. q. 3.

T 2 Epi-

Epis copus, sclus vniuersalis omnium Ecclesiarum. Petrus Damiani Opus. 23. cap. 1.

- Videri possit repugnare Philotheus Constantinopolitan. Orat. in Triadem Theologorum, vbi de S. Basilio sic ait. [Qui magnæ Cæsariensium Ecclesiæ tunc præclarè præfuit Basilius; & quasi sacrum quoddam Prytanæum, aut omnium orbis Ecclesiarum speculum & curiam eam habuit, hinc verbo & opere præest vniuersis, omnibusque viribus & ingenio cum excellenti quadam spiritus virtute, eas administrat; scribendo, docendo, admonendo, mandando, disputando, confutando, hortando; Reges, Præfectos, Dukes, Principes, Clerum, populum, communem vitam traducentes, & solitarios, viros perinde ac mulieres, regiones totas, & vrbes; pro nequam pastoribus, & propagatoribus impietatis, seipsum subiiciendo; sermone & scriptis, Ora torem, Philosophum, Theologum agendo, spirituque adiuuante, libris conficiendis eruditissimè defendendo; vt nihilominus ipsi cum Magno Paulo, dicere liceat, *Instantia mea quotidiana, sollicitudo omnium Ecclesiarum.*] Hæc de S. Basilio dicta, non abiudicant Romano Pontifici titulum **Soli Episcopi omnium Ecclesiarum.** Aliud enim est de iure & potestate præesse toti Ecclesiæ, quod solus habet Romanus Pontifex, aliud voluntariam sollicitudinem assumere ex charitate, iuuandi omnes quod insigniter præstítit S. Basilius, tametsi vnius tantum particularis Ecclesiæ Episcopus. Imitatus porrò est Philotheus Nazianzenum, qui orat. 20. num. 28. de Basilio dixit. [Pervnam Cæsariensem ciuitatem, vniuerso terrarum orbi prælucet.]

Exarchus diœceseos. Concilium Chalcedon. can. 9.

Ita nominatur Pontifex in Græco contextu Concilij Chalcedonensis. [Si Clericus (inquit Canon) habet eam aduersus Episcopum proprium, vel aduersus alterum, apud Synodum prouinciae iudicetur. Quod si aduersus eiusdem prouinciae Metropolitanum, Episcopus vel Clericus habet querelam; petat aut primatem Diœceseos, aut sedem

sedem regiae vrbis Constantinopolitanae, & apud ipsum iudicetur.] Qui ab Interpretate dictus est, *Primas Diocesos*, Græcè dicitur *επίχος τῆς διοικήσεως Exarchus*, vel *Princeps diœcessis*, quem vides secerni ab Episcopo Constantinopolitano, apud quem quoque, Concilium indulget, ut quibus placuerit, ē Patriarchatu Constantinopolitano Episcopis, aut Clericis (nam de eis solis agebat eo loco Concilium Chalcedonense) si lis eis cum Metropolitanu incideret, possent querelas suas aduersus eundem Metropolitanum ipsorum, forte enatas deponere.

Et quamuis (quod aliqui censuerunt) admitteremus agi eo loco de Episcopis & Clericis cuiuscunque Patriarchatus, fierique potestatem omnibus quibus placuerit adeundi Romanum Pontificem, vel Constantinopolitanum : adhuc tamen nulla haberetur exæquatio Patriarchæ Constantinopolitani cum Romano : quasi Constantinopolitanus possit omnes undecunque ad se ex orbe vniuerso accedentes, audire, & lites iudicare, ut potest facere Romanus Pontifex : quod friuole admodum, immo maligne, inde collegit Nilus Thessalon. scribens aduersus primatum Romanum; contritus potenter à Bellarmino lib. 2. de Roman. Pontif. cap. 22. Nam iuxta sententiam, quæ admittit eo canonice agi de omnibus Clericis & Episcopis, Constantinopolitanus Patriarcha ex mera indulgentia id accepit, saltem quoad fitos extra territorium sui Patriarchatus. Nec quoad omnes id accepit, sed tantum quoad Clericos & Episcopos, aduersus Metropolitanum litigantes. Romanus autem Pontifex, non ex indulgentia Synodi, sed iure diuino per Synodus exposito, quoad quoscunque ex toto orbe kæfis, etiam à Patriarchis & Concilij violatos, eam facultatem habet.

Reuera tamen (vt dixi) notauitque Turrianus lib. 3. pro Epist. Pontif. cap. 4. Clerici & Episcopi litigantes cum Metropolita, de quibus ibi agitur, erant tantum ex Patriarchatu Constantinopolitano. Atque ita Exarchum ad quem,

vel

vel ad Patriarcham Constantinopolitanum conceditur prouocatio, in Canone prædicto Chalcedonensi, alium esse non posse, quām Romanum Pontificem, recte videt, Nicolaus I. Epistola ad Michaëlem Imperatorem, & est perspicuum ex contextu. Quamuis enim in Concilio Sardicensi, Metropolitanus dicatur Exarchus. Can. 6. & apud Euagrium 4. histor. cap. 11. hoc tamen loco, Metropolitanus est is contra quem supponit deponenda querela. Patriarcha autem Diceceos, quem Zonaras, ait dici Exarchum in eo Chalcedonensi Canone, non potest esse alius quām Patriarcha Romanus, quia nullus aliorum Patriarcharum in Patriarchatum Constantinopolitanum, tale ius vñquam prætendit, præter Papam Romanum. Patriarcha autem alijs Patriarchis superior, distinctus à Papa Romano à Balsamone ad huius Canonis, Iudificationem ac peruersiōnē, verius quām interpretationem inuestitus, est planè commentitius. Nec satis solidè Habertus in Archierat. ad edicta pro Archimandr. obseruat. 1. par. 2. censet Exarchum hīc dici Metropolitanam sedis, que sit antiquissima totius regionis. Sed hoc non potest subsistere. Quid si enim in aliqua Diœcesi & regione vnicus esset Metropolita? Quid si inter plures nulla esset sedes antiquior? Vel si lis esset cum Metropolita sedis antiquioris? Quarè adhæreamus Nicolao Canonem Chalcedonensem exponenti, de Exarcho, qui sit ipse Romanus Pontifex.

Tantum mouere quempiam posset, quod is vocetur. *Exarchus diœcessis* in singulari, cum videretur potius denominandus fuisse *Exarchus diœceseon* in plurali; quandoquidem omnes Diœceses subsunt Romano Pontifici. Verū recte obseruauit Nicolaus I. scripturam ipsam scatere similibus locutionibus, quibus numerus singularis adhibetur pro numero multitudinis; ut cum dicitur, *Fons ascendebat de terra*, qui tamen erant fontes bene multi, loca & regiones quisque suas, copiosè rigantes. Igitur quia totus orbis est velut una generalis diœcessis Pontificis Romani, recte

Syno-

Synodus eum vocavit Exarchum diœcesis, cum vnicuiusque dioecesis in qualis fuerit oborta; tum vniuersalis; Catholicum orbem vniuersum compleſtentis. Quo sensu Synodus Africana eo Canone, qui in Cod. Cauonum Africanorum est 39. (apud Ferrandum est 82.) vetuit ullum Afrum p̄iscopum assumere nomen *Principis Sacerdotum*. Græca versio habet Αρχαρχη. Intelligebat enim Synodus, principatum siue Exarchatum Sacerdotij, nemini intra Africam Antistiti, sed soli Romano Pontifici conuenire. Confirmat doctrinam propositam de vera notione Exarchi Diœceseon, quod Duarenus l.b.1. de Sacris ministerijs cap.22. obseruat Iustinianum Nouell. 133. inter Monachos vocare Exarchum, eum qui omnium Monachorum suprema potitur p̄fectura; ita ut non singulis modò P̄fectis, sed etiam Archimandritis p̄sideat. S. Hieronymus vocasse videtur ἀρχιεπίσκοπος, nunc Generalis nominatur. Quod ergo est generalis quispiam respectu totius Religionis, cui supremus moderator p̄est, hoc respectu omnium Diœceseon, & omnium Episcoporum, est summus Pontifex. V. infra verbo, *Primas Diœceseos.*

Excellentia. Iuo Epist. 65. & 94. Petrus Cluniac. lib.6.
Epist. 26. S.Bernard. Epist. 330.

F

Fastigium maiestatis Apostolice. Arnulphus Lexouien-
sis Epist. 21.

Agnoscet hoc fastigium dignitatis, in Romano Pon-
tificatu S.Bernardus Epist. 237. quæ est gratulatoria ad Eu-
genium, ipsius quondam S.Abbatis spiritalem filium. Quo
autem inde affectu tactus esset super dilecto filio, sic expri-
mit. [Exultaui, fateor, sed cum tremore : exultaui, sed in
ipso meæ exultationis articulo, timor & tremor venerunt
super me. Ego enim etsi nomen Patris deposui, sed non ti-
morem, sed non anxietatem, postremò nec affectum, nec
visce-

viscera Patris . Considero gradum & casum vereor . Considero fastigium dignitatis , & intueor faciem abyssi iacentis deorsum . Attendo celsitudinem honoris , & è vicino periculum reformido .]

Fastigium sublime Sacerdotij . S.Cyprianus Epist. 52.

Idem quod Summum Sacerdotium , vel principatus Sacerdotij .

Fax diuinitus lucens , ad Ecclesie , quæ sub cælo est illuminationem in Apostolica sede constituta . Theodorus Studita ad Paschalem lib. 2. Epist. 13.

Figura singularis summi capitii nostri , Vicariusque eius . S.Leo IX. Epist. 1. cap. 38.

Figuram h̄ic accipio pro repræsentante ; qua ratione locum tenens Principis , eius figura dici potest , quia repræsentat Principis personam . Alibi ea notio figuræ , est satis frequens . Sic enim S.Ambrosius lib. 2. de virg. ait speciem externam Deiparæ , fuisse simulachrum mentis , figuram probitatis , idest emicuisse in externa forma , internam virtutem ; & repræsentatam fuisse virtutem internam , per externam compositionem . Eodem sensu dixisse Apostolum , de antiquis Hebræis , omnia in figura contingebant illi s. 1. Corinth. 10. monstrat Vasques 1. par. disp. 14. c. 6. post Adamum præfat. in Esaiam : Neque enim sensus Apostoli fuit , omnia quæ Hebræis contigerunt , fuisse typos & adumbrationes rerum nostrarum ; (quamquam id quoque verum est , vt fusè prosequitur S. Chrysostomus homil. in illud Nolo vos ignorare fratres :) sed sensus Apostoli eo loco fuit , præcessisse in antiquis Hebræis , exempla ad quæ componere res nostras debeamus , inde proficientes . Ita enim fert textura contextus Apostoli eo cap. 10. 1. Corinth. Alium Apostoli locum Hebr. 1. quo filius dicitur figura substantiæ Patris , Anastasius Sinaita lib. 1. de rectæ fidei dogmat. ita accipit , ut figura idem sit , quod Imago viua , & repræsentatio expressi . Qua ratione potestas S.Petri est repræsentatio viua potentia Christi , & eatenus S.Petrus , qua Pontifex , dictus est

est singularis figura Christi, supremi Pontificis futurorum bonorum. Quanquam non est hæc figura intelligenda de omnimoda æqualitate potestatis; sed de proportionalitate commensa fini gubernationis Ecclesiæ per Christum ipsum constitutæ quoad substancialia. Et quadrare in hanc (vt sic dicam) æqualitatem inæqualem, vocem *figuræ*, optimè monstrat creditus Augustinus lib. 1. de Incarnat. cap. 2. aptans illud, *figura substantie Patris*, ad Christum hominem, in quo, similitudine indiscreta, moles immensa absque magnitudinis immensitate exhibeatur. Ut si immatis statua, per pusillam lineamentis consimilem exhiberetur, & figuraretur. Nam eam expressionem rei magnæ per paruam, Autor ille vocat, *figuram*.

Firmamentum omnium. S. Augustinus serm. 16. de Sanctis.

Hoc est, basis immobilis supra quam Ecclesia est ædificata, vel certè *firmamentum omnium Antistitum*, iuxta illud Felicis III. Epist. 5. [Per Apostolicam sedem, omnium solidatur dignitas Sacerdotum.] Quod usurpauit etiam Gelasius in tract. pag. 183. addens, Omnes Episcopos cum creabantur, sategisse confirmari à Romano Pontifice.

Firmamentum Ecclesiæ corporis Christi, principatus & caput, pastor humani gregis, petra Ecclesiæ, clauicularius regni. S. Isidor. lib. de vita & morte Sanctorum cap. 69.

Firmamentum à Deo fixum, & immobile. Athanas. & Episcopi Ægyptij ad Felicem.

Firmamentum à Deo fixum, & immobile, ac tituli forma lucidissima fidei diuinitus constituta. Sergius Cyprius ad Theodorum Papam, adductus in Concilio Lateranen. sub S. Martino I. Secretario 2.

Hic Titulus Romani Pontificis, æquè legitur in Epistola S. Athanasij, & Ægyptiorum ad Felicem, nisi quod in hac Ægyptiorum Epistola habetur paulò aliter. Vocant enim sedem Apostolicam, formam lucidissimam uniuersorum titulorum, Sergius autem vocat Apostolicam sedem,

Y tituli

tituli formam lucidissimam fidei; [Tu es enim (inquit con-
sequenter, rationem huius sui dicti reddens Theodoro Pa-
pæ) sicut diuinum veraciter pronunciat verbum, Petrus,
& super fundamentum tuum, Ecclesiæ columnæ confit-
matæ sunt. Tibi & claves Cœlorum commisit, atque liga-
re & soluere potestatem, quæ in terra & in cœlis sunt, pro-
mulgauit. Tu profanarum hæreseon depositor existis, vt
Princeps & Doctor orthodoxæ, & immaculatæ fidei, &c.]
Sensus ergo esse videtur, Romanum Pontificem esse velu-
ti titulum lucidissimum, appositum puræ fidei vt serue-
tur, nec ab hæreticis corrumpatur, vel auferatur. Quod
enim notauit Festus V. titulus, sicut milites tutuli olim dicti
sunt, siue tituli, quod tuerentur Patriam: ita adiectione
tituli tutum securumque reddebat, id cui adjiciebatur a
siue esset velum nomine, aut imagine Principis inscri-
ptum; siue esset inscriptio in cartha, vt ferunt illa S. Augu-
stini serm. 62. de verb. Dom. [in ipsis deprædationibus suis,
titulum illius posuerunt, vt prædæ ipsorum quasi defende-
rentur, per titulum potentis.] & in Psalm. 21. [Ne domum
ipsius inuadat aliquis potens, ponit ibi titulos potentis, ti-
tulos mendaces; Ipse vult esse possessor, & frontem domus
suæ de titulo alieno muniri, vt cum titulus lectus fuerit,
conterritus quis potentia nominis, abstineat se ab inuasio-
ne.] Videndus Gretserus lib. 2. de Cruce cap. 7. vbi multa
de huiusmodi titulis. Ut ergo significaretur, Romani Pon-
tificis esse tueri fidem, eamque seruare impollutam & in-
demnem à furibus, & latronibus, sedes Apostolica quam
tenet, dicta est forma tituli fidei lucidissima; id est ratio quæ-
dam aut species tituli munientis, neminem latens, vt ab
omnibus possit aduerti. Quo rectè quadratratio ducta ex
verbis Christi ad Petrum, prout futurum Pontificem, Tu
es Petrus, &c.

Fons magnus & indeficiens, omnibus Christianis fluentia
redundans, de quo riuuli prædeunt affluenter, uniuersum lar-
gissime irrigantes orbem Christianorum. Episcopi Africani
ad

ad Theodorum Papam, ut refertur in Concilio Lateranen.
Sub S. Martino I. consult. 2.

Episcopos Moscouiae, scribit Sigismundus Baro Herbe-
stenus in Commentarijs Moscouit. pag. mibi 30. in vsu quo-
tidiano gestare pallium nigrum, quod habet à pectori in
vtramque partem tres fimbrias albas, inflexas instar riuuli
è fonte fluentis, in significationem quod ex corde & ore il-
lorum, fluunt riuuli doctrinæ fidei, orbem rigantes. Hæc
quanto iustius in Episcoporum Principe cadant, nihil
attinet dicere.

Fons verè illimis ac syncerus, iam inde à principio veræ fidei.
Theodorus Studita Epistola ad Paschalem Papam lib. 2.
Epist. 13.

Spectant ista ad puritatem doctrinæ Romani Pontificis,
nulla vñquam luti admistione turbidam, semper puram,,
semper pellucidam ; cum aliorum quorumuis Patriarcha-
rum plerique , Hæretico cœno sint maculati . Locus est in
hanc rem egregius, his verbis conceptus apud S. Innocen-
tium I. in Epistola ad Carthaginense Concilium. (Est 91. in-
ter Augustinianas). [Quod Patrum instituta, Sacerdotali
custodientes officio , non censemus esse calcanda , quod illi
non humana, sed diuina decreuere sententia , vt quicquid
de disiunctis remotisque prouincijs ageretur, non priùs du-
cerent finiendum, nisi ad huius sedis notitiam perueniret,
vbi tota huius autoritate, iusta quæ fuerit pronunciatio fir-
maretur, indeque sumerent coeteræ Ecclesiæ ; velut de na-
tali suo fonte, aquæ cunctæ procederent, & per diuersas to-
tius mundi regiones , puri capitis incorruptæ manarent,
quid præcipere, quos abluere, quos velut in cœno inemun-
dabili sordidatos, mundis digna corporibus, vnda vitaret.]
Similiter Ioannes VIII. Epist. 76. cum præmisisset super Pe-
tram confessionis S. Petri, fundatam esse Ecclesiam, & hanc
esse petram illam , supra quam , ut Salomon ait, serpentis
non inuenitur vestigium, subdit . [Aqua nunquam potest
alibi , tam munda , vel tam limpida , quemadmodum in

V 2 fonte

sonte unde originem protrahit, inueniri; ita & fides nunquam omnino poterit alibi tam pura, vel tam nitida reperi, scut in Ecclesiæ nostræ Viuario, ubi eam non tecta perstallantia, quibus litigiosa mulier, idest hæretica prauitas comparatur; sed ille poloruus clauiger, vbertim & puissimè congregauit, qui ex ipso fonte viuo hanc cœlitus hausit, & limpidissimam conseruandam mandauit.] Hæc omnia ferunt, re ipsa, Caput fluminum, vocari posse Romanum Pontificem: quo ipso nomine S. August. in Psalm. 92. ad illud, Eleuauerunt flumina Domine, Christum appellat, vade eant cursu flumina, quæ locuta sunt, & eleuauerunt voces suas, profundiendo per orbem doctrinam Christi. Hæc sunt flumina in deserto posita, ratione quorum exitus aquarum est in sitim, ita ut [qui è Petri Ecclesia excitat, siti pereat] verba sunt Arnobij in Psalm. 106.

Fons perennis, corruptis fontibus præligendus. Carolus Magnus apud Ioannem Diaconum lib. 2. vitæ S. Gregor. c. 9.

Forma & fundamentum Ecclesiarum, à qua omnes Ecclesias principium sumpsisse, nemò rectè credentium ignorat. Vigilius Papa Epistola ad Eutherium.

Fundamentum aeternum fidelium. S. Chrysostomus homil. in 12. Apostolos.

Fundamentum fidei. Petrus Damiani serm. 26. Andreas Creensis orat. de Transfigurat.

Vnum quidem est primarium fidei nostræ fundamentum, de quo Apostolus, fundamentum aliud, Nemo potest ponere, præter id quod possum est, quod est Christus. Nihilominus fidei fundamenta secundaria, sunt SS. Apostoli, iuxta illud eiusdem Apostoli, Super ædificati supra fundamentum Apostolorum. Et illud S. Ioannis. Apocal. 21. Murus ciuitatis, habens fundamenta duodecim; & in ipsis, duodecim, nomina duodecim Apostolorum, Agni. Super omnia tamen hæc fundamenta, Christo, (vt D. Augustinus in Psalm. 86. voeauit) Fundamento fundamentorum, innixa; est vnum sub Christo, primarium fundamentum; nempe S. Petrus, qui est.

est lapis probatus, de quo accipere per accomodationem
liceat, illud Isaiae 28. *Ecce ego ponam in fundamentis Sion, la-*
pidem probatum, angularem, pretiosum, in fundamento fun-
datum. Quamuis enim locus ille, de Christo intelligendus
directè sit, vt constat ex 1.Petri 2.& ex Rom.9. tamen sæ-
pè monent PP. Christum voluisse, vt nomen Petrae sibi pro-
prium, esset Petro participatione commune. Atque ita,
quæ de illa petra, seu lapide angulari fidei nostræ dicuntur,
per se primò; de Petro quoque, dici possunt secundariò, vt
optimè tradit Gregorius I X. Epistola ad Germanum Con-
stantinopolitanum. Est igitur Petrus lapis angularis, pro-
batus, pretiosus, in fundamento fundatus, id est locatus in
fundamentum, (vtique secundarium) fidei nostræ. Bellè
S. Ambros. serm. 2. de SS. Petro & Paulo, vel Augustinus
serm. 26. de Sanctis, huc accommodat primum miraculum
à S. Petro patratum. Sic enim habet. [Primum ergo signum
mirabilium suorum Petrus fecit, clando pedum restituendò
vestigia. Diximus frequenter, ipsum Petrum, à Domi-
*no Petram, nuncupatum, sicut ait, *Tu es Petrus, & super**
hanc Petram ædificabo Ecclesiam meam. Si ergo Petrus Pe-
tra est, super quam ædificatur Ecclesia, rectè priùs pedes
sanat; vt sicut in Ecclesia, fidei fundamentum continet,
ita & in homine membrorum fundamenta confirmet. Re-
ctè inquam primum in Christiano pedes curat, vt iam non
trepidus, nec imbecillus, possit super petram Ecclesiae, sed
robustus & fortis incedere.] S. Leo IX. Epist. 1. quæ est ad
Michaëlem & Leonem Acri. applicat eodem, S. Petri cru-
cifixionem, capite deorsum verso. Prefatus enim Christum
esse primum vniuersalis Ecclesiæ fundamentum, subdit.
[Quod vtique deuotissimus ille Petrus, non solùm viuens,
sed etiam moriens demonstrauit, quando nimia humilita-
te & congrua significatione, se crucifigi deorsum verso ca-
pitè petiuit, profectò diuina inspiratione præfigurans, se
esse primum & quadrum lapidem, in fundamento, quod
est Christus IE SV S compaginatum, coharentem, atque

con-

connexum, qui ut pote superpositus angulari lapidi, totum pondus Ecclesiasticæ fabricæ, incorruptibili soliditate sufferret, ac proprij capitis suppositione, omnia membra corporis Christi, per aptas & naturales compages usque ad consummationem seculi, quasi usque ad pedes crescentia inflexibili collo ad cœlos sustolleret.] En qua ratione S. Petrus est fundamentum; qua ratione Ecclesia non habet profundamento alios Apostolos, quamvis super ipsos quoque tanquam super primos Ecclesiastici ædificij lapides, fundata aliquando legatur Ecclesia, ut retuli; notatque Hieronym. in cap. 4. ad Gal. Copiosè de hoc S. Petri, atque adeò summi Pontificis titulo, Isidorus de Isolanis l. 2. de Imperio militantis Ecclesiæ tit. I. q. 4. Praiuerauitque Turrecremata de multiplicibus fidei fundamentis, & quatenus inter ea S. Petrus numeretur, egregie differens lib. de Eccles. à cap. 17.

Hunc titulum S. Petro quatenus Christi Vicario, atque adeò omnibus æquè Pontificibus tributum, videri possit conuulsisse Hesychius Orat. in S. Andream Apostolum, vocans S. Andream *Fundamenti* *fundamentum*, & *Petrum ante Petrum*, quod est re ipsa negare, S. Petrum esse simpliciter fundamentum, cum alijs extra Christum innitatur, si alter est eius fundamentum. Coeterum sensus Hesychij alio spectat. Neque enim negare voluit, S. Petrum esse fundamentum respectu S. Andreæ, quod attinet ad stabilitatem & confirmationem æquè S. Andreæ, ac coeteris Apostolis emendicandam à S. Petro, ne, in vacuum currerent, ut de se ipso prodidit Apostolus Paulus. Tantum ergo voluit Hesychius affirmare, S. Petrum ut priuatam personam, fidei suę initia ad vocationem & adductionem ad IESVM, à B. Andreä factam, referre. Ferunt id manifestè verba Hesychij, quæ sic habent. [Andreas primò est in Apostolorum coronam vocatus, qui quasi columna primùm affixus est in Ecclesia, & ante Petrum Petrus, fundamentique fundamentum, qui primitiarum sicut principium.] Hoc aliter

ter dixit S. Athanasius Orat. de S. Andrea. [Andreas Apo-
stolorum prima plantatio. Hic Christi disciplinæ portas
aperuit, hic propheticæ agriculturæ fructus, primus vindem-
iauit, speque dono præstans coeteris, primus eum quem
omnes expectabant, amplectitur; primus veteris Instituti
præcepta constituto terminari tempore comprobauit; Pri-
mus Moses linguam cohibuit, ægrè ferens post Christum
eum iam amplius loqui, &c. Fratrem manuducit ad eum
quem repererat, nescienti Petro thesaurum ostendit.] id
quod fuisissimè prosequitur. Manet igitur saluus S. Petro
prout Pontifici, titulus fundamenti respectu totius Eccle-
siae, ipsiusque etiam S. Andreæ, Tametsi quod attinet ad
primam Christi notitiam, B. Petro ut priuato homini com-
municatam, S. Andreas, qui eum docuit Messiæ aduen-
tum, & adduxit illum ad IESVM, habeat aliquatenus ra-
tionem fundamenti, verius mystagogi.

*Fundamentum Eccl. s. Dyonisius ad Timoth. S. Clem.
Epist. 1. ad Iacob. S. Hilar. in Psalm. 131. S. August. serm. 15.
de Sanctis.*

*Fundamentum fælix Ecclesiae, dignaque ædificatione illius
petra; quæ infernas leges, & Tartari portas, & omnia mortis
claustra dissoluunt. S. Hilar. can. 16. in Matth.*

*Fundamentum magnum Ecclesiae, & petra solidissima, super
quam Christus fundauit Ecclesiam. Orig. hom. 5. in Exod.*

*Fundamentum supra quod ædificij Ecclesiastici altitudo con-
surgit. S. August. serm. 15. de Sanctis.*

Fundamentum per quod in cœlum ascenditur. Ibidem.

*Fundamentum super quod columnæ Ecclesiae confirmatae sunt.
Sergius Cyprius ad Theodorum Papam, adductus in Con-
cil. Lateran. sub S. Martino I. consultat. 2. S. Athanas. cum
Collegis Epistola ad Felicem Papam.*

*Columnæ Ecclesiae, intelliguntur eo loco, Episcopi reli-
qui, ut S. Damasus interpretatur Epist. 4. Hi qui ppè confit-
mati sunt siue stabiliti super Petrum, eiusque successores;
Quo ipso sensu Gregor. Nazianz. orat. 26. ait fundamenta*

Ec.

Ecclesiæ, commissa esse fidei S. Petri. Disti porrò videntur Episcopi, columnæ imitatione Apostoli, qui primarios in Ecclesia describens, ait, *qui videbantur columnæ esse*. Videntur de hac Episcoporum nomenclatione Turrecremata ad cap. *Accusatores* 3. q. 8. num. 1. Et quamquam confirmatio huiusmodi columnarum, potest ab alijs quoque quām à Petro & eius successoribus præstari, iuxta illa quæ S. Thomas disputat in Vestibulo Commentarij in Epistolam ad Ephesios, tamen præcellentissimè & singulari quodam modo, S. Petrus eiusque successores confirmant vacillantes, quia ne circumferantur omni vento doctrinæ, & ut certò sciant, quid firmiter sit tenendum, habent à sede S. Petri; qui iussus est confirmare fratres suos, Lucæ 22. ad quem locum pulchrè in hunc modum Theophilactus. [Platus huius loci intellectus est; Quia te habeo ut Principem discipulorum, postquām negato me, fleueris, & ad penitentiam veneris, confirma cœteros. Hoc enim te decet, qui post me Ecclesiæ petra & fundamentum es.] Optimè porrò ex hoc titulo, defensor Romanæ Ecclesiæ apud Petrum Damian. Opusc. 4 *sub initium*, colligit in hunc modum. [Cum beatitudo vestra venerabiles Patres, super Apostolicę sedis negotio disputat, ad cunctas Ecclesiæs pertinere, quod versatur in manibus, non ignorat. Hac enim stante, reliquæ stant, sin autem hæc, quæ omnium fundamentum est & basis, obruitur, cœterarum quoque status, necesse est collabatur.] Idem admonuit S. Leo IX. Epist. 1. quæ est ad Michaëlem & Leonem *sub finem*, inculcans graviter conuulta Romanæ Ecclesiæ autoritate omnes Ecclesiæs labaturas: *nimirum quia omnes ei innituntur, & super ea tanquam fundamento secundario, sunt constitutæ.* Id ipsum supra iam notaui ex Ioanne VIII. Epist. 32. V. *Capiunt Ecclesiaram, Romana.*

Guber-

Gubernator magnificus Romanae sedis , summus Pontifex , & uniuersalis Papa . Episcopi Germaniae ad Ioan- nem VIII.

Gubernator Throni Apostolici . Concil. Chalced. Actio. 1.

Non est sensus , thronum , siue Sedem Apostolicam , di- rigi per gubernationem Pontificiam . Nam *Thronus* , siue *Sedes* , aut *Cathedra* , nihil aliud in hoc negotio sonat , quam potestatem , quæ nō est suppositum rationale , cui soli com- petit gubernare . Itaque *gubernator Throni* , dicitur gubernator , qui Throno insidet , & eum obtinet , ad gubernan- dum eos , qui gubernationis suæ sunt capaces .

Gubernator nauis Petri . Ioan. Sarisb. 8. polycr. cap. 23.

Hic titulus , supponit Ecclesiam Catholicam assimilari naui , quod per pulchrè exponitur in Epist. 1. Anacleti Pa- pæ , verbis illis . [Vt ait B. Clemens Antecessor noster , simi- lis est omnis Ecclesiæ status , naui magnæ , quæ per vndo- sum pelagus diuersis è locis & regionibus viros portat , ad vnam potentis regni urbem properare cupientes . Sit ergo nauis , huius Autor , Dominus ipse omnipotens Deus : Gu- bernator verò sit Christus . Tum deinde proretæ officium , Episcopus impleat ; Presbyteri nautarum , Diaconi dispen- satorum locum teneant : Hi qui catechizant , nautologis conferantur . Epibatis autem totius fraternitatis multitu- do sit similis . Ipsum quoque mare , hic mundus habeatur . Ventorum verò varietates & turbinum , diuersis tentatio- nibus conferantur ; Persecutiones , tribulationes , siue pe- ricula , fluctibus exæquentur . Terreni verò spiritus , qui vel de torrentibus , vel de conuallibus spirant , Pseudo-Pro- phetarum & seductorum , seu prauæ doctrinæ verba dicantur . Promontoria verò & loca confragosa , hi qui in pote- statibus sæculi sunt Iudices , & qui pericula nominantur ac mortes . Bitalissa verò loca , quæ duplicitibus vnde fallacis

X æsti-

æstibus verberantur , dubijs mente, & de repromissionum
veritate nutantibus , conferantur , atque his qui irrationa-
bili fidem nostram ratione discutiunt . Hypocritæ verò &
dolosi, piratis similes habeantur . Iam verò rapidus vortex
& Tartarea Charybdis , & saxis illis naufragia , ac morti-
feræ submersiones , quid aliud æstimanda sunt quām pec-
cata ? Restat igitur, vt hæc nauis cursu prospero tuta possit
portum desideratæ vrbis intrare , ita Deo precem fundere,
vt nauigantes mereantur audiri .]

Locus ex Clemente ab Anacleto allegatus, legitur apud
Clementem Epist. 1. ad Iacobum Fratrem Domini . Pul-
chrè quoque eandem nauis & Ecclesiæ analogiam, his ver-
bis expressit S. Chrysostomus homil. 1. de Symbolo . [Ve-
lut nauis est in mari posita hæc Ecclesia ; portat epibatas,
portat credentes , in vna charitate , in vna modulatione,
in vno remigio sanctitatis, in funibus charitatis, in velo ora-
tionis , in arbore crucis , in pice pœnitentiæ , in stupa casti-
tatis , in tabulis pacis , in anchora fidei . Ita ergo Ecclesia,
in vna modulatione cantans , peruenit ad portum æterni-
tatis, ad ciuitatem pacis .] Huius itaque nauis, quæ est Dei
Ecclesia , gubernatorem supremum agit Romanus Ponti-
fex . Eius est in medijs fluctibus curam indefessam adhibe-
re, vt nauis portum tutò subeat ; quod vt præstet, debet in
aquis sicceus permanere & subuenire omnibus per hos flu-
ctus transeuntibus , vt piè ac pulchrè prosequitur Petrus
Blesserm. 40. agens de nauicularijs subordinatis .

H

Habens regni habenas , quibus impetum cordis tanquam
pullum indomitum refrenet , & passibus ordinatis am-
bulare compellat . Petrus Cellensis Epist. 113.

Heres Apostolorum . S.Bernard. 2. de confid. cap. 8.

Quid sit hæredem esse Apostolorum, intelligi potest ex egre-
gia oratione Tertulliani lib. de Præscr. cap. 37. nomine Ca-
tho-

tholicæ Ecclesiæ sic affantis hæreticos . [Qui estis ? quan-
do & vnde venistis ? quid in meo agitis, non mei ? Quo de-
nique Marcion iure syluam meam cædis ? qua licentia Va-
lentine, fontes meos transfuertis ? qua potestate Apelles, li-
mites meos commoues ? Mea est possessio, quid hic cœteri
ad voluntatem vestram seminatis & pascitis ? Mea est pos-
sessio, olim possideo, prior possideo, habeo origines firmas,
ab ipsis authoribus, quorum fuit res . Ego sum hæres Apo-
stolorum , sicut cauerunt testamento suo, sicut fidei com-
miserunt, sicut adiurauerunt, ita teneo . Vos certè exhæ-
redauerunt semper & abdicauerunt, vt extraneos & vt ini-
micos ; Vnde autem extranei & inimici Apostolis hæreti-
ci, nisi ex diuersitate doctrinæ, quam vnuſquisque de ar-
bitrio suo aduersus Apostolos , aut protulit, aut recepit ?]

Hæres Patrum. Albinus Flaccus qui & Alcuinus ad Leo-
nem Papam Epist. 72.

Hæres S.Petri. Petrus Blesen. Epist. 145. S. Leo serm. 2. de
anniuers. suæ assumpt.

Id est potiens eadem authoritate ad gubernandam Ec-
clesiam , qua S.Petrus potitus est . Sicut hæres succedit iu-
ribus , testatoris . V. mox , *Hæres mirifice potestatis.*

Hæres cui orbis hæreditas. S.Bernard. 3. de consid. cap. 1.

Glossam huius Tituli quo Eugenium Papam honestat
S.Bernardus , ex ipso S.Bernardo petere operæ pretium est,
sic Eugenium affante . [Orbe exeundum ei , qui fortè vo-
let explorare , quæ non ad tuam pertinent curam . Paren-
tes tui destinati sunt , non aliquas regiones, sed ipsum de-
bellatur orbem . *Ite in uniuersum orbem* , dictum est illis.
Ipsi verò vendentes tunicas , emere gladios , ignitum elo-
quium & spiritum vehementer , arma potentia Deo ; Quò
non peruererunt victores incliti filij excusorum ? Quò
non sagittæ potentium acutæ , cum carbonibus desolato-
rijs ? Et quidem in omnem terram exiuit sonus eorum, & in-
fines orbis terræ verba eorum . Penetrabant & incendebant.
Verba illa , incensa igni , quem Dominus misit in terram .

Occumbebant strenuissimi bellatores , sed non succumbebant; triumphabant & mortui. Nimis confortatus est principatus eorum ; Constituti sunt principes super omnem terram . Eis tu successisti in hæreditatem . Ita tu hæres, & orbis hæreditas .]

Hæres mirificæ potestatis , sicut Vicarius sanctissime sedis B. Petri. Alcuinus Epist. 8. ad Hadrianum , quæ est 63.

Cur Romanus Pontifex dicatur, *Vicarius Sedis Petri*, infra suo loco exponetur. Hæres verò mirificæ potestatis qua S.Petrus à Christo donatus est, idcirco dicitur, quia succedit in eius sede siue Episcopatu, cum pari potestate , de quo in Epilegom. subnot. 2. verit. 3. Insigniter in hanc rem differit Ennod. in Apologetico pag. 324. Quanta hinc cura maneat Pontificem, egregie S. Bernard. lib. 2. de consider. cap. 6. Quanta item eum deceat cultus simplicitas, & pompæ negligentia, eruit lib. 4. c. 3. Nunc satis est nobis, agnoscere Romanum Pontificem esse S. Petri hæredem, ad modum propositum. Sicque Hæreditatem S. Petri, in se, tametsi indigno hærede non defecisse, gloriatur in Domino ; S. Leo serm. 2. de sua Assumpt.

Nullius porrò alterius Episcopi est hoc decus, quia nemo eorum est hæres ex asse . Petrus quidem Blesensis in Episcopi instituzione, agens cum Episcopo VVigorniensi, vocat eum hæredem & Vicarium S.Petri, sed sicut is Vicariatus consistebat tantum in munere Præfulis, eaque participatione particulari , & diminuta plenissimæ potestatis S. Petro traditæ , ita & hæreditas . Intelligitur id apertè ex verbis Blesensis. [In ædificandis (inquit) palatijs , molendinis, & furnis, in augendis redditibus, tota Pontificum sollicitudo seruescit . Nunquid vox Saluatoris est ad Principem Apostolorum & Præfulum , si diligis me , excole terras , ædificas domos altas ? Legimus eum dixisse ad Petrum , Si amas me , pasce oves meas . Hæres es & Vicarius Petri: pasce oves meas Euangelizando, fac opus Euangeliæ, & Pastoris; non erubescas Euangelium,

si eru-

si erubescendum non credis Pastoris officium.] Sed disser-
tè Innocentius III. scribens ad Calloianum Regem Bul-
garorum, cumque Regio titulo insigniens, multa luculen-
ter præfatus, de S. Petri authoritate, addit; [Eum in offi-
cio Vicarium sibi substituit Dominus, & in magisterio
successorem; sic hæreditatem in cuius præclaris funes eius
ceciderant, transferens in eundem, ut alijs post eum, &
sub eo, quasi partialia ficeret de hæreditate legata.] Præ-
miserat porrò, hæc omnia Romano Pontifici in B. Petro
esse tributa. Itaque alij Præsules non sunt hæredes ex asse,
sed duntaxat legatarij.

Hierarcha.

Donatur absolutè & absque addito, hoc nomine Mel-
chiades Papa à Constantino Magno, ea ad ipsum Episto-
la quam refert Eusebius lib. 10. histor. cap. 5. Vbi enim
nonnulla Latina exemplaria corruptè legunt, *Constantinus*
Augustus Melchiadi Episcopo Romano, & Marco, S. genui-
na & emaculata lectio habet, Constantinus Augustus, Mel-
chiadi Episcopo Romano, & Hierarchæ. Nata verò est inde
macula, quod in Græco idiomate quo Epistolam retulit
Eusebius, magna affinitas sit vocum illarum, *Ιεράρχως, καὶ*
Μάρκος. Sed vera lectio est *Ιεράρχως.* Nam quis ille Marcus es-
set ad quem simul & ad Melchiadem Constantinus iudi-
cium Cæciliiani & Schismaticorum Donatistarum defer-
ret, nemò nisi diuinando explicarit. Vir quidem insignis
& purpuræ sua ætate decus, aliter eum locum emaculan-
dum censebat; legendo scilicet *καὶ σὸν μάρκὸν*, quasi Constan-
tinus longam vitam Melchiadi in Epistolæ vestibulo ap-
precaretur. Verùm emaculatio proposita, vt simplicior,
ita facilior videtur. Neque modus ille salutationis in fron-
te Epistolæ, alibi facile occurrit, & battologicè adderetur
salus expressa per S. maiuscum. Quarè Constantinus op-
timè edoctus, vbi esset fons & principatus Christianæ reli-
gionis, Melchiadem non modo appellavit Episcopum Ro-
manum, sed etiam simpliciter & absolutè, ac remoto quo-
vis

uis obice restringente, Hierarcham. Qua de re pleniū in Epilegomenis subnot. 2. verit. 11.

Homo hominum præcipuus. Petrus Damiani Opusc. 23. cap. 1.

Homo hominum omnium excellentissimus. Gerbertus Epistola 23.

Aliter eodem tamen sensu id Eugenio dicebat S. Bernar. lib. 2. de Consid. cap. 1. [Parem super terram non habes.] Optimè quoque Gelasius Papa Epist. 8. Exscriptus à Pothone lib. 3. de Statu Domus Dei. [Sedis illius (vt scribit Gelasius ad Anastasium Imperatorem) Præsuli consensus est adhibendus, quem cunctis Sacerdotibus & diuinitas summa voluit præeminere, & subsequentis Ecclesiæ generalis pietas celebrauit. Vbi prudentia tua euidenter animaduerit, vnquam quolibet penitus humano consilio æquare se posse quemquam illius priuilegio, vel confessioni, quem Christi vox prætulit vniuersis, quem Ecclesia confessa semper est & habet deuota primatem.] Non asserit, Pontificem Romanum præferri solis Episcopis, vt videntur sonare illa verba cunctis Sacerdotibus; sed ex eo quod Romanus Episcopus omnibus alijs Præsulibus manifestè præferatur; Præsulum autem ordo præcellat etiam principibus sæculi; Infert nullum esse mortalium, qui possit se æquare Christi Vicario, Romano Pontifici. Eoque tendit disputatio quam eo loco instituit Gelasius. Et sanè nullius mortalium, tametsi Imperatorum potentia, æquat potentiam Vicarij Christi, quæ ad animas quoque & cœlos peruadit; Cum potentia cuiusvis sæcularis Monarchæ, ad summum sifstat in corporibus, & terra concludatur. [Ergo (aiebat Nicolaus I. Epistola ad Michaëlem Imperatorem potentiae suæ ostentatorem) ne velit minari puluis & vermis, sicut scriptum est; quid superbit terra & cinis? Ne velit ampulla in aquis inflari, quia post pauxillum dicetur, ecce non est. Quid gloriatur in malitia, qui potens est in iniquitate? Quid facturus est? Occisurus est, vt verbi gratia dicamus,

ho-

hominem, quoniam amplius non habet quid faciat; hoc & unus fungus facit malum. O Imperator, in hoccine redacta est malitia hominis in iniuitate potentis, ut fungo male comparetur? Heu quam inutilem potentem? heu superuacuè gloriantem?] Non est ergo par potentia Imperatoris, & Pontificis. Autor sermonis ad Concilium Remense apud Bernardum, vniuersalius ait. [Præter Deum, non est similis ei (Eugenio Pontifici) nec in cœlo, nec in terra.]

I

IAnitor cœlorum. Petrus Chrysologus serm. 127. Vrbicus apud S. Augustinum Epist. 86.

Notionem huius tituli Pontificij, tametsi satis perspicuum, iuuat illustrare adducto ex parte lemmate, quod in quadam Ecclesia S. Petro dicata extra Romanam, Achilles Episcopus eius fundator adscriptisse refertur in Append. Antiq. Inscript. pag. 1172.

Quidnam igitur mirum magno si culmina Petro,

Quolibet existant ædificata loco?

Cum quæ per totum celebratur Ecclesia mundum.

In fundamento fixa Petro maneat:

Namque illum DEV S ipse caput, qui corporis extat,

Proptereæ Petrae nomen habere dedit.

Dicens esto Petrus, quoniam fundata super te

Quam mibi nunc toto molior orbe domum.

In te per cunctas constitit Ecclesia gentes,

Vincit & inferni carceris Imperium.

Nam clauibus sacras cœlorum claudere portas,

Et reserare dedit pro meritis hominum.

Quaecunque in terris fuerit sententia Petri,

Hæc erit in cœlis scripta, notante Deo.

Dixit enim, tu es magna mibi nomine Petrus,

Et tibi cœlorum fortia claustra dedi.

Hac

*Hac ditione potens, cælo, terraque Petrus stat,
Arbiter in terris, Ianitor in superis.*

Ianitor regni cælestis. S.Hilarius in Psalm. 131. Agapetus ad Iustinianum. Hugo Victor.lib. 1. de Sacram. cap. 43.

Ianitor beatus cœli, cuius arbitrio claves æterni aditus traduntur, cuius terrestre iudicium præjudicata authoritas fit in cœlo, ut quæ in terris aut ligata fuerint, aut soluta, statuti eiusdem conditionem obtineant & in cœlo. S.Hilarius can. 16. in Matth.

Ianitor ouilis Christi. S.Ambrosius cum Synodo Mediolanensi ad Syricium.

Inspector Apostolus, & præparator orthodoxus veritatis. Anonymus in Epistola ad Occidentales de Exilio S. Martini Papæ.

Inspector & Episcopus omnium. Pamphylus Episc. Abydorum Epistola ad Petrum Fullonem.

Non alia Episcopi & inspectoris notio. Inspector verò omnium, quantum homini purè creato fas est, maximè accedit ad Deum, qui dictus est παντοποιος.

Interpres Christi. Inscriptio literarum per Xa, legatum Regis Persarum ad Paulum V.

Tametsi literæ, quibus hic Titulus cum alijs Pontifici perhonorificis continetur, nuperæ sunt; Tamen non sicut hic titulus reticendus, cum delatus sit ex antiquo apud Persas sensu, de sublimissimo in Dei Ecclesia munere Romani Pontificis. Adscribenda verò videtur integra literarum illarum inscriptio, quippe contexta ex varijs splendifissimis Pontificis Elogijs. [Domino nostro, summæ Maestatis locum præ coeteris Deoque proximiorem obtinenti, atque amplitudine sua totius orbis magnates præcellentib; sub cuius umbra primates omnes, amplissimi ordines, & copiosæ nationum proteguntur turmæ; cuius exercitus præ multitudine numerari non possunt. Omnia, Christi, noui Prophetæ legem profitentium capit, & eiusdem Christi interpreti; Consaçerdotum Prælato, vniuersæ magnitudinis mun-

mundi, Soli, dilecto atque ab omnibus obseruato, felici & beato Domino Papæ.] Corolla est (vt vides) ex insignibus plerisque titulorum textis compacta, & capiti Pontificis imposita. Ex qua hic suauandum vnum illum flosculum carpo, quo Pontifex dicitur *Interpres Christi*. Hoc duobus modis accipi posse video :

Nam & *Interpres* dicitur, qui voces vnius idiomatis alijs incogniti, transfert in vulgare idiomam, notum ijs cum quibus agitur; quales Romanis permulti erant, cum semper responsa darent Latina lingua, omnibus gentibus, ex Valerio lib. 2. cap. 1. Et *Interpres* etiam dicitur, qui rem implexam tametsi verbis vulgaribus expressam, aperit & manifestam facit. Quo pacto Ioseph, dicitur *interpres* somniorum: & præpositus pincernarum, succendentibus prosperis oblitus est interpretis sui. Priore modo, vsus est interpretum in aditione orarum remotarum, aut in agendo cum personis è remota regione: quo pacto S. Marcus, iuxta D. Hieronymum, fuit B. Petri *interpres*: Passimque legati Principum ad procul dissitos, adhibent interpretes, vulgo *Truchements*. Genus hominum discriminibus grauibus obnoxium, vt Turcici commentarij testantur. Scribitque Plutarchus in Themistocle, quod homo Græcus à Persis adhibitus ad eorum mandata Græcis exponenda eo quod vtriusque idiomatis peritus esset, Græcam linguam eo vsu dedecorasse visus esset, iussum esse interfici. Per se tamen loquendo, munus est honestissimum, & pernecessarium; quippè absque quo inutilis esset alterius gentis sermo, nec posset cum ea siue verbo, siue scripto tractari quippiam. Et hac ratione, superiores omnes Ecclesiastici, sed maximè supremus, habent se vt interpretes inter nos & Deum, referentes nobis eo idiomate, quod à nobis possit intelligi, diuina oracula, iuxta illud *labia sacerdotis custodiunt scientiam & legem requirent de ore eius, quia Angelus Domini exercituum est*. Posteriore modo proposito, interpretum usus est in exponendis textibus obscuris. Sic habemus tot scri-

Y ptu-

pturæ, totque legum Ciuilium, & Canonicarum interpretes. Et hoc maximè modo, Romanus Pontifex est interpres Christi. Habemus enim verbum Dei scriptum & traditum, quorum verus sensus plerumque est obscurus; ita ut iure ambigi possit, quæ sententia verbis scriptis subsit; aut quem habere sensum debeat traditio per manus ad nos usque transmissa. Et Sectarij quidem, de verbi scripti, aut traditi sensu pronunciant ex spiritu priuato fallacissimo. Nos autem Catholici adimus tabernaculum, & inde petimus diuina responsa. Pontifex inquam Romanus, Ecclesiæ præses, certos nos reddit de vero sensu verbi Dei; ea- que regula viua adhibita, stabiles sumus in Christi oracula- lorum intelligentia, qua de re pluscula inferiùs.

Interpres vocis B.Petri omnibus constitutus. Concil.Chal- cedon.Epistola ad S.Leonem.

Iudex vice Christi, cui si secundum magisteria diuina obtemperaret fraternitas vniuersa, nemò aduersus sacerdotum Collegium quicquam moueret. S.Cyprianus Epist.55.

Nomine fraternitatis, intelligitur eo loco, coetus vniuersus Christianorum, qui si Romano Pontifici auscultaret, omnes præcluderentur sectæ perditionis, Dei Sacerdotibus infestæ. Diuinè hoc ait S. Cyprianus hoc ipso loco, qui id circò integer adscribendus est. [Quales putas esse eos, qui sacerdotum hostes, & contra Ecclesiam Catholicam rebelles, nec præmonentis Domini comminatione, nec futuri Iudicij ultione, terrentur? Neque aliunde hæreses obortæ sunt, aut nata sunt schismata, quām inde quod Sacerdoti Dei non obtemperatur, Nec unus in Ecclesia ad tempus Sacerdos, & ad tempus Iudex vice Christi cogitatur. Cui si secundum magisteria diuina obtemperaret fraternitas vniuersa; nemò aduersum Sacerdotum Collegium quicquam moueret; nemò post diuinum Iudicium, post populi suffragium, post Coëpiscoporum consensum, iudicem- se, non iam Episcopi, sed Dei faceret. Nemò sibi placens, ac tumens, seorsum foris hæresim nouam conderet; nisi

si ita

si ita est aliquis sacrilegæ temeritatis, ac perditæ mentis, ut putet sine Dei Iudicio fieri Sacerdotem, cum Dominus in Euangelio suo dicat: *Nonnè duo pàsseres aße vaneunt, & neuter eorum cadit in terram sine patris voluntate?* Cum ille nec minima fieri sine voluntate Dei dicat; existimat aliquis; summa & magna, aut non sciente, aut non permittente Deo, in Ecclesia Dei fieri, & Sacerdotes, idest dispensatores eius, non de eius scientia ordinari?] Si S. Cyprianus (ut ei alias interdum vsuuenit & nominatim in Epist. 10. Zozimi Papæ) restrinxisset eo loco fraternitatem ad Episcopos; sensus esset, omnia Episcopis benè cessura, & non effundendam super eos à subditis contemptionem, si ipsi suo Episcopo ac superiori, reuerentes ac obediētes essent, nempe Romano Pontifici. Quod enim vniuersè sàpè monuerunt Patres, quoties contemnitur superior & subalternans potestas, à subalterna potestate; toties iusto Dei iudicio, inferiores aduersùs hanc se præbere petulantes & immorigeros (ut manifestissimum fuit in Adamo, in quo vt bene notauit Fulgentius lib. de prædestinat. & gratia cap. 13. caro spiritui obluctari coepit, cum primùm spiritus, Dei ductum abiecit:) hoc in re præsenti, omnibus retrò Christianis sæculis, factum est indubijs experimentis euidentissimum: Nam quotquot Antistites, Romanum Pontificem, cui iure diuino subsunt, executere conati sunt, Ipsimēt à subditis indignè sunt habiti: & qui aduersùs Christum Domini cornua erigere ausi sunt, vlciscente Christo Vicarij sui iniuriam, deiecti sunt infra eos, qui subiectionem illis, ac reuerentiam debebant. Non est opus recentia exempla proferre, cum in omnium incurvant oculos. Porrò in hoc S. Cypriani loco, Dei Sacerdotem ad tempus in Ecclesia vnum, & vnum vice Christi Iudicem, alium non esse quam Romanum Pontificem, accuratè varijs adiunctis libratis monstrat Pamelius ad hanc 55. S. Cypriani Epist. num. 27.

Iudex cœli in terreno iudicio. S. Hilarius in Psalm. 131.

Hoc quantum sit, iuuat exponere verbis Petri Damiani

serm. 26. *initio.* Agens enim de festa S. Petri luce, sic loquitur. [Sacra profectò dies, quia sacratissimo homini consecrata, & illius assignata præconijs quem conuentus Angelicus non mediocriter reueretur. Vnus est enim quem præ nobilitant singularis primatus insignia, clauicularius Regni, Cœlorum lingua, fidei fundamentum & consummator. Honor & condignatio gloria, hominem in terris possumtum cœlis imperitare, & inter Angelorum choros Iudicariæ potestatis exercere virtutem. Sedet Dominator Dominus inter agmina lucidore luce fulgentia, & de Thronis ad Cherubim transuolans, vices sessionarias intermutat. Quamobrem admiranda quidem sessionum mutatio, longeque rationis humanæ superducta conspectibus, cum modò Thronos, modò Cherubim insedisse legatur. Et licet adstant Angeli, præsidentis imperium expectantes, & administratorij spiritus assignata sibi ministeria sortiantur; nullus tamen eorum ligandi, atque soluendi possidet potestatem; Adebat Petrus, & ad eius arbitrium, orbis universitas soluitur & ligatur. & præcedit Petri sententia sententiam Redemptoris, quia non quod Christus, hoc ligat Petrus, sed quod Petrus, hoc ligat Christus, ipso id ipsum attestante; *Quodcumque (inquit) ligaueris super terram, erit ligatum & in cœlis.* O quam potens dignitas, quam digna potentia! Iudicat Petrus, & Petri iudicia confirmat omnipotens! Et est in manu Petri manus altissimi, solusque ille efficitur familiaris Christi, qui Petri familiaritatem habuit. Quid est, quod Angelorum & hominum agminibus exclusis. solus Petrus in consortium diuinæ Maiestatis & cum Domino residet præidente? Dulce colloquium, sancta conuersatio? Consilium speciale Petri, & Dei, ubi secretorum indifferentia, mortalem hominem Deo copulat & coünit.]

Iudeo Episcoporum. Melchiades Epistola ad Episcopos Hispaniæ.

Res est in Pontificum Decretalibus decantatissima,
maio-

maiores causas, (vt habet canon 73. & 74. Apostolorum) atque adeò causas Episcoporum , esse ad Sedem Apostolicam referendas . Verùm quia id S. Melchiades explicatissimè loco annotato tradit , iuuat eum audire . [Episcopos nolite iudicare , & non iudicabimini . Nolite condemnare , vt non condemnemini . In quo enim iudicio iudicaueritis , iudicabimini . Episcopos nolite iudicare , nolite condemnare absque sedis huius authoritate . Quod si feceritis , irrita erunt vestra iudicia , & vos condemnabimini . Hoc enim priuilegium , huic Sanctæ Sedi , à temporibus Apostolorum statutum est seruare , quod illæsum manet usque in hodiernum diem . Episcopos ergo quos sibi Dominus tanquam oculos elegit , & columnas Ecclesiæ esse voluit , quibus etiam ligandi & soluendi dedit potestatem , suo iudicio reseruauit , hocque priuilegium , Beato clauigero Petro sua vice solummodo commisit , quod eius iuste prærogatum succrescit sedi futuris hæreditandum , atque tenendum temporibus ; quoniam & inter Apostolos beatos , fuit quædam discretio potestatis . Et licet cunctorum par electio foret , Beato tamen Petro , concessum est , vt alijs præemineret , eorumque quæ ad querelam venirent , causas & interrogationes prudenter disponeret . Quod Dei ordinatione taliter ordinatum esse credimus , ne omnes posteriorū cuncta sibi vindicarent ; sed semper maiores causæ , sicut sunt Episcoporum , & potiorum curæ negotiorum , ad unam Beati Principis Apostolorum Petri sedem confluenter ; vt inde suscipiant finem iudiciorum , unde acceperunt initium institutionum , ne quandoque à suo discreparent capite .]

*Index de cuius iudicio disceptare nullus audeat . Zozimus
Papa Epist. 10.*

Et hoc quoque , passim contestantur Pontifices & Concilia , vt dicetur Epilegom . 2. verit . 10. Locus tamen Zozi-
mi Papæ annotatus , percommodus est ad id illustrandum .
[Quamvis (inquit) Patrum traditio , Apostolicæ sedi au-
tho-

thoritatem tantam tribuerit, vt de eius iudicio disceptare nullus auderet, idque per canones semper regulasque seruauerit, & currens adhuc suis legibus Ecclesiastica disciplina, Petri nomini, à quo ipsa quoque descendit; reuerentiam quam debet, exoluat; Tantam enim huic Apostolo canonica antiquitas, per sententias omnium voluit esse potentiam, ex ipsa quoque Christi Dei nostri promissione, vt & ligata solueret, & soluta vinciret; par potestatis data conditio in eos, qui hæreditatem ipso annuente meruissent. Habet enim ipse, cum omnium Ecclesiarum, tum huius maximè vbi federat, curam; nec patitur aliquid pruilegij, aliqua titubare aura sententiæ, cui ipsa sui nominis, firma, & nullis hebetata motibus constituit fundamenta; & quæ sine periculo temerè nullus incesset. Cum ergo tantæ authoritatis Petrus caput sit, & sequentia omnium maiorum studia firmauerit, vt tam humanis diuinisque legibus & discipulis omnibus firmetur Romana Ecclesia, cuius locum nos regere & potestatem nominis obtinere non latet vos, sed nos, fratres charissimi, & quemadmodum Sacerdotes scire debetis: Tamen cum tantum nobis esset authoritatis, vt nullus de nostra possit retractare sententia, nihil egimus, quod non ad vestram notitiam, nostris vltro literis referremus.]

Iudex mundi. Petrus Blesensis serm. 26.

Iudex omnes iudicans, ipse à nemine iudicandus. Synodus Romana sub Nicolao I. contra Photium colloquio 1.

Videsis Epilegom. 2. verit. 2.

Iudex populi Christiani. Princeps Babylonie ad Innoc. IV. anno 1246.

Præclarè hunc titulum illustrat Potho Prumiensis lib. 3. de Statu Domus Dei sub finem. Affirmans sicut Pater omne Iudicium dedit filio, sic filium omne Iudicium in Ecclesia & populo Christiano dedisse suo Vicario.

Lingua

L

L *Ingua cœlorum*. Petrus Damiani serm. 26.

Sensus est, hanc esse cortynam, è qua funduntur mortalibus cœlestia oracula de fide & religione. Quamuis enim habeamus in canonicis scripturis, & in traditione Patrum diuina sensa, tamen in emortuis apicibus multa occurrere possunt implexa & ambigua, quæ regulam fidei viuam, & terrestrem diuinorum cōsiliariorum internuncium nobiscum colloquentem depositant. Et huiusmodi est Romanus Pontifex, meritò proindè dictus *lingua cœlorum*. Affine est, quod Petrus Blesensis Epist. 151. scribens ad Innocentium III. sic præter coetera eum affatur. [Lingua vestra, clavis cœli facta est.] Rupertus quoque lib. 2. in Ionam, de lingua Pontificis sic scribit. [Roma eo quod B. Principis Apostolorum Petri, sedes facta sit, eiusdem, & consortis eius Pauli, sicut prædicatione illustrata, ita & martyrio coronata, cunctis Ecclesijs caput altius extulit, latiusque dominatur, per omnes gentes sacra Pontificum eius lingua, quam dominata fuerit Cæsarum, siue Augustorum purpura.] S. Bernardum, Goffridus Monachus priore suo de eius rebus gestis libro, vocavit *linguam Ecclesiæ*, quia eo Pontifex usus est ad exponenda mandata, quæ ibi Goffridus refert. S. Paulum ob prædicationem, *linguam Ecclesiæ* vocat Chrysostom. homil. in illud, *Salutate Priscillam*. Genesin Archidiaconum, *linguam urbis Trecensis* dixit Nicolaus S. Bernardi Notarius Epist. 5. Et proportione eodem sensu, Petrus Damiani serm. de S. Stephano, vocavit S. Augustinum *linguam Ecclesiæ*. Ipse vero Pontifex est lingua Dei quoad nos, & lingua cœlorum. Eodem referri potest, quod Paulus Emesenus, apud Ephremium Cod. Phot. 229. vocat S. Petrum Principem, & *linguam Apostolorum*.

Locutus est S. Petri. Vigilius Papa Epistola ad Rusticum & Sebastianum.

Non

Non est sensus, hoc esse Romanum Pontificem per comparationem cum S. Petro, quod est subpraefectus respectu Praefecti; vel Vicarius propriè dictus, respectu Episcopi. Hic quippe sensus falsus esset, cum Romanus quilibet Pontifex, pro sui Pontificatus tempore, par sit S. Petro, & eum æquet autoritate, sitque æquè principaliter Vicarius Christi ac S. Petrus fuit. Idcirco igitur dicitur *Locum tenens S. Petri*, quia ei succedit in eodem munere; Sicut filius, qui Patri in munere publico subrogatur, rectè dicitur tenere locum Patris; quia etiam si in eo munere nullatenus, iam pendet à Patre, tamen eodem loco nunc est, quo Pater antea fuit.

Locum tenens in terris, Regis æterni, rerumque & iurium omnium conditoris. Iulius II. in Monitorio contra Pragmaticam.

Hoc aliter accipiendum est, quām cum Pontifex dicebatur, *Locum tenens S. Petri*. Neque enim Christus Rex æternus, habet successorem, præsertim, cum pari potestate; quia & sempiternum habet Sacerdotium, & eius supereminens Pontificatus, nullam cum alijs habet comparationem. Quæ est causa, cur displiceat creditus S. Thomas (alius quippe est eius operis germanus parens, vt Belarminus lib. de Scriptor. admonuit:) quum lib. 3. de Regim. Princip. cap. 10. Romanum Pontificem statuit Christi successorem; quod quamvis accipi vtrumque possit quoad Pontificatum visibilem & nobis conspicuum, absolute tamen loquendo, impropiè & falso dicitur. Sensus ergo huius tituli esse debet, Romanum Pontificem, esse Christi Locumtenentem, idest Vicarium generalem & subpraefectum. Videndus pro hoc titulo Bermundus Chouer, ad titulum Concordatorum de publicis Concubinarijs. V. etiam si Regali, num. 2.

Locus Petri, & gradus Cathedrae Sacerdotalis. S. Cyprianus Epist. 52. Vide Prolegomena prænotat. 3. & 4.

Loquela uniuersalis Christianorum. Princeps Babylonæ ad

ad Innocentium IV. anno 1246. V. infra verbo *Os Ecclesie.*

Lucerna & speculum à Deo in Romanæ sedis cathedra ordinatum, per quod & lapsa reparari, & restituta restitui meantur. Innoc. III. lib. 3. Epist. 155.

Lumen magnum, Princeps sacerdotum primus. Theodorus Studita lib. 2. Epist. 12. ad Paschalem.

Lumen supremum. Idem ad eundem lib. 2. Epist. 13.

Vocat quidem Theodorus lib. 2. Epist. 14. Patriarcham Alexandrinum *lumen luminum*. Sed id eò non pertinet, ut Alexandrinus Pontifex Romano adæquetur, sicut adæquatur, si lumen luminum diceretur, eadem loquendi forma qua *Canticum Cantorum*, id est *Canticum præcellentissimum pro vsu Hæbreorum*, de quo in Glossario in Nomenclatorem Marianum. V. *Virgo Virginum*. Vocat igitur Theodorus, Alexandrinum Antistitem *lumen luminum*, quia lumen erat illuminans subiectos sibi Antistites, qui & ipsi lumina concreditarum sibi plebium erant, quamvis non idcirco Alexandrinus Antistes esset lumen supremum, & habens rationem Solis, qui solus est lumen supremum corporeum. Quo titulo Romanum Pontificem infra insigniemus, cum Facundo.

Luminare maius quod illuminat terram. Nicolaus Monachus S. Albani Epist. 7.

Idem quod Sol, creatus in potestatem dici, sicut Luna, quæ est luminare minus, confertur cum potestate mundana. Comparatio est apud Iuris Canonici peritos, solemnis.

Luscinia assidue canens orbi terrarum. Chrysost. in Encomio B. Petri & Pauli.

S. Basilius, Nyssenus frater in Encomio S. Ephremi, vocat *auream doctrinæ lusciniam*, quia doctrinam sacram melicè admodum promebat. Simili de causa, Lusciniam S. Petrum vocat Chrysostomus & quidem indefessam continuam. [Petrus (inquit) orbi terrarum continuus, quem admodum, luscinia assidue canens.] Nimis admodum melos sa-

Z cræ

cræ doctrinæ , è Petri gutture assiduè insonat Ecclesiæ , in responsis successorum. Non sic Doctores mortalium placitorum, homines sæculi, quos meritò S.Ambrosius Epist.6. vocat *cicadas in diem strepentes* .

Lux vite, religionis decus. Alcuinus Epist. 72. ad Leonem Papam .

*Lux , decus egregium , populorum lumen amœnum ,
Pastor Apostolicus , venerandus in orbe Sacerdos .*

Autor Poëmatis de gestis Leonis III. cum Carolo Magno.

In antiquis inscriptionibus legitur Epitaphium Agathonis Papæ in append. pag. 1166. ex quo colligitur, hanc lucem non esse qualem cunque, sed fulguris coruscantis, non absque adiuncto orationis tonitu , ita ut omnes Romani Pontifices sint Boanerges Plagulam repræsento huc facientem .

*Pontificalis apex , virtutum pondere fultus ,
Ut iubar irradiat , personat ut tonitru .*

M

M Agister orbis terrarum . Chrysostomus homil. de Petro & Elia .

Magister orbis totius. Damascenus in Histor. Barl. cap. 11. Chrysostomus homil. vltima in Ioannem . Euthym. in cap. vltimum Ioannis .

Hoc summi Ecclesiæ Rectoris , Magisterium , quo uniuersam imbuit Ecclesiam, aliquando videtur tribui S.Petro obiectum tantum , quatenus videlicet fideles, credendo & fidem profitendo, id ipsum credunt, quod S.Petrus profensus est . Sic S.Leo ferm. 2. de annivers. suæ assumpt. [In uniuersa Ecclesia, Tu es Christus filij Dei viui, quotidiè Petrus dicit , & omnis lingua , quæ confitetur Dominum , magisterio huius vocis imbuitur .] Verissimum est eam S. Petri confessionem styffe illustrissimam , & omnium eruditioni circa .

circa Cardinalia fidei mysteria , satis esse potuisse . Magnificè in eam rem differit S. Damascenus Orat. de Transfig. & Cassianus lib.3. de Incarnat. cap.12.13. ac 14. necnon S. Maximus homil.2.in Natali SS.Petri & Pauli . Scitè item Paulinus in Sacro Syllabo , ait S.Petrum illius suæ confessio- nis pugno , attruiisse ora Hæreticorum omnium . Tamen Magisterium , quod in S. Petro prout Pontifice eiusque suc- cessoribus agnoscendum est , latius patet , &c ad omnia fidei dogmata pertinet . Nihil enim fide credimus , quod non tradat , vel ex fide credendum esse ratum habeat , viua fidei regula , quæ est Romanus Pontifex S. Petri successor , in- quam rem iam dicta sunt nonnulla superius prænotat . 3. agendo de S.Petri cathedra , & alia addam in Epilegome- nis subnotat . 2. verit.7. & quia hoc Magisterium est cum obligatione audiendi talem Magistrum docentem , eiusque doctrinæ credendi , agnoscendum est , istud Magisterium longè discrepare à Magisterio totius orbis , quod aliquibus insignibus Doctoribus adscribitur , pro eorum eximia sa- pientia orbi vniuerso proficia . Necnon ab eo Magisterio , quo Sancti illustres exemplo prælucentes vniuerso mundo , dicuntur interdum orbis Magistri . Alterutro horum mo- dorum , vel etiam utroque , longè aliter quam S. Petrus , S.Hilarius Arelatensis Magister orbis dictus legitur , in frag- mento tabulæ marmoreæ , quæ Arelatis in Ecclesia S. Ho- norati extra muros , subtrus altare maius , etiamnum visitur , his præter coetera carminibus ,

*Spernit opes dum querit opes , mortalia vitans ,
Perpetuis cœlum donis terrestribus emit ;*

Gemma Sacerdotum , plebisque orbisque Mastiger .

Eodem modo accipendum est , quod refert Dungalus ex S. Paulino Natali 11. Sancti Felicis .

Martyres ad proceres DEV'S ipsoſ mœnibus amplis

Intulit & paucas functos diuſit in oras ,

Quos tamen ante obitum , toto de dit orbe Magistros .

Eodem denique sensu S. Hieronymus à Prospero in Chro-

Z 2 nico,

nico, dicitur *Magister mundi*. Et S. Chrysostomus in Prato
Spirit. dicitur *Orbis Magister*.

Magister uniuersalis Episcoporum. S. Bonifacius, vt refer-
tur in vita S. Burchardi lib. 1. cap. 9. apud Surium 14. Octo-
bris.

Magister Christianæ fidei. Innocentius III. Epistola ad Ca-
tholicum Armeniorum (sic vocabant Primatem inter eos
& omnium inibi Antistitum primum , vt ex Theoriani le-
gatione perspicuum est) egregiè hunc Pontificis titulum
expressit & euoluit, ex quo propterea, iuuat plagulam ad-
scribere. [Sicut didicimus ex verbis Apostolicis, quod om-
nes vnum corpus sumus in Christo, singuli autem alter al-
terius membra ; & quod cunctos sacri Baptismatis vnda
regenerat, fratres facit, quoniam unus est Pater noster, qui
est in coelis, prout in Euangelio veritas protestatur ; in no-
bis tamen , qui B. Petro successimus , Christianæ fidei Ma-
gisterium recognoscis . Vnde secus fontem Scientiæ fidei
nostræ, ac præceptorum legis & Ecclesiæ quiescere deside-
rans & nutriti, fugas mammillas nostras quotidie , & inc-
ubrieris lacte doctrinæ, ex uberibus Apostolicæ Sedis ema-
nantis . Et licet loco quidem à nobis remotus existas , fide
tamen nobis gaudens antequam Armenicam Ecclesiam
committi nobis contingeret , cum ouili de quo Dominus
in Euangelio protestatur . Alias (inquiens) oues habeo, que
non sunt ex hac ouili, & illas oportet adducere, & vocem meam
audient, & fieri vnum ouile & unus Pastor. Oues enim huius
ouilis, vni Dominus Pastori commisit, Petro videlicet, cum
(inquit) Pasce oues meas ; Innuens per Verbum tertio repe-
titum, quod quicunque fidem habuerunt Trinitatis, in-
quacunque orbis partium regione, ac Trino fidelium or-
dine, Noe, Iob, & Daniele, siue in lecto, siue in agro, siue
in mola consistant, Petri Magisterio sunt commissi .] Cer-
nitur in hac præsertim parte *Culmen Magisteriale*, quod in
Pontifice Romano agnoscit Synodus Suectionensis, scri-
bens ad Nicolaum I. quamquam Synodus potius specta-
bat

bat dispositionem causarum Ecclesiasticarum, maiorum: quas, copiosius multoque luminosius clarere, Pontifici Maximo profitetur.

Magister inter Magistros, &c. Cassianus 3. de Incarnat. cap. 12.

Non dissimiliter de Paulo Theodoretus Dialog. 2. vocans eum *Magistrum Magistrorum*, sicut Dialog. 3. vocat Diabolum, *Magistrum Magistrorum iniquitatis*. Comuniter porrò hi duo SS. Apostoli, vocantur *Magistri Magistrorum*, à præcellentia super alios quosvis fidei Magistros, ipsorum cœlesti doctrina imbuitos. Vnde Chrysostomus in Encomio horum SS. Apostolorum, sic eos affatur. [Nemo ante vos, neque post vos, talis apparuit. Quis enim Magistri officio fungens, dicere quicquam citra vestram traditionem ausus fuerit? Cunctos Doctores vos perfecistis.] Diceres explodere voluisse bruta somnia Ioachimi Abbatis, si vera refert Guido Carmelita, S. Benedicti sapientiam supra horum Magistrorum sapientiam extollentis, necnon Petri Ioannis, qui idem de S. Francisco effutivit, reiectus ab Alfonso de Castro. V. Apostoli hæres. 1.

Magister militiæ Dei, primorum Princeps & Dux. Eusebius II. histor. cap. 14.

Hoc Magisterium, non est doctrinæ, sed Præfeturæ quale obeunt plerique ordinum Militarium Magni Magistri. Sic enim nominant Melitensem, & alios supremos sacra rum militiarum moderatores. Itaque Pontifex Romanus, est Magister siue Summus Præfectus sacræ militiæ, id est totius ordinis Ecclesiastici, & primorum, siue Ducum in eo ordine, primus ipse ac Dux existit. Vel quia vniuersa Ecclesia assimilatur choris castrorum (de qua comparatione, plenè lib. 5. de Christo sect. 4. cap. 4. tractando titulum Regis virtutum) Romanus Pontifex est Magister militiæ Dei, quia est exercitus sacri, ex vniuersa Ecclesia adunatus. Affine est, quod S. Auitus Epi. 31. vocat Romanum Pontificem, *Magistrum & Gubernatorem paucis Ecclesiæ*.

Magn.

*Magistra Ecclesiasticæ rationis, Romana Ecclesia. Concil.
Tribur. cap. 30.*

Idest modi agendi ac docendi consentaneè Ecclesiasticis.

Maiestas Apostolica. Iuo Epist. 8. 147. 157. 159. 201. 238.
250. Ioannes Sarisber. lib. 7. Polycrat. cap. 21. & Epist. 131.
& 15. 28. 29. 30. nec semel alibi. S. Bernardus Epist. 261. &
268. & in prologo operis de consid. Arnulphus Lexouensis
Epist. 8. 26. 27. 45. 62. 64. Petrus Damiani Opusc. 17. ini-
tio. Hildeb. Epist. 18. Petrus Cluniac. ad Innocentium II.
passim, & ad Eugenium lib. 6. Epist. 10. & 12. ac. 42.

Tametsi est *Maiestas*, verbum regium, tamen Romanus Pontifex, præter spiritualem Consulatum quem gerit, ut Chrysostomus de Apostolatu loquitur; præter summam inquam sub Christo Imperatore spiritualem potestatem planè regiam, quippè parem Apostolicæ, quæ Psalm. 67. *regia* dicitur iuxta D. Augustinum ibi, verba illa *dum discer-
nit cœlestis, Reges super eam*, de Apostolis interpretantem, præter eam inquam spiritualem potestatem: Est insuper in Romano Pontifice maiestas Regia externa & temporalis, attingenda inferius V. *Rex*. Paschalius lib. 9. de Coronis cap. 14. agens de Corona Pontificis, quam vulgo *Regnum* appellant, Romanum Pontificem magnis Regibus annumerari meritò posse, asseuerat. Quarè non abhorret ab eo hac etiam ex parte, Regium *Maiestatis* vocabulum; cui planè astipulatur, eius sceptrū & diadema Imperatorum de quo Pamelius ad librum Tertulliani de Pudic. cap. 1. num. 5. ex Edicto Constantini quod propugnat, ut & Pe-
trus Damiani Opusc. 4. & Leo IX. Epistola ad Michaëlem. Imò si notionem *Maiestatis*, ad rigorem vocis exigamus, in nullum verius, quam in Romanum Pontificem, cadit nomen *Maiestatis*; id quippè nomen propriè sonare participationem aliquam diuinæ authoritatis, intelligitur ex il-
lis, quæ de Maiestate disputat Casaubonus ad Trebellium in Gallienis: Et ex eo quod Traianus, referente Plinio in

Pan-

Panegyr. contentus magnitudinis titulo, maiestatem repudiavit, ne suam ad Deum viciniam profiteri videretur. Robertum Legecestriæ Comitem in Britannia Proconsulem, censuisse, ex eo dici Crimen Maiestatis, quod persequatur illius imaginem, qui solus veræ & ingenuæ maiestatis retinet veritatem, affirmat Ioannes Sarisber. lib. 6. Polycrat. cap. 25. ubi plura de Immanitate criminis læsæ Maiestatis, eam ob causam, quod insurgat in terrenam Deitatis imaginem. Atqui nulla est in terris Deo propior potestatis imago, quam Summus Pontifex, cum omnes quotquot sunt terreni Principes, iurisdictione potiantur merè humana & naturæ finibus conclusa, nec delata, nisi à subditis, saltem radicaliter: Quæ omnia secus habent in iurisdictione Summi Pontificis; ac proinde est perfectior diuinæ potestatis participatio & verius digna Maiestatis titulo, quam omnes terrenæ potestates Regiæ, vel Imperiales. Et ita Gegas lib. 1. de Crimine læsæ Maiestatis cap. 2. num. 3. 4. & 5. ac Nicolaus Boërius Tract. de Seditiosis præsuppositione 6. num. 17. Neque tamen prætereundum est, interdum apud aliquos nomen Maiestatis non sonare quid Regium, sed idem esse, quod magnitudinem, aut præcellentiam. Sic enim Hugo Archiepiscopus Viennensis, scribens ad Petrum Cluniacensem, (est Epist. 9. lib. 6. Epistolarum eiusdem Petri) sic eum affatur: Si in aliquo maiestatem vestram nos offendisse præsenssemus, &c. Äquè Petrus Cellensis lib. 2. Epist. 5. scribens ad Hugonem Cluniacensem, ait, Illum ut secundum excellentiam maiestatis vestre cogitet, &c.

Mater dignitatis Sacerdotalis. Conc. Triburiense cap. 30.

V. Epilegomena subnotat. 2. verit. 11.

Mater & caput omnium Ecclesiarum Romana Ecclesia.
S. Athanasius cum Concilio Epistola ad Marcum Papam.

Hunc Romanæ Ecclesiæ per Pontificem luculentissimum titulum, euerti abs se putant Nouatores, causando Epistolam istam Athanasij & Concilij Aegyptiorum, esse supposititiam, argumentum petentes ex octimestri dunt taxat.

taxat S. Marci Pontificatu, quo tam exiguo tempore negant potuisse ad eum literas dari ex Aegypto. Ridiculum profectò & indecorum telum, vt rectè pronunciauit Albertus Hungerus orat. de antiqua fide S. Athanasij. Nam neque est, quod prohibeat intra illud tempus audiri in Aegypto creatum esse Romæ Romanum Pontificem Marcum, & dari ad eum literas, saltem post eius obitum Romanam peruenturas: neque octimestris duntaxat S. Marci Pontificatus adeò ratus est, quin adiecto insuper biennio diffusior fuisse agnoscatur in libro de Pontificibus, nomen Damasi præferente, & apud Onuphrium aliosque probatos historicos. Sanè eam Epistolam non modò Gratianus & Isidorus genuinam Athanasij esse agnouerunt, sed ne inficiari quidem id ausus est Marcus Ephesinus in Concilio Florentino, cum eius Epistolæ authoritate grauaretur. Quare titulus Pontificis ex ea petitus, ratus esto.

Non officit iuribus Ecclesiæ Romanæ hoc titulo expressis, quod Sanctus Euthymius Abbas, post mortem apparenz Phoëido, in horrendo naufragio, dixerit ei, iter quod susceperebat displicuisse Deo, nec profecturum *Matri Ecclesiarum*, sic appellans Ecclesiam Hierosolymitanam pro qua Phoëidus satagebat. Et idem habetur in Liturgia S. Iacobi, & in Actis S. Sabæ. Hoc inquam non officit Ecclesia Romanæ, quæ per Pontificem, est *mater & caput Ecclesiarum omnium*, vt audisti loqui Athanasium. Hierosolymitana autem Ecclesia mater duntaxat Ecclesiarum, dicta est quoad originem, quia de Sion exiuit lex, & verbum Domini de Hierusalem. Non est autem dicta Ecclesiarum mater quoad autoritatem, sicut Romana. Eodemque modo accipiens est Damascenus orat. de Assumptione, cum agens de lectulo in quo B. Virgo ad mortem se composuit, Ecclesiam Hierosolymitanam eo loco postea constructam, vocat *matrem Ecclesiarum omnium*. At quod Nazianz. orat. 20. num. 69. Ecclesiarum Cæsariensem in Capadoccia vocavit *matrem Ecclesiarum*, dictum est duntaxat

per

per comparationem ad alias minusculas Cappadociæ Ecclesiæ, quarum Caesarea erat Metropolis. Idem proportione dicendum est de Ecclesia Constantinopolitana, quam Nicetas Choniates in Alexio Murzufflo num. 5. matrem Ecclesiarum appellat, sic alloquens Constantinopolim. O urbs, urbs omnium orbium oculi, per orbem terrarum celebris, spectaculum ultramundanum, Ecclesiarum mater, princeps religionis, rectæ sententia dux, eruditioñis alumna, omnis pulchritudinis diuersorum, &c. Quid verò hic Matris Ecclesiarum titulus ferat, cum Romanæ Ecclesiæ tribuitur, egregiè expressum est à S. Gregorio VII. lib. 8. Epist. 21. ex quo decerpo plagulam. [Potestatem Petri diuinitus sibi concessam, quantò quisque per electionem ferre denegat, tanto durius ad damnationem suam in Iudicio portat. Hanc itaque diuinæ voluntatis institutionem, hoc firmamentum dispensationis Ecclesiæ, hoc Priuilegium B. Petro Apostolorum Principi, coelesti Decreto traditum, atque firmatum, SS. Patres cum magna veneratione suscipientes atque seruantes, Sanctam Romanam Ecclesiam tam in Generalibus Concilijs, quām etiam in coeteris scriptis & gestis suis, uniuersalem matrem appellauerunt, & sicut eius documenta in confirmatione fidei, & eruditione sacræ religionis, ita etiam Iudicia suscepereunt; in hoc consentientes, & quasi uno spiritu & vna voce concordantes, omnes maiores res & præcipua negotia, necnon omnium Ecclesiarum iudicia, ad eam quasi ad matrem & caput debere referri, & ab ea nusquam appellari, iudicia eius à nemine retractari, aut refelli debere vel posse.] En ius maternum Romanæ Ecclesiæ uniuersale. Cur autem Ecclesia dicatur *mater*, diffusè tractatum est in Tractatione de Cereo Agno cap. 2. Pulchrè & breuiter rem attigit Petrus Dam. Opusc. 4. verbis illis. [Romana Ecclesia multò nobiliùs, atque sublimius, quām mater carnis, mater est Regis. Illa si quidem peperit, vt per eius traducem reuertatur in puluerem; ista genuit, vt Christi sine fine regnantis efficiat cohæredem.]

A a

Ge-

Genuit autem lauacro aquæ , quod est perplexi secretique
vulua mysterij , vt Bracharius ad Ianuarium loquitur .

*Mater Ecclesiarum omnium , quæ totum orbem sua irradiat
claritate . Innocent. III. Epistola ad Catholicum Armenio-
rum , agens de Romana Ecclesia .*

*Mater & Magistra vniuersorum Christi fidelium , Romana
Ecclesia . Concil. Lateran. sub Innocent. III. cap. 5.*

*Mater & Magistra omnium Ecclesiarum . Alexand. III. ad
Episcopum Vpsallensem . Hincmarus Opusc. 55. Capitum
cap. 4. s.*

A criter aduersis hunc titulum Romano Pontifici tribu-
tum , concitatur Cuiacius in cap. vitim. de foro competen-
Si tamen Cuiacius , qui semper vixit Catholicus , & non po-
tiùs depravator Commentariorum eius in Decretales post
mortem Cuiacij editorum , vt meritò suspicatur Gretserus
in animaduersionibus ad Notas Iunij in Tertullianum c. 9.
Eo itaque Commentario , multa in Romanum Pontificem
conuitia eam ob causam intorquentur , quod Ecclesiam
Romanam omnium Ecclesiarum matrem & magistrum ,
deprædicet : id quod perinde est (ait author) ac si dicere-
tur , Episcopum Romanum esse Episcopum Episcoporum .
Id verò de Romano Antistite affirmari , illi authori vide-
tur intolerandum , allegatque pro suo sensu Tertullianum
apud quem (vt a t) est elegans verbum , edictum illud quo
se quis Episcopum Episcoporum appellat , nominans edi-
ctum peremptorium , cui adscribi non possit bonum factum .
Verum vniuersa hęc confutatio tituli Pontificij in quo ver-
samur , male omnino materiata est . Sit enim idem , Eccl-
esiā Romanam esse omnium fidelium Magistrum , & Episco-
pum Romanum esse Episcopum Episcoporum ; Quid vitij
in hoc titulo perantiquo (vt supra monstratum est) depre-
hendi potest ? Tertullianus enim planè ridiculè contra eam
Pontificis Romani nomenclationem adducitur , cum eam
denominationem non vocauerit Edictum ; vt fatendum el-
set si probatio adducta subsisteret ; sed edictum vocauit , le-

gem

gem S. Zephyrini, de venia Mœchis pœnitentibus concedenda, cui edicto Tertullianus ferus & austerus homo, negat adscribi posse *bonum factum*, quantumuis manasset ab Episcopo Episcoporum; sic denominans Romanum Pontificem, pro sensu & vsu fidelium illius æui. Ex quo optimè stabilitur, titulum *Episcopi Episcorum Romano Pontifici* meritò attribui. Tantum abest, ut ex eius tituli conuulsione à Tertulliano ibi facta; sequatur malè afferi, Ecclesiam Romanam, esse omnium Ecclesiarum & vniuersorum Christi fidelium matrem & magistrum, quod exprimo luculento loco Hincmari Opuscl. 55. Capitum cap. 45. [Roma etiam in Paganismo orbis caput existens, & ex quo Petrum Apostolorum Cepham (quin Caput & Principem cui Dominus dixit, *Tu es Petrus & super hanc petram, id est super hanc firmam & solidam confessionem fidei, quam tu es confessus, ædificabo Ecclesiam meam;* Et, *tu aliquid, conuersus confirma fratres tuos; & si diligis me, pasce oves meas,* videlicet, quæ sunt in vniuerso mundo, quaquauersum se Catholica diffundit Ecclesia, licet per terrarum plaga dispersa, sub uno tamen pastore ac pastorum Principe Christo, unitate fidei in ouili uno conclusa:) suscipere meruit, prima sedes & omnium Ecclesiarum in toto orbe terrarum, mater atque magistra.]

Mater vniuersalis. Potho Prumiensis lib. 3. de Statu dominus Dei.

Hunc titulum, Romanæ Ecclesiæ ab omnibus Patribus esse delatum, affirmat Potho, cum aduersus insanam quorundam Monachorum contumaciam disputans, probat Monachos quoque, astringi canonibus Pontificijs. Iactabant enim: [Quid nobis & Canonibus? Habemus regulam nostram, hac contenti simus.] Affines hi videntur fuisse veterum illorum Monachorum, qui regularibus suis obseruantij contenti, negabant se astringi lege quadragesimæ Christianos omnes urgente, vi Sacrorum Canorum, ut scribit Cassianus collat. 21. cap. 3. Monachos ergo

A a 2 ad

ad Sacrorum Canonum à Romana Ecclesia, idest à Summo Pontifice editorum obseruationem adstringi, & eatus Romanam Ecclesiam esse Matrem vniuersalem, sic tradit Potho. [Ad regendam domus Domini disciplinam, in omni religionis proposito, in omni ordine ac dignitate, Canonum obseruantiam esse necessariam, Apostolicæ sedis authoritas affirmat; quæ omnibus filijs Ecclesiæ illam quam Sacris Canonibus exhibere debet, indicit obedientiam. Ecclesiasticæ autem disciplinæ instrumentum, est, Canonicæ authoritatis priuilegium; quod in Apostolica sede fundatur, vbi diuinæ voluntatis institutio, omnibus principaliter Ecclesiæ Prælatis, eorumque subditis traditur, vbi firmamentum dispensationis Ecclesiæ specialiter collocatur. Hoc namque priuilegium, B. Petro Apostolorum Principi, cœlesti decreto principaliter traditum atque firmatum, Sancti Patres cum magna veneratione suscipientes, atque Sanctam Romanam Ecclesiam obseruantes, tam in generalibus Concilijs, quam & in cœteris scripturis, & gestis suis. V N I V E R S A L E M M A T R E M appellauerunt; & sicut eius documenta in confirmatione fidei, & eruditione sacræ religionis, ita etiam iudicia suscepunt; in hoc consentientes & quasi uno spiritu & una voce concordantes, omnes maiores res, & præcipua negotia, necnon omnium Ecclesiarum iudicia, ad eam quasi ad matrem & caput debere referri: ab ea nusquam appellari, iudicia eius à nemine retractari, aut refelli debere, vel posse.]

Matria omnium spiritualium personarum. B. Hildegardis ad Alexandrum Papam.

Ipse locus integrè representatus, lucem huic titulo afundet. [O summa (inquit virgo sancta alloquens Pontificem) & gloria persona, quæ primùm constituta es per Verbum Dei, per quod omnis creatura rationalis & irrationalis in genere suo facta est. Tibi specialiter idem Verbum, claves regni cœlestis per indumentum humanitatis suæ,

suæ, scilicet ligandi atque soluendi potestatem, concessit.
 Tu quoque Excellentissime Pater, materia omnium spiri-
 tualium personarum existis, quæ tuba iustitiae Dei sonant
 in Ecclesia, quæ varijs ornamenti circumamicta fulget;
 dum alij alijs bona exempla, vitam Sanctorum imitando,
 præbent; quæ & si quid rectè agunt, Deo, & non sibi attri-
 buunt, & de bonis imitatoribus suis gaudent, sequentes
 priores Sanctos, qui carniem suam domabant, & seipsoſ
 cum manifesta victoria cœlestis militiae, contra vitia Dia-
 boli pugnantes roborabant, & cum bona voluntate velut
 Angeli in Deum respiciebant.] Hactenus B. Hildegardes
 alloquens Christi Vicarium. Videtur ergo Pontificem vo-
 casse *materiam omnium spiritualium personarum*, quia pij
 quique & spiritales viri, materiam imitandi & similia san-
 ctè præstandi inueniunt, in vero, ac eo nomine digno, Chri-
 sti Vicario. Item quia Pontifex est, qui omnes tubicines
 Euangelij & spirituales operarios, subministrata mediatè
 aut immediatè iurisdictione, ad Euangelizandum præstat
 idoneos: quod est quasi subministrare materiam è qua for-
 mentur.

*Matrix Ecclesæ Catholice. S. Cyprianus Epist. 45. vide
 infra. V. Radix.*

*Medicus unus singularis præcellens Catholicissimus, id est
 uniuersalissimus, à Deo prouisus sanandis Christi membris.
 S. Ignatius Constantinopol. ad Nicolaum I.*

Nota *rò singularis*. Sensus enim est, peculiari quadam
 ratione, munus Medici, Petro & eius successoribus com-
 petere. Omnes quidem Apostoli, & qui Apostolis suffe-
 ci sunt in Ecclesiarum particularium ab eis fundatarum
 regimine, *Medicorum* titulum ferunt; cadit in omnes, quod
 de SS. Petro & Paulo, dictum his verbis est ab Eucherio
 Hom. de eorum Natali. [Putares duos Medicos coelo la-
 plös, qui officinam sanitatum aperientes, diuerso nossent
 genere varijs opem ferre languoribus. Aliorum oculis in-
 credulitate coecatis, ac nubilo infidelitatis hebetatis, iu-
 cu-

cundissimam claritatem infusa fidei luce reddebat. Aliorum auribus, quæ ad vocem Christi obsurderant, auditum mirabiliter imperabant. Aliorum interiores venas, carnalium incentiuorum febrisbus æstuantes, prædicatione, & castitatis refrigerijs irrorabant. Ex aliorum visceribus, malitiæ, superbiæ, iracundiæ sagittas, ac diuersorum iacula peccatorum, à diabolo inficta euellebant, curantes adiutorio Diuinitatis, omnem languorem, & omnem infirmitatem. Ac sic per Verbum sobrietatis, euacuantes crupulam veterum passionum, æternæ vitæ sitim indigestis, ac desœcatis mentibus imperabant; & temperato poculo cœlestis antidoti, obliuionem præsentium & futurorum desiderium propinabant.] Sit igitur hæc medendi ratio, S. Petro & eius successoribus verè tributa. Est tamen communis omnibus Apostolis & pijs, eoque nomine dignis Præsulibus ac sacris Doctoribus. Quod Theodotus Aycranus tom. 6. Concilij Ephesini cap. 9. scitè tradit. At singularem Medicum, dixit S. Ignatius, Romanum Pontificem: ac proindè peculiaris aliqua medendi ratio ei assignetur necesse est, quam ipse S. Ignatius benè expressit. Locus est omnino insignis, describendus ex 8. Synodo Actio. 3. vbi S. Ignatius sic compellat Nicolaum I. [Eorum vulnerum atque liuorum, qui in membris hominum consistant, multos medicos protulit ars; hanc quidem passionem alio accipiente, & alteram altero per experientiam amputante, & medicante. Eorum verò, quæ in membris sunt Christi & Dei Salvatoris omnium nostrum capit is, & sponsi Catholicæ, & Apostolicæ Ecclesiæ, unum & singularem præcellentem, atque Catholicissimum Medicum, ipse princeps summus & fortissimus sermo, & ordinator & curator, & solus ex toto magister Dominus omnium produxit; videlicet tuam fraternitatem, & paternam almitatem; propter quæ dixit Petro magno & summo Apostolorum; Tu es Petrus, & super hanc petram adificabo Ecclesiam meam, & portæ inferi non præualebunt aduersus eam. Et iterum.

rum. *Tibi dabo claves Regni cœlorum: & quæcunque ligaueris super terram, erunt ligata & in cœlis: & quodcumque solutris super terram, erit solutum & in cœlis.* Tales enim beatas voces, non secundum quandam utique sortem Apostolorum Principi solum circumscriptis & destinauit, sed per eum, ad omnes qui post illum secundum ipsum efficiendi erant summi Pastores, & diuinissimi sacrique Pontifices, senioris Romæ transmisit. Et ideo ab olim & prisco tempore, im exortis hæresibus, & prævaricationibus eradicatores & interemptores malorum zizaniorum & tabefactorum, & penitus insanabiliter ægrotantium membrorum multoties facti sunt, eorum, qui sanctitatem, & summam paternitatem tuam illic præcesserunt. Successores scilicet Principis Apostolorum & illius zelum in fide, quæ secundum Christum est imitantes; & nunc nostris temporibus Beatitudina dignè tractauit datum sibi à Christo potestatem.]

Placet eundem Romani Pontificis titulum, aliunde quoque illustrare. Epistola Synodalis data à 6. Synodo ad Agathonem Papam (habetur in ea Synodo Actio. 18.) sic alloquitur Pontificem. [Maximi morbi, maioribus indigent auxilijs, ut scitis, Beatissime. Atque idcirco Christus verus Deus noster, virtus verè rerum omnium conditrix & gubernatrix, sapientem dedit Medicum, vestram à Deo honoratam sanctitatem contagia hæretica suis fortiter propulsantem remedijs orthodoxiæ, ac valetudinis robur membris Ecclesiæ largientem. Itaque tibi, ut primæ sedis vniuersalis Ecclesiæ Antistiti, quid gerendum sit permittimus. Stanti supra firmam fidei petram, acquiescentes veræ confessionis literis à vestra paterna Beatitudine ad p̄issimum Imperatorem missis, quas ut à Summo Apostolorum vertice diuinitus scriptas agnoscimus; per quas exortam nuper multiplicis erroris hæreticam sectam depulimus.] Petrus Cellensis Epist. 145. Romani Pontificis proprium esse, ait, non solum morbos discernere, sed etiam quæque morbosa secare aut sanare. In Concilio Las-

ter-

teranensi sub Leone X. sess. 7. Balthazar Delrio, concione
in illud, *nihil impossibile erit vobis*, alloquens Leonem Pon-
tificem, vocat eum, *Christiani gregis animarum, Protome-
dicum.*

Ex munere capitinis, officium, *Medici*, Romano Pontifi-
ci congruere, egregie tradit Ioannes Constantinopolitanus
Epistola Apologetica ad Constantimum Papam, quam è
6. Synodi Græcis exemplaribus descriptis & vertit Franci-
scus Turrianus lib. 1. de Ecclesia, contra Andream Frey-
hub. cap. 8. sic igitur habet Ioannes. [Deus qui diuinita-
tem, ac potentiam suam in eorum, quæ cernuntur magni-
fica fabrica declarauit; in natura nostra, quam fixit om-
nium quæ sub sensum cadunt, nobilissima; gloriam & sa-
pientiam suam præcipue ostendit. Vnde Propheta admirabilem ex se factam diuinam scientiam, clamauit. Ipse
ergo naturæ nostræ author, caput toti corpori præfecit, ac
præcipuis sensibus in eo collocatis, fecit, vt omnis inde re-
liquorum membrorum motio & integritas existat ac con-
seruetur; & si quid horum labi, aut aliter quomodo unquam
offendi contingat, non inaccuratam diligentiam eis adhi-
bet: quin potius naturali cognitione, etiam cum extremis
membris ostensa, partem ægrotam ministris manibus &
ducibus oculis curat; non spredo, neque reicto horum au-
xilio, ceu inutili. Cum his vestrum Apostolicum præiden-
di munus, possumus (sanctissime) comparare. Et quia vos
caput Sacerdotij secundum Christum reputamus, merito
damus operam, vt à vobis, corpori Ecclesie nostræ alleua-
tionem offensionis, quam ex pestifera animarum tyranni-
de accepit, seramus. Sanè quidem vos, vt capitum proprium
est, non despicietis nos, qui præter voluntatem nostram
in morbum incidimus, nec à vestra coniunctione aliena-
bitis: quin potius tristitia de nostris vulneribus affecti, (si
quid enim patitur unum membrum, cætera compatiuntur, vt
Apostolus ait) recuperata valetudine, ac restituta sanitate,
meritissimò congaudebitis.]

Medi-

Medicus Apostolicus. S.Siluerius Epist. ad Vigilium.

Medicus languentium. Ioannes Alexandrinus ad Euge-
nium IV.

Insigniter specie languentium, seipsas, Pontificem verò sub Medici imagine, exhibent Ecclesiæ Illyrici, in libello supplice ad Symmachum Papam. Idem de Ecclesia Deruenfi & Alexandro Papa, legere est apud Petrum Celensem Epist. i.

Melchisedec ordine . S.Bernard.2.de consider. cap.3.

Fuit Melchisedec Sacerdos Dei Altissimi , nec obscura Christi Imago , quatenus panem & vinum obtulit ; quod fuit incruentum Sacerdotium , quale Christus instituit , dictus idcircò , *Sacerdos secundum ordinem Melchisedec*, Heb. 7. & Psal. 109. & quidem non semel , sed in æternum , seu quamdiu durabit Sacrificium , ita ut nullum vñquam ei succedat Sacrificium , quamuis Christus non per se sacrificet , sed per Sacerdotes , in persona ipsius & verbis eius sacrificantes . Videndi in eam rem Alanus lib. de Sacrific. cap. 9. Coccius tom. 2. lib. 6. art. 5. Suares tom. 3. 3. par. disp. 46. sect. 4. Bellarmin. lib. 1. de Missa cap. 6. & latissimè Pamphil. initio tom. primi Liturgicorum . Pontifex ergo , qui est Christi Vicarius , & secundum ordinem Melchisedec institutus , non secundum ordinem Aaron , per carnalem propagationem , dicitur ordine Melchisedec . Videndus S. Leo serm. 2. de Anniuers. suæ assumpt.

Membrum eminentissimum Sanctæ Ecclesiæ, cui claves regni cœlorum sunt traditæ, ut per illum ad cœteros hæc dignitas transiret. Ionas Aurelian.lib. 3. de Imag.

Vacabit hic titulus difficultate, si cœteri illi, quorum in eo fit mentio, tantum sunt singuli quique successores S. Petri, quibuscum eius dignitas & potestas pariformiter communicatur. Suberit autem difficultas nonnulla, si cœteri illi, sint etiam quicunque Sacerdotes. Sed eo posito, dicendum erit, valere quoad illos, quatenus partialiter & inadæquatè accipiunt claves in foro poenitentiæ; seu iurisdictio-

nem ad absoluendum ; quam illis Pontifex re ipsa confert, ut habet quorundam sententia ; vel cum auferre , aut restringere posset, permittit singulis ea vtentibus expeditam & liberam . Eat enus enim censeri potest , per eum ad Sacerdotes quo scunque transire dignitas , & potestas prædicta . Quod autem Pontifex, qui caput est Ecclesiæ, dicatur eius membrum , non debet mirum videri . Nam etiam in corpore Physico , caput numeratur inter membra corporis . Et ipse Christus , iuxta multorum interpretationem , dictus ab Apostolo est membrum corporis, quod est Ecclesia , cum dixit , *Vos estis corpus Christi , & membra de membro* . Optimè porrò aduertit Thomas Illyricus lib. de Potestate Papæ §. non igitur , Romanum Pontificem non se habere , sicut membrum Ecclesiæ quoad potestatem iurisdictionis , quasi tota iurisdictione sacra sit in Ecclesia , nec nisi eius pars in Pontifice ; id enim falsum est, quandoquidem vniuersa iurisdictionis spiritualis pender à Pontifice , ita ut vel ab eo dimanet, vel saltem eius dispositioni & regimini subsit . Eat enus ergo Pontifex dicitur membrum Ecclesiæ, quatenus Ecclesia est quoddam totum, integratum ex multitudine hominum eandem fidem profitentium , & eodem (ut Augustinus dixit) visibilium sacramentorum coagulo colligatorum . Qua ratione ipse met Christus , quem liquido constat non gaudere sola portione iurisdictionis Ecclesiasticæ, est membrum Ecclesiæ, iuxta illud iam allegatum ex 1. Cor. 12. *Vos estis corpus Christi , & membra de membro* quod postremum , Glossa de Christo exponit . Rectè igitur Pontifex membrum Ecclesiæ dicitur , & membrum eminentissimum, quia est totius corporis caput . Confirmatur ex sequenti titulo .

Membrum primum sanctæ vniuersalis Ecclesiæ. S. Gregor. lib. 4. Indict. 13. Epist. 38.

Metropolis pietatis, Romana Ecclesia . Orientales Epistola ad Iulium Lapud Sozomenum lib. 3. cap. 7.

Metropolim propriè dixerunt, urbem illam, quæ matris lo-

co

co colonicis vrbibus habebatur, vt scribit lib.4. Halicarnassus. *Vrbem matricem*, vocat Thucydides lib. 4. Nec fere aliter D. Augustinus lib. 3. de consensu Euangel. cap. 25. [Agri (inquit) nomine, non castella tantum, verum etiam municipia & coloniae solent vocari, extra ciuitatem, quae caput & quasi mater est coeterarum; unde Metropolis appellatur.] Laxata tamen postmodum vocis notione, Metropoles quoque dictae sunt quæcunque vrbes, quibus de-
cus, ac prærogativa competenter, capitis alicuius provinciæ. Vtramuis amplectamur notiōnem, meritò Romana Ecclesia, *Metropolis*, dicta est pietatis. Eius in qua m pietatis, quam Tullius 1. de Nat. Deor. religionem & cultum numinis interpretatur. Veracem yeri Dei cultum dixit. D. August. 4. Ciuit. cap. 23. & lib. 10. cap. 1. vbi pietatem propriè Dei cultum intelligi ait, quam Græci ~~euerebatur~~ vocant Religionem quippe Catholicam, quæ sola est sincera & vera religio, Romana Ecclesia, veluti ex sinu suo propagauit per vniuersum orbem, vt dictum est prænotat. 3. Et eadem tanquam caput omnium orbis Ecclesiarum, iura quoad Religionem orbi vniuerso dicit, ac proinde meritò audit *Metropolis pietatis*, siue Religionis.

Quod si pietatis nomine, intelligere placeat sanctimoniam, qua homo omnibus ritè defungens officijs, iustus usquequa est, prout sàpè pietatem definit Clemens Alexandrinus, nominatim lib. 7. Strom. ne sic quidem deest Romanæ Ecclesiæ, unde dicatur *Metropolis pietatis*. Certum quippe est, puritati & sinceritati religionis, adiungi vitæ sanctitatem, nisi veritas Dei in iniustitia detineatur. Vnde qui pro veritate fidei & religionis Christianæ aduersus eius hostes argumentantur, meritò huc configunt, ostendentes non posse non esse veram & sanctam religionem ac fidem, cuius professores ex huius fidei & religionis principijs summa sanctitate claruerunt. Ita Tertullianus in Apolog. cap. 45. & 46. Eusebius 1. Præpar. cap. 3. & Minutius in Octauio. Ipseque S. Paulus inde argumentatus est

pro sui Euangelij veritate , vt expendit S.Chrysostomus in cap.1. ad Galat. circa illud ; *Notum vobis facio, &c.* Fuisse hoc decus Christianæ religioni perpetuum, demonstrat Bosius lib.7.de Signis cap.1. Nec duntaxat quomodolibet pios professores habet fides & religio Catholica, sed quantumvis prius pessimè moratos, si eam qua par est docilitate excipient , & ex eius principijs vitam conforment, commutat illicò in valde pios, subita & potenti in corda efficacitate, de qua plenè & benè Clemens Alexandr. initio Protreptrici, S.Cyprianus Epist.2. S.Eucherius ho.2.de Epiph. in fin. S.Chrysostomus hom.18.in ad Rom. initio partis moralis . Illustrat idipsum multis Thomas Bosius lib. 2. de Signis cap.10. & 11. & lib.12. à cap.12. Quia ergo Romana Ecclesia , verae fidei Magistra est , ac probatæ religionis, quam huiusmodi pietas afferatur , moderatrix & arbitra à Christo est constituta ; rectè hoc quoque nomine, mater pietatis , dici potuit.

Moderatrix & domina Christianitatis , Romana Ecclesia.
Petrus Cellensis Epist.112.

Moderator Sedis Apostolice , & cœlestis imperij apicem regens . Ennodius lib.5.Epist.10.

Pontifex, Moderator sedis, eodem sensu dicitur, quo Gubernator Throni, de quo titulo supra . Et eodem modo Pontifex dicitur Rector cœlestis Imperij, quia Pontificia potestas non est origine humana, sed natione cœlestis, & à Deo promanans.

Moderator & dux uniuersæ Ecclesie . Damasc. Orat.de Transfig.

Moyses autoritate . S.Bernard.2.de consider.cap.8.

Non erat Moyses præfatus populo ordinarius in ijs, quæ sunt ad Detum , idest cum iure successionis , sicut Aaron; Potiebatur tamen Moyses , summa (tametsi extraordinaire) autoritate, etiam in spiritualibus, de quo infra in Epilogomenis subnot.2.yerit.3. Pontifex ergo, circa Ecclesiam Catholicam est summus Dux & mediator erga Deum; quæ

fuc-

fuerunt Moysis attributa : fuitque Moyses , Pontificis imago quoad summam authoritatem , quamuis modus potiundi ea autoritate , fuerit longè diuersus in Moysen , qui non habuit potestatem , nisi temporariam & absque iure successionis . Optimè porro Petrus Cellensis Epist. 1. Mosis & Pontificis analogiam ea ex parte expressit , scribens ad Alexandrum Papam . [In grauissimis quæstionibus , sicut olim ad Mosem , sic nunc Pater Venerande , ab omni Ecclesia Dei , recurritur ad B. Petri & vestram sedem . Tam enim communiter communis imponitur vobis sollicitudo omnium Ecclesiarum , quām singulariter , & specia- liter Petro videtur dictum , *Et tu conuersus , confirma fratres tuos .*] Idem Epist. 145. ex eo quod totius (vt ait) Christianitatis onus , humeris Apostolicis sit impositum , Aarone & Hur ei subleuando ne deficiat , esse adhibendos docet , alludens ad Moysen . Fauet huic negotio , quod Nazianzenus Orat. 6. num. 6. Mosem in Dei Sacerdotibus recenset allegato Davide Psalm. 98. & addit , eum fuisse Israëlitarum Antistitem , & Sacerdotum Sacerdotem , & in ijs , quæ ad Deum coniunctim cum Aarone operam nauantem : nempe extraordinaria potestate ; Nam ordinaria solius erat Aaronis .

Tametsi verò nonnulla fuit proportio inter typicum Mosis Pontificatum , ratione cuius dici potuit summus Pontifex & Sacerdos Sacerdotum , sicut Romanus Pontifex à Moysi vtcunque expressus , dictus est à S. Bernardo Moyses authoritate : tamen negari non potest , quin Pontifex esset præ Moysi longè differentius nomen hæreditari . Vedit hoc perspicaciter Author sermonis ad Concilium Remense coram Eugenio III. perperam creditus S. Bernardus , cum Author ille sub initium sermonis aperte se profiteatur Episcopum , vocans Episcopos in Concilio illo adiutatos , Fratres suos , quod S. Bernardus non dixisset . Nec est verisimile eum se monem fuisse à S. Bernardo conscriptum in persona alicuius Episcopi eum tanquam suum habitu-

bituri. Est enim stylus sermonis illius fellitus & admodum acerbus, ut præsertim liquet ex calce, vbi ea opponit Episcopis, quæ turpe est & dicere; quod non fecisset S. Bernardus, etiam latens sub aliena persona. Ut vt sit, Author illius sermonis, *ipso initio*, cum Eugenium qui præsens adest, Mosem vocasset, mox subiicit, quantoperè Eugenius à Mose dispareat. Verba eius sunt. [Graue est, quod mihi iniungitur, videlicet ut doceam Doctores, instruam Patres, præsertim cum scriptum sit, *interroga Patres tuos, & annunciatib⁹ tibi*. Sed præcipit mihi Moyses iste, cuius manus graues sunt, cui obediendum est, non solum à me, sed etiam ab omnibus. Et plus quam Moyses hic. Moysi commissa fuit vna plebs Israëlitica, isti autem vniuersa Ecclesia.]

Mons Magistrionis valde ornata ciuitatis, quæ constituta est in dispensatione Christi. B. Hildegardis ad Anastasium Papam.

Logogryphus est & ænigma, cuius hic videtur sensus. Ciuitas in dispensatione Christi cōstituta, valde ornata, alia non est quam Sancta Ecclesia, Christi sponsa, parata sicut sponsa ornata viro suo. In ea Ciuitate Dei, est mons sanctus magistrationis, siue coelestis magisterij, atque doctrinæ: nimirum Pontifex, qui ut mons supereminet reliquæ Ecclesiæ, & ex editissimo suggesto magisterij sui, erudit omnes infideles disseminans doctrinam fidei.

Murus inexpugnabilis, contra omnes hæreses. Rupertus lib. 2. offic. cap. 22.

Digna est, quæ hic adscribatur Ruperti sententia, ex annotationi capitii calce. [Cum monumentum sit sinceritatis & veritatis eius, in cuius azimis nos epulari hortatur, Apostolus expurgato veteri fermento, ut simus noua conspersio, iure inter utilia legis antiquæ signa, reseruata sunt azima, authore magno Pontifice Christo, & per succedentem sibi Beatum Petrum, Romanæ Ecclesiæ fideliter delegata. Quæ beata, quod in fundamento suo Petram illam exce-

excepit quam suo veritatis ore laudauit & beatificauit, tali structura super illam ædificata est, vt contra omnes hæreses perstaret murus inexpugnabilis. Et quacunque mundi ex parte periclitata fides ad illam confugit, mille clypeos ex ea omnemque armaturam fortium, qua se defenderet, pendentem & præparatam inuenit.] Hanc securitatem fidei puræ & incontaminatæ, in Romana Ecclesia semper retentæ & retinendæ ostentabat alijs verbis adhibitis, eundem tamen sensum facientibus, Nicolao cuidam cum quo certabat Petrus Cellensis Epist. 111. dicens de seipso. [Sum nomine Petrus, Petrinus, radicatus & fundatus in montibus sanctarum authoritatum, & in medio petrarum, vbi mater Ecclesia nidificat in foraminibus Petræ, & in cauernis maceriaræ. Hinc non ex eo, nisi ad vocem rotarum, quæ in se habent spiritum vitæ, & stant ac mouentur tanquam volubiles. cum animalibus senas alas habentibus, & oculos ante & retrò; Securus sequor, quia facies Leonis præcedit ne aliquid noceat, facies hominis ne aliquid decipiatur, facies vituli ne vanitatis aliquid interueniat, facies aquilæ ne aliquid dubietatis remaneat, vel tarditatis præpediat. Regula veritatis tornauit Rotas istas in circino & orbe veritatis æternæ, que de mente diuina procedens, tantæ apud Deum maiestatis est, vt in summo vertice lucis inhabitabilis resideat; tantæ authoritatis, vt nullius ditioni subiaceat; tantæ maturitatis, vt nunquam vultum Deificum depo-
nat; tantæ certitudinis, vt nulla mutatio, aut vicissitudinis obumbratio in eam incurrat.] Qua ex parte possit irre-
pere error, in doctrinam Ecclesiæ sic communitatam?

N

Noë primatu. S.Bernard. 2. de Consider. cap. 8.
Respexit ad arcam Noë, extra quam nemos saluus factus est. Vnde ut S. Petrus admonuit, fuit imago Baptismi nostri & Ecclesiæ, per eam sacram aquam nos subdu-

cen-

centis iræ Dei. Quia ergo sicut Nöe arcæ præfuit, sicutque secundi rursus orbis creator, ut loquitur Origen. homil. 4. in Ezech. & ceteris noui illius sæculi primis; ita S. Petrus & eius successores, Arcæ Ecclesiæ præsunt, & populi qui nascetur quem fecit Dominus, primates ac in Christo principes sunt, nec nisi sub hoc Ecclesiæ Pastore salus obtingere potest à diluvio aquarum multarum, ut optimè prosequitur Innocentius II I. scribens ad Calloianum Regem Bulgarorum: meritò S. Petrus & eius successores, Nöemi Euangelici titulum gerunt. Videsis de Euangelico Nöemo, Turrianum contra Andream Freyhub. lib. 1. cap. 5. de arca verò Nöe, ac Ecclesiæ comparatione, Rupertum lib. 4. in Genes. cap. 17. Hugonem Victorinum lib. de mystica arca expositione, & lib. 1. de arca Morali cap. 4. S. Ambrosium serm. 11. Latè & eruditè id versat, Commentarius ad Extrauag. 1. Bonifacij VIII. de maiorit. & obedient. litera B. & singulari planè modo S. Chrysostom. serm. 2. de Poenit. sub initium, ac S. Hieronymus Dialog. contra Luciferianos à hum. 49. & lib. 1. contra Iouinian. cap. 9. Fusè denique Bartholomæus Ferrar. lib. 4. de Christo abscondito, & Vofsius ad Epistolam Gregorij IX. de dupli gladio, à pag. 39.

Nutricula & parens fidei ac morum Romana Ecclesia, quæ non potest ab homine iudicari, & argui cœlesti priuilegio munita. Ioan. Sarisber. lib. 8. polycrat. cap. 17.

Nutritor cui commissa est Ecclesia. S. Bernardus Epist. 237. quæ est ad Eugenium.

Fidelis seruus & prudens quæm constituit Dominus super familiam suam, ut det illi cibum in tempore, alius non est quæm bonus Antistes, iuxta S. Hilarium canon. 27. in Matth. Sed particulares Antistites, singulis seorsim pleibus cibum suppeditant. Generalis Ecclesiæ nutritor, dicitur Romanus Pontifex; quia vniuersæ Dei familiæ toti inquam Sanctæ Ecclesiæ, subministrat cibum probatum, cum doctrinæ sinceræ & innoxiae, tum sacramentorum non adulteratorum, quæ sunt alimenta quibus, infantes

Dei

Dei nutriuntur in vitam æternam: & omnes quidem Sancti Patres Iudice D. Augustino lib. 2. in Iulia. Fuerunt Ecclesiæ nutritores, vtique singuli in suo gradu ac finibus. At Romanus Pontifex omnes vniuersim fideles nutrit sanae doctrinæ pabulo.

Nutritor unius immaculatae columbae. Alcuinus Epistola ad Leonem Papam. Est num. 72.

Nutrix Pontificij, cathedra. Ennod. in Apolog.

Cum Pontificium, ut infra attingam verbo *Pontifex*, idem sit, quod ius & potestas quipiam præstandi & ex usu inolito apud Christianos, restringatur ad summam potestatem in rebus religionis, meritò Cathedra Romana ab Ennodio dicta est *nutrix Pontificij*; quia sedenti in ea confert summam in sacris orbe vniuerso potestateim. In quam rem plura in Epilegom. subnot. 2. verit. 11. tractando qua ratione Romanus Pontifex sit supremus Hierarcha.

Nutrix & doctrix omnium Ecclesiarum, Romana Ecclesia. Hincmarus initio operis de diuortio Lotharij, ac Tetberge.

Quid ex hoc Romanæ Ecclesiæ per Pontificem titulo colligat Hincmarus, interest nosse, recitato integro eius loco. [De omnibus (inquit) dubijs vel obscuris, quæ ad rectæ fidei tenorem, vel pietatis dogmata pertinent, Sancta Romana Ecclesia, ut omnium Ecclesiarum mater & magistra, nutrix ac doctrix, est consulenda : & eius salubria monita sunt tenenda, maximè ab his, qui in illis regionibus habitant, in quibus diuina gratia per eius prædicacionem omnes in fide genuit, & Catholico lacte nutriuit, quos ad vitam præordinauit æternam. Vnde quoniam (sicut B. Innocentius ad Decentium, Eugubinum scribit Episcopum) manifestum est in omnem Italiam, Gallias, Hispanias, Africam, atque Siciliam, Insulasque interiacentes, nullum instituisse Ecclesias, nisi eos quos Venerabilis Petrus, aut eius successores constituerint Sacerdotes; Oportet ergo eos hoc sequi, quod Ecclesia Romana custodit,

Cc à qua

à qua eos principium accepisse non dubium est; ne dum peregrinis institutionibus student, caput institutionum videantur amittere.] Vides quād audē accurrendum ad papillam eius matris, non è numero dimidiatarum illarum quas fugillat apud Gellum Phauorinus lib. 2. cap. 1. Quos enim in Christo procreauit, educat sincero doctrinæ lacte, quod proinde studiosè sugendum est, repudiato lacte metrictio lupæ illius, quam Diaboli coniugem pronunciat S. Anastasius Sinaita lib. 11. hexāém. cuiusvis inquam peruersæ sectæ. Idque seruantes Genuinæ Ecclesiæ filij, praestant quod singulari munere de S. Roberto Molismensi narratur, qui scorti vbera, infans nunquam sugere sustinuit.



Oculus totius corporis, ostendens rectam veritatis semitam. Tarasius Constantinopol. Epistola ad Hadrianum Papam.

Insignis metaphora, qua Episcopatus vniuersalis & excubatio super orbem vniuersum optimè exprimitur. Est enim oculus, Prælati inuigilantis eximium symbolum, ut per pulchrè prosequitur Raymundus Iordanii, in opere de oculo, quod nuper vulgauimus, & Gigas lib. de residentia Episcop. cap. 11. Esse igitur oculum totius corporis Ecclesiæ, est esse Episcopum & Directorem vniuersalem Ecclesiæ, quod de Romano Pontifice, vi muneric affirmatur. De alijs autem quibusdam Sanctis, tale quid interdum pronunciatum est, ratione illustrium exemplorum, aut doctrinæ, quibus vniuersæ Ecclesiæ præluxerunt. Sic Isidorus Peluf. lib. 1. Epist. 157. nominat S. Chrysostomum, Bizantina Ecclesia, atque adeò Ecclesiarum omnium oculum. Sic S. Anastasius à Gregorio Nazianzeno Orat. 23. dictus est Sanctissimus orbis oculus, & in S. Basilij Epitaphijs, vocat eum Clarissimum Christianorum oculum. Andreas Cretenis sic habet de S. Tito Orat. de eo. [Cherubicus oculus, os

Sera-

Seraphicum , vigil obtutus , insuperabilis mysticæ perno-
stationis pro pastoris munere palpebra .] Petrus Cellensis
Epist. 29. Hugonem Abbatem Cluniacensem , vocat *ocu-*
lum Monachorum . Ob assistentiam quoque iūgem , & ve-
luti excubias circa orbem , Nicetas Orat. de S. Michæle &
Gabriele , vocat eos , *Duos mundi oculos* . Quo ipso modo ,
de Sole & Luna locutus est Theophilus Alexand. Epist. 1.
Pasch.

Sensus ergo quo Romanus Pontifex oculus corporis
Ecclesiæ dicitur , est ei planè peculiaris , nec ullis alijs San-
ctis congruit . Sanctus quidem Paulus alter oculus capitinis
Ecclesiæ dictus est , ab Arnobio Iuniori l. 2. conflictus cum
Serapione . Nec abs re , ac etiam citra imminutionem de-
coris , quod B. Petro vendicauimus . Nam dici de his duo-
bus Apostolis proportione possit , quod Philo Iudæus lib. de
special. leg. ait de geminis oculis . Natura [inter cœteros
sensus , imperium penes oculos esse voluit ; ideo hos quo-
que in sublimi collocauit , vt Principes , & quidem varijs
modis honoratos , sed præcipue loco tam insigni & conspi-
cua . Quantam verò utilitatem ex his genus humanum
percipiat , recensere , longum fuerit . Vnam tamen dice-
mus eximiā . Philosophia defluxit quidem è cœlo in ho-
minum animos , sed oculis sequestris deducta est in id ho-
spitium . Nam hi primi conspexerunt vias , quæ è cœlo ad
nos tendunt , regias . Bonorum autem omnium , quæ ve-
rè bona sunt , fons est Philosophia .] Si locum sublimem
& conspicuum præ omnibus in quo locati sunt hi SS. Apo-
stoli , nempè urbi metropolim , quis consideret ; quod
que Christiana Sapientia , quæ verè sola est Philosophia ,
& incendens charitatem germanissimam , qua D E V S di-
ligitur , ab his maximè fontibus dimanarit in genus huma-
num , facilè deprehendetur , quod Philo de oculis corpo-
ris dixit , in hos Beatos Apostolos respectu corporis Eccle-
siæ cadere . Haud igitur abs re dicti sunt ab Arnobio Iunio-
re , duo oculi Ecclesiæ . Sed hoc quomodo iuribus S. Petri non

Cc 2 offi-

officiat, dictum est Prænotat. 3. & rursus attingetur infra.
V. Sedes SS. Apostolorum Petri & Pauli.

Origo Christianæ religionis, & Sacerdotalis mater dignitatis, Apostolica sedes. Episcopi Germaniæ ad Ioan. VIII.

Os Apostolorum, & princeps, ac vertex cætus. Chrysostomus hom. 87. in Ioan.

Videri potest hic titulus esse S. Petro personalis. Reuera enim S. Petrus, non modò ut S. Athanasius dixit serm. de S. Andrea, sicut Interrogatorum lingua discipulorum, cum Christus de eis percunctatus esset, quem dicunt homines esse filium hominis? Sed etiam in quibusunque alicuius momenti negotijs, primus loquutus est, & tanquam prædens, ac (ut ita dicam) os cœterorum. Sic in electione Matthiæ A&to. i. non Iacobus, (tametsi Hierosolymitanus Antistes, saltem designatus) sed Petrus tanquam cui præsidentia discipulorum commissa erat. (inquit ibi Oecumenius) orsus est sermonem. Actorum quoque i 5. primus Petrus in Concilio loquitur. Paulus denique (ut Chrysostomus ea hom. 87. aduertit) Petrum nominatim adjicit, quia erat os Apostolorum, ut ipse Chrysostomus ait. Quia ergo Petrus dictus est os Apostolorum, non ut persona priuata, sed ut caput Ecclesiæ, patet, deinceps quoque Apostolos, id est Episcopos, Apostolorum suo modo successores, habuisse pro ore Romanum Pontificem, ac proindè hunc esse legitimum eius titulum; cum quo recidit ille alius, quo denominatur à Chrysostomo serm. de S. Petri Cateis, os Ecclesiæ, tanquam is per quem D E V S oracula sua fundit Ecclesiæ. Sanctus quidem Basilius ab Hesychio Centur. I. num. 65. dictus est os Ecclesiæ, sed hic spectauit tantum eius summam sapientiam, non autem potestatem infallibilem proponendi Ecclesiæ Verbum Dei. Qua ratione, solus Romanus Pontifex inter sacros Doctores est os Ecclesiæ. Quo proportionaliter sensu Leo Monasteriota, dictus est os Senatorius, ex Niceta Chon. lib. i. de rebus Andromici num. II. Et S. Felix Presbyter in Natali S. Felicis, dictus est os Quinti Epis-

Episcopi. Affine est, quod impium Hæreticum Leonem Armenium, acta S. Nicetæ vocant os Diaboli. Quo item nomine, calumniatorem donat S. Chrysostomus homil. 79. in Matth.

Ostiarius, cuius obediendum est statutis, ne aduenientibus adfores regni cœlorum, non sit qui referet, auerso illo, qui claves tenere probatur. Os vvi Rex Saxonum apud Bedam lib. 3. histor. Anglor. cap. 25.

Ostiarius ostij, quod Christus est. Iuo Carnot. serm. de Cathedra S. Petri.

Christus ipse Ioan. X. se ostium ouium nominat, & ostiarium memorat præbentem aditum ad oues. Tametsi vero is ostiarius à varijs variè exponitur, consequenter ad expositionem, de alijs similitudinis ibi à Christo propositæ partibus assignatam; (hi si quidem Moysem, illi Spiritum sanctum, alij alium volunt esse eum ostiarium) tamen dici non incommodè potest, in Ecclesiæ ouili ostiarium esse Petrum, eiusque successores, per quos Christus ad oues ingreditur; ita vt si quis dixerit, *Ecce hic est Christus, aut illic, hæc inquam est genuina Christi doctrina aut opposita, nolit Christus quicquam suscipi, vel admitti tanquam Christi, nisi quod ab hoc ianitore fuerit intromissum.* Non repugnat huic veritati, quod S. Gregorius lib. 28. Moral. c. 16. S. Petrum ostij nomine donat. [quia & ingressum fidelibus aperit, & se perfidis ne ingrediantur, opponit.] Mysticè quippe, idem esse ostium, & ostiarium, nihil est quod prohibeat.

Ouis primogenita gregis Christi. Chrysostomus homil. in 12. Apostolos.

Si sensus esset, S. Petrum esse primum, qui in Christum credidit, ægrè stabiliretur hic titulus S. Petri; ac vt stabiliri posset, non esset nisi personalis, nec pertineret ad successores. Sed sunt alij modi exponendi eum titulum, qui in Petrum prout personam publicam cadunt. Dici enim potest *ouis primogenita*, quia ita est pastor gregis Christi, vt simul ipse.

ipse per comparationem ad Christum, sit ouis. Et quidem egregia omnibusque præcellētior. Omnes enim electi, imo & omnes, qui intra Ecclesiæ caulas continentur, veniunt nomine ouium, per comparationem ad Christum, bonum & optimum Pastorem. Sed inter eas oues una eminet, estque longè præstantissima; nempè S. Petrus prout Pontifex, reliquique deinceps, ei suffecti in eodem munere. Nam, quod est primogenitum, solet esse eximium, & reliquis fœtibus exhausta iam naturali virtute subsequentibus, anterendum. Legesis Tiraquellum Præfatione ad opus de Iure primigeniorum. Talem fuisse inter Apostolos, atque adeò etiam inter omnes fideles S. Petrum; monstratur varijs eius prærogatiis ac priuilegijs, in quibus enumerandis multus est Bellarminus lib. 1. de Roman. Pontif. à cap. 17. ad 24. & hic sensus tituli propositi, consonat sensui quem plerique assignant ei Christi attributo, *primogenitus in multis fratribus.*

Verùm maximè genuinus sensus, quo & Christus primogenitus fratribus, & Petrus ouis primogenita gregis, dicitur, pendus est ex S. Isidoro Pelusiota, qui lib. 3. Epist. 31. vocem Græcam Latinæ voci *primogenitus* respondentem, nimilùm *πρωτότοκος*, si secunda syllaba acuatur, notat significare *primo productum*. Si verò acuatur penultima, significare ait, *cum qui primum genuit*. In quo sensu, Christum omnis creaturæ primogenitum ab Apostolo dictum, obseruat. Similiter ergo Chrysostomus, *ouem primogenitam* appellat S. Petrum; tum quia primus omnium post acceptum Spiritum sanctum, promulgauit Euangeliū Iudæis, & multos filios ea ipsa die Christo procreauit, Actor. 2. Primus item Gentilibus post ostensam de cœlo visionem Euangeliū intulit, Actor. 10. Salutem gentium dedicante Cornelio per Petrum baptizato, vt S. Hieronymus dixit Epistola ad Saluinam, agnouitque Chrysostomus homil. 22. in Acta; Tum verò maximè, quia S. Petri & successorum eius est, per omnes Patres, qui filios Deo per Euangeliū generant, procreare

creare cœlo liberos . A Petri namque cathedra , & iurisdi-
ctio omnibus ad munus illud obeundum , & probata do-
ctrina ad legitimam prolem procreandam necessaria, sup-
peditatur . Berengosius lib.de Luce visibili & inuisibili in
fine, Romanum Pontificem eodem sensu confert cum ca-
pra, Imperatorem cum agna .

P

Papa. Tertullianus , S.Cyprianus , & alij passim .

Non modò Tertulliani æuo, (quod notauit Pame-
lius ad Tertullianum lib.de Pudic. cap.13.num.101.) Ro-
manus Pontifex dictus est *Papa*, sed etiam longè anteriùs.
Sic enim S.Anacletum titulo. *Papæ* decorat S.Ignatius Epi-
stola ad Mariam. Quamquam olim nomen *Papæ*, sonabat
dignitatem omnibus Venerandis Clericis communem, ut
scribit V Valafridus lib. de rebus Eccles. cap.7. ita vt etiam
minimi Clerici dicerentur *Pisinni Papæ*, idest pusiones &
minimi . & in bulla aurea Isaaci Comneni, *Lector* vocatur
simplex Papa. Sicut etiam Corona Clericalis vniuersè apud
Græcos dicta est *Papaletra*, vt notat Balsamon ad 6. Syno-
dum can. 21. Postea ad solos illos, qui in Clero eminent,
hoc est ad Episcopos, restricta est ea nomenclatio , omni-
bus tamen Episcopis attributa . Innumera exempla vbiuis
occurunt, & benè multa signant Ferrarius lib.3.de Episto-
lis Eccles. cap.1. Duarenus lib.1.de Sacr.minist. cap.10. &
Sauaro ad lib. 6. Sidonij Epist. 1. durasseque eum usum ad
annum usque nongentesimum à Christo, obseruat Baro-
nius ad Roman.Martyrol. 10.Ianuar. vt propterea certum
sit, Gallucinari Nicephorum cum lib. 14. cap. 34. scripsit
Cœlestinum I. vices suas delegantem Cyrillo Alexandri-
no in Concilio Ephesino, concessisse illi usum mitræ, vt Pa-
pa diceretur . Quod de Phrygio à solis Romanis Pontifici-
bus inter sacra assumi solito, & concessò S.Cyrillo, accepit
Theodorus Balsamon ad Nomocan. tit.8. cap. 1. Nam de

MO-

nomine *Papa*, quis non videt, si tunc & diu post, omnibus Episcopis commune fuit, non potuisse ex priuilegio tribui S. Cyrillo? Sed non eo uno loco oscitanter scripsisse Nicophorum Callistum, docebit pro Florentina Synodo scribens Gennadius ad cap. 2. sect. 7. Nihilominus postea, (fortè primum ab Ennodio, vt ad eius Epist. 1. lib. 4. notat Sirmundus; vel vt censet Remundus Russus ad cap. 17. Molinæ à Iustinianō) vñsu receptum est, & Decreto Gregorij VII. anno 1073. in Synodo contra Schismaticos firmatum, vt solus Romanus Pontifex, *Papa* diceretur. Id quod apud Gracos quoque inualuisse, non quidem iam ab æuo Iustiniani, vt scripsit post Russum Pamelius ad Epist. 3. S. Cypriani, sed longè seriùs, docemur ex Nicæ Choniatæ, & aliorum scriptis.

Quæ sit huic Pontificio titulo subiecta notio, non conuenit inter omnes. Sunt qui à Pappo carduorum flore lanuginem abeunte, nec diu durante id nomen deruant ob breuem Pontificum Romanorum vitæ periodum, de qua Petrus Damiani Opusc. 23. Videndus de ea notione vocis *Papa*, Corrasius lib. 5. Miscell. cap. 5. sed hæc vana esse, liquebit ex dicendis.

Plerique putant, nomen *Papa*, esse nomen complexum ex duplice *Pa*, quod Manosyllabum, in Saliari carmine usurpatum pro *Patre*, Festus est author. Quia ratione *Papa*, idem sonaret, quod *Pater patrum*, qui titulus bellissimè cadit in Romanum Pontificem, vt postea videbimus, & ita Remigius Altissiod. de celebratione Missæ, & Thomas Illyricus Tract. de potestate Papæ. Non igitur, qui præmissa confirmatione multiplici, quod omnes Sacerdotes dicantur Patres fidelium, addit, vt pateat Romanum Pontificem esse patrem coeterorum Patrum, inditum illi esse nomen *Papæ*, idque Decreto Synodi Nicænae, quam referente Eusebio edixisse ait, vt sicut Rex Romanorum antonomastice dicitur *Augustus*, ita & Romanæ vrbis Antistes dicatur *Papa*. Verum hoc totum est commentitium. Nihil enim tale

tale habet Eusebius, neque Acta Nicænæ Synodi, contra, cuius decreta SS. Augustinus & Hieronymus, & longè post alij, nunquam vocassent *Papa* nomine inferiores Episcopos, ut sæpè faciunt. Adhæc ea notio *vocis Papa*, vt sic dictus sit, quasi *Pater Patrum*, ægriè potest subsistere & monstrari solida; tum quia ut argumentatur Celsus Mancinus lib.3.de Iuribus Principatum cap.5.plerisque locis, ac nominatim in Synodali Epistola Episcoporum Epiri ad Hormisdam, idem simul & *pater patrum*, & *Papa* appellatur, quod absque labo battologiæ non fieret, si *Papa* idem esset, quod *pater patrum*. Tum etiam quia olim, omnibus Clericis, posteaque omnibus sacerdotibus Episcopis, commune fuit nomen *Papa*, tametsi non dicerentur *patres patrum*, demptis per paucis insignis notæ Præsulibus de quo poeta.

Quidam nomen *Papa* ab interiectione admirantis *Papa*, ductum volunt, quasi denominaretur admirabilis. Sed hoc nullo modo solidum est, tametsi probasse eam notiōnem *vocis Papa*, visus est Gabriel lect.23. in Can. litera G, & anteriùs etiam alij apud Remigium Antissiodoreensem libro allegato de celebratione Missæ, subscribitque Silvester. V. *Papa*, & Ambrosius Nouidius lib.2. sacrorum Fæstor. ac Hieronymus Vida Hymno de Cathedra S. Petri, & Nicolaus Eymericus Tract. de potestate Papæ q.2.& 3. & multos adducens F. Juniperus à Drepano disput. i. pro Iuris Pontif. defens. q. i. cap. 4. à num. i i. Videtur etiam maximè inclinare in hanc notationem *vocis Papa*, Duardus lib. i. in Bullam Cœnæ cap.4.q.7.

Quid si dicamus, nomen *Papa*, idem significare, quod directorem, aut Custodem prisco Idiomate apud Italos, siue aliunde obrepserit, siue ab Oscis manarit? Certè impostor Adelbertus in Epistola quam è cœlo delapsam fingebat, sic habet præter coetera. [Duodecim Papati, qui sunt in Romana Ciuitate triduanas fecere vigilias.] Ita refertur in Concilio Romano sub Zacharia, contra planum illum

Dd cele-

celebrato. Papatos autem ibi, significare custodes, aut præfatos morum, vel moderatores & paedagogos, habetur ex Actis SS. Viti atque Modesti, vbi ea vox disertè ita accipitur, cum de S. Vito, sub cura B. Modesti constituto agitur. & idem coniecto ex Petro Damiani Opusc. 23. cap. 4. qui agens de custodia Angelorum nobis à DEO attributa, ait; [Si Rex potens, cuilibet de suis Principibus, Impuberis filij, velit delegare custodiam, & ille postmodùm in furorem versus insaniae, saluis se fluentibus, nariumque mucoribus oblinat, & vel in ignem se phrenetica temeritate proijciat, vel certè in squalentis cœni volutabrum, sordidae suis se more prouoluat, nonnè protinus ille deposcat, & reconsignare depositum, & Papatis abijcere famulatum?] Eo loco, Pappas, apertè sonat custodem, cui concredita est puelli cura. Similiter idem Petr. Opusc. 57. disserat. i. cap. 4. [Puer in medio, sine Papate, vel gerula coepit.] Est ergo Papas, custos. Romanum autem Pontificem esse custodem Ecclesiae, siue infantium Christi, monstratum est superius. Quia verò huiusmodi custos & moderator Infantis, est eius director ac veluti Dux, potest quoque nomen Papæ similiter accipi. Est in hanc rem optimus locus in Actis breuiatis S. Cypriani antiquitus conscriptis & exhibitis à Surio 13. Septembr. vbi Galerius Maximus Proconsul sic refertur allocutus S. Cyprianum. Tu Papam te, sacrilegæ mentis hominibus prebuisti & Vbi esse Papam, idem est, quod esse Dux et Directorem ad negotium de quo agebatur. Eodem sensu apud Innocentium III. lib. 3. Epist. 60. Archiepiscopus Corinthi, ex postulat sibi circumuento ablatam esse medietatem Decimarum, omnium, Monasteriorum & Papatum, in quibus tres Monachi, vel pauciores morantur. Vbi Papatus, apertè sumitur pro Recloria, ut vocant, in qua pauci Monachi sub uno Papa, siue Recliore, vitam exigunt, longè minores numero quam in Abbatia aut Prioratu.

Non inepta ratio denominandi Romanum Pontificem,

Pap-

Papam, cui potest ex Polluce, apud quem Pappus, idem est, quod præcipuuſ inter seruos. Sic enim habet. ο μέν πάτερ, μόνος τῶν θεραπόντων πόλεων, καὶ δῆλοι ἀπεδεύθεροι, ad differen-
tiam μέσου καὶ τεττυγέ. Erat enim hic seruus inter seruos Do-
minus. Quia enim erat coeteris seruis in herili domo anti-
quior, & eius fidelitas magis erat probata, præponebatur
omnibus famulis. Eiusmodi famulum habuit Abraham.
Genes. 24. vbi ita legitur. *Dixitque Abraham ad seruum se-
niorem domus suæ, qui præerat omnibus, quæ habebat.* Hebræa
habent, qui dominabatur omnibus rebus, quæ ei erant. Et hinc
ducta est denominatio Senioris, pro Domino, Gallicè Sei-
gneur. In libris Feudalibus & Capitularibus, creber est huius
vocis usus. Et nominatim in Capitulis anno 956. ad Fran-
cos & Aquitanos transmissis, ita habetur. [*Mandat vobis
noster Senior, quia si aliquis de vobis talis est, cui suus se-
nioratus non placet, &c.*] Singulare est, quod de Sene, id est
Domino Provinciae Tyrensis, notatum est à S. Antonino
2. par. histor. tit. 17. c. 9. §. 7. Ex hoc usu ab Hebræis deriuato, vt seruus qui coeteris, vt Oeconomus præcesset senior di-
ceretur, Christus Dominus, domus suæ Rectorem Roma-
num Pontificem, nomine servi fidelis & dispensatoris pru-
dentis constituti super familiam suam, designauit Luc. 12.
& Matth. 24. Nam quamuis S. Ambrosius Luc. 12. & SS. Hi-
larius ac Hieronymus Matth. 24. de Episcopo absolute ea
loca exponunt, tamen quod de Episcopo quocunque dici-
tur, multò magis & principalius cadit in Episcopum anto-
nomasticè dictum, hoc est Episcopum Episcorum. Insi-
gniter S. Ambrosius in próemio libri quinti de fide. [*Quis-
nam fidelis seruus & prudens, quem constituit Dominus
super familiam suam, vt det illis in tempore cibum?* Non
vilius hic seruus est. Magnus aliquis esse debet. Est Petrus,
ipsius Domini ad pascendum gregem iudicio electus.] Et
disertè quoque S. Chrysostomus sub initium libri secundi
de Sacerdotio, de Petro & eius successoribus huiusmodi lo-
cum interpretatur. Et locus ipse aperte ferre videtur, vt po-

D d 2 tiūs

tius de Romano Pontifice solo intelligatur, quam de alijs
 Praefulibus. Cum enim Christus præmisisset seruos vigilan-
 tes fore beatos, & Petrus percontatus esset, an hæc para-
 bola ad discipulos pertineret, an ad omnes respondit Chri-
 stus: *Quis putas est fidelis dispensator & prudens, quem con-*
stituit Dominus super familiam suam? Quasi diceret: Ad te
 pertinet o Petre, hæc oratio; tibi quippe incumbit cogita-
 re, qualem oporteat esse fidelem Oeconomum super uni-
 uersam Dei familiam constitutum. Sanè paulò post, vt
 ostenderet se de uno singulari & primario seruo, domus ac
 familiæ suæ dispensatore egisse, subdit: *Quod si dixerit ma-*
lus illi seruus in corde suo, moram facit Dominus meus venire,
& cœperit percutere seruos & ancillas, & manducare & bibe-
re cum ebriosis, veniet Dominus serui illius in die qua non spo-
rat, & hora qua nescit, & diuidet eum, partemque eius cum
infidelibus ponet. En, agit perspicue de uno seruo, qui ne-
 mini infra Deum subsit, & à nullo iudicari possit; qui alius
 non est, quam Romanus Pontifex, qui soli Deo debet in-
 nocentiam. Cum igitur Romanus Pontifex sit seruus Dei
 constitutus super omnes conseruos, & à Christo delectus,
 vt vniuersæ eius familiæ det cibum in tempore, pascens
 eam doctrina & cœlestibus dapibus, meritò *Pappus dici-*
tur, quod est nomen serui primarij omnibus sub hero in fa-
milia præpositi, quod reuera est in Ecclesia Catholica uni-
uersa, munus Romani Pontificis, de cuius notione & ad-
ministratione domus Dei, solius Christi est iudicare si laba-
tur, & contra Dei mentem, ac bonum familiæ Christi se-
gerat. Habent quidem ista locum quoad omnes Episcopos
per proportionem, quatenus quilibet eorum est super to-
tam familiam sibi concreditam, & ab ea iudicari non po-
test: Et in hoc sensu post varios Patres quos adducit, de
Prælatis omnibus proposita verba exposuit Tolet. in c. 12.
Lucæ ab annotat. 70. Absolutè tamen & propriè seruus se-
nior, totius familiæ iudicio subductus, eique toti præposi-
tus, est solus Romanus Pontifex, id quod Toletus ibidem
post

post annotat. 71. subolfecit. Quominus tamen hinc peti-
tum credam nomen *Papa*, obstat quod olim omnes Episco-
pi donabantur Papæ nomine; cum tamen seruus ille senior
toti familiæ Christi præpositus, sit solus Romanus Ponti-
fex. Hæc & alia à varijs in hanc rem excogitata, proferri
in hanc rem non inuerisimiliter possunt, necdum tamen
explent animum.

Germana itaque notio vocis *Papa*, vt ex Eustathio re-
fert Henricus Stephanus, V. *παππάς* dicitur ex antiquo &
Græcorum & Latinorum vsu, quo parvuli balbutientes,
veluti naturali voce (vt differit Goropius in Gotodanicis)
pappare, idest cibari audi, vt Aristophanis Trigeus in Co-
mœdia *Ιηστὴν* profitetur, ab blandiendo Patri, vocant *Pappa*:
id quod etiamnum in his oris receptum videmus.
Minuscula enim ætas, haud aliter patrem compellat, quam
vocando, mon *Pappa*. Apud Athenæum lib. 8. Philæmon
inducitur dicens *χαῖσε πάππα φίτατε*. Item Odysseæ 3. filia
Nausicaa sic patrem affata refertur, *πάππα φίτε*. Äquè apud
Iuuenalem Satyra 6. de patre dicitur.

Timidus prægustet pocula Pappas.

Quæ postrema vox, est masculina, non autem (vt ibi malè
censuit Britanicus) foeminina, & casus accusatiū plurali.
Ausonius, pro aui qui patris pater est, & veluti pater
maior ac interior, usurpauit id nomen, eo versu ad Nepo-
tem.

Pappos auiasque trementes

Anteferunt patribus, feri noua cura nepotes.

Et esse eam *Pappi* notionem germanam, tradit in Onoma-
stico Iulius Pollux, & Suidas. Sic etiam *pappazo*, Infantile
verbum est, Inuocantis auum, qui nepotibus solet esse le-
nior, & indulgentior, vt notauit Ioannes Britanicus ad
locum citatum ex Iuuenali Satyra 6. qui *pappam* quoque,
idem esse quod cibum infantilem, (sicut *bua* est potus) ex
Catone obseruat; & *pappare minutum* apud Persium idem
esse tradit, quod comedere ut infantes faciunt. Eodemque

Nupe-

Nuperus Taciti interpres lib. 3. Annal. refert, quod Varro & Ausonius habent de *papis senibus*. Dictos enim censet *pa pos senes*, casca ætate viros, quibus eadem cura sit impendenda, quæ infantibus. Sic ille exponens quid sit *paparium*. Blandum ergo illud vocabulum, quo teneri infantes Patrem, aut auum nominare iam olim soliti; Usus Christianorum, sensim soli Romano Pontifici accommodauit, tanquam antonomasticè & per excellentiam Patri; prætermisso Euphonie gratia altero π , pro cuius restituzione frustra satagit Remundus Ruffus supra. Bithynos eo nomine Iouem vocare solitos, Arrianus est author. Nec dissonat, quod de Ioue, *Pappeo* apud Scythes dicto, scribit Herodotus lib. 4.

His pridem conscriptis, vir de studijs nostris benemerissimus, D. Philippus Laigneau, cum inaudisset hunc laborem colligendi & enucleandi Pontificios titulos à nobis esse susceptum, transmisit è sua litteraria penu libris non vulgaribus optimè instructa, Opus Italicum Ignatij Bracij de Ethymologia nominis *Papa*, qui de hac voce disserit plenissimè. Quamquam hic author, potius refert quam excutit varias de huius vocis notatione sententias. Illud verò consideratione dignum apud eum occurrit, quod non modò admittit nomen *Papa* olim fuisse datum alijs quam Romanis Pontificibus, sed etiam cap. 2. obseruat datum esse aliquibus nomen *Papa Romani*, etiam si non essent Episcopi Romanæ Ecclesiæ. In quam rem profert caput sane 24. q. 2. vbi de Dioscoro Episcopo (vt ait) urbis Constantinopolitanæ, quæ noua Roma dicta est, sic habetur. *Romanorum enim Ecclesia, ante annos paucos, Diocorum qui fuit Papa eiusdem Ecclesiæ, & post mortem anathematizauit.* Hæc tamen minus attentè scripta sunt. Nam eo loco aperte agitur de Dioscoro non Constantinopolitano fictio Patriarcha, sed Romano Pontifice, alioqui non fuisse eiusdem Ecclesiæ, quæ illum anathematizauit. Fuit ergo is Diocorus Romanus Pontifex schismaticus, qui à Bonifacio,

facio, iam defunctus est percussus anathemate. Itaque ex eo loco, non probatur quod assumptum erat probandum.

In magna parte reliquæ disputationis micat potius Authoris ingenium & multiplex eruditio, quam quæ possit placere soliditas. V. G. quæ cap. 8. disputat, ut probet vocem *Papæ* posse duci à voce Hebræa *Abba*, mutato b, in π, eo quod apud Callimachum Hymno de Diana, Iupiter à filia vocetur, *Appa*, nimis arguta videntur. Nec magis arrident, quæ habet cap. 9. de huius vocis deriuatione, à *pappa*, quod Pontifex sit veluti mamma Christianitatis. Meram item diuinationem sapit, quod refert cap. 10. nomen *Papæ* ductum esse, ex compendio expressa adscriptione antiqua in Pontificijs decretis *Pa Pe*, hoc est *Paulus* & *Petrus* præmisso Pauli nomine; quod vnde confirmetur, non liquet. Non enim si Imago B. Pauli collocabatur ad dextram, vt supra tactum est Prænot. 3. Sequitur nomen Pauli suisse scriptum ante nomen Petri. Tandem quod Pontifex Romanus dictus sit *Papa*, quasi *Pater patriæ*, vt volunt quos Author refert, nec improbat cap. 12. nimirūm Paulus Middleburgius Epistola ad Leonem X. & Laziū l. 3. Comment. Reipub. Rom. cap. 17. Vel quod dictus sit *Papa*, quasi *Pater patratus*, vt Author prosequitur cap. 13. Hoc inquam utrumque, eo argumento refellitur quo æquè quatuntur alij quidam ex adductis dicendi modis; nempe quod significata ijs notationibus prædictæ vocis respondentia, non potuissent cadere in alios Antistites, vel minores Sacerdotes, quos tamen nomine *Papa* olim donatos vidimus, prius quam illud nomen decreto Gregorij VII. restringeretur ad Episcopum Romanum. Itaque hæreo in vocis notatione & subiecta ei notione quam propofui.

Papa Apostolicus. Vita S. Gregor: apud Metaphrastrem & passim alibi, id est Pater Apostolicus.

Papa Apostolicus & verticalis. Hypomnesticon de Anastasio Apocrisiario, in Collectaneis Anastasii;

Pappa

Papa beatissimus sanctissimæ Romanorum Ecclesiæ, id est Apostolica sedes, quæ ab ipso incarnato Dei verbo, sed & ab omnibus sanctis synodis, secundum sacros Canones, & terminos uniuersarum, quæ in toto terrarum orbe sunt, sanctorum Dei Ecclesiarum, in omnibus & per omnia, percepit & habet imperium, authoritatem, & potestatem ligandi, atque soluendi. S. Maximus Epistola ad Petrum Illustrem.

Papa Cathedræ Apostolice. 8. Synodus. Actio. 10. cap. 11. Id est pater, sedens in Apostolica Sede.

Papa sanctissimus, summus, & Apostolicus, qui omni, que sub caelo est, præcellit Hieraticæ dignitati. Hypomnesticon de Anastasio Apocrisiario.

Papa uniuersalis, primæ ac summae sedis Apostolice, Dominus sanctissimus & reuerendissimus Pater Patrum. Hincmarus ad Nicolaum I.

Papa uniuersalis, ter beatissimus. Sexta Synodus Actio. 17.

Papa unicus, atque singularis Pastor. Anastasius Praefatione ad Nicolaum I. in vitam S. Ioannis Eleemosinarij abs se versam.

Papa summus. Sexta Synodus Actio. 18. acclamans Agathoni.

Papa urbis æterne. Theodos. & Valentin. in Nouell. de Ordinat. Episcop.

Aeternam urbem, dici Romam, norunt Grammaticorum pueri. Benè multa loca ex Symmacho, & alijs in hanc rem addensat Iuretus ad lib. 3. Symmachi Epist. 55. Et vt vides ex Nouella allegata, etiam Christianos Imperatores non puduit huius nomenclationis, quam proscindit S. Hieronymus q. 11. ad Algas. & Prosper in dimidio temp. cap. 7. Aeternitatem tamen, quam ex Imperio sine fine dato Romana Vrbs obtainere non potuit, toties eo deiecta, verè ac solidè per Pontificiam sedem illic à Christo plantatam consecuta est, quia portæ Inferi non præualebunt aduersus eam. Porro constat titulum Episcopi urbis æterne ad designandum Pontificem Summum, esse Theodosio quem addu-

adduximus antiquiorem. Nam Ammianus lib. 15. ageas de ardenti desiderio Constantij, vt Liberius Romanus damnaret Athanasium, ait id ab Imperatore expositum, vt damnatio Athanasij in Pseudo Synodis iam constituta. [Authoritate qua potiuntur æternæ vrbis Episcopi per Liberium firmaretur.]

Parens prima, Ecclesia Romana. Photius Epistola ad Nicolaum I. δικαια προμήτως. Ecclesia enim quælibet, mater est fidelium, qui ei subsunt, vt habet etiam vulgata loquendi formula. At prima inter illas matres, omnibusque superior ratione Pontificis, est Ecclesia Romana.

Pastor. Chrysostomus homil. 55. in Matth.

Antonomasticè hunc titulum, S. Petro competere, docet in hunc modum Arnobius in Psal. 138. [Ecce Apostolo pœnitenti succurritur, fitque Episcoporum Episcopus, & maior gradus redditur ploranti, quæm sublatus est denganti. Quod vt doceam, illud ostendo, quod nullus Apostolorum, nomen *Pastoris* accepit. Solus enim Dominus IESVS Christus, dicebat: *Ego sum Pastor bonus.* Et iterum, *Me* (inquit) sequuntur oves meæ. Hoc ergo nomen Sanctum, & ipsius nominis potestatem, post resurrectionem suam Petro pœnitenti concessit, & negatus negatori suo hanc quam solus habuit, tribuit potestatem, vt non solùm recuperasse, quod amiserat probaretur, verùm etiam, & multò ampliùs pœnitendo, quæm negando perdiderat, acquisisse.] Itaque S. Petrus est ouium Christi Pastor, singulari quodam & eximio modo, ita vt quamvis alij etiam sint Pastores, quibus dictum est, *Pascite qui in vobis est gregem Dei,* absolutè tamen & antonomasticè, unus sit Pastor unius ouilis, iuxta ipsius Christi oraculum, *fiet unum ouile,* & *unus Pastor,* quod de Romano Pontifice totius Gregis Christi ipsorumque subordinatorum Pastorum uno Pastore, accipiunt Michael Aninyon toto opere de unitate ouilis, & Toletus ibi & Bellarminus lib. 1. de Romano Pontifice cap. 9. post Innocentium III. ad Catholicum Arme-

Eg nio-

niorum , & S. Cyprianum Epist. 76. Infertur porrò ex hoc titulo , Pontificis esse, doctrinæ sanæ pabulum Christi ouibus exhibere , & in eorum bonum & pacem inuigilare, itemque cum res tulerit & ouium exerratio postulauerit, adhibere Virgam percutientem , vt deuiantes reuocet. Quod ex Augustino & varijs iuribus illustrat Ioannes Lupus Tract. de Confoederationibus Principum , membro 1. num. 16. & Michael Aninyon lib. de vnit. ouilis & Pastoris cap. 3. vbi de comparatione Ecclesiæ & ouilis, multa. Franciscus autem Turrianus lib. 1. de Pontificis autoritate supra Concilia , de huiusmodi pastione accipit illud Proverb. 17. ad pastorem pecoris rationalis , vt curam habeat viridium ; idest vt Religio vireat , & Dei cultus, in ijs quorum culturæ tanquam agri cuiusdam præpositus est à magno Patre familias . Congregationem verò sceni montani, vt habeantur oues; & honorem campi, vt suppetant agni, de quibus continenter præcipit Salomon , exponit idem author de doctrinæ pabulo cuius conditioni accommodato , prouidè administrando per eundem pastorem, vt grex Christi sobolescat , & fructificet Domino. Porrò nomen & munus Pastoris, quantam sollicitudinem pro commissis ouibus depositat, tradit egregiè creditus Ioannes III. in Epistola ad Episcopos Galliæ , atque Germaniæ .

Pastor generalis ouium Dei. Iuo Carnot. serm. de Cathed. S. Petri.

Pastor Ecclesiæ. Chrysostomus hom. 55. in Matth. S. Gregor. lib. 9. Epist. 39.

Pastor humani gregis. S. Isidorus lib. de obitu & vita Sancto.

Pastor Pastorum: Creditus Emissenus serm. in Vigilia S. Petri , & serm. de S. Ioanne Euang. Moses Mardenus legatus Patriarchæ Antiocheni ad Iulium III. Ioannes Beccus Patriarcha Constantinop. ad Nicolaum III.

Eruit creditus Eusebius , hunc titulum ex Ioan. 21. verbis illis . [Respondente Petro , Domine tu scis , quia amo te ait

ait Christus, *pasce agnos meos, pasce oves meas*. Prius agnos, deinde oves ei commisit, quia non solum Pastorem, sed pastorum pastorem eum constituit. Pascit igitur Petrus agnos, pascit & oves, pascit filios, pascit & matres, regit & subditos & prælatos. Omnia igitur Pastor est, quia præter agnos & oves, in Ecclesia nihil est. Nihil inquam, quod non suis Pastoribus, Christus commiserit.] *Suos Pastores*, antonomasticè appellat Petrum & Petri successores, de quibus solis egerat. Quamvis alijs quoque Episcopis per aliquam ad Petrum proportionem, aptatur mandatum pascendi, triplici pastione Petro datum, ut differit Petrus Cellensis Epist. 8. vbi etiam triplicem pastionem, secernit, doctrinæ nimirum, exemplorum, ac miraculorum. S. Eulogius lib. 3. de Poenitentia apud Photium cap. 280. prædictum Ioannis locum expendens, & magnum Christi in suas oves amorem ex triplici Petri interrogatione eruens, distinguit tres gradus pecorum rationalium Petro commissorum; agnos scilicet, ouiculas & oves, perfectos & imperfectos, ea triplici serie subditos S. Petro demonstrans. Quamquam Latina editio non nisi agnos & oves præfert. Cœterum quod S. Titus ab Andrea Cretensi in eius Encomio, denominatur *Pastor Pastorum*, accipendum est restrictè per ordinem ad solos Episcopos & Sacerdotes, quibus iure Metropolitani præerat, non autem absolute per ordinem ad omnes planè Pastores, quo pacto dicitur de Romano Pontifice.

Pastor piissimus, in cuius beatissima lingua est æternæ medicina salutis, per quam cœli aperiuntur credentibus. Alcimus Epistola ad Adrianum.

Pastor & Episcopus omnium, qui Christiano nomine censetur. Arnulphus Lexouiensis Epist. 19.

Pastor splendore plenus, pastor & Dominus gregis Christi. Missa Christianorum Angamallensium tom. 6. Bibliothec. Paris.

Pastor summus & Apostolicus, atque præcipuus omnium.

Ecc 2 Chri-

Christianorum. Anonymus Epistola ad Occidentales in
Collectan. Anastasij, & concinit Arator lib. i. histor. Apo-
stol. dicens de S. Petro.

----- *Cui tradidit Agnus,
Quas passus saluauit oves, totumque per orbem,
Hoc auget Pastore gregem, quo munere summus
Surgit.*

Pastor unus ouium, & pastorum omnium. S.Bernard. 2.de
Considerat.cap.8.

Locus Bernardi dignus est, qui adscribatur. [Tu es (in-
quit Eugenio) cui claves traditæ, cui oves creditæ sunt.
Sunt quidem & alij coeli Ianitores, & gregum pastores, sed
tu tantò glorioſius, quantò & differentiùs vtrumque præ-
coeteris nomen hæreditasti. Habent illi sibi assignatos gre-
ges, singuli singulos; tibi vniuersi crediti, vni unus. Nec
modò ouium, sed & pastorum tu vnuus omnium pastor.
Vnde id probem quæris? Ex verbo Domini. Cui enim non
dico Episcoporum, sed etiam Apostolorum sic absolute &
indiscretè, totæ commissæ sunt oves? Si me amas Petre, pa-
sce oves meas? Quas? Illius, vel illius populos ciuitatis, aut
regionis, aut certi regni? Oves meas inquit; Cui non pla-
num, non designasse aliquas, sed adsignasse omnes. Ni-
hil excipitur, vbi distinguitur nihil; Et forse præsentes cœ-
teri condiscipuli erant, cum committens vni, vnitatem
omnibus commendaret in uno grege & uno pastore, se-
cundūm illud, Vna est Columba mea, formosa mea, perfecta
mea. Vbi vnitas ibi perfectio. Reliqui numeri perfectionem
non habent, sed diuisionem, recedentes ab unitate. Inde
est quod alij, singuli singulas sortiti sunt plebes, scientes sa-
cramentum. Denique Iacobus, qui videbatur columna
Ecclesiæ, vna contentus est Hierosolyma, Petro vniuersi-
tatem cedens.]

Pater Apostolicus. Celer ad Hormisdam.

Pater beatissimus. Senator Præfet. prætor. ad Ioannem
Papam, inter Epistolas Cassiodori lib. ii. Epist. 2. quam-
stylosus

stylus docet esse Cassiodori. V. Supra latè. V. Beatitudo.

Pater Christianæ plebis. S. Augustinus Epist. 162.

Pater communis. Petrus Cluniacens. lib. 4. Epist. 24. Acta S. Lutgardis lib. 2. cum de morte Innocentij III. Michaël Palæologus. pistola ad Gregorium X.

Eodem proportione modo Romana Ciuitas per Pontificem dici potest, *mater communis*, aut *patria communis*, quo olim nomine dictam Romanam ratione Imperij politici, constat ex benè multis Symmachii locis, quæ Iuretus notauit ad lib. 5. Epist. 94. *vnam esse cunctarum gentium in toto orbe patriam*, dixit Plin. lib. 3. cap. 5. *Totius orbis ciuitatem unicam*, vocat Sidonius lib. 8. Epist. 6. Negatque Cassiodorus eam vlli posse dici alienam. Quia scilicet communis erat omnium patria; humanumque genus, communi nomine fuit, matris non Dominæ ritu, ut Claudianus cecinit lib. 3. de laud. Stilico. Ad eum ergo modum proportione, nunc Romana Vrbs per Pontificem, communis Patria, & ipse Pontifex communis pater, meritò denominatur. Laurentius Iustinianus serm. de S. Hieronymo, eum nuncupauit *communem patrem*, sed sensu longè alio. Nempè quia omnes communiter informat, vt Doctor.

Pater Ecclesiæ. Petrus Cluniac. lib. 6. Epist. 27. Carolus Magnus in Epitaphio Adriani I.

Quid ferat in Pontifice, titulus *Patris Ecclesiæ*, paucis attigit Petrus Cellensis Epist. 6. scribens ad Alexandrum III. [Ad sinum (inquit) vestræ pietatis, qui debita humilitate recurrit, non solum maternæ lenitatis blandimenta, sed & paternæ sollicitudinis soler inuenire indubia tutamina. In manu namque vestra est, post Deum, pax omnium simul Ecclesiarum & nostra.] Similia habet Epist. 2. Radix vero prima huius tituli, est generatio in Christo per Euangelium & potestatem S. Petro collatam, in quam rem pulchre disserit Reginaldus Polus lib. de Concilio ad q. 26.

Pater excellentissimus, atque Apostolicus Pontifex, & ex autho-

authoritate S. Petri Principis Apostolorum magisterio fretus,
S. Bonifacius ad Zachariam.

Pater mundi, dignus prænomine Petri. Episcopi Germaniaæ
ad Ioannem VIII.

Pater noster sanctissimus, Deo beatissimus, & fidelis, sacer-
dotum princeps & Apostolicus uniuersalis Papa. Anonymus
Epistola ad Occidentales in Collectan. Anastasij.

Pater omnium. Sarisber.lib.6.polycrat.cap.24.

Grauissimè hic titulus Romano Pontifici vendicatur in
Concilio Florentino sess. vlt. verbis illis. [Definimus San-
ctam & Apostolicam sedem, & Romanum Pontificem, in
vniuersum orbem tenere primatum; & ipsum Pontificem
Romanum, esse successorem B. Petri Principis Apostolo-
rum, & verum Christi Vicarium, totius Ecclesiæ caput, &
omnium Christianorum Patrem ac Doctorem existere, &
ipsi in B. Petro pascendi, regendi, & gubernandi vniuersal-
lem Ecclesiam, à Domino Nostro IESV Christo plenam-
potestatem traditam esse, quemadmodum etiam in gestis
Oecumenicorum Conciliorum, & in Sacris Canonibus
continetur.]

Pater orbis. Petrus Damiani Opusc.23.cap.1.

Hunc titulum suis Imperatoribus per potentissimam
adulationem dedere Romani. Sic enim Statius lib.7.Sylu.
Domitianum appellat. *Tenè ergo regnator terrarum, orbisque*
subacti, magne parens. Et ibidem. *Salve magne parens mun-
di.* Hoc quām falsò sit pronunciatum, nouit quisquis Do-
mitianum non ignorat. At in Christi Vicarium optimè ca-
dit ea appellatio attentis muneribus ei consentaneis.

Pater Patrum reuerendissimus. Iuo Carnot. Epistola 12.
S. Athanasius Epistola ad Liberium, & ad Felicem, Trias
Conciliorum Africanorum Epistola ad Damasum, Gerua-
sius Rhemensis ad Paschalem.

Id nomen vlli vnquam præterquām Romano Pontifici
esse communicatum, negat Bellarminus lib.2.de Roman.
Pontif.cap.31. Sed sicut alias plerasque Romani Pontificis
per

per se primò proprias nomenclationes , ita hanc quoque , ad alios plerunque Antistites inferioris gradus extensam . esse , diffiteri non licet . Nam Clemens , Iacobum initio Itinerarij S. Petri , & Epist. i . vocavit *Patrem Patrum* . De Gregorio Nysseno in H. Nicæno Concil. sesl. 6 . dicitur , quem omnes *Patrum patrem* vocant . S. Chrysostomus à Theodosio apud Nicephorum lib. 14 . cap. 43 . *Pater patrum* , dicitur , ijs literis quas ad eum euocandum tanquam viuentem ad ipsum scripsit . Eodemque nomine donatur S. Ioannes Alexandrinus , in libello supplice Cosmæ , ut retulit Anastasius in eiusdem S. Ioannis historia cap. 13 . Taceo de S. Eutychio Patriarcha Constantinop. cuius Acta eum appellant *magnum patrem patrum* . Quo eodem modo denominatur apud Balsamonem ad interrogata Marci Patriarchæ . De hoc filere malo , ne quis opponat , id schismatico , vel etiam hæretico sensu prolatum . Fortunatus , Magnericum Episcopum sic compellat . *Culmen honorificum , Patrum Pater , alme Sacerdos* . Sidonius lib. 6 . Epist. i . vocat S. Lupum Trecentsem Episcopum *Patrem patrum* . Et eodem recidit , quod S. Athanasius Osium Cordubensem *patrem Episcoporum* nominauit . Nam Episcopi patres sunt populorum , vt est apud Sidonium lib. 4 . Epist. 17 . & apud Cassiodorum in Psal. 109 . Itaque *pater Episcoporum* , quo nomine donatus est Osius , idem sonat , quod *Pater patrum* : ac proinde ea appellatio *Patris Patrum* , tametsi per excellentiam & antonomasticè , debetur Romano Pontifici , tamen aliquando alijs quoque Pontificibus communicata reperitur .

Pater patrum excellentissimus . Geruasius Rhemensis Epistola ad Paschalem .

Pater pauperum . S. Bernardus in prologo operis de considerat . & Epist. 257 .

Pater reverendissimus , dilectissimus Dominus , cum timore & honore venerandus , Magister Apostolici honoris privilegio preditus , Pontificatus insulæ Apostolicæ sedis sublimatus . S. Bonifacius Epist. 4 . ad Zacharium .

Pater

Pater reuerendis. Petrus Blef. Epist. 68.

Simile est, quod Philipp. Abbas Epist. 12. scribens ad Eugenium Papam, vocat *Reuerentiam*.

Pater sanctissimus. Alcuinus Epistola ad Adrianum. V. infra. V. *Sanctitas*.

Pater sanctissimus, & perbeatissimus. Lotharius ad Nicolaum I.

Pater sanctus. Moschus in Limonario cap. 150.

Hanc vulgarem Pontificis appellationem, à sanctitate munieris quod gerit, repetendam esse, perspicuum videtur. Ex quo fit, ut quantumvis improbus sit, qui succedit S. Petro in eo munere, tamen non excidat veri & legitimi Pontificis gradu, si cœtera non desint. In quam rem bene differit, Ecbertus serm. 10. aduersus Catharos *sub initium*, & multa addam in Epilegom. subnotat. penult. Cœterum est, qui eam Pontificis denominationem alio referat. Nam Ignatius Braccius lib. de Ethymologia nominis *Papa* c. 13. idem esse ait, quod vulgo dicitur, *Pater Sanctus*, ac quod olim dicebatur, *Pater Patratus*; quia *patrare*, est verbum antiquum, quod idem sonat, ac *sancire*, ut notant Feneftella lib. de Sacerdotijs Rom. cap. 10. & VVolfang. Lazijs lib. 3. comment. Reip. Rom. cap. 15. sicut ergo caput Fœcialium, quorum erat foederibus sanciendis dare operam, *Pater Patratus*, siue *Pater Sanctus*, appellabatur: ita nunc apud Christianos, qui inuigilat in foedera & pacem Christianorum, *Pater Sanctus* appellatur, quasi inter nos Pater Patratus; cui quod & anteriora, & futura spectanda sint, & Patrem superstitem, & iam natos, ac superstites liberos esse oportebat, ut Plutarchus in Problematis dixit. Certum est maximè decere Pontificem, foederibus inter Christianos sanciendis (quod Pater Patratus cum suis Fœcialibus curabat) incumbere. Idque alibi monstratum fuisse est, & facile à multis iam seculis Christianis deprehenditur. Quomodo tamen cadat in Pontificem, altera & quidem præcipua Patris Patrati & Fœcialium functio, quæ spectabat

bat bellorum Indictionem, viderint qui ista obtrudunt circa notionem Patris Sancti. Itaque laudanda est argutiola, non tamen amplectenda.

Si placeret ab Ethniciis hanc denominationem repeteret, prestaret voces Patris Sancti, accipere ita ut idem sonarent, quod Patrem Sanctum & sacrum atque nullatenus violandum, & quodammodo diuinum. Eiusmodi quippè est notio Patris Sancti, apud Ethnicos, qui proinde, cùm genitorem, aut qui pro genitore esset, tūm Imperatorem Sanctum Patrem appellabant. Sic Vopiscus in Floriano huiusmodi refert Epistolarum initia. [Antonio iusto patri, Antonius Tiberianus salutem. Nunc te Sancte Pater, interesse decuit Senatui amplissimo.] [Claudius Capilianus, Cereio Metiano patruo salutem. Obtinuimus Sancte Pater, quod semper optauimus.] Liberis ac libertis, patrum ac patronorum personas debere Sanctas esse, quia nullo pacto ferendum est ut violentur, habetur ex I. Liberto, ff. de obseq. à lib. patron. præst. Quid quod, omne ad Deum quoquomodo pertinens, Sanctum est; ut non modò Clemens Alexand. lib. 7. Strom. Sed etiam Macrobius 3. Saturn. cap. 3. ex Trebatio & alijs Ethniciis pronunciauit? Indeque oratum, quod Marcianus I. C. lib. 8. ff. de rerum diuis. Sancta, ait dicta, quæ ab iniuria hominum, defensa atque munita sunt, quia ad Deum attinent. Vnde perfugium tutum præstant omnibus, ita ut inde abripi aliquem, vel ibi iniuriam pati, nefas habeatur; quæ ferè est Sancti, notio, apud Tullium orat. pro domo sua. Denique ex eadem radice oritur, quod Theophilus I. C. I. Sanctum est, ff. de rer. diuis. Sanctum, pro honorando & veneratione digno accipit. Hæc omnia nullo negotio, ad titulum Patris Sancti Pontifici Romano delatum, accommodare licet. Sed illud maximè in eum quadrat, quod habet his verbis Pausanias in Laco-nicis, cum de ara Augusti. [Cognomen Augusti idem planè sonat, quod Græcorum linguae οἰβαρὸς, idest Sanctus, ac ipsa quasi numinis cuiusdam maiestate colendus.]

Ff Pater.

Pater peregrinorum. B. Hildegardis ad Eugenium III.
Est quidem Pontifex Romanus, eorum qui specialiter
peregrini audiunt, pater; quos & ab iniurijs intentato ana-
themate tegit, & multiplici beneficentia plerumque sub-
leuat, vt docent sacræ pleræque narrationes, nominatim
de gestis Pontificum per tempora magni Iobelæi. Non vi-
detur tamen eo respexisse B. Hildegardis, nominans Pon-
*tificem, patrem peregrinorum; sed attendisse potius vide-*tur conditionem omnium in terra fidelium, qui viatores,**
atque adeò peregrini denominantur. In quam rem lucu-
lenter differunt S. Ambrosius serm. 51. agens de agro san-
guinis in sepulturā peregrinorum, Chrysostomus hom. 24.
in Epistolam ad Hebr. Gregor. Nyssenus lib. de vita Mosis,
S. Augustinus serm. 32. de verbis Dom. & in Psal. 38. & ad
*illud Psal. 118. *Incola ego sum in terra;* S. Gregorius lib. 15.*
Moral. cap. 27. & lib. 18. cap. 17. Quia ergo Romanus Pon-
tifex omnium fidelium, hic in terra peregrinantium pater
est, iure dicitur Pater peregrinorum.

Pater orphanorum, & Iudex viduarum. S. Bernardus Epi-
stola 156.

Pater summus. Episcopi Germaniæ ad Ioan. VIII.

Pater summus, summus Pastor & Vicarius S. Petri. Ama-
tor Epistola ad Siluerium apud Liberatum.

Pater spiritualis, soli cœlo innocentiam debens. Goffridus
Vindoc. lib. 1. Epist. 20. & lib. 2. Epist. 27. & 30.

*Spiritualem Patrem, iuxta Apostolum, intelligere possu-*mus, Doctorem.* Quod enim ad Corinthios scripsit, *Si quis*
propheta est aut spiritualis, cognoscat quæ scribo, Vincentius
Lyrin. cap. 40. commonito. Sic exponit. [Spiritualis, idest
*spiritualium rerum magister.] Sanè apud Barbaros quo-*que, vt notauit Clemens Alexand. lib. 5. Strom. instruere*
ac erudire, idem est quod esse Patrem, & generare. Quod
tamen spiritualibus præfectis munus instruendi tribuit
*Apostolus verbis illis, *Vos qui spirituales estis, huiusmodi in-**
struite in spiritu lenitatis, aliò videtur pertinere, quam vo-
*cis.***

cis cortex præferat, vt diligenter expendit Turrianus lib. 1.
de Eccles. & ordinat. contra Andream Freyhub. c. 9. Qua-
drabit autem optimè ea Spiritualis Patris notio, in Roma-
num Pontificem. Apostolus ergo ad Gal. 6. admonet, vt si
quis præoccupatus fuerit in aliquo delicto, (idest si cecide-
rit ex anticipatione deliberationis, siue ex surreptione, hoc
enim est, προληφθεῖν) talem debere curari leniter ab ijs, qui ad
hoc præstandum πρὸς τὸν καταστισμὸν, charisma diuinum sunt
nasci. Quod verbum Græcum, ab Apostolo adhibitum est
Ephes. 4.. cum enumerans varios gradus sacræ hierarchiæ,
ait eos positos esse πρὸς τὸν καταστισμὸν, ad consummationem
Sanctorum; Ita enim ibi vertit vulgatus, tametsi eo loco
quem adduximus, verbum καταστήσετε, à quo deducitur
καταστοῦντος. Vertat in speciem longè aliter, idest, instruite.
Clemens Rom. 2. Constit. cap. 41. Informans Medicum spi-
rituale, & lenem curationem ab Apostolo præscriptam
ei commendans, monet, vt tanquam medicus misericors,
vtatur salutaribus ad auxiliandum medijs, non solum se-
cans & vrens, aliauè aspera remedia admouens, sed etiam
applicans medicamenta lenia, quæ obducendæ cicatrici
sint accommodata; ac si vulnus cauum fuerit & hiet, vult
adhiberi emplastrum, ad carnis accretionem & integratio-
nen opportunum, ὡς ἵστος τῷ αὐτοῖς ἀποτελεσθῇ, idest, vt vulnus
carne oppletum assimiletur parti integræ. *Apostolus* dixit, pro
integro, seu pleno ac consolidato. Vnde καταστήσετε (quo ver-
bo Apostolus vtitur eo loco quem vulgatus vertit *Instruite*
in spiritu lenitatis) idem est, quod *Integrate, complete, con-*
summate quod hiat; Nam curatio lenis, non truncans, sed
integrans vulnus, integratio quædam est & consummatio
eius, quod deerat. Hoc igitur est, viri spiritualis munus,
ad quod charisma diuinum collatum est animarum cura-
toribus, integrare & consolidare, siue consummare vulnus,
expleta carne, quæ deerat. Vtrouis autem modo propo-
sito placeat exponere spirituale paternitatem, manife-
stum est, Romanum Pontificem, præ omnibus & specia-

Ff 2 lissi-

lissimo iure , dici potuisse patrem spiritualis . Nam & est eius , per doctrinam probatam erudire , atque adeò generare Deo filios verbo veritatis ; & eiusdem est dirupta consolidare , & in spiritu lenitatis consummare , ac obducere vulnera omnium Ecclesiae membrorum .

Pater spiritualis , beatus , & adamantinus , sacerdotumque Princeps Dominus . Exilium S.Martini Papæ apud Anastas.

Pater uniuersitatis . S.Bernardus Epist. 130.

Pater uniuersalis . Petrus Cluniac.lib.6.Epist.43.

Longè alio sensu tribuitur hoc nomen Pontifici , quām tributum sit S.Dionysio , cum ab Oocco dictus est πατήρ ταῦτων , quia eius eruditio omnes ei fecit filios , iuxta modum loquendi Scripturæ de Magistris .

Paternitas beatissima summæ autoritatis . Alcuinus Epistola ad Adrianum .

Paternitas summa . Iuo Epist.271.

Patriarcha uniuersalis . Concil.Chalced.Actio. 3 . & in acclamationibus ad S.Leonem .

Quid ferat vox Patriarchæ , dictum est in Prolegomenis prænotat. 3 . ex quo loco patet , Romanum Pontificem meritissimò appellari Patriarcham ; Nec verò rectè Rupertus lib. 1 . de diu. Offic.cap.27 . velle videtur , Romanum Pontificem non esse dicendum Patriarcham , cum is sit titulus eorum , qui alijs Apostolis successerunt . Ipsum verò , quia S.Petro successit , esse denominandum Apostolicum . Hoc non rectè statuit Rupertus , cum potius liquidò monstratum sit loco prædicto , eos tantum dici posse in rigore Patriarchas , qui obtinent aliquam è sedibus quas aliquando tenuit S.Petrus . Romanum ergo Pontificem dici posse Patriarcham , ratur esto ex ibi dictis . Nunc considerandum est , quod dicitur esse Patriarcha uniuersalis . Ac primùm videri potest contrarium edici dist. 99. cap. Primiæ sedis , quod est petitum ex Concilio 6. Carthag . Ibi enim habentur hæc verba . *Uniuersalis , nec etiam Romanus Pontifex , appetetur , & statim additur decretum Pelagij , vetantis ne*

villus

villus Patriarcharum dicat se vniuersalem. [Quia si vnuis Patriarcha vniuersalis dicitur, Patriarcharum nomen cœteris derogatur.] Verū additamentum illud, *Vniuersalis*, nec etiam Romanus Pontifex appelletur; malè assutum est Canoni Africano, quo vetabatur ne Episcopi primates Africæ, (cuiusmodi olim erant Africani omnes Metropolitani teste Leone IX. Epistola ad Petrum & Ioannem Afros Episcopos, tametsi omnes essent obnoxij Episcopo Carthaginensi) vocarentur *Principes Sacerdotum*. Ut enim bene notauit Turrianus lib. 1. prioris defens. contra Sadéelem. Assumentum illud est titulus, siue summarium, aut ut paſſim loquuntur *rubrica*, subsequentis decreti Pelagij Papæ, contra Ioannem Ieiunatorem, qui primus Patriarcharum Constantinopolitanorum, superbum nomen, *vniuersalis Patriarchæ* usurpauit, cum atroci iniuria, & Romani Pontificis, cuius subiectionem eo titulo re ipsa excutiebat, & aliorum Patriarcharum quos sibi ea ratione subdebat: cum non possit dici *vniuersalis*, siue *Oecumenicus* Patriarcha, qui certos limites habet Patriarchatus, nec in omnes Patriarchas ius habet. Non me latet, circumferri Epistolam Theodosij Iunioris ad S. Chrysostomum iam defunctum, in qua S. Ioannes appellatur *Oecumenicus Patriarcha*, longè ante Ioannem illum Ieiunatorem. Sic enim habet Epistolæ titulus τὸ Οἰκουμενικὸν πατρίσιον, καὶ διδασκάλων, καὶ πνευματικῶν πατριών, τὸ Χρυσόστομον, Θεοδότον. Referunt eam Epistolam Menæa 27. Ianuarij & Nicephorus Theodosij curam in referendo S. Chrysostomi corpore describens, & Cosmas Vestiarius in calce vitæ S. Chrysostomi per Georgium Alexandrinum, ex quibus Raderus in aula Sancta c. 13. Quamvis ergo verum sit, nunc in ea Epistola legi titulum *Oecumenici Patriarchæ*, S. Chrysostomo delatum à Theodosios re ipsa tamen Theodosium non sic scripsisse, patet ex Coſma, qui hoc modo refert titulum Epistolæ: Οἰκουμενῶν διδα-
σκάλων, καὶ πνευματικῶν πατρί, Orbis totius Doctori, & spirituali pa-
tri. Qui titulus nullo modo colliditur cum suprema & so-
la

la vniuersali Romani Pontificis in Ecclesiam vniuersam authoritate . Aliqui porrò Græci , vt eum titulum suo Constantinopolitano Antistiti saluum facerent , nec Romanam Ecclesiam violarent , nouam notionem tituli illius sunt commenti ; dicentes , Antistitem Constantinopolitanum appellari *Oecumenicum Patriarcham* , non à præfectura orbis totius , sed eo quod præsit cuidam per Christianos inhabitatæ orbis parti , quæ dicitur *Oecumene* . Refert ista Anastasius in præfatione ad s. Synodus . Sed sunt adeò insulsa , quod rectè notauit Caryophyllus in Antirrhesi contra Nilium Thessalonicensem , vt vix refelli debeant , cum ea regio *Oecumene* dicta , nusquam in tabulis Geographicis compareat : clarumque sit , ea ratione titulum Patriarchæ Oecumenici , non responsurum vniuersali in Ecclesiam totam potestati , quam Græci eidem Antistitti arrogatam volunt . De hac relatissimè Remundus Ruffus ad cap. 5. Molinæ & nos supra circa titulum *Episcopi vniuersalis* ; & ex ibi dictis liquet , Romanum Pontificem ineritò dici *vniuersalem Patriarcham* , non item Constantinopolitanum ; cù quod post Photium connuentibus Romanis Pontificibus , delatum eum titulum affirmat Ioannes Azorius tom. 2. lib. 4. cap. 4. q. 3. consentiente (vt videtur) Haberto in Archieratico obseruat . 4. ad professionem fidei Episcoporum , reijciendum est . Semper enim reclamauere Pontifices Romaní aduersus eam superbiam , ita vt Adrianus I. damnet hæreseos , tribuentes Episcopo Constantinopolitano eum titulum , vt videre est in eius Epistola ad Constantinum & Irenem , quæ legitur apud Anastasium in præambulis ad Concil. 2. Nicænum .

Patriarcha sanctissimus & beatissimus vniuersi orbis terræ , continens sedem principis Apostolorum Petri . Monachis secundæ Syriae ad Hormisdam .

Continens sedem , idest tenens sedem . Coeteroqui enim non est sedentis continere sedem , sed potius in ea contineri . Nisi si eodem modo dicatur Pontifex continere sedem , quo

quo Apostoli, qui sunt sedes Dei, dicuntur à Psalte, Sedes sedentes in iudicio, ut B. Augustinus acutè attigit Psal. 121.

Perfectio Sacerdotij. Ioannes Alexandrinus ad Eugenium Papam IV.

Sacerdotium, ut optimè ratiocinatur Hesychius in Letit. sub initium, est perfectionis exemplum. Quod verò sublimissimum est, Vicarius Christi, Sacerdotij perfectio appellatur. Porro meritò Pontifex Romanus dicitur *Sacerdotij perfectio*, quia est supremus omnium Sacerdotum, & (ut ibidem continenter addit Ioannes) est Apostolicus Pastor omnium Ecclesiarum, cui omnes particulares Pastores subfunt: nec nisi in eo consummatur ministerium Sanctorum, & Christiana Hierarchia, & ei vni commissa est tota Ecclesia. At ubi unitas, ibi perfectio, ut in hanc rem philosophatur S. Bernardus lib. 3. de Consider. cap. 8. Id ipsum dixisse videtur Rodericus Zamorensis Episcopus lib. 2. Speculivitatem humanæ cap. 1. declarans eminentiam Romani Pontificatus, quia eius motu & dispositione, omnes actus hierarchici ordinantur, & ad debitum ordinem, indeque ad perfectionem suam rediguntur. Ordo quippe Hierarchicus non esset consummatus, nisi totus desineret in uno, referretque cœlestem Monarchiam, cuius dispositio & coöordinatio, in unum denique Deum definit. De illa Analogia videndum S. Bernardus lib. 3. de Consider. cap. 4. Nunc satis est, quod constet esse desinendum in uno. Nam ubiunque est multitudo & varietas graduum ordinata, necesse est pertingere ad unum, & ibi desinere. Sic igitur Sacerdotium, siue totus ordo Hierarchicus, perficitur & consummatur in Romano Pontifice, tanquam in apice & vertice ordinis sacri; ideoque rectè dici potuit *Sacerdotij perfectio*. Gregorius Senior à filio Nazianzeno orat. 41. dictus est *Sacerdotij perfectio*. Id quod ibi Nicetas factum putat, ut significaretur ipsum fuisse instructissimum omnibus dotibus, quæ ad Sacerdotium requiruntur. Subditurque ibidem alia Glossa, qua sic cognominatus exponitur, ut significaretur,

retur, ipsum perfecisse & instituisse Sacerdotes. Quod secundum per bellè potest accommodari ad rem nostram, longè aptius quam ad Tarasium Constantinopolitanum, quem ea ex causa Ignatius Monachus in Encomio, vocat *Basim Sacerdotij*. Cœterum tituli propositi quo Romanus Pontifex denominatur Sacerdotij perfectio notionem ad auxisse videtur Ioannes Sarisberiensis Epist. 123. quæ est ad Alexandrum Papam. Nam non Sacerdotij duntaxat, sed totius Ecclesiæ perfectionem, ad eum his verbis reuocat. [Ad hoc excellentiam vestram, capiti omnium Ecclesiarum dispositio diuina præfecit, vt exterminatis vitijs de domo Domini, virtus iucundum capiat incrementum: & vt imperfectum totius humanitatis, vestræ maiestatis suppleat consummata perfectio.]

Per fugium extreum in terris post Deum. Acta S. Roberti Cicestrensis.

Persona præfulgens armatura. S. Hildegardis ad Anastasiū Papam.

Similia habet eadem S. Virgo scribens ad Eugenium III. quem vocat *fulgentem lorica*: & utrobique sensus est, Pontificem tanquam præfectum Generalem exercitum Domini, omnis generis armis, & ad offendendum, & ad resistendum pro causa Dei, instructum esse oportere.

Petra.

Petra fidei. Damascenus in histor. Barlaam.

Petrus. Sergius Cyprius ad Theodorum Papam, additus in Concil. Lateran. sub S. Martino Consult. I. S. Petrus Chrysologus serm. 176.

Ita vocant Pontificem Romanum, quia S. Petro succedit cum pari potestate. Similes loquendi formulas adduximus prænotat. I. & aliquas quoque mox subiçiam. Apud Blesensem Tract. de acceleranda Hierosol. peregrinat. Est locus in hanc rem luculentus. [Principes (inquit) & magnates terræ, signum crucis nuper acceperant. Priuilegio si quidem Petri Apostoli, & authoritate Ecclesiæ generali,

pro-

proposuerat Dominus in hoc signo verbum reconciliatio-
nis, vt viæ Hierosolymitanæ assumptio, esset poenitentia-
consummata, & sufficiens satisfactio de commissis.] Ma-
nifestissimè priuilegium Petri Apostoli vocat, indulgentiam
plenariam, transmissam à Romano Pontifice ijs, qui ad ex-
peditionem in Saracenos crucem susciperent. Qui nomen
Petri, à petra Christo deriuant, haud grauatè hoc nomen
commune omnibus Pontificibus Petri successoribus, ac
Christi æquè Vicarijs, esse statuent. Tradit eam deriuatio-
nem Arator lib. 2. in Acta, ferè in fine. Sic enim canit s:

Nomen Petrus habens, æterna vocabula portat,

Fundamenta gerens nunquam passura ruinam.

Non nemo, Petrum Hebraicè ait dici cognoscentem. Ita Hie-
ronym. de nom. Hebr. ex Actis Apostol. & Hugo Victor.
lib. de Medicina animæ cap. 5. Hugo Cluniac. apud Cellen-
sem Epist. 31. & quamquam hæc vocis notio non videtur
vera, tamen iuxta eam quoque, Romanus Pontifex est Pe-
trus, vt monstrant quæ Arator lib. 1. in Acta tradit de hoc
nomine dicens de Petro;

De merito qui nomen habet, nam Petrus Hebreo,

Agnoscens sermone sonat: pro munere Christus

Sie vocitare dedit, quo cognoscente patescat.

Vides quām hęc notatio sit honorifica, & iure omnibus de-
bita Romanis Pontificibus.

Petrus, Petri sedem exornans. Theodorus Studita Episto-
la ad Paschalem Papam lib. 2. Epist. 12.

Petrus potestate. S. Bernard. 2. de Consider. cap. 8.

Petrus temporis nostri. Patriarcha Nestorianorum Orien-
talium, in professione fidei quam Romę emisit anno 1553.
interprete è Syriaco, Andrea Masio.

Iuuat adscribere integrum locum, tanquam Pontifici
perhonoris. [Patri Patrum & Pastori maximo, con-
cinnanti mitras, vngentique Sacerdotes, & cingenti Zo-
nis, Petro temporis nostri, ac Paulo dierum nostrorum,
& cingulo comprehendenti coctum Christianorum, qui

es loco Petri Domini nostri . Tu sedes in sede alta & sublimi Principis Apostolorum , tenentis claves regni coelestis, cui ore suo salutari Dominus noster dixit: *Quicquid ligaueris in terra, erit ligatum & in cœlo : & quicquid solueris in terra, erit solutum & in cœlo,* & super eum fundauit Ecclesiam suam, aduersus quam portæ inferi non præualebunt in generationem & generationem . Nunc porrò tibi eam dedit Christus Deus noster , & seruator noster , vt sedeas super eam .]

Petra Ecclesiæ . S.Ambrosius in hymno, adductus & approbatuſ à S.Augustino 2.Retract. cap.21.

Est quidem Christus petra Ecclesiæ , sed primaria . Ut, autem notauit S. Basilus homil. de poenit. Christus Aximata sua largiri voluit alijs , vt sicut ipse est ex se petra, ita Simon propter Christum petra esset . Quod imitatus de more S.Ambrosius lib.6.in Lucam ad cap.9. & alibi. [Ecce (inquit) confortium meretur nominis, qui confortium meretur & operis & pro soliditate deuotionis, Ecclesiarum petra dicitur .] Ideſt pro ea pietate & deuotione qua confessus est Christum filium Dei viui, meruit constitui à Deo petra Ecclesiæ , participans nomen illud Christi ; In quam rem pereleganter quoque . S. Leo serm. 3. de sua Assumpt. Hoc est illud fidei fundamentum nationibus à S. Petro possum, de quo D. Augustinus serm. 16. de Sanctis. [Petra (inquit de Petro) eo quod primus nationibus fidei fundamenta posuerit, & tanquam saxum immobile, totius corporis Christiani compagem molemque contineat .] Aliqui Codices, & apud Augustinum , & apud Ambrosium, cui etiam sermo ille adscribitur , legunt , *primus in nationibus :* quo pacto sensus erit , idcirco S. Apostolum , accepisse nomen *Petra* , quia iecit prima fidei fundamenta , non modò apud Iudeos, quibus primus post acceptum Spiritum sanctum prædicasse legitur ; sed etiam apud Gentiles, etiam ante S. Paulum , & ante Philippum Diaconum , vt ostendit Bellarminus lib. 3. de Rom. Pontif. cap.22. Iuxta quam

quam rationem huius denominationis, attributum Petræ,
esset personale, nec transiret ad successores.

Alia tamen est ratio cur Simon sit denominatus *Petrus*,
quod nomen Interpres Latinus seruēs usui Latino & per-
spicuitati, secundo loco vertit Petrum, cum iuxta Syria-
cum idioma quo Christus locutus est, utrobique *petram*
potuisset dicere; *Tu es Petra, & super hanc Petram*. Syriacè
ad verbum erat, *Tu es Cepha, & super hoc Cepha*: quod benè
ex Elia Germano in Thisbite notauit Pontus Thyardus
sub finem libri de recta nominum impositione. Ratio in-
quam genuina tributi Simoni nominis *Cephas*, seu *Petræ*,
aut quod Græcè idem est, *Pētra Petri*, est illa alia, quæ ex
S. Augustino, vel S. Ambrosio tacta fuit posteriore loco;
Nempè quia super hunc B. Apostolum, per illustri diuinita-
tis Christi confessione id promeritum, placuit Christo, Ec-
clesiam Christianam ædificare, eique velut saxo & rupi
immobili, structuram fidei nostræ imponere; quatenus
omnes fideles, habent pro pertinente ad fidem, probant-
que & tenent ut Catholicum, quod Petrus & Petri succe-
sores proposuerint. Et Christus quidem est Petra primaria
super quam Ecclesia est ædificata, ut propterea S. Leo IX.
Epist. I. quæ est ad Michaëlem & Leonem, dicat; [San-
cta Ecclesia super petram, id est Christum, & super petram,
vel Cepham filium Ioannis, qui priùs Simon dicebatur,
ædificata est.] Tamen S. Petrus est secundaria petra per
quam reliqua structura consurgit.

Quæ Erasmus Marth. 26. ad eam denominationem, *Pe-
træ super quam ædificatur Ecclesia*, S. Petro & eius successo-
ribus eripiendam, velut admirabundus, quod id alicui in
mentem venerit, effutivit; tam supina sunt, ut confutatio-
ne vix egeant, tametsi eam abundè suppeditabunt, qui hoc
verè admiratione dignum Erasmi paradoxum disiiciunt;
Iansenius cap. 66. Concor. ad illud, *Et ego dico tibi*. Bellarm.
lib. I. de Pontif. cap. 10. Franciscus Agricola lib. de Primatu
Petri & successorum eius cap. I. Franciscus Lucas ad eum

Matthæi locum, Marianus Victorius ad Epist. 54. S. Hieronymi, & Pamelius ad S. Cypriani Epist. 55. num. 35. Nobis eas dogmatis Catholicæ officias, plenè dispellit, planus contextus literæ Matthæi, & communis concorsque interpretatio Patrum, quorum octo supra viginti, pro hoc genuino sensu profert, Hieronymus Torrensis in confess. Augustin. lib. 1. cap. 9. §. 2. Iuxta hanc secundam expositionem, & rationem nominis. *Petra*, liquet omnes quoque B. Petri successores, Petras esse, & in omnibus perstare saxam illam immobilitatem, à qua primus eorum accepit *Petra*, seu *Petri* appellationem. Placet ad huius tam insignis, tamque necessariæ veritatis illustrationem, locum perelegantem adscribere ex S. Leone serm. 2. de sua Assumpt. [Etsi (inquit de Christo) multis pastoribus (vtique sibi ordine temporū succendentibus) curam suarum ouium delegauit, ipse tamen dilecti gregis custodia non reliquit. De cuius principali æternoque præsidio, & Apostolici operis munimen accepimus, quod vtique ab opere suo non vacat; & firmitas fundamenti, cui totius Ecclesiæ superstruitur altitudo, nulla incumbentis sibi templi mole lacefset. Soliditas enim illius fidei, quæ in Apostolorum Principe est laudata, perpetua est, & sicut permanet, quod in Christo Petrus credidit, ita permanet, quod in Petro Christus instituit.] Et mox. [Manet ergo dispositio veritatis, & B. Petrus in accepta fortitudine petræ perseverans, suscepta Ecclesiæ gubernacula non reliquit. Sic enim præcoeteris est ordinatus, vt dum *petra*, dicitur, dum *fundamentum*, pronunciatur, dum *regni cœlorum ianitor*, constituitur, dum *ligandorum soluendorumque arbiter*, mensura etiam, in cœlis iudiciorum suorum definitione præficitur, qualis ipsi cum Christo esset societas; per ipsa appellacionum eius mysteria nosceremus. Qui nunc pleniū & portentiū ea quæ sibi commissa sunt peragit, & omnes partes officiorum atque curarum, in ipso & cum ipso per quem est glorificatus, exequitur. Si quid itaque à nobis recte agitur,

tur.

tur, recteque discernitur, si quid à misericordia Dei quotidianis supplicationibus obtinetur, illius est operum, atque meritorum; cuius in sede sua viuit potestas, & excellit authoritas; Hoc enim obtinuit, dilectissimi, illa confessio, quæ à Deo Patre, Apostolico inspirata cordi, omnia humana- rum opinionum, incerta transcendent; & firmitatem petræ, quæ nullis impulsionibus quateretur, accepit.] Impia fa- tuitas Iudæorum ab Agobardo memorata lib. de Iudaicis superstitionibus, qua Petrum à Christo magistro suo *Kephām* denominatum dixerunt, à duritia & hebetudine, in- digna est, quæ refellatur, vel etiam referatur.

Petra Ecclesiarum. S. Augustin. serm. 26. de Sanctis. Olim apud Ambros. serm. 47. reuera S. Maximus Taurinensis.

Notio huius tituli, eadem est quæ superioris; Observa- tione tamen videtur dignum, qua ratione de eo philoso- phatus sit Author, postquam de S. Petri profectu ex casu nonnulla præmisit. [Tanquam bonus Pastor (inquit) tuen- dum gregem accepit, ut qui sibi ante infirmus fuerat, fie- ret omnibus firmamentum: & qui ipse interrogationisten- tatione nutauerat, coeteros fidei stabilitate fundaret. De- nique pro soliditate deuotionis, Ecclesiarum petra dicitur, sicut ait Dominus, *Tu es Petrus, & super hanc petram ædi- ficabo Ecclesiam meam.* Petra enim dicitur, eo quod primus in nationibus, fidei fundamenta posuerit, & tanquam sa- rum immobile, totius operis Christiani compagem mo- lemque contineat. Petra ergo pro deuotione Petrus dici- tur, & Petra pro virtute Dominus nuncupatur, sicut ait Apostolus; *Bibebant autem de spirituali consequente eos petra;* *Petra autem erat Christus.* Rectè consortium meretur no- minis, qui consortium meretur & operis. In eadem enim domo, Petrus fundamentum posuit, Petrus plantat, Do- minus incrementum dat, Dominus irriguum submini- strat.] Hæc ratiocinatio aptè intelligenda est. Nam S. Pe- trum, primum in nationibus posuisse fundamenta fidei, si accipiatur (ut verba sonare videntur) de prima ad gen- tes.

tes fidei prædicatione per S. Petrum, verè dicitur; sed minus accommodatè ad mentem Christi, hoc nomen tribuentis Principi Apostolorum. Omnidò enim Christus resperxit tantùm ad ædificationem Ecclesiae super hunc Apostolum & eius successores, quibus inædificanda erat fides cunctorum post Christum fideliū ad Ecclesiam aggregandorum. Horum quippè lapidum viuorum, fundamentum est S. Petrus, prout Pontifex, factus omnium firmamentum. Et eodem modo accipiendum est, quod Author dixit, S. Petrum dictum esse Petram pro soliditate deuotionis. Non enim hæc verba referenda sunt ad S. Petri deuotionem, ut cortex vocum ferre videtur, sed sunt referenda ad soliditatem deuotionis Ecclesiarum, subnixam veræ fidei, cuius firmamentum constitutus est S. Petrus, quatenus Pontifex.

Non difficile tamen ad hanc mentem flecti posse videatur S. Basilius in cap. 2. Esaiæ cum ait Petrum esse appellatum nomine. *Petræ* propter firmitatem maximam fidei, & propter infraustum robur animi ad non cedendum plagis temptationum, ac periculorum. Quamuis enim hæc si accipientur de personali firmitate fidei & infrausto robore in temptationibus, non consentiant cum scopo Christi donantis Simonem nomine Petræ: tamen facile accipi possunt de firmitate fidei publicè traditæ & infrausta constantia in ea ritè & incorruptè tradenda: ita ut portæ inferi ob huius rupis firmitatem & inconcussum robur non præualeant aduersus Ecclesiam. Qua ratione intellectus S. Basilius, optimè consentit cum ijs, quæ protulimus, & bellè attigit mentem Christi. Et ita S. Basilius intellexisse videtur Franciscus Turrianus lib. 1. de potestate Pontificis supra Concilia, ante medium.

Petra fidei verbi, & Ecclesiae firmatæ fundamentum, ac spiritualis ædificationis primus aditus. Theophanes Ceramæus homil. de SS. Petro & Paulo.

Petra firmissima. Chrysostomus homil. de Petro & Elia. Optimam huius tituli Illustrationem, expositione, vniuersæ

uerse humanæ potentiae ad hanc petram illisæ, supped' ta-
bit Thomas Bosius lib. de dependentia imperiorum à veris
virtutibus cap. 13.

Petra quam non vincunt superbæ Inferorum porta. S. Au-
gustinus Psalmus contra partem Donati.

Petra super quam fundata Ecclesia regnat,
Quam nec flabra mouent, neque vertit turbo procellæ,
Nec trahit undiuagam pluviæbus imber arenam.

Venant. Fortun. lib. 3. de Vita S. Martini.

Petra viua tenens fundamenta salutis. Ibidem.

Ita quidem credentibus super hanc Petram stabilitis.
E contrario autem discolis contingit. Nam vt de Romano
Pontifice dixit Melchisedec Armenorum Confidicus, siue
Patriarcha. Ista est petra de qua scriptum est, *Qui cecide-
rit super lapidem istum confringetur. Super quem vero cecide-
rit, conteret eum.* Gelaf.

Petra è qua fons salutiferæ confessionis emergit. S. Maximus
homil. 1. in Nat. SS. Petri & Pauli.

Alludit ad Petram his silice percussam, vt aquas daret,
quæ Iudice Apostolo, non alia erat quam Christus ipse.
Tamen voluit Christus, quæ sibi præcipua erant, fieri Pe-
tro, & ei sufficiendis participatione communia, vt ex S. Ba-
silio, Ambrosio, ac Leone supra diximus, tractantes titu-
lum Petrae spectantis immobilitatem fundamenti Ecclesiæ.
Nunc quando Christus est quoque illa petra spiritualis, con-
sequens populum in deserto, audiamus quomodo idetiam
nomen, S. Maximus. B. Petro aptet. [Hic est Petrus (in-
quit) cui Christum esse confidentissimum subiecta eius ve-
stigijs maria probauerunt. Nam à Domino suo, nouos sibi
dari in fluctibus gressus, vt fidelis poposcit, & vt dilectus
emeruit; Qui ob hoc solum, trepidasse visus est, vt fragili-
tas humana cognosceret, quanta esset inter Dominum
seruumque distantia, dum aggrauata peccatis caro mer-
gitur, & immaculati nescit planta decidere. Similiter & il-
lud, ne dum super aquas ambulans Petrus, pede intrepido-

per-

peruenisset ad Christum, Domini fortè sui virtutibus equa-
retur. Sed quid illum tantoperè dicimus trepidasse, cum
parua trepidatio sua, maiorem profecerit ad fidem? Ut
enim credit Petrus imperio Domini sui posse se à flucti-
bus sustentari, ita nihilominus dum mergitur, credit,
ipsius Domini sui se virtute saluandum. Verè B. Petri &
dum trepidat mirabilis fides, quam nec perurgentis peri-
culi potuit turbare formido; Clamando enim dum mer-
gitur, *Domine libera me*, de se diffisus est, non de Domino
dubitauit. Ne quis ergo timorem hunc gloriosissimi Petri
ducat in vitium, quoniam timor iste quamvis eius pri-
mam turbauerit fidem, confidentiam tamen in eo repa-
ratæ credulitatis ornauit. Hic est Petrus, cui Christus Do-
minus communionem sui nominis libenter indulxit. Ut
enim sicut Apostolus Paulus edocuit, *Petra erat Christus*,
ita per Christum, Petrus factus est petra, dicente ei Domi-
no: *Tu es Petrus, & super hanc petram ædificabo Ecclesiam
meam*. Nam sicut in deserto Dominicō, sitiensi populo
aqua fluxit è petra, ita vniuerso mundo perfidiæ aridita-
te lassato, de ore Petri fons salutiferæ confessionis emersit.
Hic est Petrus, cui Christus ascensurus ad Patrem, pascen-
das ouiculas suas agnosque commendat, ut quos ille pieta-
tis miseratione redemerat, hic fidei suæ virtute seruaret.]

At seruatur rex Christi, non modo porrecto pabulo do-
ctrinæ probatæ, sed etiam suppeditato potu quo depella-
tur sitis Verbi Dei. Qui potus emergit de fonte salutiferæ
confessionis B. Petri: non illius duntaxat personalis con-
fessionis, qua confessus est IESVM esse Christum filium
Dei viui, qua confessione nobis (ut ibidem præmiserat
S. Maximus) validissima inuictaque credendi fundamen-
ta constituit; sed illius confessionis quam ad eius imitatio-
nem, omnes de hoc sacro fonte potati, corde ad iustitiam,
ore ad salutem effundunt.

Petra refugij. Concil. Chalcedon.

Legitur hic Canon apud S. Thomam Opusc. i sub finem
ver-

verbis illis. [Dicit Canon Concilij Chalcedonensis. Si quis Episcopus prædicatur Infamis, liberam habeat sententiam appellandi ad Beatissimum Episcopum antiquæ Romæ, quia habemus Petrum petram refugij; & ipsi soli, libera potestate loco Dei, sit ius discernendi Episcopi criminati infamiam secundum claves à Domino sibi datas, &c. Et omnia ab eo definita, teneantur, tanquam à Vicario Apostolici throni.]

Platea in qua fons fluit unde potantur aquis doctrinæ, greges Domini. Gabriel Archiepiscopū Nesno in calce Synodi Chaldæorum.

Pontifex à Deo electus. Alcuinus Epistola 72. quæ est ad Leonem Papam.

Hoc propriè & ad rigorem loquendo, in solum Romanum Pontificem cadit. Alij quippè Pontifices, ab hominibus, siue per hominem eliguntur. Romanus autem Pontifex, non item, sed à Deo solo. Neque dicas eligi à Cardinalibus. Nam neque hoc verum est, loquendo de electione pressè & propriè dicta, ut monstrabo in Epilegomenis subnotat. 2. veritat. 4. Verè enim Cardinales duntaxat nominant, (ut loquuntur) & præsentant Deo, personam cui ipse Deus autoritatem in vniuersam Ecclesiam elargitur, non Cardinales, qui eam vniuersalem potestatem non habent, atque adeò neque dare, cuiquam possunt. Non me latent, quæ fusè disputat Franciscus Turrianus Opusc. de residentia Pastorum, ut contra Catharinum ostendat, alios quoque Prælatos immediate à Deo accipere gratiam & munus Episcopale, non autem tantùm à summo Pontifice, ut Catharinus affirmabat; inde inferens Episcopos solo lure humano Pontificio ad residentiam obstringi, cum à solo Pontifice accipient iurisdictionem, de qua vanissima illatione, alibi est dicendum. Nunc affirmo duntaxat, Turrianum verè contendere, munus aliorum quoque Episcoporum quatenus sacro charactere constituitur, à solo Deo conferri, æquè ac gratiam collationi illius muneris coniunctam.

H h etam.

Etiam . Iurisdictionem tamen aliorum Præsulum , probatissima sententia ad solum Sumimum Pontificem immediate refert ; quamvis non idcirco teneantur residere solo iure Pontificio , sed etiam iure diuino scripto , ac etiam naturali , consequente iurisdictionis & muneris susceptionem , & electionem humanam . At alia planè est Summi Pontificis Electio , qui non tantùm gratiam & Characterem Episcopalem à Deo immediate accipit , (vt ceteri Episcopi) sed etiam iurisdictionem ; Hanc autem alij habent limitatam & deriuatam immediate à solo Papa ; Vnde propterea solus à Deo electus dicitur .

Pontifex Maximus. Tertull. de pudic. cap. 1.

Hoc vnum est è vocabulis , quæ Christiana religio sanctificauit , vsurpans ea ex vsu Ethnicorum . Erat enim apud Ethnicos Pontifex Maximus , cuius etiam supra Consules insignis omnino erat authoritas , vt videre est apud Tullium 2. de leg. & iusto opere apud Gutherium de Iure Pontificio Romanorum . Ipsos Imperatores etiam iam Christianos , vsque ad Gratianum , Pontifices Maximos . Ethnicissimi esse voluisse , ne quis abutens summa illa potestate , no uaret quipiam in imperio , dixi in Mantissa ad Indiculum SS. Lugdunensem , cum de Gratiano . In exercitio illius authoritatis , situm erat *Sacrum Pontificium* . sic vocabant ius & potestatem agendi statuendue sacra . Nam *Pontificium* , vniuersè loquendo idem est , quod potestas faciendi , vt multis exemplis monstrant Iuretus ad lib. 7. Symmachi Epist. 27. Alciatus lib. 2. Parerg. cap. 62. Baron. ad Martyrolog. Rom. 9. Aprilis. Ludouicus à Cerdá Advers. sacro. cap. 127. nu. 12. Lælius Bisciola tom. 1. subsec. lib. 8. cap. 10. & Corras lib. 1. Miscell. cap. 10. nu. 13. latè ibidem & lib. 3. cap. 22. nu. 8. differens de inde perita notatione vocis *Pontifex* , quam Varro lib. 4. de ling. lat. & Dyonis. Halicarnas. lib. 2. antiqu. Rom. & posteriores multi , deriuant à facto , vel refecto ponte subilio supra Tiberim ad sacrorum commodum . Alij melius cum Scæuola , quem Varro allegat , peti volunt

volunt ab eo, quod est posse facere, cum prius esset nomen Pontificis, quam esset pons sublicius. Nam tempore Anci Martij factum volunt pontem sublicium, cum iam sub Numa, creatus esset, cum quatuor Pontificibus minoribus, Pontifex Maximus. Videndum citatum Varronis locum, excutiens Turnebus, & Onuphrius in 5.lib. Fastor. Ab eo ergo, quod est posse facere, derivatum est nomen *Pontificis*; quod & Pontificis cuiusvis sit facere, id est sacrificare, iuxta usum illius vocis, non modò apud Ethnicos, ut latissimè prosequitur Ignatius Braccius lib. de Ethymologia nominis, *Pontifex* cap. 8. 10. 11. & 12. Sed etiam in sacris literis, ut 3. Reg. 18. ubi Elias, ait, *Ego faciam bouem alterum*; & Christus hoc facite, id est sacrificeate, ut tradunt Gauantus in Rubricas Miss. 2. par. tit. 16. & Gaspar Scioppius lib. de cult. adorat. cap. 6. Dicūs item est Pontifex, ab autoritate & potestate in spiritualibus, siue eo quod Pontificis sit *Pontificium*, (ut dicebam) & quidem Maximum, Pontificis Maximi, cuius erat ius & facultas in spectantibus ad religionem amplissima. Itaque cum in ijs, quæ ad Deum sunt, Episcopus Romanus inter Christianos plenissima potiatur autoritate, quippe qui ipsius Dei vice, regat Ecclesiam, meritò dicitur *Pontifex Maximus*. Tametsi olim eo nomine insignitos fuisse quosquis Episcopos, liquet ex Claudio Mamerco, quilib. 2. cap. 10. Eucherium vocat, *Pontificum longè Maximum*, qui tamen non nisi Lugdunensis erat Episcopus. Usus tamen postea tulit, ut nomen illud ad solum Romanum Antistitem restringeretur: sicut apud Ethnicos, solus supremus Pontificum Romanorum, quos enumerat Alex. Neapolit. 2. Genial. cap. 8. vocabatur *Pontifex Maximus*. Sic igitur censeo de notione subiecta titulo Pontificis Maximi, qui tribuitur Episcopo Romano Christi Vicario. Tametsi non me latet, quam procul inde abierint alii, quos missos hactenus feci; obiter tamen in hac meta attingere non erit inutile.

Imprimis ergo dimisi somnium Goropij Beccani lib. 9.

Hh 2 Her-

Hermathēnæ qui deriso & Varrone & Scæuola quos retulimus, nomen *Pontifex*, ad suos Cimbros refert, idemque significare vult, ac foederum purgatorem, quod erat munus Regis sacrorum inter Romanos; à summo autem Religionis Christianæ Antistite idem præstari ait, quatenus foedus iustum inter Deum & homines, emundat ab omnibus maculis, quibus culpa nostra conspurcatur. Hoc tamen quid sit, ægrè intelligitur; & difficilius persuadetur, nomen Pontificis ad tam longè petitam originem esse reuocandum.

Æquè dimitendum censui ingeniosum commentum Ignatij Braccij lib.de Ethymol.nominis *Pontifex* cap.2. qui Pontificem dictum putat, eo quod sit *Spondifex*, siue *Pacifex*, vel *Fæderifex*. Nam ἀπορεῖται Græcis foedera sunt, siue pacta: & ἀποδέοσι apud Plutarchum in Problematis, *sæderigeri*, siue *pacificatores*. Vocis autem Latinæ permissoне cum Græca, *spondifices*; quam mixturam & quasi communicationem Idiomatum, non esse improbandam, longa excursione demonstrat idem Braccius ex Quintiliano lib. 1. cap. 5. & alijs addensatque etiam multa huiusmodi nomina Ludouicus à Cerda Aduers. sacror. cap. 144. Hæc rāmen omnia, quoad vocem *Pontificis*, nimis longè petita videntur: & accommodata ad nostros Pontifices, ægrè subsistunt. Talis quippè notatio & notio vocis, functiones Pontificias plus iustò arctaret. Quasi enim totum munus nostrorum Pontificum sit, foedera inter bellantes constituere, inde dicti per ambages tam multis statuerentur. Vix alio-loco habeo, quæ præterea adducuntur de notione eiusdem vocis *Pontifex*, à cura pontium, vel *quasi pontium*, (vt est apud Paulum Manutium lib.de leg.Rom.) qui subinde erigebantur ad Comitia; vnde appellatio *Depontorum*, hoc est eorum, qui iure suffragij excludebantur, vel liberi erant ad huiusmodi Pontes subeundos causa ferendi suffragij, iuxta Lipsium Cent. 5. Epist. 28. Alij pontem à quo dictus sit *Pontifex*, accipiunt, de simili ponte (verius menfa)

sa) in æde sacra constituto, ad accipienda sacramenta, id est depositas à litigaturis pecunias, quas lite adjudicata resumerent victores; eius pecunia, qui causa cecidisset fisco attributa. Zozimus lib. 4. histor. alium quæsiuit pontem cui nomen *Pontificis* superstrueret, nempe pontem Penei fluminis in Thessalia, vbi primum Deorum simulachra proponi contigit, sed præfectura Sacerdotum, qui inde *Gephyrai*, id est *Pontani* sunt nuncupati, vnde postea Romani primiorum suorum Sacerdotum nomen hauserint. At alij cum pontem in hanc rem præelegerunt, subtus quem inscrobe profunda consecrabatur, (verius conspurcabatur) summus inter Ethnicos Sacerdos, eo ritu quem describit Prudentius Hymno 10. Peristeph. & esse mimicè à Sathanæ expressum ex ritibus cap. 19. Exodi præscriptis, obseruavit Fortunatus Scacchus Mirothecio 2. cap. 87. Nullus horum pontium satis firmus, atque fundatus videtur, vt ei tutò ac securè superstruatur notio & notatio *Pontificis*.

Quarè hæreamus in constituta priùs sententia, ex qua habetur, Romano Pontifici, quandoquidem est summus Pontifex, competere in Ecclesia Dei summum Pontificium, hoc est supremam de omnibus statuendi potestatem loco Christi, iuxta notionem *Pontificij* supra propositam. Ea tamen summa & vniuersalissima potestas, vt benè prosequitur Petrus Ioannes Oliui quodlib. 1. q. 18. non est sumenda in tanta amplitudine, quin restringenda sit quoad aliqua. Nihil enim Pontifici est concessum quoad honestationem, essentialiter ac per se malorum, & de honestationem eorum, quæ bona sunt per se & essentialiter. Non item potest Pontifex dogmata fidei conuellere, vel diuina mandata labefactare. Nullus eidem directus ordo iudicarius in eos qui foris sunt; Iudæos inquam vel Ethnicos competit. Omnes verò baptizatos regere quoad spiritualia, ac si delinquant in viam reducere, & à quibusuis animæ nexibus expedire, penes Pontificem est. Id enim ligandi, atque solvendi Pontificio, quod diuinitus obtinet, continetur. Vt

recte

recte statuit Author prædictus , meritò in consequentibus refellens nonnullos , quos refert dixisse, ad Pontificium Vicarij Christi pertinere Dominium proprietatis in omnia . Ita ut quicquid dederit, acceperit, vel alienauerit, recte datum , acceptum , ac alienatum , sit censendum . Quod tribus rationibus ab eis confirmatum testatur , quas tamen postea ad quinarium diffundit , & subtexta hepta de contriarum rationum refellit . Ea verò opera nobis necessaria non est , cum tanta Pontificij diffusio , sit planè voluntaria; nec ab ipsissimè Pontificibus agnoscatur .

Pontifex Christianorum . Eusebius in Chronico anno 44.

Pontifex præter cuius sententiam non oportet concilia celebrari, iuxta Ecclesiasticam regulam . Vita S. Athanasij cum de Julio .

Contestati hoc sèpè sunt Romani Pontifices Julius I. Epist. 1. Gelasius II. Epist. 1. Nicolaus I. Epist. 1. ad Michælem Imperat. Damasus Epist. 3. Quin etiam Pelagius Papa cap. *Multis* dist. 17. asserit multis Apostolicis , Canonis que & Ecclesiasticis regulis tradi , Concilia absque nutu Romani Pontificis celebrari legitimè non posse. Marcellus Papa Epistola ad Episcopos Antiochenæ Prouinciae , testatur Apostolos condidisse ea de re Canonem, de quo videns Turrianus lib. 1. contra Magdeburg. cap. 22. Vsum Ecclesiæ perpetuum id confirmare , ostendunt Sanderus l. 2. de visib. Monarc. cap. 2. & 3. & lib. 4. de Clave David cap. 1. Bellarmin. lib. 1. de Conc. cap. 13. & Duuallius Tract. de Pontif. par. 4. q. 2. Quamuis ad hunc modum possit accipi , quod de Ecclesiastica regula traditur in titulo proposito, ita ut *Regula*, idem ibi sit, quod usus perantiquus ritè prescriptus, tamen videtur potius, eo nomine signari Canon Nicænus, ea de re editus , qui tametsi interciderit , memoratur tamen à plerisque veterum: vt à Julio Papa Epist. 1. & 2. Damaso dicta Epist. 3. S. Leone Epist. 24. Gelasio Tomo de Vinculo Anathem. & Epistola ad Episcopos Dardanij, & disertissimè à S. Athanasio in Synodica ad Felicem Secundum

dum verbis illis. [Scimus ab omnibus in Nicæna Synodo concorditer constitutum, non esse Concilia celebranda, nec Episcopos damnandos, absque Romani Pontificis sententia.]

Pontifex Apostolicae sedis. Iuliana Anicia ad Hormisdam.

Pontifex Summus. Stephanus Carthaginensis cum Collegis Epistola ad Damasum, Hildebertus Epist. 68. & 69.

A plerisque olim, Episcopum quemcunque dictum esse *Summum Pontificem*, exempla docent. Sic enim Zozimus Papa scribens ad Hesychium Salonitanum, quem aliqui perperam vocant Hierosolymitanum, autorem Commentarij in Leuit. ait de Clerico gradatim promoto, iure cum inde sperare debere locum Summi Pontificis, id est Episcopatum. In Encyclica octauæ Synodi, S. Ignatius Constantinopolitanus appellatur *Summus Pontifex*. Concilium sextum Toletanum in præfatione. [Conuenientibus nobis, Hispaniarum, Galliæque Pontificibus Summis, &c.] In Concilio item Agathensi cap. 35. Inuitari per Metropolitanum ad ordinationem Summi Pontificis, est inuitari ad consecrationem Episcopi. Sidonij Epitaphium de eo Aruer. Episcopo factio, ait, *Summi Pontificis sedens Cathedram*. Ad quæ verba Sauaro, signat alia loca. Rauennium factum Arelatensem Episcopum, prouectum ad *Summum Pontificium* dicunt Episcopi comprouinciales in precibus ad Sanctum Leonem. Petrus Cluniac. lib. 6. Epist. 32. Hugonem Rhotomagensem, vocat *Summum Pontificem*. Plato Episcopus Pictaviensis à Fortinato lib. 10. cap. 20. appellatur *Summus Antistes*; ut etiam Ragnemodus Parisiensis ab eodem lib. 9. cap. 13. vocatur *Summus Pontifex*. Sic igitur olim nomen *Summi Pontificis* commune erat omnibus Episcopis.

Nunc voces illæ *Summus Pontifex*, æquè ac illæ, *Pontifex Maximus*, restringuntur ad Romanum Episcopum. Cum autem etiam in inferioribus Episcopis denominationem *Summi Pontificis*, (alio licet sensu) tributam videamus; mirum est.

est cur Ioannes Patriarcha Antiochenus Opusc. de Papæ
& Concilij comparatione in Concilio Basiliensi eum titu-
lum voluerit Pontifici Romano abrogatum, quem passim
ei tribuunt omnes Catholici, eo tamen sensu quem opti-
mè his verbis expressit S.Bernardus lib.2. de consid. cap.7.
agens cum Eugenio. [Noueris te, vt inter angustias qua-
non desunt, fruaris conscientiæ bono. Magis autem, vt
scias quid desit tibi. Nam cui non desit? Omnia illi desunt,
qui nihil sibi deesse putat. Quid si Summus Pontifex sis?
Nunquid quia Summus Pontifex, ideo summus? Infimum
noris esse, si summum putas. Quis summus? Cui addi non
possit. Grauiter erras, si te illum existimes. Absit. Non tu
de illis es, qui dignitates, virtutes putant. Tibi ante ex-
perta virtus, quam dignitas fuit. Augustis relinquit illam
sententiam, alijsque qui diuinis coli honoribus non timue-
runt; V.G. Nabuchodonozori, Alexandro, Antiocho, He-
rodi. Tu verò considera, non consummatione te summum
dici, sed comparatione. Nec me putas comparationem
dicere meritorum, sed ministeriorum. Sic te existimet ho-
mo, vt ministrum Christi, & quod absque præiudicio san-
ctitatis cuiuspam dixerim, summum planè inter mini-
stros.] Hunc Romani Pontificis titulum, eiusque antiqui-
tatem validè aduersus Molinæ cauillos tuetur Remundus
Russus ad caput eius 24.

*Pontifex Summus magnæ sedis Apostolice. Synodus 2. Con-
stantinopol. Actio.4.*

*Pontifex Summus totius Christiani nominis. Lanfrancus
lib. contra Berengar.*

*Pontifex Pontificum Apostolicæ sedis. Guilhermus Dux
Aquitaniæ in suo Testamento.*

Ad eum modum Pontificem compellat pius Dux, &
sensus est. O tu qui in Apostolica sede es constitutus, & es
Episcoporum Episcopus, muni hanc meam supremam vo-
luntatem, & ratam esse iubet; eius verò violatores cōci-
ce.

Portus

Portus fidei. Chrysostom. homil. de Petro & Elia.
Portus securus totius Ecclesiae. Theodorus Studita Epista-
la ad Paschalem.

Portus inexpugnabilis. Chrysostomus homil. de Petro &
Elia.

Portus periclitanium. Ioannes VIII. Epist. 21.

Quod Romanus Pontifex dicatur *portus fidei* & *totius Ecclesiae*, & quidem *inexpugnabilis*, idcirco factum est, quod qui seclusa Pontificis assistentia omni vento doctrinæ & flabris ac turbinibus variorum motuum de naufragio periclitarentur; in definitionibus Romani Pontificis, velut in statione fida, placidi ac securi conquiescant. Gennadius cap. 5. pro Concilio Florent. sect. 16. optimè id attigit, excutiens verba illa Theodori Studite ad Paschalem Papam.
Vos ab omni hæreticorum procolla longè positi securus totius Ecclesiae portus. [Intelligis (inquit Gennadius) quo pacto securum portum appellat, *totius Ecclesiae*, Romanum Pontificem? Ad quem ut nauigia ab vndis in medio maris agitata, in portum perfugiunt, ne foris reléta, à fluctibus atque æstu mergantur: Sic & omnes Ecclesiae ab hæreticis tanquam à fluctibus vexatae, ad Romanum Pontificem, veluti ad portum salutis configunt, ubi tranquillitatem, & quietem omnem nanciscantur. Nam eo loci, fidei claves Christus apud Petrum Apostolum depositus, ut Ecclesiam totam pasceret atque gubernaret: nec apud illum tantum, sed etiam apud eius successores, ipsi dicens, & tu aliquando conuersus, *confirmat fratres tuos*: quæ quidem non soli Petro contigerunt, sed & eius successoribus.]

Portus tutissimus Catholicæ communionis. S. Hieronymus Epist. 16.

SS. Athanasium & Petrum, Alexandrinos Antifitites, Romanum ad Pontificem configuisse, tanquam ad suæ, idest Catholicæ communionis portum tutissimum, dixit S. Hieronymus. Id quod æquè ab alijs benè multis factum monstrat Pamelius ad Epist. 68. S. Cypriani num. 17. Et fuit illis

ii om-

omnibus, Romana Ecclesia, eiusque Pontifex, portus tu-
tissimus, & expers turbinum. Non habuit S. Chrysosto-
mus, quo aptiore modo efferret quale in Summo Pontifi-
ce Innocentio I. expertus esset præsidium, quām dicendo,
fuisse sibi portum absque fluctibus. Extrema enim Episo-
læ, ex distantissimi exilij oris Romam ad eum datæ, sic ha-
bent. [Tertium nunc annum in exilio versamur, exposi-
ti pesti, fami, bello, continuis obsidionibus, solitudini in-
dicibili, quotidianæ morti & Isauricis gladijs : Et non me-
diocriter nos consolantur, solida vestra fides & Charitas,
quæ se in me tam tenui & simplice oblectant. Hic noster
murus, hæc securitas, hic PORTVS ABSQVE FLV-
CTIBVS, hic multorum bonorum thesaurus, hæc læti-
tia, mirificæque voluptatis causa est, & si in desolatiorem
quām iste est, locum iterum abigemur, non paruam hinc
habentes nostrarum afflictionum consolationem, abibi-
mus.] Aldricus Cœnomanensis Gregorium IV. Rothaldus
Sueßionensis Nicolaum I. tanquam portum tutissimum
expetierunt. Neque id sibi nomen deberi negat Nicolaus
Epist. 28. agens pro Rothaldo prædicto, cum Hincmaro,
sed queritur non satis delatum profugis. Petrus Cluni-
ensis lib. 6. Epist. 28. tametsi non adhibet corticem vocis
portus, rem tamen ipsam non reticet, agens de Clerico mi-
serè imò teterimè à Briuatensibus oppresso. [Ad illud (in-
quit) vnum præcipuum, & singulare oppressorum præ-
sidium confugit: illud vnum & ultimum misérorum asylium,
Apostolicum dico auxilium, elegit; Tabernaculum scili-
cer, quod est in umbra culum diei ab æstu, & in securi-
tatem, & in absconsonem à turbine & à pluuiâ.] Securitas
& absconditio à turbine, quid aliud est quām portus? Ioan-
nes VIII. [Sedet in tristitia Domina gentium, Regina Vi-
biū, mater Ecclesiarum, consolatio tristium, portus pe-
riclitantium.] Sed disertissimè Petrus Damiani l. 2. Epist. 1.
post descripta tempora periculosa, de quibus Apostolus
2. Timot. 3. subdit. [Inter ergo hæc tam profunda pericli-
tan-

rantis mundi naufragosa discrimina, inter tot immane patientes perditionis humanae voragine, vnicus & singularis portus, Romana patet Ecclesia, & vt ita fatear, pauperculi piscatoris est parata sagena; quæ omnes, ad se sincere confugentes, de procellarum intumescentium fluctibus eripit, & in littore salutiferæ quietis exponit.]

Securitatem à turbine, quam viri proximè recensiti experti sunt in Romano portu, ibidem quoque experiri contigit varijs matronis, etiam Reginis aut Imperatricibus, quæ maritorum infidelitate per subintroductas pellices grauatæ, alias vindices, de honestati sacri coniugij & maculati thori non inuenerunt, quam Romanos Pontifices: à quibus spurcæ pellices abactæ, vt V Valdrada, Theuberga, Bertranda, Berta; Mitto antiqua. Superiore sæculo, Catharina Aragonia, contra Henrici Octavi mariti incestas nuptias, se superstite initas, æquè interpellauit Romani Pontificis auxilium. In summa, omnes vbiuis Catholici, iactati fluctibus iniustarum persecutionum, placidè conquieuerunt in portu Romano. Quomodo autem, qui illuc auxilij & leuaminis gratia configiebant, exciperentur, docemur ex historia exilij S. Martini Papæ, quam Anastasius suis collectaneis inseruit. Ibi enim cum narratus esset aduentus Pyrrhi Constantinopolitani Romam, ad Theodorum Papam; quæsissetque Demosthenes cum S. Martino colloquens, vnde nam Pyrrhus Romam appulsus sumpsisset necessaria ad usum corporis, respondit ei S. Martinus. [Manifestè de Patriarchio Romano.] Subintulit concertator Demosthenes. [Qualis panis dabatur ei? Respondit honorabilis vir, (utique S. Martinus) Vos Domini mei, nescitis Ecclesiam Romanam? Dico enim vobis, quia quisquis venit illuc miserabilis homo hospitari, omnia ad usum præbentur ei, & nullum immunem suis donis S. Petrus repellit venientium illuc: sed panis mundissimus, & vina diversa dantur, non solùm ei, sed & hominibus eius pertinencia. Si ergo in miserabilibus hominibus hæc fiunt, qui ve-

Ii 2 nit

nit etiam honorabilis, sicut Episcopus, qualem sumptum habet suscipere? Hoc est esse portum viatoribus, ut de domo Iobi dixit S. Chrysostomus Epist. 7. quæ est ad Olympiam. Cum enim benè alicubi excipiuntur, ibi placidè & tranquillè quiescunt, quod est in portu degere. Eodemque modo idem S. Chrysostomus ser. 5. additio in Genes. manus opitulantum, ait esse pauperum portus. Et Symmachus Epistola ad Patruinum (est 109. lib. 7.) [Est in te portus omnium quos fortuita sollicitant.]

Citra Metaphoram, quod hoc titulo continetur, expressit Fulbertus Epist. 22. scribens ad Ioannem Romanum Pontificem, his præter cœtera eum alloquens. [Omnipotens Deus, tuam Pater humilitatem respexit, & summo, ut decebat, dignitatis apice sublimauit. Proinde totus mundus ad te conuertit oculos, teque unum omnes beatissimum prædicant. Contemplantur altitudinem tuam. Sancti viri, & gaudent quod eis similitudine omnium virtutum alludis. Respiciunt persecutores Ecclesiæ, districtio- nis tuæ baculum formidantes. Suspiciunt iij, qui flagellantur ab impijs & respirant; sperantes adhuc sibi restare consolationis remedium. De quorum numero sum ego, magna & præclaræ Ecclesiæ pusillus Episcopus, qui tibi Pater, de angustijs meis querimoniam scribens, auxilium tuæ pie- tatis imploro.]

Preco supremus Ecclesiæ. Cyrilus Hierosol. Catech. 11.

Vocem *præconis*, pertinere ad liberam veritatem Christianarum euulgationem, nemini ea in parte parcendo, annotat Glossa ad c. Agapitus de Consecrat. dist. 1. vbi ex antiquo scripto de vita & morte Agapiti Papæ, nomen ei in- ditur *præconis Iustitia*. Adducit Glossa in eam sententiam, cap. Sit Rector dist. 43. vbi ex S. Gregorio par. 2. Pastor. c. 4. multa adducuntur, ad sanctam libertatem Antistitis tan- quam *præconis Euangelici confirmandam*.

Neque tamen repudio illam aliam per se obuiam vo- cum illarum notionem; quod scilicet Romanus Pontifex dicas.

dicatur præco supremus Ecclesiæ , quia eius est præconem Verbi Dei agere , annunciando Veritates Euangelicas in omnem terram , & quantumuis abiunctas oras . Id quod Alexander III. egregie professus est scribens ad Vpsallensem Episcopum & Suecos ac Gotthos Antistites ei subiectos . [Constituti (inquit) à Domino , licet insufficientibus meritis super gentes & regna , ex iniunctæ nobis administrationis officio debitoque compellimur , aciem nostræ considerationis ad vniuersum commissi gregis corpus extendere , atque omnium fidelium corda Institutionis Apostolicæ ac doctrinæ salutaris imbre perfundere ; Ut sicut in omnem terram exiuit sonus Apostolorum , & in fines orbis terræ verba eorum ; ita quoque nos , qui eorum cathedræ præsidemus , qui eis non in vitæ merito , non in operum sanctitate , sed in pastorali cura & dignitate successimus , verbum salutis , Euangelium Christianæ atque Catholicæ veritatis annuntiemus , his qui longè & his qui propè ; nomen Apostolicum non inane neque nudum , & in sola voce gerentes , sed in executione officij & veritate operis , in quantum nobis Deus dederit , adimplentes .] Hoc Pontificis præconium , continetur annunciatione veritatum Euangelicarum .

Verùm potest Pontifex Romanus statui supremus Ecclesiæ præco , non modò proponendo , quæ sunt ex fide credenda , (qui est maximè proprius & peculiaris præconij Euangelici modus , pertinens ad Pontificem ;) sed etiam , cum res fert , Verbum Dei pro concione tractando ; Nam id etiam est esse Euangelicum præconem . Si enim sic age re præcones in Ecclesia , maximè proprium est Episcoporum , ut tradit Concilium Tridentin . sess . 5 . cap . 4 . & sess . 24 . cap . 4 . lateque confirmat Michael Medina lib . 3 . paræn . cap . 13 . & Bartholomæus de Martyr . 2 . par . Stimuli Pastor . cap . 7 . quanto magis non abhorrebit à supremo Ecclesiæ Pastore , agere quoque ad eum modum , præconem Ecclesiæ ? Benè & pulchre id prosequitur Innocentius III . Epista la .

ia ad Arnulphum Abbatem , qua ei inscribit suorum Sermonum collectionem. Sanctus item Bernardus 4.de Consider. cap. 3. Eugenium Papam vrget ad prædicationem Verbi Dei, vt rem minimè nouam, etiam longè post, SS. Leonis & Gregorij tempora . Quæ attigisse placuit , ad reuincedum Nicephori & Græci , & Heretici in Romanam Ecclesiam mendacium lib. 12. histor. cap. 34. quo Romanos Episcopos prædicationi operam dedisse negavit . Sed vt cumulatius esset mendacium , addidit , ne vllum quidem alium Romæ solitum prædicare Verbum Dei . At facile esset , molibus concionum sacrarum ad Nicephori vnde tempora Romæ habitarum, quarum pleræque etiamnum supersunt , illum non grauare modò, sed & opprime re . Consonant huic sensui proximè sequentes tituli .

Prædictor orthodoxus veritatis. Exilium S. Martini Papæ.

Prædictor primus Ecclesiæ. S. Gregorius lib. 13. moralium cap. 8.

Præfectus toti orbi terrarum , clauiger cælorum , cuius arbitrio & potestati cuncta Deus permisit. Chrysostomus homil. de S. Ignatio .

Præfectus religioni , Ecclesijs cœterisque rebus ad Christum pertinentibus . Canon Nicænus , inter octoginta versos ex Arabico .

Præfectus orbis . Theophila ctus in cap. 22. Lucæ.

Prelatus cunctis fidelibus . Theophila ctus Ioan. vlt.

Prelatus supereminens omnium Prælatorum . Ioannes Be cius Patriarcha Constantinopol. ad Nicolaum III.

Præpositus uniuerso orbi terrarum , non ut Hieremias unigeniti . Chrysostomus in Matth. hom. 11. & hom. 55.

Præses Ecclesiæ totius orbis terrarum . Chrysost. hom. 80. ad pop. Petrus Damiani Opusc. 46. cap. 5.

Præses Ecclesiæ diuina prouidentia preordinatus. Damascenus Orat. de Transfig.

Præses primus Ecclesiæ Christi . Gennad. pro Concil. Flo rent. cap. 5. sect. 17.

Præses

Præses Cathedræ Oecumenicæ. Synodus Romana sub Nicolo I. contra Photium Colloquio I.

Præsidens Eccl. siæ, totius orbis terrarum. S. Augustinus I. i.
contra Iulia. cap. 2.

Præsidens Ecclesiae sub illius nomine, cuius à Domino IESV
Christo est glorificata confessio, & cuius fides omnes heres de-
struit. S. Leo Epist. 32. quæ est ad Martianum & Faustum
presbyteros.

Præsul Apostolicus in summitatis arce constitutus, cui Deus
omnium Ecclesiarum curam habere præcepit. S. Athanasius
cum Collegis Epistola ad Felicem Papam.

Idem olim præsul, qui præses, atque Præfectus alicui Pro-
vinciæ, ut est apud Lazio lib. 2. Reipub. Rom. cap. 2. ex
Cassiodoro lib. 3. Epist. 46. Qui etiam Præfectum Vrbis vo-
cat Vrbis Præfulem lib. 1. Epist. 32. & lib. 2. Epist. 34. Rutilius
in Itiner. laudans Protadium, Romæ Præfectum, aut Iu-
dicem, ait.

Testis Roma sui Præsulis esse potest.
Solet Cassiodorus agens de Iudicibus eos vocare Præfules:
ut videre est lib. 6. var. form. vlt. & l. 7. form. 28. Notauit ista
Iuretus ad 4. Symmachii Epist. 23. suntq. alia apud externos
exempla. Aurelianus item Episcopus Epist. ad Theudeber-
tum Regem, inculcans Regi memoriā diuini iudicij, vocat
eum Præfulem *sacratissimum*. Qui igitur vniuersæ Ecclesiæ
præfet, æquè ac olim primus Apostolorum, iure dictus est
Præsul Apostolicus. Sunt tamen, qui vocein Præsulis, ex pri-
mæua sua notione, sacram apud Ethnicos esse velint, sed
vñ Ecclesiastico sanctificatam. Erat enim Romæ Colle-
gium duodecim Saliorum, qui vt Varro Plutarchus & alijs
referunt, à saliendo, siue saltando sunt dicti. Nam gestantes
ancilia ex Numæ instituto, saliebant, siue saltabant *Vetus*
Mamurium, seu verius *Veterem memoriam* inclaman-
tes, amburuante Præfule, & redundruantibus coeteris, vt
habet ex Lucilio Festus. Horum ergo Sacerdotum primus,
quia præ alijs & ante alios saliebat, Præsul dictus est, inde-
que:

que ad Christianos manasse volunt, ut caput Sacerdotum,
Præsul, diceretur, & qui in Sede Apostolica locatus est, vo-
caretur *Præsul Apostolicus.*

*Præsul summus à nemine iudicandus quia non est discipulus
super Magistrum.* Concil. Rom. sub Siluestro.

*Præsul Sedis Apostolicæ gubernacula tractans omnium penè
Ecclesiarum.* Ennodius in præcepto de Cellularis Declam. 7.

Cur penè omnium, & non simpliciter omnium? cum
sit Præses vniuersalis Ecclesiæ? Quia ita est Præses vni-
uersalis Ecclesiæ, vt tamen immediatorum Antistitum,
cuiusque particularis Ecclesiæ gubernacula tractantium,
sollicititudinem non excludat. Sic enim Pelagius Papa,
& Sanctus Gregorius profanitatem Ioannis Ieiunatoris re-
pellentes, negarunt se esse Episcopos Oecumenicos, aut
vniuersales, quasi nullus præter ipsos esset Episcopus, nec
essent Pontifices Summi, sed soli. Ita ergo omnibus parti-
cularibus Ecclesijs, inuigilat Romanus Pontifex, vt cum
omnia in illis rectè geri animaduertit, nec ab aliquo circa
earum negotia interpellatur, (quod tamen frequentissimè
& ex omnibus propè Ecclesijs contingit) sinat Rectores ea-
rum immediatos, obire partes suas, & suæ quemque Ec-
clesiæ gubernacula tractare. Quia tamen frequenter vnde-
cunque pulsatur petitionibus, & penè ex omnibus Eccle-
sijs exquiruntur Romanæ cortynæ oracula, cogitur ferè
perpetuò Romanus Pontifex, omnium penè Ecclesiarum
negotia aliqua attingere; Et hoc est, quod ait Ennodius,
cum omnium penè Ecclesiarum gubernacula tractare.

Primas Primatum. Gregorius IX. Epistola ad Gennadium
Patriarcham Constantinopolitanum de Primatu Roma-
næ Ecclesiæ.

Locus est perillustris. Sic igitur ibi Gennadium assatur
Gregorius, postquam præmisit Christum esse fundamen-
tum primarium, Apostolos verò & Prophetas secunda-
rium. [Inter quos primus & præcipuus Beatissimus Pe-
trus, non sine causa, sed ex prærogatiua speciali à Domino
audi-

audire meruit; *Tu vocaberis Cephas*, quod interpretatur caput, ut sicut in capite sensuum plenitudo consistit, à quo ad singula membra occultis meatibus pars aliqua tanquam à fonte riuulus deriuatur: Sic tres fidelium Ordines in Ecclesia; Noè, Daniel, & Job, Prælati videlicet, continentes, & coniugati, quos Ezechiel vidisse legitur in visione saluandos; à Petro petra, super quam non domum saltus Libani, non porticum columnarum, nec domum filiæ Pharaonis, sed Ecclesiam suam ædificauit Dominus fidelibus, velut de omni genere piscium in eius rete conclusis; Tanquam à PRIMATE PRIMATVM, qui de fonte Dominici pectoris, fluenta potauit, & suæ salutis debent postulare remedia, & cum omni patientia & doctrina, non contentiouse vel superbè in aliquo resistentes, à mentis suæ tenebris, dubietatis scrupulos remouere.] Quod Cepham à Græco Κεφαλη deducere videtur, non est hic nobis necessarium: Discussum verò abundè est in Heteroclitis Spirit. libro 2. sect. 4. p. 2. quod est de Nominum mutatione.

Primas omnium Episcoporum. S. Leo Serm. 2. de sua Assumpt.

Primas dioecesos. Concil. Chalcedon. can. 9.

De Romano Pontifice eum locum esse necessariò intelligendum, probauit Nicol. I. Epist. ad Michaelem. Eum quippè esse primatrem Dioecesos, id est *Dioeceson* phrasè in Scripturis frequenti, docet Nicolaus, ut iam dictum est in titulo *Exarchi Dioecesos*. Et ex ibi dictis liquet, perpetram Hincmarum Opusc. 55. capitum, c. 23. asserere eum Canonem Calcedonensem inuehentem appellations ad Primum Dioecesos, non esse receptum à Romana Ecclesia. Item Indidem liquet, eum Canonem Chalcedonen. longè aliud ferre quam quod Iustinianus Imperator, Nouella Constit. 123. c. 21. edixit, approbatus. à S. Gregorio L. XI. registri Epist. 54. quod non satis dispexit Iustellus ad Canonem 19. Ecclesiæ Africanæ: confundens decretum illud Iustiniani, cum decreto Chalcedonensi; hoc est ex-

Kk sti-

stimans idem re ipsa decerni utroque. Qua ratione pri
mas Diœcœsos, in Canone Chalcedonensi, non esset Roma
nus Pontifex, de quo non agit decretum Iustinianæum,
sed de Patriarcha. Atque ita colliderentur SS. Gregorius
& Nicolaus. Primas ergo diœcœsis, dicatur esse Romanus
Pontifex & quamvis diœcœsis interdum sumatur pro vni
Episcopi territorio, vt apud Sidonium lib. 7. Epist. 6. & in
Collat. Carthag. c. 65. & 117. ac 125. Nonnunquam vero
sumatur pro parœcia, vt Sirmondus ad Sidonium admo
nuit; Plerunque pro prouincia, vt apud Hincmarum Epi
stol. 5. Alias etiam pro multis prouincijs, quod multis exem
plis illustrat Iustellus ad Canon. 56. Africanum, & ad Ca
non. 165. Ecclesiæ vniuersæ: Tamen iuxta Glossam Ni
colai Papæ, *Diœcœss pro Dioceſan*, dictum censentis, per
inde est quæcunque statuatur, eius vocis notio; quia plu
ralis numerus *Diœcœſon*, omnia æquè loca comprehendit.

Primas omnium, & Prefectus orbis. Theophilactus in
c. 22. Lucæ.

Agnouit aperte hunc titulum Romani Pontificis Con
cilium Nicænum, cano. 6. Sic enim allegatur à Paschasino
Legato Sedis Apostolicæ in Cœilio Chalcedonensi Actio
16. [Trecentorum decem & octo SS. Patrum Canon. 6.
Quod Ecclesia Romana semper habuit primatum ; ἡγεμονία
Πολὺς τάγματος εὐχε τὰ σπαῖδα. Teneat autem, & Ægyptus
vt Episcopus Alexandriæ &c.] Statim autem ex Codice
per Aëtium Archidiacorum Constantinopolitanum porre
cto, Constantinus Secretarius eundem Canonem legit,
reciso illo principio, primatum Romanæ Sedis agnoscere:
vt extra dubium sit, scalprum Græcanicum iam tunc
admotum fuisse truncandis sacris Canonibus. Certè ne
mo Græcorum qui aderant, ingenti planè multitudine
Paschasinum Legatum mendacijs, vel falsati Canonis Ni
cæni arguit, vt proinde de comperta Veritate illius parti
culæ, quæ Romani Pontificis primatus statuatur, non vi
deatur dubitandum: Itaque habet Rom. Pontifex iuxta

Canon.

Canonem Nicænum, τά πρώτα τά πρωτεῖα. & semper habuit, ut ibidem dicitur. Hæc πρωτεῖα Latinus Interpres Concilij Chalcedonensis, vertit *primatum*, nec incommodè vt notauit οὐαρ. 4. vár. c. 14. n. 11. Sicut enim primas vel secundas, (supple partes,) obtinere quis dicitur, Ita & *primatum* obtinere dici potest, vt Plinius lib. 13. c. 12. & Varro. 2. de re rust. cap. 7. loquuntur signantes primi loci prærogatiuam. Apud alios Græcos, *primatus* notatur Græca voce πρεσβεῖα, numero multitudinis: Quæ vox in Canone. 6. Nicæno vulgato, cum agitur de Ecclesia Antiochena, Latinè exprimitur per, *priuilegia*: Quod intelligendum est de priuilegijs, ad prælationem subalternam siue ad *primatum* Romano Vniuersalissimo subordinatum, pertinentibus. In Concilio Constantinopolitano c. 3. vocantur πρεσβεῖα τῆς τιμῆς, prælationes siue prærogatiuæ aut *primatus* honoris dignitatis. Sic enim Plutarchus lib. an seni sit gerenda Respublica, interpretatur πρεσβεῖα (quod ab alijs ait πρωτεῖον vocari,) prærogatiuam honoris atque *primatum*. Hinc vides, quo sensu, *primatus* omnium tribuatur Romano Pontifici, verè *primati* *primatū*, longè eminentiūs, quām sit Archiepiscopus Viennensis qui eum titulum præfert. Vides etiam ex dictis, *priuilegium*, vel *priuilegia* Romani Pontificis à S. Gregorio vel Nicolao I. alijsque celebrata, recidere in *primatum* Romano Pontifici iure diuino delatum. Franciscus Turrianus lib. 3. contra Magdeb. c. 3. putat, eodem sensu Apostolum 2. Corint. 5. vsum Verbo πρεσβέυω, cum dixit, pro Christo legatione fungimur Græcè πρεσβέυουμεν, vnde sicut διδασκαλία doctrinam διδασκαλίαν verò Scholam vbi docetur significat, ita cum eo quod est πρεσβέυει fungi prælatio- ne, neci putat Turrianus πρεσβεῖον seu diocesim; in qua prælatio, vel vt Apostolus ex Interpretate dixit legatio obeunda est; per inferiores quidem Patriarchas cuilibet in ordine & terminis suis; Romano autem Pontifici, vibili- bet ac illimitatè. Non videtur tamen hæc verbi illius no-

Kk 2 tio

tio, quadrare loco proposito Apostoli, qui verbo ~~operis Dei operum~~
se Oratorem nomine Dei postulantem atque adeò legatum significare voluit, ut antecedentia & consequentia demonstrant. Facilius huc flecteretur notio illa ~~in~~ apud Demosthenem Orat. In Boëtiū qua regnum accipere ~~carta~~ idem est quod iure primogeniturae. Præcipuum quippe decus, siue prærogatiua ac prælatio, & primatus, defertur primogenito, quem locum inter omnes fideles obtinet Rom. Pont. Videsis V. *Ouis primogenita*.

Primicerius Ecclesia in qua populus acquisitionis conuenit.
Iuo Carnot. serm. de Cathedra S.Petri..

Ipsa S.Petro Interpretate, *populus acquisitionis*, est vniuersus coetus fidelium. Huius coetus, Romanus Pontifex dicitur *primicerius*, eo traducta notione vocis qua olim designabatur *Principis Notarius*, qui concessis à Principe decretis ac honoribus apponebat sigillum, siue ceram; ut habetur ex Cassiodorio 6. Variar. c. 7. & 16. Vnde *Primiceriatus*, siue *Domesticatus*, erat summa dignitas, ut apud eundem Cassiodorum lib. 10. c. 11. videre est. Similiter ergo Romanus Pontifex sublimissimum in Dei Ecclesia locū obtinet, cum sit Dei Princeps *Notarius* & veluti *Cancellarius* obsignans respectu nostri diuina Decreta de fide. Potest etiā *Primicerius* accipi simpliciter, pro primo. Qua ratione S.August. serm. 21. de Sanctis vocat S. Stephanum, *primicerium Martyrum*; & Baldricus Dolensis in Historia Hierosolimitana, vocat S.Petrum, *primicerium Apostolorum*. Et hoc etiam modo, Romanus Pontifex est in Ecclesia *primicerius*, quia est primus per omnia, ut mox dicemus.

Primus per omnia. Theodoretus Epist. ad S.Leonem.

Quid hoc sibi velit, ex loco integrō Theodoreti discendum est. Grauatus igitur imo oppressus ab Orientalibus Theodoreto, & accurrens ad S.Leonem, sic cum eo agit. Si Paulus prædicator Veritatis, & Spiritus sancti Buccina, ad Petrum accurrit ut ijs qui Antiochiae de viuendo secundum legem Moysis disceptabant, quæstionem expeditam,

ac

ac solutam ab eo ferret; multo magis nos, qui pusilli sumus, ad solium Apostolicum accurremus, ut à vobis medicinam ulceribus nostris feramus. Si quidem vobis conuenit, in omnibus rebus primas tenere. Vestra enim sedes, multis prærogatiis ornata est. Nam cæteras ciuitates, vel amplitudo, vel pulchritudo, vel ciuium frequensia decorat; aliquæ verò quæ his carent, ex quibusdam gratijs spiritualibus splendorem & dignitatem habent: vestræ verò Ciuitati, vberimam copiam bonorum, ipse dator bonorum largitus est. Est enim ipsa omnium amplissima, splendidissima, & Orbi præsidet. Præterea ipsa principatum Imperatorum profudit, ac nomen suum (idest Romanum,) cum ijs, qui in ditione eius sunt: communicauit Fides verò præcipue eam ornat Testis est Paulus, qui clarissima voce ait, *Fides vestra annunciatur in Uniuerso mundo.*] Quomodò Romanus Pontifex sit primus per omnia ac proinde absolute primus, & primas, eruditè monstrat Remundus Russus. lib. pro Pontifice contra Molianum ad numerum eius 4. & seqq.

Primus prædicatorum veritatis. Pet. Damian. Opus. 46. c. 5.

Etiam si S. Petrus personaliter fuit primus in prædicatiis veritatis, quia prius Christi diuinitatem professus est; & primus etiam Veritatem Christianam & Iudæis & Gentibus prædicauit, vt aliquoties dictū est superius cum Bellarmino lib. 1. de Pontific. c. 22. prærogat. 13. & 17. Tamen quia varia decora quæ ibi adiungit Petrus Damiani spectant S. Petrum prout Pontificem, vt quod esset is, cui ad reprehendendum & corrigendum commissa sunt omnia regna terrarum; Item quod esset is, cuius ad imperium ianua regni cœlestis aperitur, & is cui speciali Iure concessum est, uniuersali totius Orbis Ecclesiæ præsidere; Quæ omnia cadunt in Petrum prout personam publicam, sive prout Pontificem; Videmur vrgeri, ad eum quoque titulum primus prædicatorum Veritatis, de S. Petro prout Pontifice accipiendo. Atque ita is titulus, cuius æquè Romano

Pon-

Pontifici communis erit; Est enī nō Pontifex primus inter prædicatores Veritatis, quia cum Antistitum maximè proprium sit prædicare Veritatem Euangelicam, ipse autem primus sit Episcoporum; consequens est, vt primus sit horum qui ex suo officio & munere, sunt prædicatores Veritatis. Idque in eo etiam sensu quem cortex Verborum præfert, verum iam olim fuisse de Romanis Pontificibus (quidquid Græculus falsus aut volens fallere falsò in contrarium scripserit.) attigi supra, & cum de tractatione anomala Verbi Dei, docemurque ex SS. Leonis & Gregorij Concionibus. Maximè verò prædicator primus Veritatis audire debet Romanus Pontifex, quia Veritates fidei, solus certò & infallibiliter proponit populis. Nam tametsi alij quoque Antistites & Doctores, prædican veritates Christianas, & eo pabulo pascunt oves Christi, nemo tamen id citra periculum erroris præstat, præter Pontificem Romanum Christi Vicarium.

Princeps Episcoporum. Synodus Epiri ad Hormisdami.

Princeps pastorum, & Doctor ac Medicus animarum. Monachi secundæ Syriæ ad Hormisdam.

Christum, pastorum principem, vocauit S. Petrus, & meritò. Nam præ Christo, omnis pastor, etiam Summus quilibet Pontifex, ne Sancto quidem Petro excepto, ouis est, non Pastor. Tamen per comparationem ad Vulgares pastores, rectè Romanus Pontifex dicitur, *Princeps pastorum.* Sicut ei nemo negat titulum Pastoris & Episcopi, tametsi antonomasticè S. Petrus Christum vocauit *pastorum & Episcopum animarum nostrarum.* Thomæ Valdensis verba sunt in hanc rem insignia lib. 2. doct. c. 37. n. 5. [Ipse, (inquit de Pontifice Romano,) primus pastor est, & Pastor pastorum, Successor & socius pescatoris. Ipsa vena maior militantis Ecclesiae, apotheca coelestium munierum, cisterna supernorum imbrium, & primum receptaculum sublimium gratiarum.] Nemo porrò dubitauerit, quin Romanus Pontifex iure dicatur Princeps Pastorum

rum, si recoluerit Synodum magnam Nicenam, quam scitè Anastasius Sinaita in 2878, Spiritus sancti Vnigenitam filiam appellavit Canon e 39. ex octoginta, conuersis ex idiomate Arabico, quos Turrianus ad calcem Constitutionum Clementis vulgauit, & habentur etiam lib. 3. Cōcilijs Niceni ab Alphonso Pisano adunati, ita edicere. [Vt cunctis ditionis suæ nationibus imperat Patriarcha, & leges indicit: & vt à principio Petrus Christi Vicarius, religione, Ecclesijs, cæterisque ad Christum pertinentibus rebus præfetus, p̄tincipium Christianorum, prouinciarum, & omnium gentium Dominus ac Rector erat: ita ille cuius principatus Romæ est, & Petro similis, & auctoritate par, Patriarcharum omnium dominatum & principatum obtinet. Huic sanctioni si quis repugnauerit, totius Synodi decreto, anathemati subiicitur.] Si Patriarcharum omnium princeps & Dominus est Romanus Pontifex, (vt habet hic Nicænus Canon fortè à Græcis interpolatus in Græcis Codicibus, ne fulgore suo perstringeret lusciosos eorum oculos,) quanto magis minusculorum Episcoporum infra Patriarchas, agnoscendus est princeps ac Dominus?

Princeps Episcopalis coronæ. Nouella Valentiniani inter Nouellas Theodosij tit. 24.

Corona Episcopalis, potest exponi de eorum Episcoporum omnium, iuxta illud, *In medio eius corona fratrum*, id est omnes eius fratres. Simplicius tamen accipietur, & in idem recidet, si dicamus, coronam usurpari metonymicè pro gestante coronam. Coronantur enim iam olim sacri homines in signum regni quod à Christo sunt sortiti, vt dicitur cap. duo sunt genera 12. q. 1. & ob alias plorasque causas, de quibus in Hipparcho. Episcopalis ergo coronæ, id est Episcopalis dignitatis, atque adeò Episcoporum illa dignitate potentium, Princeps, est Romanus Pontifex, omnium Episcoporum caput. Falsus ergo est, qui ad literas & preses Comprouincialium Arelatensium ad S. Leonem pro-

Ran

Rauennio, existimauit coronam esse speciale Epitheton Romani Pontificis, eo quod ibi dicitur Rauennium [meruisse gratiam coronæ S. Leonis, morum suorū mansuetudine & sanctitate.] & inferiùs [obsecramus coronam Sanctimoniae vestræ, per nomen Domini.] Hinc inquam non habetur, *coronam esse* speciale Rom. Pontificis Epithetum, quale reuera est quod proposuimus *princeps Episcopalis corone.*

Princeps Sacerdotum. Blesensis Epist. 144. Anonymus Epist. ad Occidentales de S. Martino Papa in Collectan. Anastasij, Synodus Epi. in Synodica ad Hormisdam.

Grunnit aduersus hunc Romani Pōtificis titulum Caluinus 4. Instit. c. 7. §. 3. allegato Canone 76. Concilij tertij Carthaginensis, quo ea appellatio *Principis Sacerdotum* decernitur exterminanda, mandaturque ut etiam qui primam Sedem obtinet, nominetur *primæ Sedis Episcopus* abrogato quo quis tumido & typhum redolente nomine. Verum Caluinus de more agit per calumniam. Concilium enim Prouinciale quod allegat, cum nihil ei iuris esset, non modò in Romanum Pontificem, sed etiam in quemcumque Antistitem transmarinum, non potuit quicquam statuere nisi quoad Episcopos Africæ, inter quos multi erant primates subiecti Episcopo Carthaginensi, omnium Africanorum primatum primati, saluo Romani Pontificis Superiore iure. Quod ergo inter varios illos primates, obnoxios supremo primati Africano, contentio fortè orta esset; dum quilibet aduersus alterum inflatur pro alio; aut etiam ne procedente tempore Carthaginensis Antistes, sicut postea fecit Constantinopolitanus, tentaret iugum sui Superioris nempe Romani Pontificis excutere, pelleetus Illecebra superbæ illius appellationis independentia sonantis, quæ solius Romani Pontificis est propria, per comparationem ad mortales; meritò appellatio *principis Sacerdotum* abrogata est cuius Antistiti infra Romanum Pontificem: Ipsi tamen salua manet, & ita diserte habet

Col-

Collectio Canonum Africanorum per Adrianum I. In calce namque huius Canonis Africani, additur, [Salua feni-
per in omnibus Auctoritate B.Petri Apostoli .]

*Princeps cunctis sacerdotibus totius mundi, cuius iudicio que-
que ad cultum Dei, vel fidei Christianorum stabilitatem, pro-
curanda fuerint, disponuntur. Constantinus Magnus in
Edicto.*

*Princeps Ecclesiae. Chrysostomus Homilia de Petro &
Elia. Albinus Flaccus siue Alcuinus Epist. ad Leonem Pa-
pam, est 27.*

Princeps in Ecclesiae sacrato corpore. Arator. lib.2.

[Sicut Moyses (ait S.Ephrem serm. de Transfig.) Socie-
tatis illius & coniunctionis Hebraeorum, iussu Dei Princeps
fuit, ita Petrus, Ecclesiae Christianorum. Atque ut ille ve-
teris, sic hic noui Testamenti Princeps.]

Princeps regni cœlorum. Petr. Damiani serm.27.

Hinc principatus regni cœlorū, aliis non est quām prin-
cipatus Ecclesiae. Nam præter varias notiones *Regni cœlorū*
in Euang. frequentes, quas ex Photij Scholijs in Matthæum
cōmemorat Turrianus l.2. prioris defens. contra Sadelem
cap. 2. vna creberrima est, qua Christiana Ecclesia, voca-
tur *regnum cœlorū*, quia homines infert & transcribit cœlo.
Atque ita S.Petrus qui est Princeps Ecclesiae, est eodem iu-
re princeps regni coelestis. Alicuius quidem particularis
Ecclesiae princeps, dici potest Episcopus eius. Qua ratione
S.Epiphanius electus in Episcopum Ticinensem, dixit de
seipso. [Nemo ut Ecclesiae principem admonere timeat, si
probat errantem;] Simpliciter tamen & absolutè, *princeps*
Ecclesiae (vtique vniuersalis,) est solus Romanus Pontifex.

Princeps fidei Catholicæ. Goffridus Vindoc. lib.1. Epist.7.

An quia S.Petrus primus professus est diuinitatem Chri-
sti, qui articulus, est in vertice Christianæ fidei? An quia
à Petri cathedra petendum est, quid fide credendum, quid
repudiandum sit circa fidem? Id confirmat sequens ti-
tulus.

Princeps & doctor immaculatae & Orthodoxae fidei. Damasus Epist. 4.

Princeps communis Christianorum omnium. Michael Palearius Imperator Graecorum ad Gregorium X.

Ita quidem hunc Pontificis titulum ex Epistola Michaelis refert Matthæus Vrestmonaster. anno 1274. In Breuiario ramen tunc conscripto rerum Conciliij Lugdunensis sub Gregorio X. quo prædictæ litteræ habentur descriptæ Græcè & Latinè, Pontifex non vocatur princeps communis, sed pater communis. *Koīds. waris. omnium Christianorum.* Quod si principatum illum cōmunem. admittere placeat, (vt sanè admittendus est,) intelligendus est eo modo quem ex transmissis ad se Gregorij litteris & formula profitenda fidei, sic exponit idem Michael in seruis his verbis, quæ præclarè omnino exprimunt spiritualem Romani Pontificis principatum. [Ipsa quoque S. Romana Ecclesia, Summum & plenum primatum & principatum super vniuersam Ecclesiam Catholicam obtinet; quem se ab ipso Domino, in B. Petro Apostolorum principe, siue vertice, cuius Romanus Pontifex est successor, cum potestatis plenitudine, receperisse veraciter & humiliter, recognoscit; & sicut præ cæteris tenetur fidei veritatem defendere, sic & si quæ de fide subortæ fuerint quæstiones, suo debent iudicio definiri. Ad quam potest grauatus quilibet super negotijs ad Ecclesiasticum forum pertinentibus appellare, & in omnibus causis ad examen Ecclesiasticum spectantibus, ad ipsius iudicium potest recurri, & eidem omnes Ecclesiæ sunt subiectæ: ipsarum prælati obedientiam & reuerentia sibi dant. Ad hanc autem sic potestatis plenitudo consistit, quod Ecclesiæ cæteras ad sollicitudinis partem admittit, quarum multas & patriarchales præcipue, diuersis priuilegijs eadem Romana Ecclesia honorauit, sua tamen seruata prærogativa, tum in generalibus Concilijs, cum in aliquibus alijs, semper salua.] Quid quod Apostolatus apex in Summo Pontifice superstes est? At Apostoli constituti sunt Principes.

Quod

Quod si Episcopi quique , Principes sunt , vt tradit Parif.
Consil. 141. nu.27. & Panuinius de potest. Capituli Sede
vacante prælud.6. nu.15. Lateque Andreas Barbatia de
præst. Cardin. q. 5. parte 1. nu. 13. & q. 1. nu.20. quanto
magis Episcopus Episcoporum eodem titulo gaudet ? Sic
expositus Romani Pontificis principatus, subducitur cri-
minatiōni qua titulum *Principis*, Romano Pontifici dela-
tum, grauat Corrasius in Paraphrasi Sacerdotiorum p. 2.
c.1. num.3. ex Theophilacto Ioannis 21.

Principatus Apostolatus, cuilibet Episcopatui præferendus .
S.August. lib.2. de baptis. contra Donat. c.2.

Principatus Sacerdotum. Pet. Damiani Opus.4.

Principium Sacerdotij, & caput Christiane religionis à Re-
ge cœlorum traditum. Constantinus Magnus in Edicto.

Principium Orthodoxæ fidei. Chrysost.in Encomio SS.Pe-
tri & Pauli.

Procurator mundi & clauiger cœlestium thesaurorum. So-
phronius in breuiculo gestorum S.Petri.

Propugnator firmus veritatis. accinctus verbi gladio, cuius
est omnem hæreticum auditum atque doctrinam præcidere,
sicut & Petrus olim Iudaici auditus sensorium gladio percu-
tiens abstulit, & attollere securim Spiritus & omnem arborem
ferentem fructum heretos, vel institutionibus transplantare,
*vel canonice pœnis excindere, & ignifutura gehennæ trans-
mittere*. Constantinus Pogon. Epist. ad Leonem Papam .

Propugnator impenetrabilis ab omni errore (Alia interpre-
tatio habet, errore insaciabilis) quem Deus prouidit , doctri-
nis eum per omnia veritatis astringens ; vt quemadmodum
Petrus , ita & hic , affectu feruentiore decertans omnem ad
Deū quæ sensum, intelligentiam, perducat. Conc.Chalcedon.
Actio.19. in Prophonetico ad Marcianum Imperatorem:

Prouisor summus Ecclesie. Rothaldus Suectionensis ad
Nicolaum Papam , post Epist. Nicolai 37.

Prouidere, id ipsum est quod superintendere, atque adeò
idem quod, agere Episcopum. Vnde 1. Petri V. pascite qui

in Vobis est gregem Dei, prouidentes non coacte sed spontanei.
 Græcè est *προνοητες*, cuius verbi vim optimè expenditū
 Apostoli locum versans S. Hieronymus. Igitur Romanus
 Pontifex, qui est summus Episcopus, iure dicitur, *Summus
 prouisor*, quia eius est prouidere & superinspicere, non
 speculatiū tantum, ac vt sciat, sed etiam practicè & vt
 remedium adhibeat; & quidem in manu potenti & bra-
 chio excelsō: hoc enim demum est prouidere per efficacia
 media, obſtendo malis aduersantibus, curare bona ge-
 nerosè ac intrepidè. Talem Romani Pontificis tanquam
 summi prouisoris ſollicitudinem pro Ecclesia, ſuo tempo-
 re depoſcebat Petrus Blesensis verbis illis in calce Epift.
 lœ 27. [Respicat Dominus in faciem testamenti ſui, &
 non det in conculationem vineam quam plantauit dex-
 tera eius, Eccleſiam quam acquiſiuit fanguine ſuo. Suſci-
 tet Spiritum Moysi, & erigat cornu illius vnicornis Episco-
 pi illius vnicè Summi, & ſingulariter generalis; quatenus
 arripiat iudicium manus eius, vt cornui ſuo ventilet Sy-
 riām, intonet contra Edom, fulminet contra Vitulos Be-
 thel, contra idola Ægypti, contra pingues Vaccas Samā-
 riæ, contra Sacerdotes Baal, contra Paſtores paſcentes ſe-
 ipſos, contra Iudices qui condunt inquas leges, contra ca-
 nes mutos non valentes latrare, contra amphoram Za-
 chariæ, contra vafa Paſtoris ſtulti, contra ambitionem Si-
 monis Magi, contra Tyrannidem ſaculi, & ambitionem
 clauſtri, contra præuaricantes, contra arrogantes, contra
 oppreſſores pauperum, cōtra turbatores Ecclesiasticæ pa-
 cis, & fidei ſubuerſores.] Aequè S. Bernardus lib. 2. de
 Conſid. c. 6. monet Eugenium, eius eſſe, orbem vniuer-
 ſum circuire mentis prouidentia, & leuando oculos conſi-
 derationis, videre regiones ſi nō ſunt magis ſiccæ ad ignē
 quām albæ ad messēm, ſi non pro frugibus quæ putaban-
 tur, appareant vepres, aut veternoſæ arbores, non fructi-
 feræ, niſi ſiliquarum porcinarū aduersūm quas stringen-
 da ſit ſecuris. De eadem prouidentia Vniuersaliſſima
 Pou-

Pontificis Romani propria ex Pontificatus munere, luculententer idem S. Bernardus lib. de Consid. c. 1. Facitque eodem, quod Petrus Cellensis Epist. 95. egregie tradit, Romani Pontificis esse, per Vniuersam Ecclesiam excitare desides, & vrgere pigrantes; Additque Epist. 195. Eiusdem esse Ecclesiam reformare, sicuti reformationis necessitas ingruerit.

Q

Vast quoddam caput Ecclesiae. S. Leo Epist. 89.

Quodquomodo non officiat veræ dignitati capitatis, Romano Pontifici competentis, respectu corporis mystici, Christi, monstratum est. *V. caput totius corporis*, &c uno Verbo sensus est, Pontificem non esse caput, nisi sub Christo.

Quæstor cœlorum. S. Chrysostomū in Encomio SS. Apostolorum Petri & Pauli.

Non existimo spectasse S. Chrysostomus, quæsturam qualis erat apud Priscos Romanos, tametsi varias munieris illius partes ab antiquarijs recensitas, & fusè apud Alexandrum lib. 2. genialium c. 2. cum S. Petri & Romanorū Pontificum eius successorum munere haud difficile fuerit componere. Existimari ergo potius, S. Chrysostomum Constantinopoli agentem, spectasse quæsturam sacripalatij sub Imperatoribus Constantinopolitanis, quam qui obibant, ijs planè respondebant, quos Cancellarios appellamus; ut videre est in notitia officiorum Constantinop. & apud Pratem. *V. Quæstor sacri Palatij*: qui notat, idcirco quæstorem dictum esse custodem Iustitiae & legum, & thesaurum famæ publicæ, ac iuris armarium, Concilij Regalis participem, legum dictatorem, & precum porrectarum responsorumque subnotatorem. Apud Cassiodorum lib. 6. Epistol. 4. eadem est Quæstoris notio. Pro qua etiam videndus Ioannes Montaigne Tract. de auditoria

te

te Magni Concilij c. i. num. 5. & Petrus Bellinus Tract. de re militari titulo 22. ac Schedulare Magistratuū Ciuilium c. de quæstore tom. 16. Tract. iuris. Nihil congruentius cum munere Summorum Pontificum, in Dei Ecclesia, vixque altius subuehi potest eorum potestas, & dignitas, quam si dicantur in aula cœlestis Imperatoris Cancellariosagere, & subnotare diuina ad mortales oracula.

Quodammodo fons cœlestis Sapientie. Petrus Damiani Opuscul. 7. Initio.

R

R Adix & matrix Catholicæ Ecclesiæ. S. Cypr. Epist. 45.
B. Hildegardis ad Eugenium 3.

Cur radix dicatur, siue Romanus Pontifex, siue propter eum Romana Ecclesia, ratio est, quia sicut per radicem arbor sugit nutrimentum, indeque ei aduenit totus succus, quo vegetatur, vnde bella proportione Deus à Synesio hymno 2. vocatur radix mundi; ita totum corpus Catholicæ Ecclesiæ percipit interuentu Romani Pontificis succumvitæ; hoc est, probatam fidem doctrinam, ex qua iustus vivit, iuxta Apostolum. Atque ita Gelasius Papa Epist. ad Anastasium Augustum, de Romana Ecclesia, agens, ait, [Sedes Apostolica magnopere cauerit, ut quia mundo radix est, Apostoli gloria confessio, nulla rima prauitatis, nulla prorsus contagione maculetur.] Quod si Ennodio lib. 1. Epist. 18. licuit dicere, doctorum radix Maro, quum non nisi ob præcellentiam qua omnibus imitatione exprimendus est, radix doctorum dici possit, quanto iustius Romanæ Ecclesiæ ea denominatio quadrabit?

Eadem vero Ecclesia Romana, eiusue caput Pontifex Summus, denominatur; matrix Catholicæ Ecclesiæ; quia & est mater dignitatis Sacerdotalis, vt supra dictum est & per baptismum sibi concreditum, qui iuxta Bracharium Epist. ad Ianuam, est secreti perplexique vulna mysterij, omnibus

bibus Dei liberis in sola Catholica Ecclesia procreatis, prænet esse. Nam quamuis infantes apud Hæreticos fructuose baptizetur, & gignantur Deo, tamen illi ipsi filii ancillæ, & concubinæ, sive piuntur de coniugis primariæ, Catholice inquam & Romanæ Ecclesiæ voluntate, iuxta modum ex D. Augustino expositum, in Tractatione de Cereo agno consecrato c. 2. num. 18.

Rector Dominicæ plebis. Ioannes X. Epist. ad Herimanum Colonensem.

Rector Pontificum, Dominus, & summus Pater Patrum. Hincmarus Laudunensis in libello suæ reclamationis ad Ioannem 8.

Rector summus Ecclesiæ Dei. Petrus Cluniac. l. 4. Epist. 25. Aduerto Concilium 1. Moguntinum sub Rabano in Synodica ad Ludouicum Regem, hac vti inscriptione *Dominio Serenissimo & Christianissimo Regi Ludouico, Rectori, ac Defensori Sanctæ Dei Ecclesiæ: vbi Imperator dicitur Ecclesiæ Rector, nimur quo ad temporalia Ecclesiæ, subiacentis eius Imperio.* Fideles enim Imperio subiacentes sunt portio Ecclesiæ, & Ecclesiam quandam determinatam siue Partialem conflant, cuius Rector quoad res sæculi, erat Ludouicus. Itaque ea rectio Ecclesiæ, erat longè alia quam rectio & quidem summa, totius Ecclesiæ quoad spiritualia, quam Petrus Venerabilis tribuit Romano Pontifici.

Rector domus Dei. Creditus Ambrosius reuera Hilarius Diacon. 1. Timot. 3.

Rector fidei Apostolice. Epitaphium Pelagi primi.

Rector omnium gentium. Conc. 1. Nicæn. can. 44.

Rector apicis cœlestis imperij. Ennodius lib. 5. Epist. 10.

Rector propriæ omnium. S. Leo serm. 2. de sua assumpt.

Quid illud propriè? [De toto mundo, (inquit S. Leo) unus Petrus eligitur, qui & vniuersarum gentium vocationi, & omnibus Apostolis, cunctisque Ecclesiæ Patribus præponatur, ut quamvis in populo Dei, multi Sacerdotes sint.

sint, multique Pastores, omnes tamen propriè regat Petrus, quos principaliter regit & Christus.] Videtur illud propriè, contraponi ei quod est principaliter. Quia ratione propriè, idem sonaret quod Instrumentaliter, vel ministerialiter. Per comparationem enim ad Christum, primi quique in Ecclesia, etiam Apostoli, non sunt nisi ministri Christi, & dispensatores mysteriorum Dei. Duriuscule tamen, ea notio Instrumentalis & ministerialis rectionis, accommodatur voci propriè. Itaque simplicius dici posse videtur, Petrum, atque adeò etiam Successores, propriè regere, id est tanquam proprios subditos & verè obnoxios suæ spirituali iurisdictioni habere, qui Christum agnoscunt principalem & supremum proretam, suæ in cœlum navigationis.

Refugium commune. S.Bernard. Epist. 198.

Scribens ad Innocentii II. S.Bernardus, sic habet præter cætera, cum reddit rationem cur ad eum esset prouocatum. [A vobis id omnimodis flagitamus, quod aliunde frustra tentatum est. Circumspeximus, & non erat auxilium. Ventum est ad commune refugium. Illò confugimus, vbi confidimus liberari. Tantùm adsit pietas, nam facultas non deest. Et quidem ex priuilegio Sedis Apostolicæ constat, summam rerum, ad vestram potissimum respicere summam auctoritatem & plenariā potestatem. Verùm hoc inter cetera vestris singularis primatus insignia, specialius illustriusque nobilitat vestrum, & inclytum reddit Apostolatum, si eripitis pauperem de manu fortiorum eius. Nulla meo Iudicio, in corona vestra pretiosior gemma zelo illo vestro, quo æmulari consueuistis oppresos, nec relinquitis virgam peccatorū super sortem iustorum.] Liquet ex his, cur Romanus Pontifex dictus sit *commune refugium.* De reipsa Vides supra. V. portus & Nicolaum I. Epist. 20. & 21.

Rector uniuersitatis. Valentinian. August. inter Nouell. Theod. tit. 25. de Episc.

Rex.

Rex. S.Bernardus Epistola 168.

Agens cum Episcopis & Cardinalibus Romanæ Curiae S.Bernardus, & memorans quæ & quanta in Schismate Petri Leonis pro Innocentio II. egisset, sic habet præter cætera. [Vos scitis, si dignum ducitis recordari, qualiter vobiscum in tempore malo conuersatus sum, egrediens & regrediens & pergens ad Imperium Regis &c.] *Regem* coloco apertè nominat ipsum Papam Innocent. pro quo varia itinera indefesso studio suscepereat vir Sanctus. Itaque perspicuè Pontificem vocat Regem. Eodem pertinet longa disputatio S.Leonis Noni Epistola 1. quæ est ad Michaelem & Leonem, qua monstrat, Pontificatum Romanum esse Regale Sacerdotium, etiam spectatæ terrena, Dominatione; ideòque notat, Pontificem à Constantino Magno donatum esse insignibus Imperialibus, & cap. 38. contestatur; [Successores S.Petri, iam in terris retinere specialem dignitatem terreni coelestisque Regni.] monetque Græcos, ne inuident. Inter ea porrò regiae potestatis insignia quæ à Constantino collata Romano Pontifici prodit S.Leo, calceos purpureos disertè recenset Balsamon. Erant enim calcei purpurei nota cultus principalis, iuxta ea quæ habet Basilius Imperator in capitibus ad Leonem filium c.63. & iuxta illud Corippi lib.2.

*Purpureo suræ resonant fulgente cothurno
Cruraque puniceis induxit regia vincis
Paribica campano dederant quæ tergora fuso
Qui solet edomitos victor calcare Tyrannos
Romanus Princeps, & barbara colla domare,
Sanguineis prælata rosis, laudata rubore
Lecta que pro sacræ tactu mollissima plantis,
Augustis solis hoc cultu competit uti,
Sub quorum est pedibus Regum crux.*

Procopium Imperio inhiantem, ad calceos usque purpuratum exhibit Ammianus l.26. Rubra talaria cum pyramidæ margaritis distincta in cuius summitate lapis pur-

M m pu-

pureus resulgebatur, fuisse Regum insignia, ait Georgius Logotheta in Chron. Constantinop. pag. 41. & 422. Patriarcha Constantinopolitanus referente Curopalate in Historia Isaaci Comneni, purpuros calceos sibi deberi, inde confirmabat, quod inter Sacerdotium & regnum nihil interesse diceret, vel admodum parum. Alia dabit Balduinus lib. de calceo cap. 10. Debetur ergo multo magis Romano Pontifici, inter cuius Pontificium & quocunque regnum, tantum distat quantum inter humana & supernaturalia. Vnde ex hoc ergo antiquo cultu Pontificis Romanii, apparet eum meritò accenseri Regibus. Quanquam pie, & sapienter Pontifices calceis illis Regalibus crucem adiunxerunt ob causas recensitas à Balduino lib. de calceo cap. 27.

Tantum verò abest, vt decus tituli propositi excedat Pontificiam dignitatem, vt ne attingat quidem. Nam S. Hieronymus in Epitaphio Nepotiani, cōponens Episcopum cum Rege, & contentionem faciens dignitatis vtriusque, antefert Episcopalem. [Ille enim (*Rex*) nolentibus præfēt, hic (*Episcopus*) volentibus; ille terrore subiicit, hic seruituti donatur; ille corpora custodit ad mortem, hic animas seruat ad vitam.] Hæc si de simplici Episcopo valent, quanto iustius de Episcopo Episcorum? Posse porrò *Regis* nomen Romano Pontifici tribui, probat multis argumentis Celsus Mancinus lib. 4. de iuribus Principat. c. 2. Idem confirmat Antonius Mazzaronus Tract. de tribus coronis Ronian. Pontific. c. 3. ex c. Alijs 15. q. 6. & ex c. Solitæ de maiorit. & obedient. Sed neutro loco quicquam inuenio. Non dubitabit tamen de veritate illius nomen clationis, etiam spectata (vt S. Leo Nonius affirmabat,) dominatione terrena, quisquis perspexerit ambitum dominatus Pontificis temporalis. Quod si olim in Scripturis quoque *Regis* nomen ad permodicos Dynastas porrigebatur, vt differit Sherlogus Anteloq. V. sect. 6. à nu. 128. multo iustius est, non negari Pontifici ditionem obtinenti omni-

omnino amplam ac diuitem. At regnum eius præcipuum non est de hoc mundo. Placet porro admonitio Aluari Pelagi lib. de potestate Eccles. notantis, quamuis Romanus Pontifex non rapina m arbitratus sit, titulum *Regis* assumens, tamen ad insinuandam humilitatem, eo titulo piè & sapienter abstinere.

Rex Regum, & unicus Christianorum Princeps. Ladislaus Rex Hungariæ orat. ad Nicolaum V. Apud Cochlaeum lib. 11. histor. Hussitarum.

Non est hic titulus accipiendus cum exclusione Domini, in Principibus quibusvis temporalibus, quod de Christo ipso dictum ab Auctore operis de Regim. Princ. lib. 3. c. 13. meritò passim exploditur, multo autem magis de Romano Pontifice dicendum est; cui ne illud quidem dominium directum supernaturale creatum concedendum est, quo Christus Dominus iure ac titulo filij naturalis, in omnia creata potitur, ut disputatum est tractando Christi Dominium. Nullus sanè idoneus titulus Dominij vniuersalis illius directi supra alios quoscunque Principes, in Pontifice assignari potest, quantumvis ita visum sit nonnullis Canonum peritis apud Nauarrum in c. nouit ille de Iudic. & apud Couarruuiam Reg. peccatum 2. par. §. 9. nu. 7. Alios præterea adducit & sequitur Petrus Andreas Canhonerius in 7. Hippocr. Aphorism. à pag. 238. & Thomas Bosius lib. 4. de Statu Italiae c. 5. & Franciscus Bosius libris quinque de Monarchia, nec non Celsus Mancinus lib. 2. de iuribus principatum à c. 6. & toto libro 3. & 4. Nonnullos Patres pro eadem sententia allegat F. Giuniperus à Drepano disp. 1. pro defens. Iuris Pontif. q. 1. cap. 2. num. 4. Sed perperam. Nam nihil tale cogitarunt S. Bernardus & S. Augustinus, ac Tertullianus: & quos perperam Sanctos prænominat, Titus Bostrenus homohæreticus, ac Hildebertus. Itaque ea sententia non est nisi Canonistarum, & quidem non omnium; meritòque prout sonat, reiicitur à Suare lib. 3. defens. c. 5. & 3. de legibus cap. 6.

M m 2 &

& à Bellarmino lib. 5. de Pontif. à c. 1. nec non à Ioanne Salas 1. 2. Tract. 14. disp. 7. sect. 4. Dixi prout sonat, quia Suares libro illo 3. defens. c. 16. nu. 2. & Bellarm. loco annotato c. 5. exponunt Doctores illos de tali Dominio universalis, quale est animæ in corpus; qua similitudine in hanc rem vtuntur, Naz. orat. 17. nu. 15. Isidor. Pelus. l. 3. Epist. 249. Iuo Epist. 106. & S. Thomas 2. 2. q. 60. Art. 6. ad 3. eamque diffusè explicant Bellarm. lib. illo 5. cap. 6. Bernardus Chouer ad titulum Concordat. de publ. concubinar. V. etiam Regali Binsteldius ad c. 7. de iniuria & damno dato q. 1. conclus. 2. & Mauclerc in opere de Monarch. p. 2. lib. 1. c. 2. & par. 4. lib. 1. toto cap. 3. Itaque Romanus Pontifex, non est dictus Rex Regum, & unicus Christianorum Princeps, ratione Dominij iurisdictionis temporalis in omnia regna & principatus fidelium Regum & Principum; quasi isti subalternentur Pontifici tanquam directo Domino; sed tantum dicitur est Rex Regum, ratione iurisdictionis spiritualis plenissimæ qua potitur in omnes planè fideles. [Sicut ad hodiernam usque diem, cernimus mundanos principes, regi & instrui ab Ecclesiasticis .] Verba sunt Cyrilli Hierosolimitani catech. 17.

Rex Regum & Princeps Imperatorum, præcipiūs hominum.
B. Petrus Damiani Opus. 23. cap. 1.

Operæpreeium videtur, representare partem loci quæ ista tradit Petrus Damiani ut Maiestas Pontifícia quæ in eo maximè splendet, deprehendatur liquidiūs, & insignis fructus moralis quem idem Auctor inde exhibet, decerpatur. Tractat eo loco Petrus Damiani, quid sit, cur Romani Pontifices præ omnibus terræ Principibus celeri morte defungantur, ita ut nemo post S. Petrum, qui annis circiter viginti quaque sedit Romæ Pontifex, pertingere ad eam Pontificatus durationem potuerit. Respondet ad hoc dubium Petrus Damiani. [Videtur nobis, quia idcirco hoc coelestis Iudicij ordo disponit, ut humano generi metum mortis incutiat, & quam despicienda sit tempora-

lis

lis vitæ gloria, in ipso gloriæ principatu euidenter ostendat, quatenus dum præcipuus hominū tam angusti temporis compendio moritur, tremefactus quisque ad præstolandī sui obitus custodiam prouocetur: & arbor humani generis, dum cacumen ac verticem suum tam facile corruiſſe considerat, flatu concussa formidinis, in suis vndique ramusculis contremiscat.] Et mox addit, Deum id potius assequi morte Pontificis, quām morte cuiuscunq[ue] Regis aut Imperatoris. [Quia cū vnuſ omni mundo Papa præsideat, Reges autem plurimos in Orbe terrarum, sua cuiusque regni meta concludat; quilibet Imperator, ad Papæ vestigia corruit: Tanquam Rex Regum & Princeps Imperatorum, cunctos in carne viuentes honore ac dignitate præcellit: Vnde quolibet Rege defunctor, administratione eius, regnum tantummodo cui præerat, destitutur. Cum verò Sedis Apostolicæ Pontifex moritur, vniuersus tanquam communi Patre mundus orbatur. Quid enim Africa de Regibus Asiae, aut quid Æthiopia de Principibus sentit Hesperiae? Nam siue moriantur, siue viuant, qui procul à se remoti sunt, vtrunque indifferenter ignorant. Est & aliud cur mors cuiuslibet Regis nō magnopere sit terrori, quoniam sacerdotes principes qui turbis popularibus præsunt, sæpè gladijs perimuntur &c. Sacerdotes ergo Principes quia diuersæ mortis casibus exponuntur, cor audientium eorum exitum, non atteritur; Papa vero vita, quia sola naturalis obitus lege concluditur, eius ex hac vita transitus, sine graui formidine non auditur. Porro quia terreni Principes, regni sui quisque (vt dictum est) limitibus includuntur, causa nō est, cur per alienas mundi prouincias, eorum obitus diffundatur: Papa vero quia solus est omnium Ecclesiarum vniuersalis Episcopus, cum luce priuatur, mors eius per ampla terrarum regna diffunditur. Et sicut sol quia solus lucet, si Eclypsim forte sustinet, præsto necesse est, vt tenebras totus vbiique mundus incurrit, sic Papæ cum ex hac vita recedit, illico quia-

vnuſ.

vnuſ in mūdo eſt, longinqua regnorum ſpatia mortis eius fama percurrit, & conſequens eſt vt quos tam ſublimis singularisque perſonæ caſus obturbat, proptiæ quoque vocationis exitum tremefactis viſceribus expauescant. Vbi notandum, quām veſt Omnipotens Deus, Romani Pontificis vitam hominibus in ædificatione prodeſſe, cuius etiam mors peruidetur ad Creatorem ſuum animas reuocare: vt dum ſe Patrem orbis eſſe conſiderat, ab inculcanda tot filijs hæreditate, desidia non torpeſcat.] Benè & optimè; ac citra glossam omnem, perſpicuè.

Rex plusquam omnes Reges. Episcopus Pataræ apud Liberatum in Breuiario c.22.

Cum Iuſtinianus, iuſtindu Euæ ſuæ, pefimæ Theodoræ, truculenter ageret cum S. Syluerio, monuit eum Epifcopus Pataræ, videret quid ageret; indigniſſimum eſſe conteſtans, ſic tractari tantum virum. Nam (inquit,) [multi in hoc mundo ſunt Reges, & non eſt vnuſ, ſicut ille Papa, eſt ſuper Eccleſiam totius mundi. [Hoc ipsum eſt quod poſt SS. Leonem & Proſperum, aiebat S. Gregorius VII. lib.2. Epift. 75. [Plus terrarum, lex Romanorum Pontificum, quām Imperatorum obtinuit. In omnem terram exiuit ſonus eorum, & quibus non imperauit Auguſtus, imperauit Christus.] Utique non per ſe tantum, ſed etiam per ſuos Vicarios, Romanos Pontifices, à quibus proinde, ait doceri iam olim ſolitas vniuersas nationes, & corripi item ab eis ſolitos omnes Reges & Principes, in ijs quæ arguenda eſſent, ni mirum agnoſcentes in Christo Vicario ministeriū & administrationem regni illius, quod Christus ſuper Eccleſiam à Patre accepit supremum ſimul ac fundatiſſimum.

Qua de re, quia veritas eſt grauiſſima, & maiestatem Pontificis Romani radicitus exhibens, placet egregiam S. Thomæ diſputationem ex lib. 1. de regim. Princ. c. 14. huic tranferre. [Hunc (inquit,) dici Regem, ſupponimus cui ſumma regiminis in rebus humanis cōmittitur: Tan-

to

to autem est regimen sublimius, quanto ad finem ultiorem ordinatur; semper enim inuenitur ille ad quem pertinet ultimus finis, imperare operantibus ea quae ad finem ultimum ordinantur. Sicut gubernator ad quem pertinet navigationem disponere, imperat ei qui nauem constituit, quam le nauigationi aptam facere debet: Civilis autem qui vtitur armis, imperat Fabro qualia arma fab icet. Sed quia finem fruitionis diuinæ, non consequitur homo per virtutem humanam, sed virtute diuina, iuxta illud Apostoli Rom. 6. *Gratia Dei, vita eterna,* perducere ad illum finem, non humani erit, sed diuini regiminis. Ad illum igitur Regem huiusmodi regimen pertinet, qui non est solum homo, sed etiam Deus, ad Dominum nostrum Iesum Christum, qui homines filios Dei faciens, in coelestem gloriam introduxit.] Et mox. Huius ergo regni ministerium, ut à terrenis essent spiritualia distincta, non terrenis Regibus, sed Sacerdotibus est commissum, & præcipue summo Sacerdoti, successori Petri, Christi Vicario, Romano Pontifici, cui omnes reges populi Christiani oportet esse subditos, sicut ipsi Domino nostro Iesu Christo; sic enim ei ad quem finis ultimi cura pertinet, subdi debent illi ad quos pertinet cura antecedentium finium, & eius imperio dirigi. Quia igitur Sacerdotium Gentilium, & totus diuinorum cultus, erat propter temporalia bona conquirenda, quæ omnia ordinantur ad multitudinis bonum commune, cuius Regi cura incumbit, conuenienter Sacerdotes Gentilium Regibus subdebantur. Sed & quia in veteri lege promittebantur bona terrena, non à Dæmonibus, sed à Deo vero, religioso populo exhibenda, inde & in lege veteri Sacerdotes Regibus leguntur fuisse subiecti. Sed in noua lege est Sacerdotium altius, per quod homines traducuntur ad bona coelestia; Vnde in lege Christi, Reges debent esse Sacerdotibus subiecti. Propter quod mirabiliter ex diuina prudenter factum est, ut in Romana Vrbe quam Deus præuide-

uiderat Christiani populi principalem sedem futuram, hic mos paulatim inolesceret, ut ciuitatum Rectores Sacerdotibus subiacerent. Sicut enim Valerius Maximus refert, omnia post religionem ponenda, semper nostra ciuias duxit, etiam in quibus summæ maiestatis decus conspici voluit. Quapropter non dubitauerunt sacris imperia seruire, ita se humanarum rerum habitura regimen existimando, si diuinæ potentiae benè atque constante fuissent famulata. Quia verò etiam futurum erat, vt in Gallia Christiani Sacerdotis plurimū vigeret religio, diuinitus est permisum, vt etiam apud Gallos gentiles Sacerdotes, quos Druidas nominabant, totius Galliæ ius definirent, vt refert Iulius Cæsar in libro quem de bello Gallico scripsit.] Similia pleraque de alijs Ethnicis addensat Petrus Gregorius lib. 15. Syntagm. c. 1.

Ex quibus vides, haud potiore iure *Pontificem Maximum* in Ethnicismo à Tertulliano lib. 1. ad Vxor. dictum esse *Regem seculi*, (quod quidam nuper disput. 1. pro defens. Iur. Pontif. q. 1. c. 2. nu. 5. ridicu. è censuit dictum de Christiano Pontifice Maximo,) quām inter Christianos eo nomine dici debeat *Romanus Pontifex*, cui omnes inclinare caput & obedire debent, etiam quibus alij omnes obediunt: iuxta illud S. Ignatij Epist. 9. quæ est ad Philadelphia. [Presbyteri atque omnis clerus, simul cum omni populo, cum militibus & principibus, sed & Cæsares obediant Episcopo.] Quem sanctissimi viri locum aduersus Sculteti sectarij cauillos, benè turatus est *Martialis Mæstræus*, quod tametsi cū ea S. Ignatius scriberet, nulli essent Cæsares Christiani, tamen regulam præscriberet, futuris temporibus seruandam, cum Cæsares Christum agnouissent; ad quam etiam iam runc fuissent atriq; si mens non læua fuisset.

Ex his omnibus manet perspicuum, Romanum Pontificem esse *Regem plusq; am omnes Reges*, quippè cui & iurisdictio sit longè nobilior, (nempè spiritualis & supernatura-

ruralis, collata immediatè à Christo ipso,) & longè pro-
tension; quandoquidem est diffusa per vniuersas sub coe-
lo nationes , vbiunque reperiuntur fideles non exclusis
ab ea spirituali ad Pontificem subiectione , Regibus quo-
que & principibus terræ. [Non Rex (aiebat Cœlestino III.
Eleonora Regina Angliæ,) non Imperator , aut Dux, à iu-
go vestræ potestatis eximitur .] Ita legitur apud Blesen-
sem Epistol. 145. Agnouisse id priscos plerosque Reges ac
Principes , subiectis exemplis monstrat Bellarm. cap. 3.
Apolog. contra Iacobum. 6. Ulra communem verò su-
biectionem spiritualem, benè mulra regna, ex pietate Re-
gum facta esse peculiariùs Summo Pontifici obnoxia , cō-
stat ex longo eorum syllabo, quem exhibit Eugubinus l.2.
de Donatione Constantini à pag. 285. & Iacobus Gretse-
rus in Commentario de Imperatorum, Regum, ac Princi-
pum munificentia in Sedem Apostolicam, præsertim à
capite 11. ad 36. Sunt autem huiusmodi regna tam am-
pla & tam multa , vt inde euidentissimum fiat , Papam
plus esse Regem, quam omnes Reges , idest nullum esse
Regem qui ei possit exæquari , vt aiebat Patara Episco-
pus . Nec dissimiliter Eugenio S.Bernardus 2. de Consid.
cap. 1. [Parem super terram, non habes .] Sed & Michael
Imperator, tametsi malignè , vt Leonem III. in necessitate
summa desereret, tamen sic de eo dixit apud Monachum
Sangallensem lib. 1. de Rebus Caroli Magni c. 28. *Ille Pæ-
pa, regnum habet per se & nostro præstantius . Ipse se per seip-
sum vindicet de aduersarijs suis .* Copiosus in Regni huius
Pontificij amplitudine ac prærogatiis, est Bosius lib. 3. de
Statu Ital. c. 7. Valet itaque multo iustius per Pontificem
de Roma Christiana , quam de Roma Ethnica per Con-
sules, aut Imperatores, quod dixit Rutilius lib. 1.

Omnia perpetuos que seruant sydera motus,

Nullum viderunt pulchrius Imperium.

Quid simile Assyrijs connectere contigit , arma

Medi finitimos cum domuere suos ?

N n

M a

*Magni Parthorum Reges, Macedumque Tyranni,
Mutua per varias iura dedere vices.
Nec multo anteriū de eadem Romani Imperij diffusione.
Nam solis radijs æqualia munera tendis,
Qua circumfusus fluctuat Oceanus.
Voluitur ipse tibi qui continet omnia Phæbus,
Eque tuus ortus, in tua condit equos.*

Accedit duratio regni Pontificij quod non est interprētura regna ut dictum à Poëta obseruat S. August. serm. 29 de verb. Dom. monstrans quod ex Iouis persona alibi dixerat, *Ast ego nec metas rerum nec tempora pono, adulando dictum esse.* At hoc regnum quod Pontifici vendicamus, æternum est, nec portæ Inferi aduersi illud præualebunt.

Robur & petra Ecclesiæ. Theophilactus Lucæ 22.

Dicitur Pontifex Robur Ecclesiæ, quia ex Christi mando, munus eius est, confirmare fratres suos. Id quod Syndodus Ephesina scribens ad Cœlestinum Papam, in consuetudine fuisse Romanorum Pontificum testata est, adhibens Græcam vocem σῆριστον. Franciscus Turrianus lib. 2. contra Magdeburg c. 4. exhibet varia exempla huius confirmationis per Pontificem, à grauissimis quibusque Antistitibus cum sedes inibant expetitę, missa ad eum fidei sua confessione, ut confirmaretur, si bene haberet. Ob hoc robur cætetis conferendum, S. Petrus nomen à robore & firmitate accepit, vt scribit ad S. Eulogium S. Gregorius, confirmatque S. Leo serm. 3. in Annivers. sue assumptionis, illis de S. Petro verbis. [Specialis à Domino Petri curasuscipitur, vt pro fide Petri propriè supplicetur, tanquam aliorum status certior sit futurus, si mens Principis victa non fuerit. In Petro ergo omnium fortitudo munitur, & diuina gratia ita ordinatur auxilium, vt firmitas quæ per Christum Petro tribuitur, per Petrum Apostolis confertur.

Sa-

S

Sacerdos magnus, summus Pontifex, princeps Episcoporum. S.Bernard. 2. de consider. c.8.

Sacerdos Christi. Petrus Blesens. Epist. 144.

Tametsi est hoc nomen omnibus Sacerdotibus commune, tamen antonomasticè, præcipuuus ac summus Christi Sacerdos, nomen tulit *Sacerdotis Christi*, estque nomen *Sacerdotis*, sumendum maximè propriè, pro eo scilicet, qui ut definiuit Apostolus, ex hominibus assumptus pro hominibus constituitur, in ijs quæ sunt ad Deum. Hac quippe ratione, Romanus Pontifex est Christi Sacerdos antonomasticè, & supra omnes in lege noua sacerdotes. Quamquam si *Sacerdotium* sumeretur pro dignitate & veluti gloriæ antistitio, ne sicquidem Romanus Pontifex definieret esse eminentissimè *Sacerdos Christi*. Notionem illam *Sacerdotij*, pro dignitate, legimus quandoque apud profanos, vt cum Poëtæ dicuntur Musarum Phœbique Sacerdotes. Imo sacræ Literæ ab eo loquendi modo non abhorrent. Nam quod 2. Reg. 8. dicitur *fili⁹ autem Dauid, Sacerdotes erant*, clarè 1. Paral. 8. exponitur de hoc Sacerdotio, cum dicitur, *Porrò fili⁹ Dauid, primi ad manum Regis;* Itaque etiam si *Sacerdotis* nomen in hoc minùs protrito sensu acciperetur, salua semper esset Romano Pontifici, antonomasticè dicta ratio *Sacerdotij*:

Sacerdos mundi. Constantinus in Edicto.

Sacerdos magnus, sacerdotum præter Christum opinatissimus. Iuo serm. de Cathedra S.Petri.

Id est celeberrimus, & nominatissimus omnium Sacerdotum infra Christum.

Sacerdos primus inter Christianos Sacerdotes. Facundus lib. 4. cap. 3.

Sacerdos unus, Sacerdos Dei. S.Cy pr. Epist. 55.

Sicut omnes Ecclesiæ particulares, varijs Episcopis particu-

N n 2 ticiu-

ticularibus obnoxiae, iuxta Cyprianum, sunt una Ecclesia; ita omnes illi particulares Episcopi, nisi cum supremo a quo omnes dependent, unum Episcopatum gubernant, cuius portiones singulæ, sunt penes quoscunque Episcopos particulares; totalis autem summa, penes Romanum, cuius est super omnem Ecclesiam, omnesque Episcopos, excubias agere, unde denominatur *unus Episcopus.*

Sacerdos sacerdotum diuinitus omnibus preeminens, & pater Patrum dominus noster, ter beatissimus Papa. Abbates & Monachi Graeci in Concilio Later. sub S. Martino I. Secretario 2.

Sacerdos summus. S. Hieronimus in Præfatione Euangel. ad Damasum.

Fuit olim usus, ut quilibet Episcopus, *Summus Sacerdos* diceretur, & quilibet Episcopatus, *Summum Sacerdotium.* Diaconatus autem *tertium*, & Presbyterium *secundum Sacerdotium*, ut loquitur Optatus lib. 1. Sic S. Hieronymus Epist. 99. quæ est ad Asellam, de seipso ait: [Omnium penè iudicio, dignus summo Sacerdotio decernebar.] Id est Episcopatu. Eodem sensu Concilium Agathense cap. 6. [Pontifices (inquit, quibus in summo Sacerdotio constitutis &c.)] Tertullian. libro de Baptis. [Dandi baptismi ius, habet summus Sacerdos, qui est Episcopus.] S. Ambrosius ad Felicem Comensem quæ est Epist. 60. [Suscepisti gubernacula summi Sacerdotij.] Idem habet Innocentius I. Epist. 12. Latè ad Sidonium id monstrat Sauar. lib. 4. Epist. 11. versiculo *Nam de Pontificijs &c.* Et ut innumera similia testimonia præteream, creditus Augustinus q. 101. ex utroque Testamento mixtum, disputans contra quendam Falcidium, Leuitas Sacerdotibus exæquantem, probat ex Apostolo, Presbyterum siue Sacerdotem dici, qui est Episcopus. [Quid est enim Episcopus, nisi primus Presbyter, hoc est summus Sacerdos? Denique non aliter quam presbyteros hic (*Episcopus*) vocat consacerdotes suos.] Non vult asserere, quod aliqui affingunt D. Hierony-

ronymo, Presbyterum & Episcopum vnam rem esse, solo honore & gradu humano differentem; sed ita locutus est, quia ut præmiserat, [Maior ordo intra se & apud se, habet & minorem. Presbyter enim, & Diaconi agit officium, & Exorcistæ, & Lectoris. Presbyterum autem intelligi Episcopū probat Paulus.] Itaque hic Auctor, perspicuè agnoscit ordinem Episcopi esse maiorem; quamuis quia idipsū potest Episcopus quod Sacerdos, dicatur ipse quoque, *Sacerdos*, non tamen qualiscunque, sed *Summus*. Ita quidem iuxta antiquum usum: quamuis iampridem appellatio *Summi Sacerdotis*, æquè ac *Summi Pontificis*, restricta est ad omnium Episcoporum supremum sive *Romanum*.

Sal omnium Ecclesiarum.. Io. Sarisber. Epist. 129.

Allegat hoc decus Romanæ Ecclesiæ, & Pontificis eam regentis, Ioannes Sarisberiensis, ut monstrat, inde habere, omnia Ecclesiæ membra quod vigeant: Indidemque concludit, necesse esse, omnes incumbente necessitatis articulo ad Pontificem recurrere, ut inde velut condiri ac saporem haurire possint. Facere huc possunt quæ Patres & Doctores circa illud Christi ad Apostolos commentati sunt, *Vos estis sal terræ: & referri quoque ea, quæ circa salem in Baptismate adhibitum differit Iesu Ambianensis in Encyclica S. de sale..* Item quæ de sale in omnibus victimis adhibendo, remoto melle, quondam sunt constituta. Illud, S. Chrysostomus ad putorem arcendum corruptio nemque amouendam pertinuisse, existimauit homil. 15. in Matth. (consentaneè ad Originem, qui homil. 27. in Num. ea ex causa, tentationem, *salem animarum* vocavit, quod putredinem arceat,) & vt Apostoli inteligerent, debere ipsos non sibi duntaxat sapientes esse, sed quod sal habet, defatuare quoque debere omnes; nec id præstandum ab illis palpando & mulcendo, sed (quæ salis propria vis est,) vrendo atque vellicando: nam neque vera sapientia quæ de sursum est, placere affectat, sed ubi opus est, mordet quoque & erodit. De huiusmodi item sapientia
acoi-

accipit Petrus Damiani serm. 64. mandatum Dei de sale omnibus Sacrificijs apponendo. Ut omne boni operis Sacrificium, rationis, discretionis, ac cœlestis sapientia sale sit conditum. Vnde insipientes insultosque dicimus, ait S.Bernardus serm. de obedientia, patientia & sapientia; Quod ergo cœlestem sapientiam à putredine præseruantem, & sancte erudentem, suppeditet omnibus Romanus Pontifex, iure audit *Sal omnium Ecclesiarum*, nec plus potest orbis vniuersus Christianus aditione & consultatione Pontificis carere, quām humana vita, salis vni potest destitui. Speciatim verò Orientales, ut rectè notauit Gennadius ad cap. 5. Concilij Florentini sect. 12. hunc saltem conseruandæ apud eos fidei fuisse, debent agnoscere. Id quod plenè prosequitur Stapletonius lib. 2. de magnitud. Romanæ Ecclesiæ c. 7. Cœterum de salis & Romani Pontificis comparatione, fusè ac pereruditè Bernardinus Gomesius lib. 5. de sale à num. 35. ad 51.

Samuel iudicatu. S. Bernard. 2. de consid. c. 8.

Glorus omnino inter Iudices populi Israelitici fuit Samuel, extra ordinem, à Deo, (quamuis non esset de tribu Leui) annumeratus Dei Sacerdotibus, iuxta illud Psal. 98. ver. 6. *Moyses & Aaron in Sacerdotibus eius, & Samuel inter eos qui inuocant nomen eius.* Vbi Lorinus, varios profert, quibus Samuel tametsi ad summum Leuita, & ex progenie Caäth, non autem Sacerdos progenie, quod vnum euincunt, quæ adducit S. Hieron. lib. 1. in Iouin. cap. 13. dispensatione tamen & ex Dei voluntate extraordinaria, Sacerdos agnoscitur; cuius probitas, & sanctitas in exemplar omnibus Sacerdotibus ac Iudicibus statui potest & potuit. Potestas verò eius, eximia omnino fuit, cui Deus primi & secundi Regis inungendi, & cœterorum in ea gente principalium munerum curam demandauit, vt 1. Regum videre est. Fuisse autem Summum Sacerdotem, quamvis diffitetur Iustinianus prolegom. Paul. disput. 1. c. 10. num. 3. tamen admittit S. Augustinus 2. Retract. c. 55. & 17. Cuiit. cap. 5.

&

& valdè multi Patres quos longo agmine recenset Franc. Bozius lib. 5. de Monarchia c. 17. Hoc de causa S. Bernardus, Romanum Pontificem cum Samuele, penes munus Iudicis quod cum extraordinario Sacerdotio nexum habuit, compositum voluit.

Sanctitas. Theodoretus ad S. Leonem.

Abstractum pro concreto, maioris reuerentiæ gratia, ut sepè in similibus, supra annotatū est. Hodie titulus *sanc*tatis**, ad Summum Pontificem arctatur, nec vlli alteri siue Episcopo, siue Magnati tribuitur. Olim tamen res aliter habuit. Nam S. Augustinus passim, quoscunque Episcopos *sanc*tatis** titulo honestat, nec raro eos quoque qui fidei oblaſtæ erant, quandiu eorum causa non erat desperata, ut notaui in defensione Valeriani Cemeliensis c. 10. ubi de huius olim tituli ad quoscunque extensione plenissimè, In Epistola 1. reclamatoria ad Ludouicum pium Imperatorem, quam Quercetanus tomo 2. Miscellæ suæ Francicæ inseruit, post Epist. Frotharij Tullensis, Auctor agens cum Ludouico Pio, semel & iterum eum vocat *sanc*tatem** *v*er*stram*. Nunc (ut dixi,) usus eam voce in arctauit ad Summum Pontificem.

Sanctitas que caput est omnium Ecclesiarum. Iustinus Senior, ad Ioannem II. Papam, ut est in Cod. Iustinia.

Sanctus, sanctissimus.

Stupendus est stupor nōnullorum quos obiter perstrin-
git Bosius lib. 20. de signis cap. 5. negantium olim Pontifi-
cem Romanum his titulis fuisse decoratum. Quod adeò
luculentum mendacium ex mera malignitate & capitibus
Catholicæ Ecclesiæ odio tam gratis est confictum, ut con-
futatione non egeat, cum nihil frequentius occurrat in
quibusvis antiquorum siue Patrum siue Conciliorum ad
Romanos Pontifices Epistolis, quam iij tituli. Nec mirum
delatos esse Principi Episcoporum, cum apud Cassiodo-
rum, Theodoricus & Athalaricus Reges Arriani, frequen-
ter ijsdem titulis honestent quoscunque Episcopos; quod
item

item passim fieri videmus à Sidonio, & alijs antiquis. Ipse S. Gregorius in Epistola increpatoria ad Ioannem Ieiunatorem, non negat ei talem compellationem *santissimi, & sanctitatis vestrae.* Lib. 4. Registri Epistola 38. indit. 13. Sanctitatis item titulo, Episcopum honestat Innocent. I. Epist. 15. Sanctus verò Chrysostomus in Psalm. 13. expostulat quod Hæretici non vocarent suum Catholicum Episcopum, *Sanctum.* Sed usus inualuit, ut Romano Pontifici speciale esset hoc decus, attenta persona quam sustinet Vicarij Christi, quæ eum obstringit ad omnem Sanctitatem & facit omnibus Sacrosanctum & peruerenabilem, ut ferunt iura quæ ad huius tituli illustrationem addensat Troilus Maluetius lib. de canoniz. Sanctorū dub. num. 16. Pugnat latè pro illo vsu restringendi hunc titulum ad Pontificem Henricus Kaletstein in orat. de libera verbi Dei prædic. in Concilio Basil. *Sub Initium.* Ennodius in Apolog. à S. Petri Romanorum Pontificum primi Sanctimonia, repetit decus hoc Successorum, quantumvis aliquando noxiorum. [Ille (inquit de Sancto Petro) perennem meritorum dotem cum hæreditate innocentiae misit ad posteros; quod illi concessum est pro actuum luce, ad illos pertinet, quos par conuersationis splendor illuminat. Quis enim sanctum esse dubitet, quem apex tantæ dignitatis attollit? In quo si desint bona acquisita per meritum, sufficiunt, quæ à loci decessore præstantur. Aut enim claros ad hæc fastigia erigit, aut qui eriguntur illustrat. Prænoscit enim quid Ecclesiarum fundamento sit habile, super quem ipsa moles innititur.] Hunc locum ex decretis B. Symmachi Papæ allegat S. Gregorius 7. lib. 9. Epist. 21. præmiseratque (quod hanc Pontificum Sanctitatem valde illustrat,) à tempore S. Petri usque ad ipsum Gregorium, Romanos Pontifices fere centum inter Sanctissimos esse numeratos, quoniam à mundi principio non sunt recensiti Reges terræ, qui eximia sanctitate sint celebrati. Imo idem Gregorius in dictato quod extat apud

cum

eum lib. 2. Regini, afferit quemcunque contigerit canonicè eligi in Romanum Pontificem, meritis B. Petri indubitanter effici sanctum. Quod confirmat ex S. Ennodio, ac ex decretis Symmachus Papæ, & potest illustrari ex subita animi mutatione in Felice ac Vigilio, ex quo fuere veri Pontifices. Pugnat latè pro hoc Romani Pontificis titulo contra Vicleffum Thomas Valdensis lib. 2. doct. c. 36. Quod Alexander III. scribens ad Praestianum, eum vocat *Sacerdotum sanctissimum*, spectauit ad morem patriæ, cui Alexander in re humana seruitum voluit, nullo modo cōponens eum qui solus vi muneris est Sacerdotum Sanctissimum cum Rege laico.

Sapientia senilis, Ecclesiae . S. Chrysostom. in Encomio SS. Petri & Pauli .

Omnis quidem Apostoli sunt in Ecclesia, ut senes, de quo Rupertus in cap. 4. Apocal. cum de 24. Senioribus. Tamen peculiari titulo à senectute celebratur S. Petrus qua Pontifex, & eius successores. Nam nihil commendatus est Romanis Pontificibus, quam ut antiquitatem. Doctrinæ constanter retineant, ab actis nouitatibus quas heretici consestantur. In quam rem, luculenter præcæteris, Vincentius Lyrin. in Commonit. cum de S. Stephano Papa. Et sanè nihil esse posse perniciosius quoad dogma, quam si quis nouare audeat, etiam si quoad pleraque alia non sit nouitas improbanda, traditò late in Opere de iusta confixione librorum partit. 1. Erotem. 20. Romanus ergo Pontifex, quia traditæ à Christo atque adeò antiquæ Doctrinæ tenax est, meritò dicitur *sapientia senilis Ecclesiae*. Quamquam non refragabor, si quis id referre malit ad sapientiam planè defœcatam, qualis est senum, atque adeò meritò ab omnibus adeundam gratia exquirendi consilij de fide & moribus. Ludolphus 2.p. vitæ Christi c. 1. vocans Petrum *Seniorem ac Principem & caput aliorum, Seniorem usurpauit pro Domino*. Ea tamen notio ab hoc loco est extranca, quamvis in libris Feudalib. sit promptissima.

Oo

Sa-

Saxum immobile, totius Christiani operis compagem, mollemque continens. S. August. serm. 16. de Sanctis.

Allusio est ad verba Christi Matth. 16. *Tu es Petrus &c.* Et Io. 1. *tu vocaberis Cephas.* Nam Cephas vox est Syriaca (quod erat Christi Domini idioma,) significans saxum seu rupem immobilem. Hallucinantur autem, qui putant *Cephas* esse vocem Græcam, & significare *caput*. Nam tametsi Κεφαλή Græcum nomen est, significans *caput*, tamen aliunde ducta est vox Syriaca eique gemina Hebræa, nec *caput* sed *saxum* significat. Incommode igitur Bunderius in Compendio Concertat. tit. 31. artic. 1. prolati SS. Anacleto & Isidoro, probat S. Petrum fuisse *caput Ecclesiæ*, quia dictus est à Christo *Cephas*, siue Κεφαλή id est *caput*. Ad quod etiam Artic. 14. profert Vigilium c. 7, Constituti. Et addendus est Optatus lib. 2. contra Parmenianum ac Gregorius IX. Epistola ad Germanum Patriarcham Constantinopolitanum. Quamuis enim ex eo quod S. Petrus dictus sit à Christo *Cephas*, rectè infertur, eum fuisse *caput Ecclesiæ*, eo quod metaphora saxy fundamentarij, eodem reuelatur, & eundem efficiat sensum; ac si dictum fuisse. *Tu es caput:* tamen in actu signato & hærendo in notionibus immediatis vocum, aliud est *esse caput*, aliud vero *esse Cephas*. Non nego tamen, quod pereruditè prosequitur Turrianus lib. 2. pro Epist. Pontif. c. 3. idem hic proportione contigisse, ac circa vocem *Pascha*, quæ ad transitum pertinet iuxta notationem Hebraicam: & tamen præelecta passim est deriuatio ex Græco, pertinens ad passionem ut Nazianzenus admonuit. Quod ipsum circa Græcas notiones vocis *IESVS*, & vocis *Christus*, obseruant S. Epiphanius & S. Iustinus. Prior enim ad medicinam relata est, posterior ad utilitatem, ut ferunt Græca voces Hæbreis affines. Idem haud incongruè contigerit in deriuatione vocis *Cephas*, ex Græco potius quam ex Syriaco aut Hebræo. In vsu namque vocum, multùm datur consuetudini, quæ sèpè pietatem potius quam Grammat icam consecutatur.

Scho-

Schola Apostolorum Romanae Ecclesiae Orientales, Epistola ad Iulium I. apud Sozomenum lib. 3. c. 7.

Nominis scholæ Apostolorum, intelligi potest, vel Regia, siue palatium regale, quod Apostoli incoluerunt, vel locus traditæ ab Apostolis doctrinæ. Apud antiquos siquidem, *scholam* pro Regio Palatio esse usurpatam, docet Epistola Episcoporum ad Ludouicum Regem Tit. 23. Capitular. Caroli Calui. nu. 12. vbi disertè habetur, Domum Regis dici *scholam*, quia in Domo Regis omnia debent esse correcta. An verò eo referri possit *schola Palatina*, cuius mentio est L. properandum, §. fin autem & §. illo proculdu-
bio ff. de Iudicijs, ita ut corpus illud officialium Palatij, di-
ctum sit Metonymicè nomine *scholæ*, adhibito continente
pro contento, viderint alij. Cum ergo Palatum regium,
dicatur *schola*, haud abs re videri posset, Romanam Eccle-
siam dictam esse *scholam Apostolorum*, quia eam incolue-
rant Apostoli. De B. Petro res est explorata, vt dixi Præ-
notat. 3. Suamque animi emotionem, ac auersam à vero
mentem prodidere Hæretici, qui id diffiteri aut reuocare
in dubium non erubuerunt. S. Paulum Romæ fuisse, ac non
exiguo temporis spatio, liquet ex Actor. 28. De S. Ioanne
Euangelista, idem constat ex immissione eius in feruentis
olei dolium ante Portam Latinam, vt testantur Tertullia-
nus lib. de præscript. Eusebius l. 3. de demonstr. cap. 7. Et
S. Hieronymus: Matth. 20. ac l. 1. in Iouin. De S. Barnaba,
plerique prodiderunt fuisse Romæ, tametsi primusne Ro-
mæ Euangelium prædicauerit, magis ambiguum est. Ne-
gat Baronius 11. Iunij; censet autem non inuerisimile
Massutius lib. 5. vitæ Pauli c. 8. Ex his ergo liquet, Roma-
nam Ecclesiam fuisse *scholam*, siue Palatium, plurimum Apo-
stolorum habitatione nobile. Fuerunt quippè Apostoli,
Reges, iuxta illud de eis Psalm. 67. pronunciatum. *Dum*
discernit cœlestis, Reges super eam. Nec minore iure potuit
Christus, quam Rex ille superbia tumens Isaiæ 10. dicere,
Nunquid non Principes mei, simul Reges sunt? At liquet,

confortatum esse principatum Apostolorum; & hos esse, Deos fortes, idest Principes siue Reges terræ, vehementer eleuatos, & super omnem terram constitutos Principes, ut Chysostomus Psalm. 44. ritè expendit.

Planior & vulgatior scholæ Apostolicæ notio esse videtur, quod sit locus in quo Apostoli docuerunt: quod decus est Romanæ Ecclesiæ à Tertulliano celebratum lib. de prescrip. c. 36. [Fœlix (inquit,) Ecclesia, cui totam doctrinam Apostoli cum suo sanguine profuderunt.] Egregie vero S. Irenæus lib. 3. c. 4. Ecclesiam Romanam vocat [Depositorum diues, in quod Apostoli, plenissimè contulerunt quæ sunt veritatis; ut omnis quicunque velit, sumat ex ea potum vitae.] Ad Romanam quippe Ecclesiam spectare ea Verba, monstrat quod statim subiicit, agere se de antiquissimis Ecclesijs, in quibus Apostoli conuersati sunt: proximè vero capite 3. præmiserat, omnium maximam, & antiquissimam, & omnibus cognitam esse Romanam Ecclesiam, à glorioſissimis duobus Apostolis Petro & Paulo fundatam, & constitutam, & instructam, habentem ab Apostolis traditionem, & annunciatam hominibus fidem. Hunc sensum tituli Pontificij propositi, intendebant Orientales allegati. Nam vox Græca quam Interpres vertit scholam, est Φεωτισμόν, idest Locus erudiens & ex insipiente reddens sapientem. Et idecirco Plato, carcerem vocavit eo nomine. Vide Lælium Bisciolam tom. 1. subsec. lib. 6. cap. 7.

Sedes Apostolica. V. prænotationem 3.

Optimè Innocent. III. l. 3. Epist. 194. de Sede Apostolica expomit quod Ioannes in Apocalypsi habet de quatuor animalibus, plenis oculis ante & retro, quæ erât in medio, & in circuitu Sedis. Ea enim quatuor animalia, interpretatur quatuor Sedes Patriarchales, Sedem Agni viuentis in saecula saeculorum circumeuntes, quasi filias astantes matri.

Sedes sanctissima quæ uniuersali Ecclesiæ iura sua transmittit.

mittit. Ioannes Rauennas Epistola ad S. Gregorium.

Sedes Petri, quæ pastoralis honoris facta caput mundo. Prosper. Carm. de Ingratis.

Sedes toto orbe mirabilis, quæ licet generalis mundo sit praefixa, Romanis tamen cognoscitur localiter attributa. Cassiod. lib. 11. Epist. 2.

Sedes in qua semper extra maculam seruata est Catholica religio. Iustinianus, ad Agapetum Papam.

Sedes non habens maculam neque rugam. Gelas. in decreto de libris Apocryp.

Sedes sancta & summa. S. Bernard. Epist. 180.

Sedes quæ à nemine iudicatur. Concil. Roman. in causa Leonis Tertij.

Sedes princeps, in qua Christus claves fidei posuit, aduersus quas non præualuerunt neque præualebunt portæ inferi.

Theod. Studita Epist. ad Naucrat.

Sedes quæ sacerdotalis mater est dignitatis. Iul. I. Epist. 1. ad Orientales Innocent. I. Epist. inter Augustinianas 91.

Sedes sacratissima, quæ de omnibus Ecclesijs fas habeat iudicandi, neque cuiquam liceat de eius iudicare iudicio; quorumlibet sententijs ligata, Pontificium ius habet soluendi, per quos ad unam Petri sedem uniuersalis Ecclesiæ cura confluit & nihil unquam à suo capite dissidet. Adrianus I. Epist. ad Carolum Magnum. Est 85. in Collectaneis Gretseri.

Sedes unde Religionis nostræ fons & origo manauit. Episcopi Gallicani ad S. Leonem.

Sedes sanctissima, omnium per orbem Ecclesiarum Ducatum & principatum, multis quidem de causis habens, præcipue verò quod heretica labe immunis permanest, & nullus qui contraria sentit veritati, in illa unquam sedet, sed Apostolicam gratiam integrum & immaculatam seruauit. Theodoreus Epist. ad Renatum Cardinalem, est numero 116.

Sedens in principali cathedra Domini. Hildegardis ad Anastasium Papam.

Sedes prima, quæ, & unamquamque Synodus sua auctoritate

ritate confirmat, & continuata mod. ratione custodit, pro suo principatu, quem B. Petrus Apostolus Domini voce perpetua, Ecclesia nibilominus sub sequente, & tenuit semper & retinet. Gelas. Epist. ad Episcopos Dardaniæ.

Prima sedes, absolutè loquendo est Romanatantum, & ita præterea appellatur in titulis Adriani ad Angilramum nu. 3. & in illo frequenter repetito quasi effato de quo infra, in Epilegomenis, **Prima sedes à nemine iudicatur**. Ali quando tamen, in quacunque prouincia, Sedes metropolitana siue Archiepiscopal, appellatur **prima sedes**. Exempla ad id accumulat Garsias Loaysa in notis ad 13. **Concilium Toletanum**; qui inde putat haberi, quem cumque Archiepiscopum, esse primatem suæ prouinciae, quia in sua prouincia est primus omnium Episcoporum in ea sedentium. Ideoque in 2. Concilio Carthag. cap. 12. vetatur, ne quis Episcopus ordinet, inconsulto illius prouinciae primate, quod constat iuris esse Metropolitani, siue Archiepiscopi. Usus tamen inualuit, ut **Primas**, non dicatur nisi qui super plures prouincias siue Archiepiscopatus ius habet, cuiusmodi est Antistes Lugdunensis, Toletanus, & alij. Et hoc sensu Iuo Epist. 61. Hugonem Lugdunensem vocat **primæ sedis Episcopum**. Meritissimè ergo **Sedes Romana**, quæ omnes planè orbis Antistites habet subiectos, dicitur **sedes prima**.

Sedes Iustitiae. Petrus Cluniac. lib. 5. Epist. 4.

Oppressus ab Arelatensi ac Nemausensi Episcopo Iudicibus delegatis Abbas Casæ Dei, ad Summum Pontificem Eugenium prouocauit, & vt de eo ad Eugenium scribit Petrus Cluniacensi; [Ad iustitiae sedem recurrit, ad Patrem ab hostibus fugit, apud vos qui Petri, imo qui illius vices in terris geritis, qui facit iudicium iniuriam patientibus, querelam tantam deponit.] Illustrare præterea hunc titulum licet, prolato alio eiusdem Petri loco ad ipsummet Eugenium lib. 6. Epist. 28. contra violentiam Canonicorum Briuatensium aduersus quemdam Clericum;

vrgens

virgens enim Petrus ad oppressi leuamen Eugenium Papam, quem super quoslibet minores, sed & super ipsos Imperatores imperium habere profitetur, subdit. [Oro ut causam pauperis, vobis assumatis & contra potentes & violentos aduersarios, defendatis. Nostis enim quod sedes vestra, sedes est illius cui dicitur, *Iustitia & Iudicium preparatio sedis tuae*, & cui rursum dicitur, *Iustitia plena est dextera tua*. Et de quo iterum: *Qui facit Iudicium iniuriam patientibus*. Quod si alteri quam vobis loquerer, adderem illud Esaiae, *quarite Iudicium subuenite oppreso, Iudicate pupillo, defendite viduam*.] Idem lib.4. Epistola 4. agens de appellatione Petri Abelardi ad Innocentium II. vocat iustitiam Apostolicam, notum & commune refugium, quod nulli vñquam, etiam extraneo vel peregrino desuit.]

Sedes Beatorum Apostolorum Petri & Pauli. Dorothens Thessalonicensis ad Hormisdam.

Non quod reuera S.Paulus fuerit Episcopus Romanus, & ei succedant Romani Pontifices sicut succedunt S. Petri, quod voluisse videtur Ioannes Capistranus Tract. de potestate Papæ par.3. secundæ partis principalis num.57. Id enim falso est, sed quia S. Paulus totam doctrinam suam cum sanguine profudit Ecclesiæ Romanæ, simul cū S.Petro, vero eius Episcopo, propterea aliquatenus sedes Romana dicitur sedes S.Pauli; sicut quod vbique tanto ardore laborauerit, & cum S.Petro (vt loquitur S.Augustinus serm. 29. de Sanctis.) Fundator Christiani nominis fuerit, ambo dicuntur Ecclesiarum Principes serm.27. de Sanctis, apud eundem Augustinum. Nec aliter accipendum est, quod Petrus Cluniac. libro 5. Epist.5. dixit, Eugenium Papam gerere vices S.Pauli. Itemque quod de S.Paulo dixit his verbis Petrus Damiani Opusc.35. cap.4. [Vnum in Beato Paulo videtur egregium, quia cum omnes Apostoli, distributi terrarum regionibus, proprias obtineant cathedras, iste dum nullam specialiter teneat, videtur

detur aliquatenus communiter omnibus præsidere. Pla-
nè quia ipse toto terrarum orbe, vniuersalem fundauit Ec-
clesiam, dignum est, vt sicut in omnibus fidei semen spar-
git, sic etiam in omnibus iusteneat præsidentis. Dicit enim
ad Corinthios. *Gratia Dei, sum id quod sum; & graecia eius*
in me vacua non fuit; sed abundantius illis omnibus laboravi;
Non ego autem, sed gratia Dei mecum, Ad Romanos autem,
Habeo, (inquit,) gloriam in Christo IESV ad Deum; in obe-
dientia gentium; verbo & factis, in virtute signorum & pro-
digiorum, in virtute Spiritus sancti; Itaut ab Hierusalem per
circuitum usque ad Illyricum, repleuerim Euangelio Christi.
Sic autem hoc prædicti Euangelium, non ubi nominatus est
Christus, ne super alienumfundamentum ædificarem, sed sicut
scriptum est; quibus non est annunciatum de eo, videbunt &
qui non audierunt intelligent. Hæc igitur causa est, cur Pau-
lus nullam specialiter cathedralm teneat, quia si audemus
minora conferre, ad instar Christi, salvo cæterorum Apo-
stolorum iure, videtur omnibus Ecclesijs præsidere.]

Expende particulas diminuentes, aliquatenus, & videtur.
Benè verò quod negat Paulum ullam specialiter propriam
cathedralm tenere. Inde enim habetur, eum non tenere
Romanam particularem cathedralm, tanquam propriam.
Atqui Romano Episcopatui particulari, iunctus & conser-
tus à Christo est Episcopatus orbis vniuersi, quo ius præ-
sidentis omnibus Ecclesijs obtinetur. Igitur S.Paulus etiam
expositis à Petro Damiani, non est dicendus habuisse se-
dem Romanam. Et quamvis tunc cum viuebat, poterat
Romæ, (dummodò Petrus non refugaretur,) quod alibi
poterat; tamen quia ea potestas non erat ordinaria, & cum
iure successionis, sed tantum personalis, sedes Romana
non potest nunc propriè loquendo, dici sedes S.Pauli, siue
folius, siue iuncti cum S.Petro, sed tantum dicenda est se-
des S.Petri. Videsis prænotationem tertiam ad finem.

Semita Sacerdotis, constitutor Ecclesiarū, & Christianitatis,
Prefectus thesauri spiritus. Gabriel Archiepiscopus Nesno
com-

compellant Romanum Pontificem in calce Synodi Chaldaeorum.

Septum medianum Orientis & Occidentis, & tanquam paries intergerinus. Gregorius II. Epistola 1. ad Leonem Isaurum.

Sensus est, Pontificem Romanum vtrique imperio, cum staret, & populis vtriusque oræ, fuisse pacis moderatorem & arbitrum, vt mox ibidem subditur, eoque veluticoagulo, animorum nexum coaluisse. Nihil enim frequentius, quām vt interuentu Pontificum concilietur pax, & ineantur foedera inter Catholicos Principes, pro ea veneratione quam Christi Vicario deferunt qui inter se dissident. Itaque quod Naz. orat. 9. aiebat de SS. Martyribus, eos esse nodos communes orbis terrarum, huc bellè aptari potest. Est item Pontifex aliosensu, paries intergerinus, & septum, medium faciens vtraque vnum; quatenus & Orientis & Occidentis populi, ad eum veluti ad Rubricam fidei & Sanctorum morum configiunt; quodque ille tenendum faciendum præscripsit, vnamiter amplectuntur, seruientes Deo humero vno, & vnam Religionem profitentes sub eius ductu.

Serenitas. Ioan. Sarisber. Epist. 22. S. Bernardus Epist. 166. Ioann. VIII. in Decreto de Sacrilegis, in Concilio Tricassino, Guigo Cartusianus præfatione ad vitam S. Hugonis Gratianopolitani, agenscum Innocentio II.

Non sicut hic Pontificis titulus prætermittendus, vel ut constaret, Romanum Pōtificem numerari inter Reges, vel etiam inter Imperatores, quorum esse peculiarem titulum Serenitatem, si antiquus usus consulatur, est exploratum. Multorum ad id antiquorum testimonia addensat Iul. Bulengerus lib. 1. de Imperat. c. 25. Videtur autem serenitas, pro clementia & imperturbata placiditate usurpari, quæ sunt Regum & Imperatorum dotes propriæ, à quibus sæpe trahuntur denominations. Vnde S. Bernardus Epistola 218. Serenitatem accipit pro benignitate. [Redeat

Pp (in-

(inquit) Serenitas, blando & benigno vultui , ac suo de-
nuò sole lœta facies induatur .] Eodemque sensu Maximus Tyrannus Epistola ad Valentinianum Imperatorem, donat eum titulō *Tranquillitatis* . Potuit item spectari serenatio & exhilaratio qnam vel suo solo conspectu, subie-
ctis conciliat bonus Imperator, præsertim si ea sit facilita-
te qua Titus, generis humani deliciae . Erat enim Tito so-
lemne illud veluti effatum , *Neminem à Principe tristem*
oporteret discedere . Quia ergo Romanus Pontifex maiesta-
te præfulget, & est Rex plusquam omnes Reges, haud abs
re *Serenitatis* quoque titulus in eum cadit . Quamquam
ut eum titulum in sèculo alijs quoque quam Regibus aut
Regia Celsitudine conspicuis, laxato vocis rigore rribuvi-
demus ; ita inter Antistites, S. Anselmus à Valeramo *sereni-*
nissimus dictus est . Nec S. Anselmus qui augustiores titu-
los à Valeramo delatos, puta *Minerua*, & mons. *Celsitudinis*
Vestræ, humiliter repudiat, de titulo *Serenissimi*, sollicitus
fuit, ea ad Valeramum responsione, cui titulus est, de
Sacramentorum diuersitate . Sed & Fulbertus Epist. 57. Epi-
scopum Lexouensem, *Serenitatis* titulo honestat. Guigo
item Cartusianus Epistola ad Petrum Cluniacensem, cu-
jus fragmentum exhibet ipse Petrus lib. 7. Epist. 3. *Serenita-*
tis titulo, donat eundem Petrum . Sicut Hugo Cluniacen-
sis Monachus Abbatem suum, vocat *Serenissimum Patrem*.

*Seruitor aureæ fidei catene, præcepto legislatoris ad nos us-
que deductæ, omnibus B. Petri vocis constitutus. Interpres. Sy-
nodus Chalcedon. Epist. ad Roman. Pontif.*

*Seruus seruorum Dei.. S. Gregorius, & omnes deinceps
Pontifices.*

Arrogantiam Ioannis Ieiunatoris Constantinopolitani
Patriarchæ, qui superbum nomen *Patriarchæ Oecumenici*,
sive *Vniuersalis* assumpserat, modestiæ insigni specimine
contundere volens S. Gregorius, vt scribit Ioannes Diaconus lib. 2. de vita c. 1. & *Anonymous* apud Henricum Cani-
sum tom. 6. antiquæ lection. nec non Aluarus Pelagijs,

lib. 2.

lib.2. de planctu Eccles. c.13. itemque Archidiaconus & Joannes Andreas ad procēdium sexti Decretaliū & Ioannes de Anania ad procēdium primi Uccretalium ac Genbrardus in Chronico anno 604. alijque passim; (malē refragante Francisco Ferrario lib.3. de antiq. Eccles. Epist. c. 1. Eusebium Emissenum tanto anteriorem S. Gregorio, in hanc rem allegante homil. in Dominic. 21. post Peñr. cum ea homilia sit Auctoris Latini longē posterioris:) dimissō eo splendido titulo, quem usurpare iure poterat, in sensu non excludente particulares Episcopos, cœpit usurpare titulum *Serui seruorum Dei*. Imitatione forte Damasi qui se ita inscriperat, rescribens Stephano Carthaginensi, & tribus Concilijs Africanis. Exemplo sanctissimi Gregorij, omnes deinceps Pontifices adhibuerunt eum titulum non iam obiter ut Damasus fecerat imitatione ab alijs nō expressus, sed tanta constantia, ut rescriptum quod eo titulo careat, habeatur adulterinū, ut scripsit Ioan. de Anania ad procēdium libri primi Decretalium. Et quamquam ab eodem S. Gregorio informatus S. Augustinus Angliæ Apostolus, inscribebat se ipse quoque seruum seruorum Dei, vt habent eius acta, id quod etiam sāpē facit Desiderius Caturensis in Epistolis; & eundem sibi titulum adscribir Diedericus Aletensis Epist. 31. inter Gerberti Epistolæ, necnon S. Joannes Eleemosinarius in suo Testamēto, & S. Augustinus in inscriptione Epistolæ 121. quorum vestigijs instituisse videtur S. Bonifacius Epist. ad Fidradum Abbatem, constatque omnes re ipsa posse ac debere præferre quod continetur hoc titulo. Tamen usus inualuit, vt in actu signato, nemo se seruorum Dei seruum appelleret, præter Romanum Pontificem, qui vt ait Gerso lect. 3. de vita Spirit. non ficta humilitate, sed Metaphysica & Morali ac Theologica veritate, seruum se omnium nominat. Consentaneè ad Origenem hom. 6. in Esaiam, & S. Hieronymum in Epitaphio Nepotiani, qui docent, Episcopos ad seruendum non ad dominandum assumi. Quod maxi-

Pp 2 mē

mè valet de Episcopo Episcorum. Explodendus verò est Castaldus lib. de Imperatore q.43. *in fine*, vbi cum Ioanne Fabro ait, Papam per iocum se vocare seruum seruorum Dei. Hoc falsò dicitur, nam ex animo & verè S. Gregorius eum loquendi modum induxit, & usurpant successores. Sicque impletum videmus quod Christus prædixerat, qui se exaltat humiliabitur. Vnde scitè Glossa c. quoties 1.q.7,

Roma tibi quondam suberant Domini Dominorum:

Seruorum serui, nunc tibi sunt Domini.

Sol luce veritatis irradians, in suæ dignitatis ac fidei firmamento. Facundus lib. 12. c. 2.

Sol æterni luminis. S. Maximus Epist. ad Marinum Diac.

Aureum planè & omnino cedro dignum fragmentum huius Epistolæ S. Maximi / non Constantinopolitani Episcopi Anno Christi 380. florentis, vt perperam allegat Onuphrius lib. 1. de primat. Petri parte 1. c. 9. sed Monachi & Martyris anno 656. clari) repræsentare hoc loco iuuat. Exhibit eo loco S. Maximus, Pōtificem Romanum, vt solem æterni luminis, siue eum exhibere velit vt parlion quoddam solis iustitiæ Christi Domini, siue alludat ad Platonicum de sole dictum, quo sol, *Filius boni, & splendor ex æterno Dei lumine procreatus* describitur. Et vero cum Philo lib. de Creat. Princ. Pontificem Hebræorum dicat habere in se verum solem intelligibilem, ac lucem umbra carentem, quis neget idem multo magis dici posse de Pontifice summo Christianismi, in quo lux plena depulsa umbbris ac tenebris micare debet? Adhortans ergo Sanctus Maximus amicum, vt concors, & consentiens Romanæ Ecclesiæ semper persistat, sic ad eum scribit *sub Epistolæ finem.* [Omnes termini terræ, & quicunque ubique terrarum Christum Dominum pura mente & Orthodoxa fide confitentur, quasi ad solem æterni luminis, ad sanctissimam Romanorum Ecclesiam, & eius confessionem ac fidem, intenti respiciunt, ex ipsa rutilante splendorum recipientes spiritualium & Sanctorum dogmatum: quemad-

quemadmodum sex illæ sanctæ Synodi sacræ , & à Deo
dilectæ, disertis verbis , & magna cum religione exposue-
runt, apertissimè pronunciantes fidei Symbolum . Ab ini-
tio enim aduentus Incarnati Verbi, vniuersæ vbiique terra-
rum, Christianorum Ecclesiæ, hanc originem habuerunt,
& fundamentum solum & maximum, contra quod nullo
paeto portæ Inferi præualebunt, iuxta ipsiusinet Saluatoris
nostræ promissionem , vt habeat scilicet claves orthodoxæ
in ipsum confessionis , & aperiat illis qui ad ipsam Roma-
nam Ecclesiam cum pietate accedunt, veram & realem,
& solam pietatem querentes , & claudat è contra , & ob-
struat omne os hæreticum, quod loquitur iniquitatem in
coelum.] Alludit ad hanc solaris lucis in Romano Ponti-
fice sedem, Synodus Chalcedonensis, Epist. ad S. Leonem,
cum ait, Apostolicum radium, suam sedem habere in Ro-
mano Pontifice, idque sèpè sparsum esse in Orientem ..
Recentiore memoria anno scilicet 1610. Melchisedec, Ca-
tholicus idest Patriarcha Armenorum, profitens per litte-
ras obedientiâ Paulo V. per analogias varias viginti qua-
tuor capitibus comprehensas, Romanum Pontificem soli
comparat. Exhibit eam Epistolam Bzouius in Pauli V.
Elogio quod appinxit annalium tom. 17. ad annum 1471.
illius Elogij cap. 27.

Speculator Christiano populo præsidens. Cassiod. libro 11.
Epist. 2.

Omnes quidem Christiani Antistites , consentaneè ad
illud Ezechielis, *speculatorem dedi te domui Israel*, titulum
speculatoris, præferre possunt. Idque quid ferat, egregiè
exponit S. Chrysostomus serm. 57. Tomi V. Græcol. breui-
terque à S. Aucto expressū est Epist. 49. verbis illis. [Specu-
lator sum , tubam teneo, tacere mihi non licet.] Tamen
omnium maximè idem competit Romano Pontifici, vt
diserte docet S. Augustinus libro 1. contra duas Epistolas.
Pelag. c. 1. dicens , omnibus quidem Episcopatus officio
fungentibus cōmune esse, prospectare è specula, vt arcean-
tur

tur lupi ab ouili, sed Romanum Pontificem / cuiusmodi erat Bonifacius ad quem scribebat,) in eo præminere, speculi pastoralis fastigio. Per pulchrè vero Coelestinus I. Epistola 2. ad Episcopos Galliæ, initio, quid hoc titulo Pontificis significetur, expressit, dicens de seipso. [Silere non possumus; cum ad hoc. vt ab illicitis reuocemus aliquos, officijs nostri prouocemur instinctu: in speculis à Deo constituti, vt vigilantiæ nostræ diligentiam comprobantes, & quæ coercenda sunt resecemus, & quæ obseruanda sunt sanciamus. Circa quamuis longinqua, spiritualis cura non deficit, sed se per omnia qua nomen Dei prædicatur extendit: nec notitiam nostram subterfugiunt, quæ in euersionem regularum, nouellæ præsumptionis auctoritate tentantur.] Notitiam videtur sumere pro cura & prudentia: quæ frequens est verbi *noscō*, in scripturis notio; vel certè notitiam accipit, pro prospectu & contitu, qui speculatoris est proprius. S. Bernardus lib. 2. de consider. c. 6. idem speculatoris munus egregiè exponit, dicens. [Blanditur cathedra? specula est. Inde denique superintendis sonans tibi Episcopi nomine non dominium sed officium. Quidni loceris in eminēti vnde prospectes omnia, quis speculator super omnia constitueris? Enim verò prospectus iste, procinctum parit, non otium.] Sic ille alloquens Eugenium. Nec dissimiliter Petrus Cluniac. lib. 2. Epist. 2. alloquens Petrum Lugdunensem Episcopum, ex nomine speculatoris quo donari Episcopos animaduertit, & varijs scripturis demonstrat, è quibus infinitum opus contexi posse contestatur, eruit quanta sollicitudo sit Episcopo necessaria. Vnde excurrit in deterrimam multorum Antistitum sortem, qui nihil minus agunt, quam quod maximè deberent; speculari scilicet & excubare super gregem suum. Id quod Petrus Cluniacensis à Lugdunensi præser- tim Episcopo depositit, quem non tantum Episcopi, sed Primiatis vel Patriarchæ nomine insignitum, ait ut non tantum populi, sed etiam ipsorum Principum se Principem agnosceret.

Hoc

Hoc Episcoporum plurimorum caput; Inter quos, (vt superius præmiserat,) non minimum, imo magnum, & præcipuum, Dei dispositione obtineret locum, ita ut in omnibus Christiani populi spiritualibus principibus, nullum omnino haberet maiorem, nisi sanctæ & summae sedis Apostolicae præfulem. Nimurum iste non aliorum intra paucas prouincias, sed omnium absolute spiritualium principum princeps est, & super omnes planè speculatores, speculator est constitutus. In summa specula possum, dixit S. Athanasius Epistola 2. ad Felicem, inde colligens, eius esse cæteris Episcopis & omnibus Metropolitanis inuigilare atque prospicere. Et eandem ob causam diligentior & ardentior tantòque onerosiore ei incumbit in vniuersam Dei Ecclesiam prospectus. Audi Alexandrum IV. eo diplomate quo proscripsit librū de periculis nouissimorum temporum. [Romanus Pontifex de summi Apostolatus specula urbis & orbis, debita seruitute prospiciens, curis occupatur innumeris, & cogitationibus rapitur infinitis, quia eminentior cæteris sedes eius, sollicitudines sibi vehementiores accumulat, & ipsius auctoritas potior, meditationes ei multiplicat ampliores. Quo enim altius præsidet, eo longius latiusque circunspicit; & quanto plus potest officio, tanto majoris vigilantiae sibi sarcina, incumbente plus pensat, quoniam maxime dignitati potissima sollicitudo cohæret, & altiorem honorem onus grauius comitatur, curaque profusior ardentioribus stimulis mentem urget. Vnde cum alijs plebium fidelium pastoribus quibus grec Dominicus particulariter est commissus, immineat de suarum Ecclesiarum eminentia vigilanter ad suas oves attendere; incumbit vtique Romano, Præfulti, cui est grec ipse generaliter creditus, de sublimi Ecclesiarum vertice, sede scilicet Apostolica, propensiùs ad illum, & instanter intueri: quia cum hi suis limitatis populis præsent, singuli quidem singulis, hic sine distinctione prælatus est Pontifex vniuersis; Dominicæ quidem vicæ custos generalis & cultor, & totius oculis Catholici,

Pasto.

Pastorumque omnium summus Pastor.] Et quidem ex amore Christi, & eius ouium. Nam idcirco Ceretius, Saloniūs & Veranius ad S. Leonem scribentes, aiunt Romanum Pontificem esse constitutum in specula Charitatis. Ex eodem speculatoris titulo, argumentatus Paschalis II. Epist. 3. quæ est ad S. Anselmum, sic ait. [Si nostro silentio pateremur Ecclesiam felle amaritudinis & impietatis radice pollui, qua ratione possemus apud æternum Iudicem excusari, cum Dominus sub specie Sacerdotis dicat Prophetæ, *speculatorum dedi te domui Israel!* Non bene custodit urbem, qui in specula positus, dum non obseruit, eius hostibus diripiendam exponit.]

Possumus hunc Pontificis titulum accipere præterea in eo sensu quem suggestunt verba ista S. Hieronymi ad Heliодorum Episcopum in Epitaphio Nepotiani. [In te oculi omnium diriguntur. Domus tua & conuersatio, quasi in specula constituta, magistra est publicæ disciplinæ. Quidquid feceris, id sibi omnes faciendum putant.] Hæc si de simplici Episcopo verè dicuntur, quanto iustius de supremo? Nam & ipse Rex est in Ecclesia, ad cuius exemplum totus componitur orbis. Reginam alloquens S. Bernardus Epist. 189. [Attende (inquit) Reginam, cuius digna indignaue, non possunt latere sub modio. Super candelabrum sunt ut appareant omnibus.] [Non patitur claritas illa committere quod possit mobilis turba nescire.] Ut in simili ait Cassiod. lib. 3. Epist. 11. Differit luculenter in hanc sententiam Ioannes Sarisberiensis l. 3. de nugis Curial. c. 12. & breuiter id complexus est Guntherus eo Versiculo.

Abscondat solem, qui vult abscondere Regem.

Similiter ergo omnia Regum spiritualium, etiam si arcana videantur, facillimè vulgantur, suntque proinde velut in specula, è qua pateant omnibus, prostentque in exemplum.

Sponsus Ecclesiæ. Concil. generale Lugdun. adductum
cap.

cap. Vbi periculum. de electione in 6. & ibidem c. quoni am,
de Immunitate, & Alensis p. 4. q. 83. membro. 3.

Propriè quidem ac per se primò , sponsus Ecclesiæ est Christus Dominus, vt Baptista admonuit Ioan. 3. Nam & eius semine seu spiritu fecundata Ecclesia , salua integritate , ac proinde sponsa non vxor, gignit Deo liberos, quae de re plenè in Tractatione de Cereo agno c. 1. & 2. Idque volebat S.Bernardus Epist. 237. cum Eugenium moniebat, caueret ne se sponsum Ecclesiæ arbitraretur, qui duntaxat esset sponsi amicus . Tamen qua ratione Pontifex dicitur Pater filiorum quos Christus ex Ecclesia suscipit, nempe extrinsecus per doctrinam & sacramenta , cooperationem aliquam adhibendo ad filiorum Dei procreationem de Ecclesia ; eadem prorsus ratione dici potest sponsus Ecclesiæ, matris eorundem filiorum. Qui enim est legitimus pater filiorum, est sponsus matris illorum . Pulchrè in hanc rem differit S.Thom. Opus. 19.c.4. sub finem. Sànè ob hanc causam S.Ambrosius lib. 2. in Lucam, agnoscit quemcunque Episcopū esse Ecclesiæ suæ sponsum . Exponens enim B.Mariæ cum Iosepho coniugium, & ostendens salua patientis virginitate, prolem inde extitisse, ait. [Verè desponsata, sed virgo ; quia est Ecclesiæ Typus , quæ est immaculata sed nupta . Concepit nos virgo de spiritu, parit virgo sine gemitu : & ideo fortassè S.Maria alij nupta, ab alio repleta, quia & singulæ Ecclesiæ spiritu quidem replentur & gratia, iunguntur tamen ad temporis speciem Sacerdoti.] Id est, sicut in tempore , & quandiu tempus erit, volenturque secula, fiunt connubia, & sponsæ traduntur sponsis; ita ad speciem eius quod fit in seculo & in temporali coniubio , quælibet singularis Ecclesia suo Episcopo copulatur, tanquam sponsa viro . Rata hæc habent benè multi Iuris periti quos adducit Gigas lib.de resid.Episcop. c. 10. inde inferentes, causam cur Episcopus , (non autem inferiores Prælati,) Annulum gestet : est enim Annulus nota coniugij : & ideo ille iam olim dixit omnis annulatus, aut

Q q

Episco-

Episcopus, aut vxoratus. Ad hæc, inde inferentes, Episcopum teneri residere, sicut vir tenetur adhærere vxori suæ. Indidem quoque inferentes, non posse Episcopum ab Ecclesia sua diuelli. In quam rem, argumento præsertim ducto ex hoc connubio, latè differit Vasques 3. p. d. 241. c. 3. excussus à Suare tractatu 7. de Relig. lib. 1. cap. 16. Item inferentes, non licere vni Episcopo duas simul obtinere Ecclesiæ, cum nemini liceat duas simul uxores obtinere. Quanquam quod Gigas, in hanc rem adducit illud Pauli, monentis oportere Episcopum esse vnius vxoris vi-
rum, non est ad mentem Apostoli Bigamos ab Episcopatu excludentis, non autem vnum Episcopatum duntaxat habendum esse, statuentis. De proportione inter huiusmodi connubium Episcopi cum sua Ecclesia, & viri cum uxore, videndus Euaristus Papa Epist. 2. & Turrecremata in c. *sicut vir 7. q. 1.* An autem spirituale hoc connubium contrahatur ante confirmationem, vt multi contendunt cum Hostiensi & Cardinale ac Abbe ad cap. *Cum inter canonicos*, de elect. an verò duntaxat contrahatur accedente confirmatione, vt latè contendit Gigas cap. illo 10. parum refert ad rem præsentem. Satis quippè nobis est, quod Episcopus saltem confirmatus, dicatur sponsus sua Ecclesiæ. Hoc si de quoquis Episcopo rectè dicitur per comparisonem ad suam Ecclesiam cui præest, quidni Episcopus vniuersalis Ecclesiæ, dicēdus cōsequenter sit vniuersalis Ecclesiæ sponsus? Hinc habetur absurdè propositus ac insane Hotomanum, libro contra Bullam Sixti V. cap. 2. effutuisse, vocare Romanum Pontificem sponsum Ecclesiæ, esse Blasphemiam, qua nulla unquam ex Erebo prodierit capitior aut detestabilior, cum id sit Pontificem statuere procum Reginæ & Regi Regum cornua appingere. Responsio uno verbo est: Hæreticus es, gratis furis, & peruersè zetas sponsam Christi, qui ab ea es alienus. Nos neque Reginæ, procum, neque Christo riualem inducimus, qui Christum & vnum, & solum primarium Ecclesiæ sponsum nouimus, cuius

cuius nos Patris semine coelesti satis, & in spem æternæ
hæreditatis ab eo solo obuenturæ, progenitos gratulamur.
Sicut tamen alios suos titulos Christus, qua est erga genus
nostrum benignitate, cum plerisque puris hominibus cō-
munes esse voluit, ac nominatim qua erga Romanum
Pontificem, Vicarium suum gratia plerosque titulorum
sibi principaliter priorum, illi communicare dignatus
est, (vocatur enim Christo ipso auctore, pastor ouilis, & Ec-
clesiæ caput, vtique visibile ac Christo per omnia subordi-
natum:) ita de sponsi Ecclesiæ titulo eide in Pontifici attri-
buto philosophamur, citra Chrlsti iniuriam, imo cum sum-
mo eius honore, & summe erga nos prouidentiæ suspectio-
ne. Differit de hoc Pontificis titulo plenè, Turrecremata
lib.2. summæ de Eccles. à c.27. ad 31.

*Sublimitas cui omnium Ecclesiarum sollicitudo à Deo com-
missa est.* Petrus Cluniac. lib.4. Epist. 10.

Sublimitas Apostolica. Concil. Triburiense c.30.

Successor Petri, in arce summi Pontific. postus. Iuo Ep. 288.

Successor & vicarius Petri Apostoli. S. Anselmus libro ad
tres Valerami qq. initio.

Successor Piscatoris. Hieron. ad Damasum Epist. 57.

Successor B. Petri, cælo tantum debens innocentiam. Ennod.
in Apolog.

Benè & legitimè Rom. Pontifex successor S. Petri voca-
tur, nō modò quia Episcopatui Romano particulari, quem
S. Petrus per seipsum tenuit, ipse quoque specialiter p̄œf̄,
qua ratione Episcopus Ephesinus, est successor S. Ioannis
Euangelistæ, & Hierosolymitanus S. Iacobi: sed etiam quia
S. Petrus subrogatur, cum pari potestate Apostolicæ pleni-
tudinis; quo pacto neque Ephesinus neque Hierosolymi-
tanus Antistes, successit ei Apostolo qui aliquando eam-
dem sedem obtinuit. Auctor Operis de Regim. Princ. l.3.
cap. 10. vocavit quoque Romanum Pontificem Christi
Successorem: vt & Gennadius in respons. pro Synodo Flor.
artic. de Papa sect. 2. quod simpliciter loquendo non esse

Q q 2 affir-

affirmandum, cum Christus eo quod maneat in æternum,
sempiternum habeat Sacerdotium iam supra montu. Et
tradit etiam Lælius Zechius lib. de Republica Eccles. c. i.
num. 4. Quare illius operis Auctorem non esse S. Thomam
qui propriissime loquiseatur, recte statuit Bellarminus l. de
Script. Eccles. in S. Thoma; Impegit vero ad eundem lapi-
dem, & Pontificem S. Petri successorem; Sanctum vero Pe-
trum, Christi successorem appellauit, Henricus Kalteisen
in replica pro Oratione de libera prædicat. Verbi Dei, in
Concilio Basil. S. consequenter replicans inuehit. Sed haec lo-
cationes scatent improprietatibus, ut dictum est. Minus
impropriè Petrus Blesensis Epist. 113. Episcopum Ebora-
ensem vocauit successorem & vicarium S. Petri, non ea
ratione qua Romanus Pontifex successor S. Petri, nec raro
eodem sensu, eius Vicarius dicitur, sed quatenus omnes
Episcopi in suis Diocesibus vocantur ad pascendas Chri-
sti oves, sicut S. Petrus vocatus est ad uniuersum ouile re-
gendum atque pascendum. Quid porro ferat vox suc-
cessoris S. Petri, intelligi potest ex luculenta expressione suc-
cessoris S. Marci, quam exhibuit Naz. agens de S. Athana-
sio orat. 21. [Apostolico (inquit,) & spirituali modo, ad
Marci thronum euhitur, non minus pietatis quam prin-
cipatus successor. Ut enim si hunc spectes, remotissimus
ab eo futurus est, ita si illius rationem habeas; statim illi
proximus inuenietur. Quæ quidem propriè successio exi-
stamanda est. Nam qui eadem fidei Doctrinam profite-
tur, eiusdemi quoque throni socius est: qui autem contra-
riam sententiam tuerit, aduersarius quoque in throno cen-
seri debet. Atque hæc quidem nomen, illa vero rem ip-
sam & veritatem habet successoris. Neque enim qui per
vim irrupit, successor habendus est, sed qui vim percessus
est; nee qui leges violauit, sed qui modo legibus conser-
taneo electus est: nec qui contraria dogmata tener, sed
qui eadem fide præditus est. Nisi quis forassè ita suc-
cessorem dicat, quemadmodum si morbum sanitatis &c. be-
bras

bras luci, & tempestatem tranquillitati, & mentis alienationem prudentiae succedere dicimus.] Quod S. Gaudentius Tractatu in die suæ ordinationis, vocauit S. Ambrosium S. Petri successorem, alio pertinet. Significare enim voluit S. Gaudentius, B. Ambrosium idipsum tunc factum alloquendo populum pro omnibus Episcopis ibi adunatis, quod fecit S. Petrus cum os fuit omnium Apostolorum, respondens Christo pro omnibus. Quæ ratio denominandi S. Ambrosium successorem S. Petri, est planè extranea huic negotio.

T

Tenens principatum sedis in Ecclesia per cunctum orbem patente. Sexta Synodus Epist. ad Agathonem.

Terra super quam fundata est Ecclesia. Origenes in c. 6. ad Romanos.

Terra sancta, locus Petri, locus illius quem constituit Dominus Dominum Domus suæ, principem omnis possessionis suæ. S. Bernardus Epist. 237.

Tbesaurus supernarum potestatum. S. Chrysostomus in Encomio SS. Perri & Pauli.

Dixit hoc de S. Petro prout Pontifice B. Chrysostomus; quia in hac eminentissima orbis præfectura, quæ Angelis olim concredita videbatur, locum occupat supernarum potestatum. Non enim Angelis commisit Deus orbem terræ futurum; hoc est Ecclesiam, sed quāmuis ei adsint tutores ac curatores, præpositum tamen habet solum S. Petrum, eique pro tempore sufficiendos in eodem munere. Itaque concinnè ibidem S. Chrysostomus, S. Petrum vocat Angelorum ordinum expoliatorem.

Thronus supremus verticalis, in quo Christus fidei claves posuit, aduersus quem non præualebunt; usque ad consummationem portæ inferi, ora scilicet Hæreticorum. Theodorus Studita Epist. ad Naucratium.

Trans-

Tranquillitas viæ Christianæ. Gabriel Archiepiscopus Nesno in calce Synodi Chaldeorum.

Tuba Euangelij. Acta S. Agapeti quorum plagula est apud Gratianum c. *Agapetus*, de Consec. distinct. i.

Tuba sanctissimi Spiritus. Theodoretus Epist. ad Sanctum Leonem.

Omnis quidem Christiani Doctores sunt tubæ Spiritus sancti; tum quia per eos insonat verbum salutis nostræ, cuius cura Spiritui sancto appropriatur. Et hac ratione Origenes homil. 7. in Iosue, tubas quibus euersa est Hiericho, Apostolis & Apostolicis viris accommodat. Item Prosper lib. i. de vocat. gent. cap. 20. verba illa Christi, quibus sacri prædicatores ad excitandos fideles vtuntur, *Venite ad me omnes &c.* vocat, *pietatis tubam*, *toto terrarum orbe resonantem*: Tum etiam quia sicut tuba sonum non spargit, nisi inflata à tubicine, ita neque qui alijs studiendis incumbunt, possunt reuera aliquid præstare ad salutem pertinens, nisi mouente Spiritu sancto. Quod circa sacras tibias in simili metaphora pulchre attigit S. Basilius in Psalm. 29. Sunt verò etiam qui legitimè tractant Dei verbum tubicines in bello sacro, ut consideratum est agendo de Christo Rege virtutum, & primario exercituum Dei Imperatore. Tamen hæc omnia antonomasticè & præcipuo quodam iure, cadunt in Romanum Pontificem, cuius solius est proponere infallibiliter sacram doctrinam assistente ipsi ea in parte Spiritu sancto: Et cuius etiam est, omnes ad bellum sacrum contra errores & vitia potenter animare. Vnde si S. Hilarius à S. Hieronymo in Apolog. aduersus Ruffinum, iure dictus est, *Vir eloquentissimus & contra Arrianos Latini sermonis tuba*; Insinuando alias fuisse aduersus os tubas Græci sermonis, puta Athanasium, Nazianzenum, Basilium, & alios: meritò S. Leo, præsertim quatenus Romanus Pontifex, tuba Spitus sancti audire potuit. Neque verò desideratur in hac parte ea analogia, qua tuba bellicum instrumentum est, assumptum ad in-

cen-

cendendos omnes ad prælium. Quod esse Romani Pontificis maximè proprium, Alexandro III. in hunc modum denunciabat Petrus Cellensis Epist. 95. [Sic iam totius nostræ Christianitatis religio intepuit, ut vix in toto grege Christiani populi aliqui inueniantur qui non malint sub fidu & oliua terreni honoris & delectationis delitescere, quām procul odorari bellum, & audacter occurrere in occursum cum filijs Beniamin & dimidia tribu Manasse, expediti, armatis inimicis Christi. Ad vos itaque Pater sanctissime, qui estis in corpore Ecclesiæ caput de quo oleum non deficit, & qui Australe sufflatorium habetis, respicit desides excitare, excitatos verò, ad meliora, & viciniora saluti iuuare & impellere.]

Turris Stabilis. Chrysostomus homilia de Petro & Elia.

Turris fortitudinis. S.Bernardus Epist. 257.

V

Vas Catholicum. Acta S. Agapeti, quorum fragmentum habet Gratianus cap. Agapetus, de consecrat. distinctione 1.

S. Augustinus, SS. Apostolorum Petrum & Paulum collaudans serm. 26. de Sanctis, S. Paulo titulum *Vasis* attribuit, non S. Petro: respiciens ad illud Christi de Paulo, *Vas electionis, est mibi iste;* Cæterum ita nomen *Vasis* exponit, ut iure ab Auctore Actorum Agapeti, potuerit ad Romanum Pontificem, quatenus Pontificem supremum, aptari. Sic enim loquitur S. Augustinus. [Paulus à Domino vas electionis est nominatus. Bonum vas, de cuius plenitudine substantia vitæ populis semper erogatur, & plenum est. Optima Apostolorum nomina, *petra & vas,* necessaria sunt Domui Saluatoris. Domus enim petrarum fortitudine construitur, vtilitate vasis ornatur. Petra ad firmitatem, ne labantur, sustentat populos; vas ad custodiam, ne tententur, operit Christianos.]

Nihil

Nihil expeditius quām perspicere, qua ratione verum sit, plenitudine vasis Catholicī, à Deo in Romana sede prouisi; Domum totam Salvatoris, accipere substantiam vitæ; doctrinam inquam fidei sanam, ex qua iustus vivit: In eodem item, ut in vase ad custodiam teneri Catholicos omnes. Itaque haud absurdè Auctor Actorum S. Agapeti, imitatus fortassis hunc S. Augustini locum, aptauit ad Romanum Pontificem, quod de S. Paulo dictum legerat. Accedit Analogia inter Paulum & Romanum Pontificem in conuersione gentium. Nam sicut Paulus fuit vas electum ad portandum Christi nomen in gentibus, ita Romani Pontificis maximè proprium est, inuigilare gentium conuersioni; idque ut efficerent prisci Romani Pontifices, nulli labori pepercerunt ut diligenter prosequitur Stapletonius lib. 2. de magnitud. Rom. Eccles. c. 5.

Vertex Apostolicus Præsulum. S. Athanasiuscum Colle-
gis, Epistola ad Felicem II. Episcopi Africani ad Theodo-
rum Papam, adducti in Concil. Lateran. sub S. Martino,
Consultatione 2.

S. Petrum, dici *Verticem Apostolorum*, frequens admo-
dūm est. Sic enim præter cæteros eum nominat S. Chrysostomus Homil. 83. in Matth. & homil. de Petro & Elia,
& Auctor Hypomnestici de Anastasio Apocrisario in Col-
lectaneis Anastasij. Proportione ergo, Successor S. Petri,
Vertex Apostolicus denominatus est, præsertim ob conti-
nuatam in eo, Apostolicam verticis Apostolorum potesta-
tem.

Vertex Apostolicus Præsulum, cuius vetera sollicitudo est,
eam mala damnare, quām reuelare laudanda. Episcopi Afri-
cani Epist. ad Damasum.

Vertex Ecclesiarum, super cuius firmamentum, Ecclesia
columnæ, qui Episcopi intelliguntur, confirmatae sunt. S. Da-
masus Epist. 4.

Vertex membrorum omnium Ecclesie. Sanctus Augusti-
nus serm. 124. de tempo.

Idest

Idest caput Ecclesiæ. Vertex, quippè membrorum, & supremum omnium, aliud non est, quam caput.

Vertex sacer, firmamentum à Deo fixum, & immobile, & tituli fidei forma lucidissima. Sergius Cyprius Epistola ad Theodorum Papam, adductus in Concilio Lateranen. sub Martino Consult. i.

Videsis supra V. Firmamentum à Deo fixum.

Vertex sacer & immortalis. Concil. Chalcedon. Sæpe Actionene 8. 9. & 10.

Solus Deus habet immortalitatem, id est Interprete Diu Ambrosio, indefectibilitatem moralem & impeccabilitatem. Ea ergo ratione, Pontifex Romanus in rebus fidei & doctrina morum, dicitur *Immortalis*, quia errare non potest docens è cathedra. Accedit indefectibilitas sedis, quamdiu mundus perstabit. Vno enim aulso Pontifice, prouidente specialiter Deo ad bonum Ecclesiæ, non desicit alter. Itaque sicut olim cohors cui perpetuo sufficiebatur milites cum primùm aliqui obibant, retulit appellationem *cohortis Immortalis*; ita Romanus Pontifex, (quod aliae quædam Ecclesiæ non habuerunt, etiam si Apostolos habuerint Episcopos,) ob perpetuam nec vñquam intercisam successionem, dici potest *Vertex Immortalis*.

Vicarius amoris Christi, ab eo in cælum eleuato relictus.
S. Ambrosius Lucae ultimo. Augusti Tract. 123. in Ioan.

Vicarius Apostolicae Sedis. Symmachus in Apologetico, Gelasius Epist. 8. Concil. Romanū in causa Leonis Tertij.

Non est sensus, Pontificem Romanū tenere vices Apostolicæ Sedis, quæ aliud non est quam auctoritas ipsiusmet Pontificis. Sensus ergo est, Pontificem esse Vicarium, supple Christi, & tenere sedem Apostolicam q.d. *Vicarius Christi qui est in Sede Apostolica.* Et ita quoque accipiens est, ille alias, (quamquam non alias,) titulus, quo Pontifex denominatur, *Vicarius throni Apostolici*, insigni loco Concilij Chalcedonensis, qui habetur apud D. Thomam Opusc. i. sub finem, in hæc Verba. [Si quis Episco-

R. r pus

pus prædicatur infamis, liberam habeat sententiam appellandi ad beatissimum Episcopum antiquæ Romæ, quia habemus Petrum petram refugij, & ipsi soli libera potestate loco Dei sit ius discernendi Episcopi criminati infamiam, secundum elates à Domino sibi datas &c. & omnia definita ab eo, teneantur, tanquam à Vicario Apostolici throni.] Hic locus non extat quidem in vulgaribus Concilij Chalcedonensis exemplaribus. Tamen de fide S. Thomæ allegantis, nemo sanus dubitarit. Præsertim cum Græci quibus cum agebat, nusquam legantur obiecisse, locum esse suppositum. Necesse igitur est, admittere, vel vitio Librariorum, vel Græcorū solito flagitio, locum à S. Thomas citatum intercidisse. Ait Canus 6. de locis c. 6. Iam olim S. Gregorium l. 5. Registri Epist. 14. quæstum esse de huius loci obliteratione siue rasura, facta per Græcos. Sed si tempore S. Gregorij iam facta erat erasio, vbi potuisse eundem locum legere S. Thomas? Deprauatio autem quam S. Gregorius Græcis obijcit, spectat Canonem ab Anatolio subintrusum de prærogatiua Sedis Constantinopolitanæ post Romanam; non autem Canonem propositum de Romani Pontificis supraea auctoritate, tanquam Vicarij Apostolici throni.

Vicarius Christi. S. Ambrosius lib. 10. in Lucam cap. 24. S. Bernard. 2. de consid. c. 8. & l. 4. cap. 7. Eugenius cum Concil. Florent. in literis vñionis.

Confirmant hunc Romani Pōtificis titulum, bene, multi Doctores quos collegit Cenedo 1. Collectaneorum juris Canonici titulo 47. n. 3. Est enim peruulgatissimus. Quanquam aliquando alij Antistes leguntur dicti Vicarij Christi, ut S. Thomas Cantuariensis apud Bleensem Epist. 27. Et in libello supplice Colmæ ad S. Ioannem Alexandrinum in huius Sancti viri historia per Anastasium Biblioth. c. 13. S. Ioānes vocatur Sanctissimus & ter Beatus Pater Patrum, Vicarius Christi. Sed Romanus Antistes, differentius præ alijs omnibus hoc nomen hæreditauit. Non enim ea tantū.

g^e1

generali ratione dictus est Christi Vicarius, qua omnes Antistites ac Sacerdotes exhibent aliquatenus Christū, & qui eos audit Christus audit: sed ea insuper singularissima, quod Christus externa ac visibili cōuersatione à nobis elōgandus, Vices ei suas generaliter super gregem vniuersum cōmisit, cum ea potestatis plenitudine quæ & necessitatibus ouium accommodata, & Vicario Summi Pontificis Christi, esset non indecora: quod solus inter omnes Antistites habet Roman. Pontifex, & propterea à S.Bernardo, *vnicus Christi Vicarius* denominatus est l.2.de consid. c.8. Verbis illis [Discipuli nauigabant, & Dominus apparebat in littore; quodque iucundius erat, in corpore rediujuo. Sciens Petrus quia Dominus est, in mare se misit, & sic venit ad ipsum, alijs nauigio peruenientibus. Quid istud? Nempe signum singularis Pontificij Petri, per quod non nauem vnam, vt cæteri quique suam, sed sæculum ipsum suscepit gubernandum. Mare enim sæculum est; naues, Ecclesiæ. Inde est quod altera vice instar Domini gradiens super aquas, vnicum se Christi Vicarium designauit, qui non vni populo, sed cunctis præesse deberet. Si quidem aquæ multæ populi multi, ita cum quisque cæterorum habeat suam, tibi vna commissa est, grauissima nauis facta ex omnibus, ipsa vniuersalis Ecclesia toto o:be diffusa.] Hoc aliter dici potest, Romanum Pontificem esse vnicum Christi Vicarium generalem, quamuis idcirco non excludantur alijs subordinati & particulares Christi Vicarij, quales sunt omnes Antistites. De hoc munere Vicarij Christi, agnoscendo in Romano Pontifice, insigniter philosophatur Cardinalis Polus lib. de Concilio ad q.23.

Aliò autem pertinet, quod Petrus Blesensis Epistola 91. pauperem quemlibet, ait esse Christi Vicarium. Neque enim Blesensis, spectauit jurisdictionem, ratione cuius Pontifex Maximus dicitur Christi Vicarius simpliciter & absolute; cæteri autem Antistites, cum addito diminuente: sed significare tantum voluit, Christum sibi ipsi, pro sua

R r 2 boni.

bonitate factum ducere , quod fit pauperibus ex Christia-
na charitate , iuxta illud Matthæi 25. quando uni ex min-
mis meis fecisti, mihi fecisti . Ex quo capite , immensam
Christi erga nos cōdescensionem qui se in omnibus egen-
tibus egentem præstiterit , demiratur Saluianus lib.4. ad
Ecclesiam sub medium . Benè etiam S.Chrysost. homil. 15.
in ad Romanos,in morali . Similiter aliò pertinet, quod Ori-
genes hom.22.in Luc. vocat Spiritum sanctum, Christi Vi-
rium, quem ait effecisse, ut qui valles eramus, impleremur,
& montes efficeremur; nimirū exequendo in nobis per suā
gratiā post Christi abscessum ex hac vita mortali , quod
Christus hīc viuens faciendum docuerat; parato ad facien-
dum per sua merita supernatura li subsidio . Quæ vicaria
Spiritus sancti opera, longè alia est quā ea de qua agimus.
Et proportione seruata omnes Apostoli quia post Christi
abscessum , vice eius prædicauerunt & docuerunt morta-
les , dicti aliquando sunt Christi Vicarij . Ita enim loqui-
tur eruditus Ambrosius 1. Cor. 3. &c in caput 1. ad Rom.
Sed qui vices Christi principaliter & antonomasticè tenet,
est solus Petrus , & quilibet pro tempore successor Petri.
Quod denique S.Ignatius initio Epistolæ ad Trallianos;
ait, Diaconum esse Christi Vicarium , sicut Episcopus est
typus Patris æterni , non fert Diaconum esse Christi Vi-
carium eo modo quo nunc loquimur ; sed pertinet ad ho-
norificandum ministerium Diaconi, qui diuinum calicem
populo ministrabat, sicut Christus illū porrexit Apostolis.

*Vicarius Generals Christi, solus in mundo . S.Birgitta.7.
reuelat. c.19.*

*Rectè solus . Alios quippè Vicarios particulares, omnes
legitimos superiores; habet in mundo Christus Dominus,
sed ne mo illi est Vicarius Generalis in mundo toto, preter
Pontificem Romanum . Hinc periuulgatum est apud iu-
risperitos, Christi & Pontificis Romani unum esse tribu-
nal; sicut non nisi unum tribunal est, Episcopi , & Gene-
ralis Vicarij . Multos de Pontifice ita locutos, adducit Ric-
ciullus*

ciullus l. 9. de iure person. extra Ecclesiam c. 2. nū. 11. &c
Hieronymus Gigas l. de residentia Episcoporum cap. 5. ac
Troilus Maluetius l. de Canonizat. Sanctorum dubio 2.
nūn. 10. vbi nominatim adducit Baldum ad l. *Barbarius*
Philippus ff. de offic. Praet. dicentem [Papa est supre-
mus Dei Vicarius, & qui contrarium dicit mentitur.]

Vicarius crucifixi. Petr. Blesenf. Epist. 144. Ioannes Sa-
nisber. Epist. 193.

Vicarius B. Petri. Mathildis Regina Anglorum apud
S. Anselmum l. 3. Epist. 99. Felix II. Epist. 4. ad Zenonem,
Vigilius in Eneyclica ad omnes fideles, Stephan. III. sub si-
nem Epistolæ, datæ nomine S. Petri. Leo IX. Epist. ad Mi-
chaelem & Leonem c. 12. Ennodius in Apolog. c. 4. S. Bo-
nifacius in professione suæ fidei. S. Bernard. Epistola 183.
Arnulphus Lexou. Epist. 19. Idem habetur cap. *Ego Ludo-*
ucus distinct. 63. & cap. *Constantinus dist. 96.* & cap. *quor-*
mies 1. q. 7.

Hic titulus tametsi à multis usurpatus, improprietate
loquendi laborat, ut rectè assérat Strozzius lib. 1. de Vicario
Episcopi q. 3. nū. 7. & F. Nicolaus Eymericus tract. de
potestate Papæ sere Initio, qui M. S. habetur apud Prædi-
catores Auenionenses. Ut autem bonus sensus ei titulo
subsit, accipiens est de Vicario, non qui locum alterius
teneat à quo dependeat, & iurisdictionem adhuc habeat,
sed cui sufficiatur independenter, & cum pari potestate.
Sic filius qui patri subrogatur in munere Iudicis, dici po-
test Iudex vice Patris, ac proinde audire potest eius Vicari-
us; non tamen eo modo, quo Vicarius Episcopi supersti-
tis, dicitur Vicarius eius; quia ita habet cum eo idem tri-
bunal, ut tamen ei subjiciatur, pendeatque ab illo in suæ
iurisdictionis vsu; sed tantum quia post eum gerit munus
illud. Sic Glossa Clement. 1. de Iureit. in verbo *Vicarium*
& Nauar. comment. de Iubileo c. 20. in fine. Imo Suidas
& Phauorinus, hanc esse protritam illius vocis notionem
apud Romanos prodiderunt. *Bικαρίος* ἡ διάδοχος πατέρων
ideft.

idest, Vicarius, apud Romanos successor. Hac ratione S.Cyprianus Epist.67. ad finem, vocat S.Stephanū Papam, Vicarium & successorem SS.Lucij ac Cornelij, anteriorum eiusdem sedis Pontificum; à quibus liquet cum nulla ratione dependisse. Sicut neque nunc Pontifex, vlla ratione dependet à S.Petro, in vsu suæ potestatis. Nec quod sèpè contestatur, se aliquid indicere aut vetare, auctoritate SS.Apostolorum Petri & Pauli, eam dependentiam confirmat. Sensus enim tantum est, edictum vel interdictum quod fertur, manare ab auctoritate Pontificia suprema, qualem habuit ordinariam S.Petrus, extraordinariam vero B.Paulus. Eodem sensu Adeodatus Papa in Priuilegio concesso Monasterio S.Martini; ait, Romanos Pontifices S.Petri, auctoritatem, successione ac vice nactos esse.

Fortassis tamen aliter titulum propositum acciperent, qui cum Iona Aurelianensi lib.2. de Imag. sub finem, arbitrarentur Sanctos Prælatos iam vita functos retinere illam ipsam potestate iurisdictionis qua in hac vita potiebantur. Verba Ionæ excutientis illud Psalmi 44. à Claudio Taurinensi allegatum, *pro patribus tuis nati tibi sunt filii*, ita habent. [Nec tamen credendum est, vel istos, (vice iustorum defunctorum substitutos, à quibus S.Ecclesia pastorali auctoritate gubernatur,) percipere prædecessorum dignitatem, nisi in quantum æquitatis libramen tenuerint: nec illos amittere iura iudicaria, cum hominem exuentes ad vitam transeunt potiorem.] Iuxta quam doctrinam, Pontifex Romanus dici posset Vicarius S.Petri, quia loco S.Petri exercet eamdemmet iurisdictionem, qua S.Petrus absens etiamnum potitur. Qua ratione Vicarius Generalis, superstite præsertim sed absente Episcopo, omnia in Episcopatu administrans loco Episcopi, dicitur eius Vicarius. Hæc tamen explicatio tituli propositi, est omnino repudianda, cum innitatur ruinoso fundamento perseuerantis in Sanctis Antistitibus vita functis eiusdemmet iurisdictionis qua potiti in vita fuerant. Itaque perstatum

dum est in notione proposita tituli prædicti.

Porrò cur ad eò frequenter, & Patres, & præsertim Pontifices, præfecturam S. Petri ingerant, & eius Vicarios esse Romanos Pontifices, ad sensum propositum dicant, nec raro etiam in diplomatibus profiteantur, se auctoritate Beatorum Apostolorum Petri & Pauli aliquid statuere; ratio est, quia ea ratione concredita S. Petro primùm, ac post eum reliquis Pontificibus, suprema in Ecclesiam potestas, reuocatur in memoriam, prolatis eius veluti titulis, ac Christi diplomate quod est exhibuit n. S. Petro. Accedit quod ad huius dubij extricationem considerat Nicolaus Eymericus Tract. de potestat. Papæ q. 5. quod S. Petrum, post huius tabernaculi depositionem, vt ipse olim spopondit, cùm omnium fidelium, tūm præsertim suorum in sede Pontifica successorum, singularem ac præcipuam habere curam & suis apud Deum precibus curare, vt non deficiat in sede sua fides vera, persuasissimum omnibus semper fuit. Itaque quoadmodò videtur in successore viuere, & cum eo regere Ecclesiam, iuxta illud Sancti Leonis serm. 2. de sua assumpt. [Qui (*S. Petrus*) nunc pleniùs & potentius ea quæ sibi commissa sunt peragit, & omnes partes officiorum, in ipso & cum ipso per quem est glorificatus exequitur.] Nec ita multo post. [Cuius in sede sua viuit potestas, & excellit auctoritas.] Subdit denique [in persona humilitatis meæ, ille intelligatur, ille honoretur, in quo & omnium pastorum sollicitudo cum commendatarum sibi ouium custodia perfuerat, & cuius etiam dignitas in indigno hærede non deficit.] Apertissime quoque Petrus Chrysol. in Epist. ad Eutych. [Beatissimus Petrus qui in propria sede viuit ac præsidet, præstat querentibus fidei veritatem.] Quæ verba mutuatus est Nicol. I. ad Consulta Bulgaro. c. 106. Non dissimiliter Patres primi Concilij Arelatensis in Synodica ad S. Siluestrum sic eum affantur. [Recedere à partibus illis non potes, in quibus Apostoli sedent.] Ob ea ergo quæ dixi subsidia à S. Pe-

S.Petro successoribus exorata à Deo, S.Petrus fictione iuris censetur etiam nunc in sede sua viuere, eique præsidere; atque ita ob reuerentram tanti Apostoli, Pontifex successor, etiam si pari cum eo potestate planèque indepen-
te ab illo (nisi ratione precum, & protectionis,) regat Ec-
clesiam, appellatur *S.Petri Vicarius*, laxato vocabulo. Ali-
ter, sed eodem sensu, idem expressit Pelagius I. Papa Epi-
stola ad Vigilium Episcopum, cum dixit. [Memor sum
me sub illius nomine Ecclesiæ præsidere, cuius à Domino
nistro I E S V Christo, est glorificata confessio, & cuius
fides, omnes quidem hæreses destruit, sed maximè im-
pietatem præsentis erroris expugnat.] Agebat de hæresi
inficiante Patrem & filium esse vnum Deum.

Cæterūm alij aliquando Episcopi præter Romanum,
dicti leguntur Vicarij B.Petri, vt S.Modoaldus in eius histo-
ria l.2. cap.11. & Episcopus Battoniensis à Petro Blesensi
Epist.148. nec non Eboracensis ex eodem Epist.113. Imo
quilibet Antistites à Petro Cellensi l.7.Epst.8. vt ex his eius
verbis apparet. [Quando & vbi simile factum est in re-
gno Franciæ, vt remotis omnibus simoniæ speciebus, nullis
munerum suffragijs incumbentibus, nullis clientum velli-
cationibus pruritum aurium excitantibus, solus Dei ho-
nor, & populi salus, in Episcopali electione quæreretur?
Certè hoc in rationali & superhumerali tuo, (Pater aman-
tissime,) stylo ferreo, vngue adamantino scribetur, quod
in Vicarijs Petri eligendis, nulla te mouet humana gratia,
nullus carnalis affectus, nulla pecuniæ auaritia.] Scribit
ad Villelmum Metropolitanum Senonensem atque Rhe-
mensem, qui alios B. Petri Vicarios non potuit eligere,
quam Episcopos inferiores; quales ibi Petrus Cellensis re-
censet bene multos. Hos ergo vocat *B. Petri Vicarios*. Id
quo sensu dicatur, expositum est V. Successor B. Petri.

Vicarius sanctissimæ sedis B. Petri. Alcuinus Epist.63.
quæ est ad Adrianum I.

Vicarius summus S.Petri, cuius principatus sicut eminet,

ita

ita ab omnibus metuendus est & amandus. Synodus Tarraconensis Epist. 2. ad Hilarum.

Ecclesia tota, est unus Episcopatus uniuersalis, iuxta S.Cyprianum, cuius partes singulæ per varios Episcopos reguntur; Ipse verò totus, S.Petro & eius Successoribus tanquam uniuersalibus moderatoribus est cōcreditus. Si-
cut ergo Romani Pontifices, dicuntur Vicarij S.Petri, ob
eam curam quam S.Petrus adhuc impedit Ecclesie uniuersalis rectoribus sua apud Deum protectione & interces-
sione: ita alij quoque Antistites, in quorum sollicitudinis
partem venit simili modo S.Petrus, dici possunt eius Vi-
carij. Eaque ratione, Romanus Pontifex qui est omnium
Episcoporum summus, dici potest *summus S.Petri Vicarius*,
id est supremus inter S.Petri Vicarios. Hincmarus Opuscu-
lo 45. Capitum c. 16. vocat *specialem S.Petri Vicarium*.

Vicarius Apostolorum in sede B. Petri: Luitprandus l.6.
rerum per Europam gestarum in vita Othonis Primi.

Vicarius SS.Apostolorum Petri & Pauli. Episcopi prouin-
ciae Turon. Epistola ad Nomencium, quæ est numero 84.
apud Lupum Ferrariensem. Auctor vitæ Ludouici Pij an-
no 779. & anno 806. Luitprandus Ticinensis lib. 1. rerum
per Europam gestarum c. 8. Vide Superius, V. *Sedes San-
ctorum Petri & Pauli*.

Vicarius Apostolorum. Alcuinus Epistola 27. quæ est ad
Leonem Papam.

Vice Christi fungens & summo Pastorum in Apostolica di-
gnitate succedens. Petrus Damiani Opus. 17. c. 4.

Summus ille Pastorum, est S.Petrus. Nam Christo qui
sempiternum habet Sacerdotium, nemo succedit.

Vices B. Petri gerens, in totius Ecclesie apice sublimatus.
S.Gregorius l.2. Epist. 33. VValafridus l. de rebus Eccles. c. 1.

Vir sedis Apostolicae qui uniuersam plenitudinem Catholicæ
Ecclesie bene dicit, & ordinatè secundum diuinam legem de-
ducit. S.Maximus Epist. ad Petrum illustrem.

Vir Apostolicus & Sanctissimus, tenens primatum in sacris
Sf ordi-

ordibus. S. Eusebius ut refertur in eius Actis.

Videtur Vir Sanctus, Ecclesiam sibi repræsentasse, ut statum Imperij aut Regni, in quo sunt varij ordines, quorum omnium caput est Imperator aut Rex. Et quæ in Ecclesia Imperio sunt varij ordines, quorum caput est Romanus Pontifex. Iustum volumen de hoc imperio & varijs eius ordinibus, edidit superiore seculo Isidorus Isolanus, Breuem summam quæ huic titulo possit esse pro Glossa, accipe ex VV Alafrido lib. de Rebus Eccles. c. 31. rescissis nonnullis. [Ostendamus ordinationes mundanæ sapientiae, in spiritualem Ecclesiam vniuersalis. Rem publicam sacris distinctionibus comunitatas, in similitudinem antiquæ historiæ; quæ vel pecunie Ægyptiorum in usum tabernaculi, vel cedri de Libano cæsa in templi ædificationem profecisse Rahab, quoque, & Ruth, & Achior in numerum populi Dei translati narrantur. &c. Comparetur ergo Papa Romanus, Augustis & Cæsaribus. Patriarcha vero patricijs, qui primi post Cæsares in Imperijs fuissevidentur. Ita & isti, quisatis pauci sunt, primi post trium sedium præsules, habentur. Deinde Archiepiscopos, qui ipsis Metropolitanis præminent. Regibus conferamus, Metropolitanos autem Ducibus comparemus; quia sicut Duces singularum sunt prouinciarum, ita & illi insingulis prouinciis singuli ponuntur. Vnde in Chalcedonensi Concilio iubetur, ne una prouincia in duos Metropolitanos diuidatur. Quod Comites vel Præfecti in seculo, hoc Episcopi cæteri in Ecclesia explent. Fertur enim in Orientis partibus, per singulas vires & præfecturas, singulas esse Episcoporum gubernationes. Sicut Tribuni militibus præerant, ita Abbates, Monachis Athletis spiritualius præesse noscuntur. Quemadmodum sunt in palatijs præceptores, vel comites palatijs, qui sacerdarium causas ventilant, ita sunt & illi quos summos Cappellanos Franci appellant, Clericorum causis Prælati. Cappellani minores ita sunt, sicut hi, quos Vassos Dominicos Gallica consue-
tudi-

tudine nominamus, &c. Porrò sicut Comites quidam, missos suos præponunt popularibus, qui minores causas determinent, ipsis maiora reseruent; ita quidam Episcopi Coëpiscopos habent, qui in rebus sibi congruentibus, quæ iniunguntur, efficiunt. Centenarij qui & centuriones, vel Vicarij, qui per pagos statuti sunt, presbyteri plebium, qui Baptismales Ecclesias tenent, & minoribus presbyteris præsunt, conserri queunt. Decuriones, vel Decani, qui sub ipsis Vicarijs quædam minora exercent, minoribus presbyteris titulorum, possunt comparari. Sunt ipsis ministris centeniorum; sunt adhuc minores qui Collectarij, Quaterniones, vel Duuumiri possunt appellari; colligunt populum, & ipso numero ostendunt se Decanis esse minores. Sunt ipsa vocabula ab antiqua consuetudine mutuata, in qua officia Prælatorum dicebantur ex numero subiectorum. Ut sunt Chiliarchi Græce; Latinè Mille-narij, Centenarij vel Centuriones, Pentacontarchi, vel Quinquagenarij; Decani vel Decuriones, Quaterniones, Duuumiri. Ad honorum similitudinem sunt Diaconi, Subdiaconi, Presbyterorum adiutores in Verbo, Baptismo, &c quotidiano officio. Sunt etiam Archipresbyteri, in Episcopis Canonicorum curam gerentes. Habent & potestates saceruli Consiliarios in domesticis & liberorum pædagogos, suorum, habent ipsis procuratores rei familiaris. Similiter in quibusdam Ecclesijs Archidiaconos quos familiæ respicit gubernatio. Sunt in sacerularibus Quæstionarij, id est quireos examinant. Sunt in Ecclesia Exorcistæ, Dæmonum exclusores. Habent aulæ potentium, Ianitores, habet, & domus Dei Ostiarios. Habet mundus Veredarios commentarienses, Ludorum exhibtores, carminum pom-paticos Relatores: habet Ecclesia Acolythus, Lectores, Cantores, atque Psalmistas.]

In hac VValafridi doctrina & analogia ordinis Ecclesiastici cum sacerulari, difficultatem tantum facit, collatio Patriciorum, cum Patriarchis; quos addit, haberi primos

Sf 2 post

post præfules trium sedium. At qui nam isti trium sedium
 Præfules, præter tres Patriarchas antiquos, Alexandri-
 rum, Antiochenum, Hierosolymitanum? Quomodo
 ergo Patriarchæ, primi post præfules trium illarum se-
 dium? Quod si VValafridus per Parriarchas intelligit qui
 nunc dicuntur *Primates*, difficultas superest, quomodo
 Archiepiscopos qui Metropolitanis præeminent conferat
 Regibus. Nulli enim Archiepiscopi præeminent Metro-
 politanis, præter Primates, quorum præmissa est cum
 Patricijs comparatio, iuxta prædicta. Quoad reliqua,
 non malè cohæret analogia status sacerularis, civilis & Ec-
 clesiastici, Pontifice istius apicem occupante, sicut illius
 verticem tenent Augusti. Et imitarione sanè sacerularis di-
 spositionis Magistratum vel Sacerdotiorum Ethnicorum,
 cōstitutam esse in varijs ciuitatibus ex varijs Ministris Hie-
 rarchiam sacram, differit oprimè S. Leo IX. Epist. 4. quæ
 est ad Petrum & Ioannem Episcopos, & fauet Clemens
 Rom. 2. Constit. c. 52. Ex eiusdem Clementis & Anacleti
 Epistolis, idem tradit Hincmarus in Opusc. 45. Capitum
 c. 16. & 25. Videsis Platinam in vita S. Eleutherij Papæ &
 Lazio lib. 2. Commenrar. Rom. Reipub. Nec colliditur
 cum hac doctrina, quod fusè probat Marcus Antonius Ca-
 pellus disput. de Successione Romani P̄tificis in Pontifi-
 catum S. Petri c. 3. negans Ecclesiasticam politiam & eius
 diuisionem, admensam fuisse politiæ & diuisioni Imperij
 Romani. Agit enim ibi contra Sectarios Ecclesiasticae
 monarchiae Romanæ infestos, & contendentes translato
 Byzantium imperio, translatum eodem esse caput Eccle-
 siæ. Hoc meritò reiicit Capellus, non autem aliqualem
 vtriusque politiæ & diuisionis proportionem, quam cum
 VValafrido admisiimus.

EPI